







12. f.





NOTITIA
CONCILIORVM
SANCTÆ ECCLESIAE,

*In qua elucidantur exactissime tum sacri Canones, tum
veteres, nouique Ecclesiæ Ritus, tum præcipuæ
partes Ecclesiasticæ Historiæ.*

AUCTORE
IOANNE CABASSVIO
AQVISEXTIENSI PRESBYTERO.
Congregationis Oratorij Domini IESV.

ILLVSTRISSIMO, AC REVERENDISSIMO D. D.

ANTONIO VIDMAN
PROTONOTARIO APOSTOLICO,
Comiti ab Ortemburg, Libero Baroni ad
S. Paternianum, ac Sumeregg, &c.



VENETIIS, M. DC. XCII.

Apud Antonium Bortolum.
SVPERIORVM PERMISSV.

Maria De Sola

1882-1883



ILLVSTRISSIMO,

ac Reuerendissimo D. D.



*Euiuisit ex pralo. Illu-
strissime, ac Reuerendissime. Domi-*

a 2 ne,

ne, reuiuiscit, inquam, ex praealo Conciliorum notitia: totque librorum copia per Germaniam, Galliam, Roma, et Venetij diffusa, adhuc orbi non sufficit. Nimirum hoc sibi vindicant non infima nota, sed eximia laudis authores, ut cum eorum exempla scriptorum semel, atque iterum imprimantur; ita auidè suscepta sint, ut ubertas nulla, cumulus nullus satis sit, ut studentium indigentia, ac voto satisfaciant. Haud aliter ac fons, quamuis perenni aquarum effluxu manaret, riguisque humoribus unde quaque circumflueret, deficeret aliquando, quoties ab eo tantum homines siti refrigeria perquirerent. Nec improbanda Lectorum auiditas. Quidquid enim praeclari habent Conciliorum Historie, quidquid mirum perspectum fuit in Pontificum gestis, & notatu dignum in eorum sanctionibus; quidquid victoriae contra Nestorianos, Pelagia-

i- nos, Eutychianos, innumerosque hare-
er- ticos obtinuit Ecclesia; quidquid decre-
is- uerit illa, ut institutiones Christi, di-
i- sciplinamque firmaret, ut Sacrificio-
e- rum ritum, ac dignitatem augeret: om-
o- nia, inquam, in hac Notitia, seu to-
te- tius Orbis Christiani tabula non minùs
satis, quàm abundè intuemur. At
is- quem ad tanti operis tutelam eligerem,
nisi te Illustrissime, ac Reuerendissi-
me Domine, ex cuius animo, fa-
milia, ac stemmate tot decora pro-
deunt. Prima versatur ante oculos familia, cuius origo quamuis anti-
qua, & multo à nobis temporum inter-
uallo discreta, satis adhuc effulget.
Ex illa scilicet cùm Ortemburgensem
Comitatum, Liberum ad S. Paternia-
num Dominium, ceterosque titulos at-
tentè lance perpendimus, quales proa-
uos habueris, intelligimus: eos nempè,
qui præter ea, quæ strenue gessere; can-

dore animorum, consilio, & prudentia
ipsis propemodum Imperatoribus vi-
deantur equari. Quamobrem Lunam,
& Lilia, Alas Aquilasque Stemmatis
scimus, & veneramur. Eadem inde
traducta Venetias, & consanguinita-
te cum primatibus iuncta, Nobilitatis
Venetae florem virtute prolis adauxit.
Hinc Xenodochiorum gesta pia cura,
hinc structa Divis altaria, hinc suppe-
ditata quotannis Virginibus dotes, hinc
alia Religionis opera toto pietatis stu-
dio, maximoque diuitiarum conatu su-
scepta, vix videntibus credenda me-
morantur. Præceteris tamen Illustris-
sima familiae proceribus primum sibi
vindicat locum Eminentissimus Chri-
stophorus S. R. E. Cardinalis, cuius
virtuti dum Sacra Comitia gerendas
Numinis vices destinasset, & Roma
expectando licet exultaret imperio; fa-
ta plerumque melioribus inuida Spem

totius orbis , decusque rapuere . Eadem te , qui eius sectaris vestigia , seruent incolumen , & mitiora tibi reddant , quod illi abstulere . Eximi a de te iam nobis est expectatio . Venustas oris viua oculorum acies , hilaritas vultus , maiestas aspectus , prompti aditus , humanitas summa , hac inquam , tibi parant dignitates , hac tibi sunt ad honores officia . In his scilicet sese animi magnitudo praeferet , & quod alij maximis precibus expostulerent , hoc tibi natura dotibus vindicas . At parua sunt haec , si cum ijs quae acturus es , cum ad virtutem aetas accesserit , comparemus . Cur igitur non auderem tantae indoli , tantum opus committere ? nefas videretur alteri , quam tibi sacrasse . Hoc igitur benigno animo excipias . Maximo sane consilio finit Deus hanc tibi dicari Notitiam , scilicet ut discas Ecclesiae suae patrocinia

*impartire , omnique regimini paula-
tim , atque sine labores assuescas . Hac
dum precor ex animo , nequeo , quin ti-
bi non semper addicam , & subijciam
me*

Illustriss. ac Reuerendiss. Domine

Dedicatissimum , & Humilimum Famulum

Antonium Bortolum ,

L E.



LECTORI.



Aucis præmonendum te Beneuolum
Lectorem duxi , quæ fuerit huiusce
Operis origo , & ratio . Cùm me co-
mitem secum proficisci iussisset Ro-
mam Patronus , ac Dominus meus
meritis æquè , ac dignitate Eminentis-
simus Hieronymus Grimaldus Aqua-
rum sextiarum Archiepiscopus , Princeps generis
splendore, ingenij dotibus, morum sanctitate, rerum-
que publicè gestarum in Italia , Gallia , & Germania
meritis eximius , meque in suas ædes , & quotidianum
conuietum asciuisset, id quod mihi suppetebat Roma-
na in Vrbe ocium mensium circiter duodeviginti di-
uersis studijs impendi : sed his præsertim quæ ad Ec-
clesiasticam disciplinam, tùm veterem, tùm recentio-
rem pertinebant . His incumbens studijs nonnulla
conscripsi ad meum vnus vsus circa plerosque sa-
crorum Conciliorum Canones . Quam lucubratio-
nem subodoratus vnus aliquis ex eiusdem Cardinalis
familia Presbyter Theologus , meum ipsum autogra-
phum à me precariò exegit, sibi que transcripsit, & po-
itremò regressus Aquas sextias amicis suis vitrò im-
pertiuuit, & hi similiter alijs communicarunt: adeò ut,
me

me infcio , innumera fuerint à multis apographa descripta , quæ per manus multorum diuersis locis excurrerant, me admodum ægrè ferente , & passim (vti res erat) commonente nihil esse præter rudem delineationem, & opus prorsus imperfectum , confusum , indigestum . Quis verò nesciat maiorem exigi sollicitudinem in ijs quæ luci publicè destinantur , quàm in ijs quæ priuatim cum illis communicamus , qui nobis arctiori necessitudine coniuncti sunt: sic etiam vsu venire solet hominibus , vt in priuato conclauo eo se habitu familiaribus conspiciendos exhibere non refugiant, quo tamen in publicum prodire omnino detrectarent . Familiaribus, & intimis sodalibus, vel nugæ nostras , & quisquilias commonstrare delectat : sed in lucem publicam nihil quidquam nisi ex cultum , & elaboratum vir sapiens protulerit . Quia tamen nihil ò secutis haud pauci qualiscumque istius Operis editionem fieri vrgebant- , meque etiam inuito se in publicum edituros . nisi ego curam istam susceperem comminabantur . Illorum vt obfisterem conatui , conceptam ab illis indebitam præcepti huius , & immaturæ lucubrationis existimationem ex eorum primùm animis delere studui , & pollicitus sum me id genus Operis accuratius elucubraturum, & pleraque emendaturum ex illa pristina compositione, quæ iam mihi impensè displicebant . Hac ratione adductus manum operi vltimam admoui , melioremque in formam redactum viris aliquot eruditissimis explorandum , & examinandum tradidi , qui etiam me renitentem ad publicandum impulerunt , adhibitis quoque Superiorum iussionibus , quibus obfistere non licuisset . Iam igitur pristina huiusce Laboris rudimenta , & exemplaria, vt foetum aliquem informem , & abortiuum ab dico : solumque assero , & agnosco istud opus quale nunc prodit . Cui hoc idem contigit quod naturæ operibus , quæ à rudibus exordijs per diuturna incrementa in-

for.

formam perfectiorem assurgunt : testante Gregorio Niceno , quo eruditorem Philosophum inter sanctos Patres neminem habet Ecclesia : ἀπὸ τῶ μικροτέρων τὸ τέλειον ἢ φύσις ποιεῖται τὸν ἄνθρωπον , à minoribus ad id quod perfectum est natura progreditur . Cæterum in ista Conciliorum discussione , tria potissimum præstare studui . Primum quidem historiæ Ecclesiasticæ mediocrem notitiam, deinde sacrorum Canonum illorum cognitionem quibus Ecclesiæ ordo , & disciplina stabilitur , quos alijs etiam parallelis , & conformibus tum sacris , tum prophanis Imperatorum Romanorum, nonnunquam etiam Franciæ Regum sanctionibus locupletavi ; producta etiam praxi Gallicani fori, ut legenti simul occurrerent quæcumque ius canonicum, ac insuper civiles, seu Romanorum, seu Francorum Leges circa vnam eandemque materiam diversis temporibus constituissent . Postremo suppeditare in animo habui exactiorem priscorum Ecclesiæ rituum cognitionem ex veterum testimonijs haustam. Quam (ut esset vberior) non modò Synodorum canonibus inter serui, sed etiam seorsim plerumque distinctis dissertationibus, & corollarijs fusiùs explicavi . Hoc intendens, ut vel ex hoc vno Libro plena, & cumulata rerum Ecclesiæ peritia possit hauriri. Te verò Lectorem rogatum velim, ut istam qualemcumque operam boni consulas , & quodcumque erratum , vel offenderis, vel suspicatus fueris, pro tua humanitate , & christiana charitate ignoscas . Licet enim quanta valui sollicitudine ad rerum quas hic trado notitiam exactiorem collimauerim , eoque studiosè aciem oculorum intenderim : attamen fieri potuisse , ut pluries à proposito scopo aberrauerim , non dissiteor . Mortalibus enim etiam diligentiam exactiorem adhibentibus , & affectum sincerum præstantibus subrepat plerumque inscitia, & caligo solet offundi . Ignoracionis enim error humanus est , ut ait in Libro de Synodis

Hilarius . Ideòque venia dignus , & ignoscendus ?
Neque minùs verè,quàm modèllè Iustin. Aug. in præ-
fatione pandectarum Iuris ita proficitur : *Omniū ha-
bere notitiā , & penitus in nullo peccare , diuinitatis magis,
quàm moralitatis est .* De cetero hæc omnia iudicio Ca-
tholicæ Ecclesiæ , quam cum Apostolo agnosco , &
constanter profiteor, columnam esse, & firmamentum
veritatis, quàm lubentissimè subijcio .

Et quia me procul absente typis editum est istud
opus, ad fidem exemplaris aliena , qua vti necesse ha-
bui, manu descripti; iure à te peto, & rogo, vt iudicio
suo suppleas , nec mihi ascribas typis imputanda er-
rata, quæ corrigere per absentiam non valui .





I N D E X

CAPITVM HVIVS OPERIS.

Cap.1. C oncilia Apostolorum,	pag.1
2. C oncilia reprobata circa Baptismum ab hæreticis collatum.	9
3. Appendix ad præcedentes Synodos. Discutitur autoritas Canonum Apostolis attributorum.	12
4. De tribus Synodis Antiochenis.	14
5. Concilium Sinuessanum.	15
6. Concilium Eliberinum.	16
7. Concilium Ancyranum.	22
8. Neocaesarense Concilium.	23
9. Concilium Arelatense primum, aliaque in Donatistas.	25
10. Nicæna æcumenicæ primæ Synodi historia.	29
11. De Ordine, & Confessu Patrum tum in Nicæna Synodo, tum in alijs insequentibus æcumenicis.	33
12. Vicariorum Romani Pontificis differentia.	39
13. De Loco Synodi Nicæna, &c.	41
14. Ad Nicenos canones I. & II.	42
15. Ad Nicænum canonem III.	44
16. Ad Nicænum canonem IV.	50
17. Ad Nicænos canones V. VI. & VII.	54
18. Ad canonem Nicænum VIII.	59
19. Ad canones Nicænos XI. XII. & XIV.	61
20. Ad Nicænos canones XV. XVII. XIX. XX.	66
21. De numero canonum Nicænorum Diatriba.	69

Index Capitum.

22. Concilium Romanum sub Siluestro Pontifice.	75
23. Gesta per Arianos contra Nicenam Fidem sub magno Constantino, & de Tyri Conciliabulo.	78
24. Gesta ab Arianis post magni Constantini excessum.	83
25. Synodus Gangrensis.	87
26. Concilium Antiochenum.	91
27. Diatriba de Prouincijs Ecclesiasticis.	97
28. Prosecutio canonum Antiochenorum.	103
29. Synod. æcumenica Sardicensis.	106
30. Conc. Carthaginense sub Iulio Papa quod primum dicitur.	109
31. Ad præcedentem canonem V. Diatriba, quisnam olim habitus fuerit, aut quis nunc habeatur proprius Clerici cuiusque Episcopus.	110
32. Mediolanensis Concil. I. & II. Noua Orthodoxorum Episcoporum dubia, & Ecclesiarum ab Arrianis Clades.	115
33. Concilium Sirmiense, & Ancyranum.	123
34. De Conciliabulis Ariminensi, Seleuciensi, & Constantinopolitano.	126
35. Synodus Laodicensis.	132
36. Diatriba de Eulogijs ad Laodicænum canonem XIV.	137
37. Prosecutio Laodicænorum canonum.	139
38. Synodus Alexandrina sub Liberio Papa.	153
39. Synodus æcumenica II. & Constant. I. simulque Romana sub Damaso Synodus.	156
40. Concilium Taurinense.	170
41. Concilium Carthaginense IV.	173
42. Appendix ad canones Ordinationum præcedentis Concilij.	185
43. Concilium Carthaginense V.	194
44. Dissertatio de litteris formatis.	195
45. Prosequutio canonum Carthaginensium.	199
46. Hæresis Pelagiana historia.	ibid.
47. Concilium Mileuitanum.	208

Index Capitum :

48. De Concilio Plenario Affricano , & Carthaginensi VI.	
49. Concilium Toletanum I.	217
50. Synodus Ephesina Oecumenica.	220
51. Concilium Arausicanum I.	225
52. Conc. Vasense, seu Vasionense.	229
53. Concilium Arelatense II.	230
54. Concilium Nannetense.	230
55. Synod. Chalcedon. Oecumenica.	231
56. Diatriba de veterum Ecclesiarum situ , partibus , & forma.	246
57. Concilium Arelatense.	259
58. Concilium Agathense.	261
59. Dissertatio de Laica, & de peregrina communiome.	264
60. Prosecutio canonum Agatensium.	268
61. Concilium Aurelianense I.	272
62. Concilium Arausicanum II.	274
63. Concilium Lugdunense I.	279
64. Concilium Turonicum II.	281
65. Concilium Toletanum III.	285
66. Concilium Matisconense II.	286
67. Concilium Consti & inter acumenica V.	288
68. Concilium Toletanum IV.	303
69. Synodus Cabilonensis.	308
70. Synodus sexta acumenica.	320
71. Appendix ad sextam Synodum , ac dissertatio de dyprichis Ecclesie.	338
72. Synod. quinisexta in Trullo.	341
73. Septima Synodus acumenica, Nicæna secunda.	350
74. De Synodo Francfordiensi, Librisque Carolinis.	362
75. Concilium Vormatiense.	364
76. Synodus acumenica octava, & Constantinopolitana quarta.	366
77. Aliquot Anastasiana editionis canonum discussio.	376
78. Dissertatio circa quædam impedimenta ordinum dirimentia apud veteres , qua nunc temporis minimè dirimunt.	

Index Capitulum 7

79. Conciliū Triburiense .	388
80. Gallicana quadam Consilia in causa Nuptiarum illegit. Philippi I. postmodum Philippi Augusti Regum Franciæ celebrata, Ostione, Claromonte, & Diuione .	393
81. Conciliū æcumen. IX. seu Lateran. sub Calisto II.	395
82. Conciliū æcumenic. X. seu Lateran. II. sub Innoc. Pa- pa II.	401
83. Conciliū generale XI. seu Lateran. III. sub Alexandro III. Pontifice .	403
84. Concil. generale XII. Lateranen. IV. sub Pontifice In- noc. III.	408
85. Concil. generale XIII. Lugdun. I. sub Innocentio IV.	422
86. Conc. generale XIV. & Lugdunense II. sub Gregor. X.	428
87. Conc. Vienn. Gen. XV.	437
88. Concilia Pisanum XVI. & Constantiense XVII. Gen.	442
89. Concil. Floren. gen. XVIII.	451
90. Conciliū Basileense .	456
91. Appendix ad Concil. Basileense de Annatis .	459
92. Conc. Lateran. V. sub Leone X. generale XIX.	463
93. Conc. Trident. generale XX.	470
94. Diatriba Ecclesiastica circa Tridentinum decretum de vulgata Bibliorum editione .	493



NOTITIA CONCILIORVM SANCTÆ ECCLESIAE,

*In qua elucidantur, exactissimè tum Sacri Canones , tum
veteres , nonique Ecclesiæ ritus , tum præcipuæ
partes Ecclesiasticæ Historiæ .*

APOSTOLORVM CONCILIA.



Ria legimus in Actis Apostolorum
coacta ab ipsis , atque habita Conci-
lia . Primum quidem, quo in locum
perfidii Iudæ Matthias à cœtu discipu-
lorum subiectus est , quò conuenero
numero circiter centum viginti, vt re-
fertur cap. 1. Petrus vt sacri Collegij præses & cœtum
conuocauit, & vniuerso cœtui faciendam electionem
proposuit. Subiungitque sacer Historicus . *Et statue-
runt* (scilicet discipuli congregati) *Ioseph qui vocabatur*
Barsabas qui cognominatus est Iustus, & Matthiam . Nimis
demissè , & abiectè meo quidem iudicio de hac Mat-
thiæ promotione sentit Venerabilis Beda . Scribens
namque in primum istud caput existimat debuisse di-
scipulos per electionem procedere, quæ tutior, atque

rationi, vñbusque, & Canonibus insequentis Ecclesiæ conformis via est, atque in eo culpæ obnoxios fuisse, quatenus omiſſa electione, rem tantam fortibus commiserint, sed tamen aliquam exculationem istam mereri culpam, quia discipulis nondum fuerat Spiritus Sanctus illapsus.

At ex aduerso contendunt ceteri Ecclesiæ Doctores, Origenes, Chrysostomus, Augustinus, alijque, & cum his longè maxima Theologorum insequentium pars, processum à discipulis fuisse per electionem, ac suffragia: & hac ratione constituisse duos præ reliquis Apostolico fastigio digniores esse. Cum autem ambiguum esset vter amborum dignior, ad orationem recurrisse, & ad sortes per Spiritum Sanctum dirigendas. De quibus nunc agendum nobis conformiter ad Ecclesiæ Doctorum mentem.

Præstitit in primis ipsius Ioannis Chrysostomi os aureum loquens audire, dum hoc primum caput explicat. Hic ergo ter asseuerat electionem à multitudine factam, ac initam. Refert verò non ipsa Petri qualia habentur in sacro textu verba, sed ipsorum mentem, ac sensum adhibito eligendi verbo. Hæc igitur Chrysostomi verba sunt. *Quam ob rem exordiens Petrus dicebat: Viri Fratres oportet Eligere ex nobis. Multitudini permittit iudicium, simul eos qui Eligebantur reddens reuerendos, & seipsum liberans ab inuidia, simultateque, quæ poterat à ceteris oboriri. Nam hac semper ingentia gignit mala. Quòd igitur sic oportuit fieri docuit adducto prophætæ testimonio, Ex quibus autem oporteat fieri Electionem ipse interpretatur dicens ex congregatis nobis per omne tempus.*

Libet iam Origenis, qui Chrysostomum ætate longè præcessit, subiungere testimonium, quod his verbis legitur homil. 23. in Iosue: *Inuenio (inquit) quod aliquando, cum deesset numero Apostolorum vnus Apostolus, & esset necessarium in loco Iudæ alium subrogari, conuenien-*

tes Apostoli, qui utique multò sapientiores erant quàm ij, qui nunc Episcopos, vel Presbyteros, vel Diaconos ordinant, Elegerunt duos, & statuerunt in medio, nec tamen de his semet ipsis iudicium permiserunt, ut illum facerent, quem ipsi volebant, sed orantes, inquit, miserunt sortem ex illis duobus, quos statuerant in conspectu Dei, idest Ioseph qui vocabatur Barsabas, qui cognominatus est iustus & Matthiam. Et cecidit, inquit, sors super Matthiam, & annumeratus est cum vndecim discipulis, præcedente namque oratione, non iam casu, sed providentia sors diuinum iudicium defererebat. Ita Origenes.

Testis in medium tertius adducatur Sanctus Augustinus ita loquens in Psal. 3. conc. 2. *Sors non aliquid mali est, sed res est in dubitatione humana diuinam indicans voluntatem. Nam & sortes miserunt Apostoli, quando Iudas tradito Domino periit. Et sicut de illo scriptum est, abiit in locum suum, capit quæri quis in locum eius ordinaretur, Electi sunt duo Iudicio humano, & electus de duobus vnus iudicio diuino.* Sic Augustinus.

Posteriora deinceps sæcula confertissimam testium nubem suppeditant, quam adducere superuacaneum sit, non tamen pigebit, alijs quam plurimis prætermisissis, proferre Nicolaum Lyranum cuius hæc sunt verba, *Et statuerunt duos. Non distinxerunt ab alijs per sortem, sed per Electionem, tamquam magis notabiles in scientia, & factorum Christi experientia. Et paulò post: Et orantes dixerunt tu Domine. Licet enim Istos elegissent ut notabiliores alijs, sicut dictum est, tamen ignorabant quis eorum esset dignior ad Apostolatam. Propter quod implorauerunt super hoc diuinum iudicium per temperationem sortium, secundum quod dicitur Prouer. 16. sortes in sinum mittuntur & à Domino temperantur.* Ita loquitur Lyranus.

Nouissimis duobus sæculis hæc istius loci intelligentia de electione magis inualuit ex Græcarum litterarum peritia quæ carebant anteriores Theologi, tametsi constantes huius assertores. Itaque vbi translatio vulgata dicit & annumeratus est cum vndecim

Apostolis, ipse Sancti Lucæ, quem certum est Græcè scripsisse textus, sic effert: καὶ συγκατελέγησαν μετὰ τῶν ἑνδεκά Αποστόλων. Quæ verba Ioannes Gagnæus Theologus Parisiensis probatissimus iuxta Græci verbi indubitatam proprietatem sic exponit: *Suffragijs, & calculis omnium cooptatus est cum undecim Apostolis*. Franciscus quoque Vatablus Regius Parisijs Professor sacrarum litterarum ita vertit: *Suffragijs additus est ad numerum undecim*. Xantes Pagninus, & Arius Montanus sic transferunt. *Simul suffragijs electus est cum undecim*. Cornelius quoque à Lapide hoc verbum *annumeratus est*, sic exponendum asserit iuxta Græcum Sancti Lucæ Archetypum: *Communibus calculis cooptatus est*. His disertè suffragantur Alfonso, Salmeron, Lorinus. Alios innumeros sileo Scriptores in re adeò protrita, & indubitata.

Illa tamen facta per discipulos electio nihil obest, quò minus Matthias profiteri possit cum Paulo ad Galatas scribente, esse se Apostolum non ab hominibus, neque per hominem, sed per Iesum Christum: cum perspicuum planè sit non ante cœpisse, vel extitisse ipsius Apostolatum, nisi ex quo diuinitus directa fors in eum cecidit. Quis verò neget has ipsas (circa) duos discipulos sortes fuisse ab hominibus datas? cum id liquidò testetur Lucas: Et dederunt (non alij sanè quàm discipuli, qui ipsi homines erant) sortes eis. Et tamen sortes hæ ab hominibus collatæ propius attingunt diuinam illam, & supernaturalem Apostolicæ dignitatis collationem, quàm ista anterior facta ab eisdem hominibus per suffragia electio. Si ergo sortes ab hominibus collatæ nihil obsistunt diuinæ huic vocationi, sed potius inseruiunt; multò minùs obsistent remotiora illa, & anteriùs collata communia suffragia, per quæ duo discipuli reliquis socijs prælati sunt, necdum tamen constituti Apostoli.

Iste nimirum est constans ordo, ac dispositio diui-

næ providentiæ vt causas creatas naturales, & humanas inflectat, dirigat, ordinetque ad sibi propositos quantumvis supernaturales fines. Exercitium prorsus humanum piscandi contribuit vocationi Petri, & Andree, & Iacobi, & Ioannis, quatenus hac occasione illos offendit Christus Dominus, dum ambularet secus mare Galilææ, eosque à piscium captura traducens ad piscationem hominum constituit sibi Socios, & Apostolos. Egressio Samaritanæ mulieris ad hauriendam aquam in ordine diuinæ providentiæ causa fuit per accidens, & externa ad supernaturalem eius, & diuinam conuersionem. Quin etiam peccata ipsa seriem ipsam ingrediuntur diuinæ providentiæ ad eliciendos supernaturales effectus, vnde affirmat Petrus. Act. 2. Christum definito consilio, & præscientia Dei traditum, per manus iniquorum affigentes interemistis. Quod perinde est, ac si diceret: Deum vsum fuisse per consilium altissimæ providentiæ suæ impiorum malitia, quam consultò permittebat, vt sic exequerentur mirificum illud humanæ Redemptionis opus. Si ergo malorum hominum peruersæ machinationes, & flagitia plerumque supernorum consiliorum executioni famulantur, cur non inseruiant ad diuina beneficia, piorum quoque hominum intentiones, & actus?

Sed ne extra Sacrarum Synodorum, in quo versamur, campum diutiùs diuagetur oratio, ipsi sanè Patres, qui in Concilium ad definiendas fidei ambiguitates conueniunt & homines sunt, & humanis rationibus, disputationibus, argumentationibus futuræ circa fidem definitioni præludunt: vt ex veterum, & recentiorum Synodorum actis compertum fit. Ipsa tamen fides, quæ per huiusmodi disceptationes inuestigatur, non syllogismis, non ratiocinationibus, sed reuelatione, qua mentes nostræ supernè illustrantur, nititur & subsistit. Sanè S. Augustinus de Theologia loquens, quæ humanis rationibus res fidei inuestigat, & com-

probat, sic ait lib. 4. de Trinit. cap. 1. *Huic scientiæ tribuitur id quo fides saluberrima gignitur, nutritur, defenditur, roboratur.* Sanctus quoque Ambrosius in cap. 5. Lucæ verba hæc Christi ad discipulos in mari Galilæe piscantes: *Laxate vestra retia in capturam, sic allegoricè exponit. Hæc quæ Apostoli inbeatur laxare retia, verborum sunt complexiones, & disputationum recessus, quibus fideles quos ceperint non amittant.* Quod verò ibi Christus ad Petrum dicit, *Duc in altum, idem sic interpretatur Ambrosius, hoc est in profundum disputationum.*

Recurfus porrò ad sortes in his discipulis non iure reprehenditur à Beda. Certum namque est non modo fuisse apud Hebræos frequentem, sed à Deo etiam vel præscriptum, vel approbatum. Inter duos Hircos, quorum vnus erat immolandus, alter in desertum ablegandus, fors præcipiebatur iacienda, Leuit. 16. Aaron sorte alijs prælatus est ad Summum Sacerdotium ipso Deo sic iubente, Num. 17. cuius etiam iussu Samuel Saulem in Regem elegit per sortem 1. Reg. 10. Terra Promissionis sorte diuisa est inter Israelitas, Num. 25. Sacerdotalia munera sorte obtingebant, 1. Paral. 24. Ideòque narrat Lucas sorte obtigisse vt Zacharias Ioannis Pater thura Deo intra Sanctuarium succenderet. Denique ait Augustinus in Psal. 30. conc. 2. *Sors non aliquid mali est, sed in dubitatione humana res est diuinam indicans voluntatem.* Et allegatur in decreto Gratiani 26. q. 2. c. 1.

In multis casibus sortis remedium iura ciuilia præscribunt. Nam cohæredes inter se sortiri possunt apud quem ex ipsis remansuræ sint cautiones hæreditariæ. L. si quæ sunt cautiones, ff. familiæ erciscundæ, & sortitio hæreditatem diuidit. L. 2. c. quando, & quibus quarta pars debeat. Et in iudicijs familiæ erciscundæ, communi diuidundo, & finium regundorum, quibus confines possessores, vel hæredes, vel socij de partitione decertant, si quærat^rur litis ordinandæ gratiæ
vter

uter auctor sit uter reus, res fortè discernitur. L. sed cum ambo ff. de iudicijs. Et si plures Legatarij inter se circa rerum legatarum optionem dissentiant, fortè dirimitur controuersia. ut ad quem sors veniat, illius sententia in optione præcellat. §. optionis instit. de legat. ait verò Salomon Prou. 18. *Contradictiones comprimunt sors, & inter potentes dijudicat.* Denique sortium alia consultiua sunt quæ solæ reprobantur, alia diuisa, alia electiua. Harum legitimus est vsus, saltem quando aliter ambiguitas non potest commodè expediri.

Secundum Apostolorum cæterorumque discipulorum Concilium refertur Act. 6. ubi collecto per Apostolos discipulorum grege, electi primum fuere septem diaconi communibus suffragijs. Ecclesiastica Hierarchia cœlestem imitatur ut docet Dionysius. Sicut ergo septem Angeli altant ante Deum, Tobia 12. & Apoc. 1. similiter in Ecclesia ante Sacrum altare, & circa Hierarchiam diuinam facientem diaconi septem: quem olim numerum non licebat excedere, ut constat ex Neocæsariensis Concilij can. 15. qui citatur c. diaconi septem, dist. 93. & Cornelius Papa epist. ad Fabium Antiochenum quam refert Eusebius recensens Clerum Romæ consilientem, septem numerat diaconos, totidemque subdiaconos; in Concilio quoq. Romano sub Siluestro I. numerantur diaconi in vrbe Cardinales septem.

Tametsi Diaconi successerint in mensarum ministerium, quo viduæ olimungebantur, non tamen in hac mensarum præfectura stat præcipuum eorum munus. Constituti quippe sunt in altaris ministerium, quod est sublimioris dignitatis. Idque liquidò constat, quia per manuum impositionem cum solemnibus orationibus ab Apostolis ordinati sunt. Act. 6. Vt Apostolis cœtaneus. Ignatius epist. ad Heronem Diaconum, & epist. ad Trallianos tradit officium Diaconorum in eo esse, ut Episcopo & Sacerdotibus sacrifi-

cantibus , & Sacramenta diuina ministrantibus subministrant. Quin etiam in eo versabatur etiam horum officium , vt viuificum Christi sanguinem communicantib. præberent , vt testantur Iustinus Martyr Apolog. 2. Cyprianus serm. de lapsis : & de Sanctissimo Diacono , & Martyre Laurentio idem scribit Ambrosius lib. 1. Officiorum ,

Tertium Apostolorum Consilium fusius describitur Act. 15. vbi vnâ conuenerunt Apostoli , & seniores unanimi sensu statuentes esse fideles immunes à iugo circumcisionis , & Mosaicarum ceremoniarum : tantum vt abstinerent ab immolatis simulacrorum , & sanguine , & suffocato , & fornicatione . Concilium istud Ierolymæ celebratum fuit anno Christi , vt supputat Baronius, quinquagesimo primo. Huic Paulus , & Barnabas interfuerunt ex Antiochia profecti , anno ab ipsius Pauli conuersione decimo quarto, cum scribat Galat. 2. *Deinde post annos quatuordecim iterum ascendi Ierololimam cum Barnaba assumpto, & Tito .*

Grauis hic exurgit difficultas : cum enim hoc ipso Concilio prohibeantur fidelibus carnes idolis immolatæ , quæ Græcè idolothyta dicuntur ; nihilominus Paulus aliquantò post scribens primam ad Corinthios epistolam c. 8. negat eos peccare qui vescuntur idolothytis, nisi vel scandalum ingenerent infirmis , vel erroneè credant ipsi se sic faciendo peccare. Huic nodo conuenientem cuneum adhibet Baronius admonens præceptum de idolothytis , & sanguine , & suffocato non fuisse ab Apostolis impositum vniuersis fidelibus ; sed tantum Ecclesijs Iudææ, Syriæ, Ciliciæque, in quibus orta erat illa, quæ isti Concilio causam dedit, controuersia . Et quidem Synodica epistola, quam refert Lucas, ita inscribitur: *Apostoli, & seniores fratres his qui sunt Antiochie, Syriæ, & Ciliciæ, fratribus ex gentibus.* His ergo, propter Iudæorum conuersorum multitudinem, cum quibus cohabitabant, ad eorum offensionem decli-

clinandam, neue fraterna charitas, & pax interturbaretur, hæc interdicta fuerunt, quæ cæteris fidelibus libera relicta sunt.

Nihilominus præceptum istud à sanguine abstinendi in vniuersam Ecclesiam dimanauit, vsuq; omnium receptum est ita, vt multis sæculis, tam in Occidente, quam in Oriente inualuerit; qua de re consulto, quæ inferius collegi ad Gangrensis Synodi Canonem 2. Chrysostomus homil. 3. in Acta Apost. obseruat in his Concilijs prudentiam, & summam in Petro animi moderationem, qui cum esset Summus Pontifex, & Christusque per vniuersam Ecclesiam Vicarius, & Spiritus Sancti luce plenius illustratus; nihil tamen quidquam per seipsum, aut Iure propriæ quamuis sacrosanctæ authoritatis, & potestatis decernere voluit: tametsi hoc quoque potuisset, sed Ecclesiæ suffragia per istas Synodorum conuocationes exquisiuit. Eamdem animi moderationem, & prudentiam imitati sunt plurimis sæculis Romani Pontifices, quoties grauis aliqua præsertim de fide causa emergebat, vt perspicuum fit ex frequentibus Concilijs olim à Romanis Pontificibus conuocatis, quorum ductu & placito commissum sibi dominicum gregem prouidissimè regebant. Sic verò loquitur Chrysostomus. *ὅρα δὲ πέτρον μετὰ κοινῆς πάντων ποιῆναι γνώμης ἢ δὲν αὐθεντικῶς ἔπει ἀρχοντικῶς.* Intuere Petrum nihil nisi de communi fratrum consilio agentem, nihil verò per imperium, nihil ex propria authoritate.

CONCILIA REPROBATA.

Circa collatum ab Hæreticis Baptismum.

Valeretne Baptismus ab Hæreticis collatus diu magna animorum contentione disputatum est.
In

In primis Africanorum Episcoporum Concilio, cui præfedit Agrippinus Carthaginis Episcopus, decretum fuit nullum prorsus, & inualidum eiusmodi Baptismum esse: Ideoque ab Ecclesia iterandum. Testatur id Cyprianus epist. 71. ad Quintum.

Ipse deinde Cyprianus Carthaginis quoque præsul, hoc idem decretum coactis tribus alijs Africanis Synodis confirmavit: dum regeret Stephanus Ecclesiæ vniuersæ clauū, Imperatoribus Valeriano, & Galieno. Primas harum trium Synodi litteras Synodicas conscripsit Cyprianus. Vide huius epist. 73. ad Iubaianum.

Vt verò decretum istud pleniorē sortiretur auctoritatem, plenior quoq; Africanorum Patrum Synodus ab eodem Cypriano indicta est, conuenientibus vno, & septuaginta Africæ, & Numidiæ Episcopis, qui præcedens decretum firmarunt, & innouarunt. Scripsitque de eo Cyprianus Synodicam ad Stephanum Pontificem, sub cuius finem ne hac occasione schisma nasceretur, ipse contestatur per istud decretum nihil præiudicari aliorum libertati, vt possint oppositam si lubet sententiam sequi, sine vlla Ecclesiasticæ vnitatis labefactione. His verò acceptis litteris Stephanus Papa Synodi huius sanctionem reprobauit, vetuitque ne quis auderet à contraria Apostolica traditione discedere. Huic Stephani rescripto minimè acquieuit Cyprianus, sed contra eum plenam querelarum scripsit epist. 74. ad Pompeium qua Stephanum ipsum tum superbiam, tum imperitiæ, tum imprudentiæ insinuat: qua in re moderationis limites Cyprianus transiit. Quin etiam tertiam sine mora conuocat Africanorum Antistitum Synodum, cui ex Africa, Numidia, & Mauritania interfuerunt Episcopi septem & octoginta. Initio Synodi præfatur non esse dirimendā ab his qui dissentirent communionem, & pacem. Deinde tacito Stephani nomine, ipsum paulo acrius perstringit his verbis; neq; eum se quisquam nostrum Episcopum Episcopo-

rum constituit, aut tyrannico terrore ad obsequendi necessitate collegas suos adigit. Hoc ex loco, atque ex Tertulliani libro aduersus Psychicos cap. 1. ubi Romanum Pontificem *Episcoporum Episcopum* nuncupat conijcitur hunc fuisse priscis illis sæculis vnum ex titulis eius. Istud demum pleniore Concilio præcedentium Conciliorum Africanorum innouatum fuit decretum. Hac sanè in re sanctissimum virum etiam si ista ex officio agere crederet, à noxa non exemerint. Hac in peregrinatione mortali, magna etiam sanctitas non est ab omni culpæ labe immunis. A culpa ista Patres Africanos, & maximè Cyprianum mox resiliisse produnt Hieronymus contra Luciferianos, & Augustinus lib. 2. de Baptis. contra Donatist. c. 4. & epist. 48.

Circa idem tempus altera Synodus hisce Africanis conformis habita est Iconij in Phrygia. conuenientibus eò ex diuersis Asiæ Prouincijs, Episcopis præside Firmiliano Cæsareæ in Cappadocia Metropolitæ: cuius superest inter Cypriani epistolas, ad Cyprianum ipsum epistola 61., ex qua constat fuisse hanc Asianorum Synodum à Stephano Papa damnatam, eiusque Assertores à fidelium communione exclusos. In eundem erroris lapidem impegisse Dionysium Alexandriæ Patriarcham refert Eusebius lib. 7. hist. Eccl. c. 6. non tamen in hunc, aut in Cyprianum Stephanus hanc exercuit seueritatem, reueritus amborum sanctitatem, eruditionem, & dignitatem.

Ex multiplicibus Synodis hisce Africanis, & Asianis, quibus tam eximij, & in Ecclesiæ cælo quasi primæ magnitudinis sidera præ cæteris Illustrissimi Præsules interfuerunt, & tamen iure merito reprobatis à Romana Sede, constabatur illa regula inconcussa, nullam esse cuiuscumque Concilij authoritatem, cui Romanus Episcopus refragetur. Quam rem infra plenius prosequar ad Romanum Concilium sub Damaso Pontifice.

A P P E N D I X

Ad præcedentes Synodos, in qua discutitur Canonum Apostolis attributorum authoritas.

M Irari subit si, quum habita fuere illa de rebaptizandis ijs quos intinxerant Hæretici Concilia, fuerit aliqua Canonum Apostolis attributorum notitia, qui fieri potuerit vt neque à Latinis Cypriano, & octoginta sex alijs patribus quibus præfuit, quorum vota omnia Synodica supersunt, facta vlla mētio fuerit trium Canonum Apostolicorum scilicet 45. 46. & 68. qui perspicuè decernunt inanem esse baptismum ab Hæreticis collatum, cum tamen potuissent hi Canones suppeditare præcipuum sententiæ istorum præsidium, ac munimen. Maximè cum Stephani rescriptum ex aduerso vrgeret ipsam eis aduersantem Apostolorum traditionem. Ipsi quidem Africani recurrunt interdum ad Apostolicam authoritatem, sed illam dumtaxat, quæ ex eorumdem sacris Libris depromitur, quale est Pauli effatum sæpissimè ab eis repetitum: vnus Deus, vna fides, vnum Baptisma. His adiunge Augustinum, qui nec in totis septem Libris de Baptismo contra Donatistas, in quibus fusissimè de hac quæstione disputat, vilius meminit Apostolorum canonis. Imò verò lib. 5. cap. 23. sic ait: *Apostoli nihil exinde præceperunt, sed consuetudo illa, quæ opponebatur Cypriano ab eorum traditione exordium sumpsisse credenda est, sicut multa, quæ vniuersa tenet Ecclesia, & ob hoc ab Apostolis præcepta rectè creduntur, quanquam scripta non reperiuntur.* Hæc Augustinus.

Neque etiā antiquiores Græci canones istos agnouerunt, alioqui namque Firmilianus Episcopus Græcus, & Græcæ Synodi aduersus hæreticorum Baptismum conuocatæ Præses, qui in sua ad Cyprianum epistola, quæcumque potest suæ sententiæ argumenta, pro-

probationesque congerit, hosce Apostolicos canones non siluisset. Scio utique à patribus Græcis interdum Apostolis attribui nonnulla, his canonibus sancita. Verùm hæc ab illis accepta ferūt sancti Patres, nō quatenus in illa vulgari canonum serie continentur, sed quatenus ab Apostolis eiusmodi traditio, & vñs in Ecclesias præsertim Orientales dimanauerat.

Porrò Clementem & natu, & Episcopatu Romanum hos collegisse canones mihi nemo persuaferit; tum quia, vt satis ostendi, canones illi veteribus patribus præsertim Occidentalibus incomperti erant, tum quia in eisdem non pauca damnantur, quæ fuerunt à beato Petro, cuius fuit Clemens discipulus, & Successor tradita Romanæ Ecclesiæ; vt est Canon quintus de vxore Episcopi, vel Sacerdotis, vel Diaconi non dimittenda obtentu Religionis. Et canon 65., quo statuitur pœna depositionis, aut excommunicationis in eum, qui sabbatho ieiunauerit. Qua de re plenius infra disputabimus. Et canon 68. quo eisdem multantur pœnis, qui feria quarta non ieiunauerint. Hosce canones auidè Græci suscipiunt, ex quo se schismate à nobis diuulserunt, vt prætextum arripiant damnandi Romanam Ecclesiam: vt liquet ex schismatica Synodo Quinisexta, quæ magnam his canonibus arrogat authoritatem, & Romanam damnare audet Ecclesiam canonum istorum infraſtricem.

Ex aduerso Concilium Romanum Episcoporum septuaginta sub Gelasio Papa librum canonum Apostolorum pronunciat apocryphum, & allegatur in c. Sancta Romana Ecclesia dist. 15. His adiungenda Isidori censura relata in decreto c. canones dist. 16. canones, qui dicuntur esse Apostolorum, nec receptos esse ab Apostolica Sede, nec Sanctos Patres assensum illis præbuisse, atque ab hæreticis sub nomine Apostolorum fuisse compositos: in eis tamen aliqua vtilia contineri. Marcellus Papa, & Martyr tres Apostolorum

sanctiones perhibet, quarum tamen nulla ad illos vulgò Apostolis adscriptos canones referri potest. Primò, vt vndequaq; à quibuscumque iudicijs liceat Episcopis Apostolicam Sedem appellare. Secundò, vt nulum haberi Concilium possit, nisi de supremæ sedis consensu. Tertiò, vt Episcopi criminum accusati iudicari non possint nisi in Synodo, quæ fuerit Romani Episcopi autoritate indicta. Et Concilium Ancyranum can. ult. allegat canonem prohibentem, ne septenarius diaconorum numerus excedatur. Qui citati canones cum non possint ad eam referri collectionem vulgarem canonum Apostolis attributorum, satis inde arguitur, non esse necessariò referendum ad illam canonum triualem congeriem, quidquid legitur prioribus Ecclesiæ sæculis canonibus Apostolicis attributum, etsi fortasse tale aliquid in ea collectione legatur: in qua etiam complures leguntur supposititij canones Apostolicę traditioni planè contrarij: vt sunt qui rebaptizari hæreticos sanciunt, aut sacerdotem cum vxore coniuere.

De tribus Synodis Antiochenis.

TRia memorantur Antiochena Concilia, quorum priora duo fuerunt contra Paulum Samosatenum Antiochiæ Patriarcham, impiè asserentem de Christo nihil fuisse quàm merum hominem. Primùm quidem conuenerunt Antiochiæ Præsules Asiani sub Imperio Gallieni, inter quos existit, celeberrimus ille Neocæsareæ Ponti Antistes Gregorius Thaumaturgus, & Firmilianus Cappadocum Metropolitæ, anno octauo postquam fuerat à Stephano Papa de fidelium societate excisus. Quod argumentum est, Firmilianum postmodo ab errore resipuisse, alioqui non admittendum in legitimam Synodum. In hac damnatus est Paulus. Qui tamen subdole pœnitentiam si-

mu-

mulauit, & palinodiam dixit. Idem tamen, digressis in proprias sedes Episcopis, vitæque functo Thaumaturgo, laruam deposuit, & peruersum dogma pertinacius asseruit.

Quocirca Episcopi Asiæ secundam Antiochiæ Synodum celebrarunt, in qua Paulus denuò condemnatus, & sede deiectus. Sed parere recusans, & suorum factione munitus, Patres necessitate adegit interpellandi ethnicum Imperatorem Aurelianum, brachij secularis auxilium ad sanctissimi decreti executionem implorando. Aurelianus causam iudicio Romani Episcopi Dionysij commisit, qui re penitus explorata, Paulum iustè depositum declarauit. Id iudicium Imperator executioni demandari iussit, & Paulum eijci. Legendus Eusebius lib. 7. hist. Eccl. c. 24.

Tertium denique Antiochiæ Concilium habuerunt Ariani tempore Constantij Principis, de quo inferius suo loco.

CONCIL. SINVESSANVM.

QUum Romanæ præfesset Ecclesiæ Marcellinus, desæuiente atrocissima Diocletiani persecutione celebratum Concilium fuit in quadam Synuessæ crypta circa Marcellini causam, qui ethnica crudelitatis metu idolis thura adoleuerat. Erat Sinuessæ Campaniæ oppidum, quod nunc vocari perhibent *Rocca di Mondragone*. Istud Concilium refert Baronius in annum 303. eiusque acta ut vera, germanaq; admittit; fatetur tamen aliquot mendis vitiata. Idem coniicit indictam fuisse Synodum istam à Romano Clero, ad quem totius Ecclesiæ spectabat regimen ac sollicitudo in defectum Romani Pontificis, ut ex multis liquere potest Cypriani litteris. Hic verò nouum, & antea inauditum

periculum vrgebat, ne Pontificis summi lapsus totius Ecclesiæ ruinam secum traheret, aut exitiale schisma inueheret. Non enim fuisse à Marcellino Synodum conuocatam conuincitur inde, quia culpam suam prorsus negauit coram ipso Concilio, donec productis pluribus testibus, iam amplius dissimulare non valens, suum postremò delictum profusis lacrymis confessus est: neque dignum se esse qui versaretur in ordine Sacerdotali. Cui Patres responderunt: ore tuo condemnaberis, quia prima sedes non iudicatur à quoquam, vt legitur in huiusce Concilij actis. Meminerunt pariter Anastasius in Marcellino, & Nicolaus Papa I. epist. ad Michaellem Imperatorem. Cæterum Marcellini lapsus non fuit infidelitas erroris in intellectu, sed pusillanimitas contra debitam fidei professionem, qualis fuerat triplex Petri negatio. Sed hanc ruinam Marcellinus paulò post Martyrio reparauit.

CONC. ELIBERINVM.

Sicut Diocletiani cum Maximiano, & insequentium Imperatorum Galerij, Maxentij, Maximini, atque Licinij persecutio multis fuit occasio triumphij; ita plerosque ex opposito impulit in ruinam. Quare Patrum sedulitate multis locis prouisum fuit circa lapsos. In Oriente quidem per Synodum Ancyranam, cui Vitalis præfuit Antiochiæ Patriarcha, & per Synodum Alexandrinam, in qua Petrus Alexandriæ Patriarcha, & deinde sub Maximino Martyr suos edidit canones pœnitentiales circa lapsos. In occiduis plagis pariter circa lapsos prouisum est per congregatum Eliberi Concilium, quæ est Hispaniæ Bæticæ ciuitas dicta vulgo *Elnira*. Huic subscribere inter alios Osius ille Cordubæ Episcopus, qui postmodum

Ni-

Nicæno Generali præfedit, & Valerius Cæsaraugustæ Episcopus, ille idem qui præstantissimum Martyrem Vincentium habuerat administrum. Contigit ista Synodus an. Chr. 305. aut circiter Galerio, & Constâtio Imp.

Hic, ut fideles in officio continerentur rigidiores, canones procusi sunt, quàm in Concilijs Ancyrano & Alexandrino, in quibus communio post lapsum pœnitentibus saltem in vitæ discrimine indulta est, quam lapsis denegat Eliberinum. Huius Concilij tacito tamen nomine meminit Innocentius I. epist. ad Exuperium Tolosanum Episcopum his verbis: *Et hoc quæsitum est quid obseruari oporteat de his qui post Baptismum omni tempore incontinentiæ voluptatibus dediti, in extremo vitæ suæ sine pœnitentiæ, simul & communionis reconciliationem exposcunt. De his observatio prior durior, posterior interueniente misericordia inclinatio est. Nam consuetudo prior tenuit ut concederetur pœnitentia, sed communio negaretur. Nam cum illis temporibus persecutiones crebræ essent ne communionis concessa facilitas homines de reconciliatione securos non reuocaret à lapsu, negata meritò communio est, concessa pœnitentia, ne totum penitus negaretur; & duriores esse remissionem fecit temporis ratio. Sed postquam Dominus noster pacem Ecclesiis reddidit, iam depulso terrore Communionem dari obuentibus placuit. &c.* Ita Innocentius.

Eliberina itaque Synodus interdicat communionem in fine vitæ eos, qui post Baptismum lapsi sunt in idololatriam can. 1. & 2. eosque, qui post peractam pœnitentiam lapsi sunt in fornicationem can. 7. & illos qui per maleficium hominem occiderunt can. 6. & passim alijs canonibus prolapsos in alia grauius crimina. Verùm posterior Ecclesiæ disciplina mitior exstitit, quæ non permittit viatici communionem cuiquam pœnitenti in fine vitæ subtrahi, ut liquet ex Ancyrani Concilij can. 6. & Nicæni can. 12. & Agathensis can. 11. atque ex præfato Innocentij rescripto, nec non ex vniuersalis Concilij Carthaginensis quarti can. 77. & 78.

Cæterùm Eliberinis Patribus immitiores fuere Nouatiani, & Cataphryges Hæretici, seu Montanistæ, qui nedum viatici communionem, sed etiam omnem reconciliationem pœnitentibus moribundis recusabant, vt testantur de Nouatianis Cyprianus epist. 52. ad Antonianum, & epist. 67. ad Stephanum Papam, atque Ambrosius, & Pacianus in suis de pœnitentia libris. De Montanistis verò Tertullianus ipse Montanista lib. de pudicitia cap. 1.

Itaque ne immanitatem, quam in illis hæreticis Ecclesia Dei semper execrata est, in istud Concilium refundamus, illa communionis in ipso vitæ exitu statuta priuatio nullatenus reconciliationis, seu absolutionis, sed Eucharistiæ Sacramentum adimit. Quis verò non abhorreat, & detestetur pœnitenti veniam in ipso vitæ exitu, atque imminentis iam irreuocabilis iudicii limine suppliciter, & lacrymosè roganti, reconciliationis præsidium, & opem in tanto discrimine subtrahere? Quis non perhorresceret illius inhumanitatem, qui prohiberet, ne quisquam manus auxiliares ei porrigeret, qui sua culpa in gurgitem prolapsus, & iam fluctibus obruendus supplices manus tenderet, vt eriperetur, præsertim si facilè, & absque Liberatoris periculo posset eripi? An verò maior erga corporalem vitam adhibēda est charitas quàm erga redemptā Christi sanguine animam, quæ pœnitens, & lugens in ultimo vitæ confinio, & extremo salutis æternæ discrimine piæ Matris Ecclesiæ opem, ac præsidium iamiam incircumstantium, & frementium dæmonum manus calura efflagitat, & miserabiliter implorat?

Scio equidem dici posse communionem de reconciliatione pœnitentis perinde, ac de Eucharistiæ beneficio, verùm de hac sola exponendi sunt illi canones Eliberini. Id enim diræ, ne dicam diabolicæ immanitatis horror suadet, simulque apertum Nicæni canonis 13. testimonium statuentis seruandam esse, quam vocat

antiquam, & canonicam legem, vt qui ex hac vita egrediuntur vltimo, & necessario viatico non frustrentur: ita tamen vt si post acceptam Eucharistiam conualuerint, inter illos dumtaxat recipiantur, qui solis fidelium orationibus participant. Quibus ex verbis liquido constat mentionem hic tantum eorum esse, qui in pœnitentium statu versantur. Cùm igitur Nicænum Concilium (in quo præsidebat qui Eliberino Concilio subscriptus legitur Osius) attestetur hanc esse antiquam, & canonicam legem circa pœnitentes de vita, periclitantes, Canones illi Eliberini, quamuis Nicænz dispositione contrarij, non sunt trahendi ad extremam immanitatem, quam Ecclesiæ spiritus perhorrescit, sed ad eam moderandi sunt seueritatem, quam verba ipsorum necessario præ se ferunt. Denique illam vsque adeo sinistram à quibusdam neotericis excogitam, Eliberinorum canonum explicationem satis condemnat antiquæ pietatis, & eruditionis specimen Cyprianus epist. 2. ad Antonianum, sic dicens contra Nouatianos: *Miror quosdam sic obstinatos esse, vt dandam lapsis non putent pœnitentiam, aut pœnitentibus existiment veniam denegandam.* Scriptor quidem ad miraculum doctissimus Dionysius Petavius in suis ad Epiphanium notis hanc Eliberinis canonibus affixerat inclementiam; sed consultius postmodum ab ea sententia recessit in suis ad Synesium notis. Refert Ambrosius lib. 2. de pœnit. 3. quòd pœnitentis absolutionem, & reconciliationis semper comitari solet dominicæ carnis communio: verumtamen ex iusta causa tantisper ab hoc instituto recesserunt Eliberini patres.

Canon Eliberinus 34. *Cereos placuit per diem in Cimiterio non accendi: inquietandi enim Sanctorum Spiritus non sunt.* Hæc prohibitio, qua Nouatores contra pium Catholicorum vsum abutuntur, illis temporibus conueniebat, quum inter paganos versabantur Christiani, ne isti superstitioni participarent. Ethnicis enim persuasum

lum erat mortuorum animos tùm cibus, tùm lucernis indigere, quibus & famem, & tenebras dispellerent; ideoque dapes, lac, & vinum funeribus inferebant, vt fidem facit Plutarchus initio vitæ Romuli, alijque veteres. Homerus scribit Odyssæ vndecimo ab Vlyssæ oblatam cum sanguine, & vino farinam inferorum animabus: & has accedentes auidè quæ apposuerat absorpsisse. Præterea in exequijs Miseni apud Virgilium *Æneid. 6. Auersi tenuere facem, congesta cremantur turea dona, dapes, fuso crateres oliuo*. Ait Tertull. de resurr. car. c. 1. Ethnicos ita defunctis parentare, vt eis esculenta apponant quæ comedant, eodemque igne & corpora ipsorum, & appositas dapes absumere. Idem similia refert lib. de testim. animæ, cap. 4. Itemque Epiphanius in Ancorato c. 87 Quin etiam tumulis accensas lucernas includebant, cuiusmodi etiam nunc ad effossas eorum urnas reperiuntur. Causa cur fideles funalia, cereosque in exequijs adhibent tota mystica est, ad significandam lucem æternam, quæ post caducam hanc vitam piorum animis affulget. Verbum porrò inquietandi, quo vtitur canon, displicentiam signat, quam Sancti post hanc vitam ex viuientium superstitione concipiunt. His adde gentiles luminibus ad sepulchra plerumque vsos per magicam impietatem, & necromantiam, eòque videri pertinere vocem inquietandi, quæ vsus est etiam Samuelis Spiritus à Pythonissa rogatu Saul Regis euocatus. Quare inquietasti me vt suscitarer? 1. Reg. 28. Postquam verò fatiscente gentilitate liberum caput extulit Christi religio, tum demum fideles procul ablegato metu, vel suspitione approbandi, vel imitandi profanos gentilium ritus, cereis accensis Christianorum exequias prosequuti sunt. Scribit namque Hieronymus ad funus sanctæ Paule ingentem fuisse concursum Clericorum, & Monachorum cereos ardentes deferentium. Gregorius etiam Nicænus in vita Macrinæ Sororis commemorat Clericos,

cos, qui ei iusta persoluebant funus comitantes, ce-
reos accensos præ manibus habuisse. πῶς ἐκ τῆς κηρὸς λαμ-
πάδας ἔχοντες πάντες.

Canon 36. quem nobis etiam obiectant Hæretici,
ita sancit: *Placuit picturas in Ecclesia esse non debere, ne
quod colitur & adoratur, in parietibus depingatur. Ut
mens Concilij percipiatur, habenda temporis ratio
est, quo desæuebat in Christianos gentilium insecta-
tio. Fauet quippè canon iste imaginibus sacris, quas
ideò vetat parietibus appingi, ne gentilibus ludibrio
essent. Quod sanè periculum, haud ita timebatur in
imaginibus, quæ in Ecclesijs appendebantur, aut alio-
qui mobiles collocabantur, ut subduci, & aliò transfer-
ri persecutionis exurgente procella possent. Simili ex
causa in Codice Iustiniano lib. 1. tit. 8. lex promulga-
tur Theodosij, & Valentiniani Imperatorum prohi-
bens signum Saluatoris in filice humi insculpi, aut pin-
gi, ne videlicet conculcetur, aut conspuatur ab ijs, qui
in locum sacrum conueniunt. Quod item sanxit Qui-
nifexta Synodus can. 73. cum hac ratione, ὡς ἀνὰ τῇ
τῶν βλαδιζόντων καταπατήσῃ τὸ τῆς νίκης ἡμῶν τρόπαιον ἐξυβρίζοιτο.
Ne incidentium conculcatione victoriæ nobis tro-
phæum iniuria afficiatur.*

Præterea non immeritò suspicatur Baronius Cano-
nem istum ab Iconoclastis, qui olim Hispaniam inco-
luerunt confictum, & suppositum. Ratio eius est, quia
licet proferatur ab Iuone lib. 3. decreti, non tamen ab
ijs, qui eum præcessere canonum compilatoribus Fer-
nando Diacono, Dionysio exiguo, Cresconio: tum
quia veterum Iconomachorum Hispanorum nemo
quantavis diligentia, vndecumque argumenta contra
sacras imagines conquisita collegerit, Eliberini Con-
cilij in ipsa Hispania celebrati canonem vllum profert,
non Vigilantius, non Claudius Taurinensis Episcopus,
ambo in Hispania versati sacrarum Imaginum impu-
gnatores.



CONCIL. ANCYRANVM.

Istud coactum est, simulatque morte Maximini extincta est dira in Oriente in Christianos accensa persecutio: prouidet enim circa eos, qui tyrannidis formidine lapsi fuerant. Est verò Ancyra Galatiæ Metropolis. Synodo isti nonnulli Episcopi interfuerunt, qui deinde subscripti in Nicæna œcumenica leguntur, videtur habita an. Chr. 314.

Canon 1. Diaconis ipsis permittit vxorum vsum, si ante ordinationem Episcopo fuerint protestari se nolle, aut non posse ab vxore continere: citatur à Gratiano c. diaconi dist. 28. de cœlibatu sacri Clari, consulto inferiùs annotata ad Nicæni Concilij can. 3.

Canon Ancyranus 13. cauet ne Chorepiscopi Presbyteros, aut Diaconos ordinent citra veniam Episcoporum, quibus ipsi Chorepiscopi subsunt. Huc spectat Antiocheni Concilij canon 10. solam Chorepiscopis permittens Exorcistarum, Lectorum, & Subdiaconorum ordinationem; prohibens verò Sacerdotum, & Diaconorum *etiam si* (*inquit*) *Chorepiscopi ordinationem acceperint Episcoporum*. Hic porro Antiochenus canon duo circa Chorepiscopos edocet. Primò illos non in ciuitatibus, sed in vicis, & minoribus oppidis constitui, *τὸς ἐν ταῖς χώραις ἢ ταῖς κώμαις καλεσμένους χορεπισκόπους*. Secundò posse contingere, vt Episcopali quoque Ordine præfulgeant Chorepiscopi. Quæ obseruatio egregiè conciliat canonem Antiochenum cum epistola decretali Papæ Damasi negante Chorepiscopos vllam habere ordinandi potestatem, eò quòd nihil amplius sint quàm Presbyteri, nec vllatenus Episcopi. Loquitur namque Damasus de potestate Chorepiscopi præcisè, quæ talis est, non tamen negat fieri posse, vt Episcopus curam subeat Chorepiscopi, aut Chorepiscopus in Episcopum consecratur. Sic enim reperimus in priscis

Con-

Concilijs Episcopos à proprijs Ecclesijs dimotos, permitti, vt alicubi Chorepiscoporum fungantur officio. Cuius rei exemplum suppeditat Nicænæ Synodi canon 8. Simile videmus in titularibus Episcopis, qui assignati Ecclesijs in remotioribus infidelium partibus constitutis, habent quidem ordinem Episcopalem. sed omni iurisdictionis exercitio carent præter eam, quæ ipsis ab alijs Episcopis pro suo libito in proprijs finibus, ac diocæsisbus indulgetur. Præclare verò Damasus in illa de Chorepiscopis epistola, confert Episcopos qui amore quietis, & otij suum Chorepiscopis munus committebant cum nefarijs illis meretricibus, quæ vt liberius fedæ libidini indulgeant, sobolis suæ curam penes conductas pretio nutrices abijciunt. Quod idem pro nefas: aptari potest quàm plurimis huius sæculi Prelatis. Cæterum illa Damasi constitutio (si tamen ipsius est) non obstitit, quin extiterint complures deinceps Chorepiscopi, quorum mentio in posterioribus Concilijs passim occurrit.

NEOCÆSARÆENSE CONC.

Synodus Neocæsarænsis Nicænam præcessit, subscriptus namque Neocæsarænsi legitur Basilius Amasææ Episcopus, qui sub Licinio Martyr occubuit, vt refert Eusebius in Chronico. Est Neocæsaræa Ponti in Asia ciuitas.

Can. 8. decernit esse sacris ordinibus inhabilem, & irregularem, cuius vxor fuerit adulterata. Citatur in decreto c. si cuius vxorem. dist. 34.

Canon 9. irregularem dicit respectu sacerdotij: & canon 10. respectu quoque diaconatus, cum qui fuerit aliquando fornicatus, vt si post tale delictum contin- gat ordinari, sit suspensus ab illius, quem cepit ordinis

exercitio . Hic non est in usu: Vnde colligito quantam illis temporibus sanctitatem , vitæque antea inno- centiam requirebat Ecclesia ad ordinem susceptio- nem, sacrumque ministerium. Similiter Nicænus canon 2. viam illi ad sacros ordines præcludit , qui vel semel peccatum animale commiserit : Quod idem statuitur Eliberini Concilij can. 30.

Can. 12. Illum à sacerdotio excludit qui ægrotans fuerit illuminatus , idest Baptizatus , eò quòd per ace- diam , & animæ suæ neglectum ad id tempus Baptis- mum distulerit . Eos qui lecto per ægritudinem de- cumbentes lauacrum regenerationis acceperunt sanctus Cyprianus per ludibrium clinicos vocat; qui sani , pe- ripateticos, epist. 76. ad Magnum . Neque verò hanc prima irregularitatem Synodus Neocæsaræensis in- duxit: longè enim antea Cornelius , qui Romæ sede- bat an. 255. in sua ad Fabium Antiochenum epistola , quam refert Eusebius lib. 6. hist. Eccl. cap. 35. disertè as- serit Nouatianum non debuisse ordinari Presbyterum, quia non licet in lecto baptizatos (sicut Nouatiano contigerat) assumere in Clerum .

Canon 15. ita decernit: *Diaconi septem esse debent ex canone , etiamsi magna sit Ciuitas: eius autem fidem facit liber actorum .* Habetur in decreto c. diaconi septem. dist. 93. Idque adeò religiosè seruabatur , vt neque Romæ nu- merus hic excederetur . Cornelius enim Papa Cleri Romæ consistentis numerum ita recenset , Episcopum vnum, Presbyteros quadraginta sex, Diaconos septem, Subdiaconos septem , Acolythos quadraginta duos , Exorcistas , & Lectores cum Ostiarijs quinquaginta duos . Hæc refert ex Cornelij epistola ad Fabium An- tiochiæ Episcopum Eusebius ,

CONC. ARELATENSE I.

Aliaque habita tempore Constantini Imperatoris in causa Donatistarum.

ORigo hæc fuit in Africa pertinacissimi Donatistarum schismatis, qualem describunt optatus Mileuitanus, & Augustinus. Lucilla mulier Hispana præpotens, & ambitiosa Carthagine versabatur. Hæc à Cæciliano Carthaginis Ecclesiæ Diacono reprehensa, quòd ossa cuiusdam, quem Ecclesia non retulerat in Sanctorum album, deferret, & ante sacram communionem exoscularetur. Illa correctionis impatiens vlciscendi de Cæciliano captabat occasionem: contigit vt Mensurius Carthaginis Episcopus à tyranno Maxentio Romam euocatus, senioribus quibusdam Ecclesiæ vasa sacra discessurus commendauerit. Interea peregrè moritur Mensurius, atque in huius sedem promouetur Cæcilianus, qui ex officio vasa Ecclesiæ repetit. At eorum depositarij, qui sacrilego ausu illa sibi retinebant, eius protinus communionem auersantur, causantes eum non esse Episcopum, quippe qui ordinatus à Felice Aptungitano fuisset, quem illi criminabantur fuisse sub Diocletiani persecutione sacrorum librorum traditorem. His se Lucilla vltro adiunxit, & quidquid opibus, & autoritate valebat magno studio contulit ad schismatis noui fulcimentum, & propagationem. Præcipuus schismatis autor fuit Donatus cui cognomen à casis nigris. Hic sceleris sui conscius. Maiorinum ordinauit Carthaginis Episcopum. Cui subinde mortuo successus est Donatus alter.

Donatistæ Constantinum primo Imperij post sublatum Maxentium anno interpellant aduersus Cæcilianum.

ntum. Imperator causam remisit primùm quidem tribus Episcopis Gallicanis, Reticio Herduensium, Marteno Agrippinensium, & Maino Arelatensium; deinde Melchiadi Romæ Episcopo, qui ad istius causæ iudicium Romæ concilium indixit anno 313. cuius sententia Cæcilianus dictus est legitimus Episcopus, & aduersarijs mandatum, vt se illi subijcerent: At isti maiore insolentia per Africam tumultuantur: dumque Ælianus Africæ Proconsul eos in officio continere studet, illi ab hoc ad Constantinum prouocant, suamque causam accuratius examinari postulant quàm fecisset Concilium Romanum, quod sibi suspectum querebantur.

Constantinus nimia ductus erga procacissimos, & sceleratos facilitate, futurumque sperans, vt sic ad quietem demum se componerent, procurat nouam, & confluentium Episcoporum numero ampliorem Synodum Arelatis congregari, vbi causa denuò exactissimè discussa iterùm condemnatur Donatistæ anno 314. Illi verò intolerabili peruicacia rursus ad Constantinum prouocant, qui eorum deputatos primùm Romam, deinde Mediolanum acciuit: vbi causa denuò dijudicata nouæ condemnationis iudicio succubuerunt. Cæterùm nec sic effracta est eorum contumacia: sed vsque ad Arcadij, & Honorij tempora omni præcipiti furore tumultuari, grassatique sunt. Atque vix tandem magni illius Augustini Episcopi laboribus assidujs, & disputationibus inuictis, præcipuè verò Marcellini Tribuni potentia, & seueris coercitionibus quem ad compescendam Donatistarum vesaniam Honorius Augustus cum amplissima potestate, & copijs militaribus delegauerat, ipsiusque Honorij pœnalibus Ediçtis domita est impiorum proteruia.

Quæ in Donatistarum causa mandante Constantino Augusto, & approbante Papa Syluestro Arelatæ Synodus conuenit multis nominibus celebritatem habet: quippe

quippe in qua Constantinus per se interfuit, & innumeri propemodum Episcopi ex vniuersa Gallia, ex Hispania, ex Britannia, & Hibernia Insulis, ex Italia, Sicilia, & Africa eò confluerunt. Interfuere quoque Summi Pontificis Legati Claudianus, & Auitus Presbyteri, Eugenius, & Quiriacus Diaconi anno Christi 314. Volusiano, & Aniano Consulibus. Afferit Ado Viennensis in Chronico sexcentos ad hanc Synodum Patres conuenisse. Eiusdem meminit Augustinus lib. 1. contra epist. Parmeniani cap. 6. complectitur verò canones 23.

Canone 1. decernitur Paschæ Domini festum eodem die per vniuersum orbem celebrandum esse: & iuris atque officij Romani Episcopi esse, vt iuxta receptam consuetudinem litteras ea de re quotannis ad vniuersas dirigat Ecclesias. Quod idem non multò post ab œcumenica Nicæna Synodo constitutum est. Et olim Papa Victor coactò Romæ Concilio per vniuersum seruari orbem præceperat sub excommunicationis pœna, reclamantibus licet Asianis maximè Polycrate Ephesi Episcopo, & dissuadente Irenæo Lugdunensi, quam historiam fusè prosequitur Cæsariensis Eusebius.

Can. 5. communione fidelium excludit Theatricos, & Histriones. Conformatur Eliberino canoni 62. Ius verò ciuile illos infamia notat, qui artis ludicræ pronunciandive causa in scenam proderint. l. 1. ff. de his qui not. infam.

Can. 9. vsum abolet libellorum à Martyribus, & Confessoribus proficiscentium, quorum intuitu, & precibus canonicum pœnitentiæ tempus ab Episcopis minuebatur, lapsique ante præfinitum tempus reconciliabantur. Eiusmodi libellorum haberi rationem prorsus dudum vetuerat Concilium Eliberinum can. 25. Meminere quoque istiusmodi libellorum nec sine querela, quòd per illos Ecclesiasticæ disciplinæ relaxaretur vigor Tertullianus lib. ad Martyres, & Cypria.

prianus epist. 10. 11. 12. 14 15. Illa pœnitentiæ canonice ad Martyrum preces concedi olim solita mitigatio præludebat hodiernis indulgentijs, vt ad Cyprianum Scholiaſtes Pamelius adnotat.

Can. 13. Eos qui ſacros libros, aut vaſa ſacra gentilibus tradiderint, aut nomina fidelium eiſdem detulerint, amouet à clero. Sic tamen vt ſi quis ignoranter, & bona fide ordinem à quoquam eorum ſuſceperit, ordine vtatur, nec ei ſit fraudi talis ordinatio. Cæciliani cauſa canoni huic præbuit occaſionem.

In huius Synodi Patrum ſubſcriptione attribuuntur Prouinciæ Vienneniſi, quæ eſt in Gallia, vrbes Arelate, Vienna, Vaſio, Arauſio, Carpentoraſtum. Quæ quidem attributio conformis eſt Prouinciarum Gallicanarum diſtributioni, quam tradunt itinerarium Imperatoris Antonini, & liber notitiæ Romanorum. Maſſiliam quoque Vienneniſi Prouinciæ aſcribit Synodus Taurinenſis in cauſa Prochli Maſſilienſis Episcopii. Amianus quoque Marcellinus l. 15. ſic ait, Vienneniſis Prouincia ciuitatum exultat decore multarum, quibus porſiores ſunt Vienna ipſa, & Arelate, & Valentia, quibus, & Maſſilia iungitur. Quando iſtud agebatur Concilium, Arelatenſem Eccleſiam Marinus moderabatur. Cùm verò Vienneniſi Prouinciæ finitima eſſet ſecunda Narbonenſis. Mirum eſt nullum iſtius Episcopum exprimi: Cùm tamen ex Narbonenſi prima hic ſubſignauerint Episcopii Tolofæ, & Biterrarum. Inſignes præ reliquis hic interſuerunt tres illi Gallicani Episcopii Rheticus Auguſtodunenſis, Maternus Aggripinenſis, & Marinus Arelatenſis, quos primo ſuo reſcripto Conſtantine ab Anulino Proconſule Africæ interpellatus, conſtituerat ſolos in iſta cauſa iudices: & quos altero deinde reſcripto Romam proficiſci iuſſit, vt vna cum Melchiade Pontifice Romano, alijsque quinde-
cim Italiæ Episcopis iudicium ferrent. Quod, & factum eſt, habito ab ijsdem Concilio in ipſo Palatio

Laterano, vt prodit Optatus Mileuitanus lib 1. contra
 Parmenianum, & Augustinus in breuiculo, & albi.

Nicana œcumenica primæ Synodi Historia.

Nunc tempus agendi de primo œcumenico Con-
 cilio, cui causam dedit hæresis Ariana. Arius ita-
 que Presbyter Alexandrinus nouam in orbem terra-
 rum pestem inuexit, negans Filium Dei Patri esse coæ-
 qualem, consubstantiallem, & coæternum, sed eum as-
 ferens à Patre de nihilo in tempore creatum. Huic se-
 pesti in primis opposuit Alexander Episcopus Alexan-
 drinus, qui præmonitum Arium, sed indocilem, & ob-
 stinatum anathemate percutit. Arius ad Eusebium
 Cæsaræ in Palæstina Episcopum confugit, quem hæ-
 resis suæ socium, & fautorem nactus est cum alijs Epif-
 copis, Paulino Tyri, Patrophilo Scythopoleos, Mari
 Chalcedonis, Theogni Nicææ, aliosque Eusebio Nico-
 mediæ, cuius magna erat apud Constantinum Augu-
 stum gratia, & autoritas, omnemque Meletianorum
 factionem in dogmatis peruersi contagionem attra-
 xit. Serpente latius malo, Arianisque insolentijs in
 dies tumultuantibus, Alexander encyclicas per vni-
 uersam Ecclesiam litteras conscripsit: præcipue verò
 Syluestrum Romæ Episcopum tantæ perniciæ ingra-
 uescentis admonuit. Syluester Osium sapientissimum,
 & religiosissimum virum Cordubæ Episcopum delega-
 uit ad Constantinum, & ad Alexandrinum Episcopum,
 & quocumque opus esse videretur ad extinguendum
 hoc incendium.

Osus ad Constantinum accessit, à quo & litteras
 accepit ad Alexandrum, & Arium tum increpatorias,
 tum ad pacem hortatorias, quarum exemplar Euse-
 bius Cæsariensis refert in vita Constantini. Hisce
 litteris causam, & originem turbarum Imperator in-
 Alexandrum reijcit, vt principem iam intelligas ab
 Epi-

Episcopo Nicomediensi delusum : & præterea questionem istam circa Dei Filium leuem esse , nec ad fidem Catholicam vlllo modo pertinere asserit: cùm tamen Christianæ fidei summa præcipuè in Christi diuinitate consistat .

A Constantino digressus Osius Alexandriam concessit, eaque in vrbe Concilium indixit, cuius meminit Athanasius apologia 2. vocatque generale Concilium. Meminit eius etiam Socrates l. 3. c. 5. ex quorum relatione constat discussam fuisse Arii, & Meletianorum causam : simulque damnatum impij Sabellij dogma diuinarum personarum distinctionem iustificantis . Addit Athanasius in eadem Synodo Colluthum Presbyterum Alexandrinum , eò quòd cùm Episcopus non esset, munus tamen Episcopale obire , multosque ordinare clericos attentasset , fuisse ab Osio redactum in ordinem .

Cùm verò Ariani despecta Concilij Alexandrini auctoritate se insolentiùs efferrent, & peruersum dogma propagarent, visum est controuersiam esse æcumenicam & insigniori Synodo dirimendam. Hanc itaque Syluester Papa conspirante vnâ Constantino Augusto Nicææ in Bithynia indixit . Imperator egregium religionis specimen edidit missis in omnem partem cursoribus, & litteris, quibus Episcopos ad Synodum inuitauit : eorum pro Dei cultu, fidei integritate, Ecclesiæ pace, & dignitate , quàm maximè potuit zelum , ac studium succendit: vecturas itinerum, omnesque victus impensas tam ipsis, quàm eos comitantibus clericis, & familiaribus largè prouidit . Nicæam itaque conuenerunt ex diuersis orbis terrarum plagis trecenti decem & octo Episcopi, an. Chr. trecentesimo vigesimo quinto .

Concilio præfederunt Romanæ sedis legati Osius Cordubæ Episcopus, Victor, & Vincentius Presbyteri Romani, qui ante Patriarchas ipsos confederunt , primique subscripserunt . Interfuerunt Alexander Ale-

xandrię, Eustathius Antiochię, Macarius Ierosolymorum Patriarchę, alijque Pręsules, quorum eximia sanctitas Ecclesię fastis consignatur, & colitur Nicolaus Myrę in Lycia Episcopus, Paphnutius Thebartum Ægypti, Potamon Heracleę Ægypti, Spiridion Thremituntis Cypri (his duobus Potamoni, & Spiridioni olim propter fidei confessionem in persecutione Maximini aliter oculus fuerat effusus,) Paulus etiam Neocęsarę Euphratesię, qui sub Licinio in causa fidei fuerat candentibus laminis excruciat, Iacobus Nisibis in Mesopotamia, qui mortuos (vt refert Theodorus) in vitam reuocauit, Alexander Constantinopolis, cuius postea precibus Arius cęda, & inopina morte consumptus est, Arostanes quoque in Armenia superiori Episcopus. Denique Magnus Athanasius tunc Ecclesię Alexandrinę diaconus, quem sibi comitem Alexander Patriarcha delegerat, cuiusque insignis eruditio, & animi vigor in Sacro Concilio mirifice effulsit contra Arianos disputantis: Vnde illorum in se odia infensissima concitauit.

Verumtamen quod scriptum est in libro Iob hic pariter contigit: *cum venissent filij Dei, vt assisterent coram Domino, adfuit inter eos etiam Satan*. Interfuere namque cum illis Ariani Episcopi vterque Eusebius Cęsariensis, & Nicomediensis, Paulinus Tyri, Theognis Nicęę, Menophantes Ephesi, Patrophylus Scythopolis, alijque Pręsules Arię asseclę. Hi primũ calumniosis accusationibus, & famosis libellis orthodoxos Antistites insectati sunt apud Imperatorem, qui tamen porrectos sibi libellos legere noluit, sed concremauit, palam professus Episcopos a Deo solo iudicandos: se verò ipsorum iudicio in ijs, quę ad salutem animę pertinent, subesse. Occultanda esse præterea sacerdotum delicta, ne inde aliqui ansam arriperent scandali, aut contemptus sacri ministerij, vt scribunt Rufinus lib. 1. cap. 2. Sozomenus lib. 1. cap. 16. Theodorus lib. 1.

cap. 11. Gregorius Papa lib 4. epist. 75. ad Mauricium.

Statutum in primis est pro inconcusso fundamento à patribus Nicænis nihil contra fidem ab antiquo traditam, & hæcenus in Ecclesia receptam innouandum esse, vt eo loco testatur Sozomenus. Lecta sunt deinde Arijscripta, necnon Eusebij Nicomediensis damnabilis epistola: dogmata Arij nefaria cum execratione reiecta sunt: tandemque conclamatnm est Filium esse Patri coessentialem, & coeternum, neque ex nihilo creatum, sed ex Patris substantia genitum: ideòque suo symbolo Synodus professa est eum esse genitum non factum *ὁμοούσιον* consubstantialem Patri, Deum verum de Deo vero.

Constantinus dum in Concilio disputabatur, attentè auscultabat, rumores subnascentes sopiebat, suum modestè sensum insinuabat, singulos suauiter alloquebatur, vt refert Eusebius l. 3 vitæ Constantini c. 13, deniq. formulæ fidei subscripserunt tùm Catholici, tùm etiam Ariani, vt Principi complacerent, suosque retinerent Episcopatus. Eusebius tamen Nicomediæ & Theognis, quem alij Theogonium dicunt Nicææ plus alijs repugnarunt. Itaque suis per Concilij sententiam deiectioni sunt sedibus, in quibus constituti sunt Nicomediæ quidem Amphion, & Nicææ Chrestus. Attamen Eusebius, & Theognis, vt sedes pristinas recuperarent, Concilio ad extremum subscripserunt, & pro illis intercedente Constantino in pristinum gradum a Concilio restituti sunt, vt commemorat Socrates lib. 1. cap. 5. & 10. Ambo tamen Nicænam fidem omni postmodum studio impugnarunt, eiusque assertores & occultis dolis & apertis viribus infectati sunt. Ipse Arius a fidelium societate diuulsus est Synodali decreto, & à Constantino in exilium pulsus, sed ab eodem ob simulatam resipiscentiam deinde reuocatus postliminio, hac tamen lege, ne Alexandriam ingredi auderet: horum fidem facit Hieronymus dial. aduer. Luciferianos.

*De ordine, & confessu Patrum tum in Nicæna Synodo, tum
in alijs insequentibus œcumenicis.*

Pertinet hæc notitia ad alia quoque Concilia præsertim generalia. In primis sciendum, delegatos ab Episcopis absentibus eodem sedisse ordine, quo ipsi delegantes Episcopi consedissent. Idcirco in multorum veterum Conciliorum actis permulti Presbyteri, & Diaconi subscribunt supra complures Episcopos.

Ex iisdem pariter actis constat Legatos Apostolicæ Sedis utpotè vicem gerentes Summi Pontificis, sedisse, & subscripsisse supra quoscumque Patriarchas, fuisseque Conciliorum præfides. Inductione id patet. In prima Nicæna Synodo Legati præfuerunt Sylvestri Pape Osius Episcopus, Vitus, & Vincentius Presbyteri; hos sequebantur Alexander Alexandria, Eustathius Antiochiæ, & Macarius Ierosolymorum Patriarchæ.

Paucis à Nicæna annis præfederunt Synodo Sardicensi nomine Sylvestri Osius Episcopus, Vincentius Capuanus, Calepodius Neapolitanus, deinde sequitur Athanasius Alexandria.

In Concilio Constantinopolitano primo nulli interfuerunt Apostolici Legati, quia tunc temporis Damasus Papa aliud Romæ Concilium Episcoporum Occidentis in eadem causa celebrabat. Orientales autem, quibus præerat Nestorius Constantinopolis Episcopus fuisse animis cum Damaso coniunctos, docent mutæ litteræ Damasi ad Concilium Constantinopolis, & Concilij ad Damasum apud Theodorum, lib. 5. cap. 9. & 10.

In Ephesino præfuit Cyrillus Alexandria Patriarcha ut legatus Cœlestini Papæ quem tamen Cyrillum, nomine proprio præesse Asiani Antistites non sustinissent extra propriæ Patriarchiæ fines in aliena Diœcesi quam sibi Constantinopolis Episcopus vindicabat ut secundus à Romano Episcopo Patriarcha.

In huius ergo Synodi actis passim legitur Cyrillo Alexandriæ præfidente, & locum tenente sanctissimi, & religiosissimi Archiepiscopi Romanæ Ecclesiæ Cœlestini. Mox subsignant Iuuenalis Ierosolymæ Episcopus, Mennon Ephesi, Flavianus Vicarius, & locum tenens Rufi Episcopi Thessalonices, Theodotus Ancyrae in Galatia, Firminus Cæsaræ in Cappadocia prima Episcopus.

In Chalcedonensi Act. 1. Paschasius, & Lucentius Episcopi, & Bonifacius Presbyter, Legati Sanctissimi, Deoque amantissimi Archiepiscopi Veteris Romæ Leonis: tum Anatolius Sanctissimus Archiepiscopus nouæ Romæ Constantinopolis, Dioscorus Archiepiscopus Alexandriæ, maximus Antiochiæ, Iuuenalis Ierosolymæ, Quintilius Heraclææ Macedoniæ locum tenens Anastasij Episcopi Thessalonices, Thalassius Cæsaræ Cappadociæ, Stephanus Ephesi, Lucianus Bysæ locum tenens Cyriaci Episcopi, Heracleæ Thraciæ, Eusebius Ancyrae Galatiæ Episcopus. Hæc ita sigillatim recensco, ut dignoscantur præcipuæ Orientis Metropoles.

In 5. Synodo quæ est secunda Constantinopolitana præfuit Eutychius Patriarcha Constantinopolis nouæ Romæ, approbante Vigilio Papa, ad quem sic scribit Eutychius: Potimus præfidente vestra beatitudine de tribus Capitulis quæri & conferri: quam epistolam continent istius Synodi acta. Et Zonaras in Iustiniano scribit eius principem fuisse Vigilium Romæ veteris Episcopum. Qui etiam, ut Photius scribit lib. de Synodis septem, istius acta Concilij confirmauit. In eius actis, & subscriptionibus hæc notatur Episcoporum series: confidentibus in Secretario Venerabilibus Eutychio sanctissimo Patriarcha Regiæ Constantinopolis [nouæ Romæ, Apollinario Sanctissimo Archiepiscopo Alexandriæ, Domno Sanctissimo Patriarcha Theopoleos, id est Antiochiæ, Stephano Episcopo Raphiæ, & Georgio Episcopo Tiberiadis, & Damia-

no

no Episcopo Solytanæ vicem agentibus Eustochij sanctissimi Episcopi Ierosolymitani, Benigno Episcopo, Heracleæ Thraciæ, vices agente Eliæ Thessalonicensis Episcopo, Theodoro Episcopo Cæsaræ primæ Cappadociæ, Andrea Episcopo Ephesi, &c.

In sexta Synodo Constantinopolitana tertia A. C. r. sub Constantino Augusto (huic erat cognomen Pogonato) in Secretario sacri Palatii, quod cognominatur Trullus, conueniente sancta, & vniuersali Synodo, id est Theodoro, & Georgio venerabilibus Presbyteris, & Ioanne venerabili Diacono vicem agentibus sanctissimi, & beatissimi Archiepiscopi Romæ veteris Agathonis, & Ioanne sanctissimo Archiepiscopo magnæ Constantinopolis nouæ Romæ, & Petro Presbytero, & Monacho locum seruante Sedis Alexandria (Græcè, *τοποτηρήτης Ἀλεξανδρείας*) & Macario Archiepiscopo Theopolis, & Georgio Presbytero, & Monacho, & Apocrifario Theodori venerabilis Vicarij, *τοποτηρήτης*, Sedis Ierosolymorum, & Theodoro Episcopo Ephesi.

In septima Synodo, quæ est Nicæna secunda, A. C. r. præsidentibus Petro Archipresbytero Romanæ Ecclesiæ Sanctorum Petri, & Pauli, & altero Petro Presbytero Monacho, & Abbate sancti Sabæ Romæ, Vicarijs sanctissimi Archiepiscopi veteris Romæ Adriani. Sequitur Tarasius Archiepiscopus Constantinopolis nouæ Romæ, Ioannes, & Thomas Presbyteri Monachi, & Vicarij Sedium Orientis Patriarchalium Alexandria, Theopolis, & Ierosolymorum, Agapitus Cæsaræ Cappadociæ Episcopus, Ioannes Ephesi Episcopus.

Octaua Synodus, quæ est quarta Constantinopolitana, præmittit A. C. r. Donatum, & Stephanum Episcopos, & Macarinum Diaconum Legatos Adriani Papæ Secundi: subditque Ignatium Archiepiscopum Constantinopolis nouæ Romæ. Deinde Vicarios *τοποτηρήτης* Sedium Patriarchalium Orientis.

Obiter in his inscriptionibus, & subscriptionibus obferua nomen Archiepiscopi pluribus sæculis non fuisse attributum, vt nunc Episcopis Metropolium, sed ijs dumtaxat, quibus subiecti erant Metropolitaniani ipsi, scilicet Patriarchis, & Primatibus. Decrescente demum & religione, & potentia Græcorum, simulque eorundem crescente superbia cœptum est nouum in Oriente genus Archiepiscoporum nomine tenus, qui tamen nullis præessent Episcopis, ex rescripto Imperatoris hoc inane nomen adipiscebantur, medijsque erant inter Metropolitans, & ceteros inferiores Episcopos. Hinc effectum est, vt in Leonis Imperatoris *ἐπιστολῆς* subiectæ Constantinopolitano Patriarchæ recenseantur Metropoles vna, & octoginta. Deinde Archiepiscopatus prædicti generis nouem & triginta: Et legatur aliquoties apud Neotericos Græcos. Ex Archiepiscopatu ciuitas Metropolis facta est.

Eusebius Cæsariensis, qui in Concilio Nicæno sedit l. 3. vitæ Constantini, eum qui primus sedebat à dextro latere confessus orationem habuisse refert gratiarum actionis, & laudum Constantini. Theodorus autem l. 1. hist. Eccl. c. 7. scribit eum, qui orationem pronunciauit gratiarum actionis fuisse Eustathium Episcopum Antiochenum. Attamen cum hic esset ordine, & dignitate inferior Alexandrino, ex ea sessione primæ Sedis à dextero latere infert Cardinalis Bellarminus de Concilijs, & Ecclesia l. 1. c. 19. fuisse in Concilio Nicæno tres Sedium ordines siue exhedras: Primum in capite Aulæ, ibique edisse Constantinum medium inter Osium, & Alexandrum Alexandria Episcopum. Secundamque exhedram fuisse à dextra parte, vbi primus sedit Eustathius. In tertia denique ad sinistram tenuisse primum locum Macarium Ierosolymorum Episcopum.

Certè Osium, Vitum, & Vincentium præsedisse perspicuum est, tum ex Athanasio teste oculato epist. ad Solitar. vbi refert Osium fuisse Synodi principem, &

Nicæne fidei Symbolum composuisse, tum ex ipsius Synodi subscriptionibus: tum ex Photio lib. de septem Synodis: tum ex Gelasio Cyziceno, qui huius Concilij acta edidit iuxta vetus Dalmatij Episcopi Cyzici exemplar; cuius etiam meminit in sua bibliotheca Photius. Scribit ergo Gelasius l. 2. c. 5. Osium Legatum Synodo præfuisse nomine Sylvestri Papæ, adducitque testimonium Eusebij l. 3. vitæ Constant. c. 7. cuius verba disserta atque, ut ipse loquitur κατὰ λέξιν profert: quamquam in exemplaribus Eusebij hodiernis aliter legitur. Verum longè maior habenda fides exemplaribus, quæ ante annos mille ducentos extabant temporibus Dalmatij, Gelasijque veterum Græciæ Episcoporum, quam ijs, quæ nunc temporis circumferuntur à Græcis Schismaticis accepta, à quibus etiam conijcere pronum, est fuisse in ijs, quæ ad Romanæ Sedis dignitatem pertinent, deprauata. Et verò ipse Osius præsentibus Patriarchis in aliena regione, eaque Orientali, & longissimè ab Hispanicis oris dissita præsidere nullatenus valuisset, nisi titulo cohonestatus Apostolici Legati.

Cardinalis Baronius paulò aliter Nicænorum Patrum consessum disponit, cuius potior mihi hac parte videtur sententia, utpotè conformior posterorum Conciliorum ordini, ac vsui. Censet verò Constantinum in capite aulæ sedisse humili, ac demisso sedili aureo, ut in eius vita scribit Eusebius l. 3. c. 10. addens non ante sedisse quam rogatum à patribus, nec fuisse solito satellitio stipatum, sed primarijs aulæ proceribus. Baronius itaque duos tantum fuisse consessus patrum autumat: dextrorsum vnum, sinistrorsum alterum, atque in isto Legatos Romani Papæ primos consedisse, sub his verò assedisse Alexandrinum Episcopum. In dextero autem consessu primum locum tenuisse Eustathium Antiochenum, & sub eo Macarium Ierosolymitanum, aliosque deinceps, hinc inde Episcopos. Id enim confirmant sequentium Synodorum acta, quas

non est dubium, se ad Nicenæ exemplum conformasse. Enim verò refertur in Chalcedonensi act. 1. Senatium in medio ante cancellos sacri Presbyterij consedisse: a sinistris verò Legatos sanctissimi veteris Romæ Archiepiscopi Leonis: post hos deinde Anatolium Constantinopolis nouæ Romæ Archiepiscopum, & Maximum Antiochiæ. A dextero autem latere Dioscorum Alexandriæ, & Iuuenalem Ierosolymorum Episcopum. Itaque prima dexteræ exhedræ Sedes referuabatur secundo Patriarchæ, qualis erat in Nicæna Synodo Antiochenus, in Chalcedonensi Alexandrinus: quia iam tum Constantinopolis Episcopus sibi primæ Sedis post Romanum Episcopatum vindicarat honorem.

Ad hæc in sexta Synodo Act. 1. refertur sedisse scorsim Constantinum Augustum cum Patritijs, & Consulibus: a læua autem parte Legatos Apostolicæ Sedis: deinde Vicarium, ac Apocrisarium Episcopi Ierosolymorū, aliosq; deinceps Præsules. A dextera verò parte Episcopum Constantinopolis, deinde Theopolis, tertioque loco Vicarium Episcopi Alexandriæ, cur autem Episcopus Ierosolymitanus inferior Alexandrino, & Antiocheno immediatè tamen Legatis Apostolicis affederit, ideò factum, quia cum multi essent Apostolici Legati, quos non erat æquum disiungi ab inuicem, Ierosolymitanus ex consequenti multos ante se habebat Sessores: Antiochenus ex alia parte vnicum supra se patiebatur Sessorem Constantinopolitanum. Ideoque Antiochenus Episcopus honoratiorem præ Ierosolymitano locum occupare reputabatur in hac Synodo. Probat rationib. solidis Baronius ad ann. 325. n. 52. & ad an. 213. n. 6. in sacris, & Ecclesiasticis rebus præcelluisse olim sinistram præ dextera parte tum in Oriente, tum in Occidente. Quæ res si comperta fuisset Damiano Cardinali, dum in tractatu de picturis Apostolorum Petri, & Pauli disceptaret quorsum depingi solet Petrus ad sinistram, & Paulus ad dexteram, non se

se fatigasset in conquirendis Pauli supra Petrum pre-rogatiuis.

Vicariorum Romani Pontificis differentia.

Vicariorum Romani Episcopi multiplex discrimen fuit. Quidam enim dicebantur Legati à latere, alij Cognitores, seu Commissarij, alij in diocesis, aut Parochijs Vicarij. Quosdam enim delegabat Romanus Pontifex ad Synodos, tum generales, tum particulares, vt illis suo nomine præsenserent. Hos vocat Leo Papa epist. 14. ad Faustum, Legatos à Latere. Cum enim (ait) propter causam fidei quam Eutyches perturbare tentauit, de latere meo mitterem, qui defensionem veritatis assisterent.

Alij Papæ Legati dicebantur ἐπιγυρισμοί (sic enim vocat Concilium Sardicense can. 3. & 5.) idest, Cognitores, erantque Commissarij à Papa ad Dioceses, Prouincias, aut Parochias delegati, vt causas controuersas inquirerent, aut iudicaret, aut reuicerent, maxime in iudicijs appellationum ad supremam Sedem.

Tertij Pontificum Legati dicebantur Apocrisarij, seu responsales quorum hodie locum, & munus implent Nuncij Apolt. Mittebantur quippe ad Imperatores, vt res Ecclesiæ procurarent, iuraque Rom. Ecclesiæ tuerentur. Frequens horum mentio est in epist. Gregorij Papæ. Quin & alij Episcopi suos quum opus erat, mittebant Apocrisarios; nam Anatolius, quem Dioscorus Alexandrinus Episc. promouit ad Constantinopolitanam Sedem, fuerant antea ipsius Dioscori in vrbe Regia Apocrisarius. Et Georgius Presbyter subscriptus legitur in sexta Synodo cum titulo Apocrisarij Sedis Ierosolymorum. Nec solùm ad Principem, sed ad diuersos etiam Episcopatus mitti solebant Apocrisarij, præsertim ad Patriarchas, ad Exarchas, & ad Metropolitans, vt fidem facit Iustinianus nouella 6. c. 2. circa fin.

& cap. 3. & nouella 123. cap. 25. vbi decernit, non posse Apocrisarios validam inire conuentionem vltra Episcopi, vel Ecclesiæ delegantis mandatum Scribit S. Gregorius Papa l. 14. Moralium c. 29. se Apocrisarij munere iubente Pelagio prædecessore functum olim Constantinopoli apud Tiberium Imperatorem.

Quartum Vicariorum Romani Pontificis genus constituebant Primates, quibus tamquam Vicarijs supremæ Sedis, conferebatur potestas, & iurisdictio supra plures Metropolitas, hisque subiectos Episcopos. Ita Leo Papa epist. 84. Anastasium Thessalonices Episcopum Vicarium suum creat per vniuersas Asiæ Prouincias; addens Anastasij prædecessores fuisse similiter prædecessorum Romanorum Episcoporum Vicarios. Huc referunt nonnulli causam canonis 20. Concilij Sardicenis prohibentis extraneis Clericis diutinam Thessalonice moram & rationem addunt, quia propter Primatis Thessalonices residentiam, eo confluere solebant complures ex vniuersa Asia Clerici, qui sæpè numero, vel superuacanea negotiorum apud auditorium Primatis gestione, vel capti ciuitatis ipsius splendore, diutius à proprijs Ecclesijs aberant. In veteribus Concilijs antequàm Iustiniano intercedente Vigilius Papa Vicariam ex Thessalonica transtulisset in Acridum, quæ Iustiniano Patria fuit, quamque ideò primam Iustinianam vocati edixit, subscribit Thessalonices Episcopus inter primos à Patriarchis, vt superiori capite demonstrauimus. Videnda circa rem istam Iustiniani nouella 131. c. 3. Cælestinus etiam Pontifex in causa Nestorianæ heresis, Cyrillum Alexandriæ Episcopum Vicarium suum creat, vt Constantinopolis Ecclesiam rogat, quam Nestorius deuastabat. Superfunt ea de re littere Cælestini ad Cyrillum, & Cyrilli ad Clerum, & plebem Constantinopolis tom. 4. operum Cyrilli, deinde Hormisdæ epist. ad Salustium Hispalis Episcopum constituit ipsum Apostolicum per omnem Beticam, &

Lusitaniam Vicarium . Idemque Remigio Rhemenſi Epifcopo eandem confert poteſtatem per vniuerſum Ludouici Regnum , ſic enim vocat Clodouæum Francorum Regem . Litteras ſileo Pontificum Zoſimi, Symmachi , Vigilij, Gregorij Magni , quibus promouent Arelatenſes Epifcopos, ad Vicariam Apoſtolicam ſupra pleraſque Galliarum Prouincias . Omitto complures alias primatias , quas diuerſis temporibus Romani Pontifices, tùm in Gallia, tùm in Hiſpania, tùm in Germania, tùm in Anglia conſtituerunt .

De Loco Synodi Nicenæ , nonnullarumque aliarum inſequentium .

Veterum Orientis Conciliorum quædam conueniunt in ædibus Imperialibus : atque in primis iſtud Nicænum in aula Palatii Conſtantini, vt fidem facit Eufebius l. 3. vitę Conſtantini, c. 12. ſexta pariter Synodus ſub Conſtantini Pogonati Imperio in ea Regiarum parte, quę Trullus dicebatur . Quo eodem loco habitata fuit Synodus Quiniſexta ſub Iuſtiniano II.

Cæterę per Orientem œcumenica Synodi intra ſacras Baſilicas celebratę ſunt . Conſtantinopolitana, quidem , quę eſt inter œcumenicas ſecunda , conuenit intra Oratorium Sanctorum Pantaleonis , & Marini Martyrum , qui ſacer locus ex tunc *ὁμόνοια* , id eſt concordia nominatus eſt, propterea quòd centum, & quinquaginta Epifcopi in eandem fidei ſententiam conuenire aduerſus Macedonij dogma , vt ſcribit in ſuo de ſacris Imaginibus Tractatu Ioannes Damascenus, Ephreſina quidem intra Beatę Marię templum, Chalcedonenſis intra Virginis , & Martyris Euphemie Eccleſiam in ipſo Sanctuario . Nicęna altera in templo ante ambonem . Octaua Synodus in æde Sophiæ in ipſo Cathæcumenorum loco, vt earum acta teſtantur. Quę due poſtremę pariter aſſerunt ſacros Euangeliorum codi-

ces fuisse in medio Patrum confessu repositos. In oſta-
ua Synodo additæ sunt viuificæ crucis reliquiæ , προτε-
θέντων τῶν τιμίων ξύλων ἐν τῶν ἁγίων Ευαγγελίων , propoſitis ve-
nerabilibus lignis, & sanctis Euangelijs .

Ad Nicænos Canones primum , & secundum .

Primus Canon de Eunuchis , & Spadonibus decer-
nit arceri à Clero, qui spontè, & citra neceſſitatem
se mutilauerint . Cui irregularitati locum in ijs eſſe ne-
gat, qui à Medicis etiam spontè ex morbi causa, vel ab
alijs per vim, & iniuriam exciſi fuerunt. Refertur in de-
creto c. si quis à medicis, dist. 55 . Isti canoni dedisse vi-
detur occasionem Leontius Presbyter , qui, vt scribunt
Athanafius apol. de fuga sua in fine. Socrates lib. 2. cap.
21. Theodorus lib. 2. cap. 24. accusatus inhonestæ, aut
suspectæ cum muliere conuersationis , iussusque ab
Antiocheno Præfule Eustathio , vt ab ea consuetudine
deſisteret: cum obsequi detrectaret, sibi virilia ad amo-
uendam mali suspicionem reſecauit, perinde ac, si lice-
ret homini se quomodolibet , nullaque urgente morbi
vi mutilare: & quasi verò amputata illa parte simul ex-
cideretur quicquid fœda libido poteſt vel cogitatu, vel
sensu, vel quouis opere exequi: qua de re fuſè diſputat
Basilus lib. de vera, & incorrupta virginitate. Leontium
igitur duplici titulo, & iure, tum illicitæ reſecationis ,
tum prohibitæ consuetudinis depoſuit Eustathius . At
Leontius per nouum scelus se Arianis adiunxit , quo-
rum factione sub Constantio ipsam etiam Sedem An-
tiochenam inuaſit .

Refert quoque Eusebius lib. 6. hist. Eccl. Origenem
cum fœminas aliquot Theologicis diſciplinis , & sa-
cris litteris erudiret, velletque aut malum ipsum, aut
mali suspicionem anteuertere , sese adhibitis quibus-
dam medicaminibus feciſſe Eunuchum , verba iſta
Chriſti aliter, quàm par erat, intelligendo ; Sunt Eunu-
chi .

chi qui se ipsos castrauerunt propter regnum cœlorum. Quapropter Demetrius Alexandria Episcopus sacram ordinationem petenti recusauit. At Origenes in Palæstinam commigrans sacros ordines, ipsumque sacerdotium sumpsit ab Episcopis Cæsariensi, & Ierosolymitano. Vnde graues exortæ Demetrii cum ipsis querelæ. Quam pariter refert historiam Epiphanius hæres. 58. & Hieronymus de script. Eccl. in Alexandro. Itaque genus hoc irregularitatis etiam longè ante Nicænam Synodum sumpsit exordia: eamque stabiliunt Apostolorum canones vigesimus primus, & vigesimus secundus.

Nicænus canon 2. prohibet cathecumenos baptizari necdum satis institutos, aut probatos, nisi grauis urgeat necessitas. Vetat etiam recens baptizatum, ac Neophycum ordinari Episcopum, aut Presbyterum: cum id prohibeat Apostolus 1. Timoth. 3. statuit insuper excludendum de Clero eum qui duobus, aut tribus testibus conuictus sit reus, *ψυχὴν ἀμαρτήματος*, peccati animalis.

Dubitatur, quidnam sit animale peccatum. Exponit Theodorus Balsamon de quacumq; culpa incompatibili cum diuina gratia. Alij delicta intelligunt, quorum expiationi publicam iniungebant Ecclesiæ leges pœnitentiam: cuiusmodi erant apostasia circa fidem, homicidium, fornicatio: quæ peccata vocari ab antiquis solent per antonomasiam capitalia, & mortalia. Hoc sensu Isidorus ait lib. 2. de diuin. offic. consuetudinem Ecclesiæ hanc esse, vt sordidati peccato mortali ad ordines non promoucantur: & si quis post ordinationem mortalis peccati reus factus sit, non possit sacrum exercere ministerium. Præterea Concilium Valentinum in Gallia sub Damaso Papa cap. 4. prohibet ab Episcopatu, Sacerdotio, & Diaconatu eos qui se mortali crimine fatentur pollutos. Concilium etiam Agathense can. 32. discernit clericum, qui capitale crimen

commiserit deponi, & in Monasterium conijci. Concilium similiter, Toletanum quartum cap. 52. sancit eos qui publicam agentes pœnitentiam, mortale delictum publicè confessi sunt, non posse clericos ordinari. Et vtique passim sacri canones, eos qui publica pœnitentia perfuncti sunt, ordinari vetant, vt infra suo loco monstrabitur.

Secunda ista sententia probabilior est quàm prima, secundum quam vel vnicus actus odij, inuidiæ, aut libidinosæ cogitationis ab ordinibus in æternum excluderet, quin etiam ordinatos redderet ordinum functionibus perpetuò inhabiles: vnde vberissima scrupulorum, & anxietatum seges emergeret, ob ambiguitatem siue memoriæ, siue iudicij circa eiusmodi culpas. Innumeris quoque viris aditus ad Ecclesiæ Ministeria intercluderetur eximijs, & sanctitate morum, & animi dotibus, vixque vnus, aut alter reperiri posset ad clerum idoneus.

Tertia denique maximèque omnium probabilis explicatio est de completa per actum externum luxuria post Baptismum susceptum. Eaque conformis est canonibus 9. & 10. Concilij Neocæsariensis, de quibus superius actum est. Et Eliberino canoni 30. porrò Nicænus iste canon refertur dist. 48. c. quoniam. Sanctus Augustinus Episcopus fuerat quidem fornicator, & hæreticus Manichæus, sed ante Baptismum, quo purgabantur irregularitates ex delictis, vt tradit vndecimus Canon Ancyranæ Synodi.

Ad Nicænum Canonem. Can. III.

STatuit Canon 3. clerico nequaquam licere subintroducā (græcè σὺνείσαντον) habere mulierem, nisi Matrem, Sororem, auitam, vel eas solas quæ omnem remouent suspicionem. Citatur c. interdixit per omnia dist. 52. nulla vxoris hic mentio, non quia clerico ha-

ha-

habere liceret, sed quia nulla esse poterat ex lege Clericalis cœlibatus, ut mox perspicue probabitur.

Paphnutij verò instantiam istiusmodi à nuptijs continentiae oppositam, cuius meminere Socrates, & Sozomenus, censendum est vel à Socrate primum confictam à quo plurima de more suo hausit sine ullo delectu Sozomenus, vel potius à Græcis posterius insequitis schismaticis, & continentiae clericalis aduersarijs illic insertam, & suppositam: aut saltem si quid habet veri, nullam fuisse illius habitam à sacro Concilio rationem. Non enim posset eruditus quispiam negare, quanta districtione primis quinque sæculis vniuersa vbique terrarum Ecclesia sacro clero coniugium interdixerit, ut subinde commonstrabo testimonijs, & exemplis quibus refragari nemo possit. Posteriores quidem Græci, qui se schismate ab Ecclesia diuulserunt, matrimonij usum Episcopis subtrahunt, ac prohibent, sed inferioribus sacerdotibus permittunt, si iam fuerant tempore ordinationis suæ coniugati: non enim contrahere post ordinationem cannubia non permittunt, ut ex schismaticæ Synodi Quinisextæ canone 12. liquet.

Operæ pretium faciam proferendo Canones, & scripta, Patrum ex quibus clarescet prisca circa istud veteris Ecclesiæ, tam Græcæ, quam Latinæ disciplina, & ritus. Sciendum in primis continentiae huius præceptionem non esse absolutè diuini iuris. Aliòqui namque non licuisset Generalibus Concilijs Lugdunensi, & Florentino dispensare cum Sacerdotibus Græcis circa Matrimonij ante ordinationem initi usum. Neque valuisset Ancyrana Synodus can. 10., quem refert Gratianus can. Diaconi, dist. 28. Diaconis permittere vxorum consuetudinem, si ante ordinationem protestati coram Episcopo fuerint, nolle se, aut non posse continentiae lege attringi. Iure tamen Ecclesiastico, atque ab ipsis Apostolis tradito

(Apostolicarum enim traditionum alia diuini iuris sunt, alia Ecclesiastici) illicita est Sacerdotum, & Diaconorum cum vxoribus consuetudo, votumque continendi sacris ordinibus annexum.

Concilium Eliberinum sub ipsis gentilium persecutionibus habitum sic decernit can. 33. *Placuit in totum prohibere Episcopis, Sacerdotibus, Diaconis, & Subdiaconis positis in Ministerio abstinere se à coniugibus, & non generare filios; quod quicumque fecerit honore clericatus exterminetur.*

Concilium Carthaginense secundum c. 2. *Ita (inquit) placuit, & condecet Sacrosanctos Antistites, & Dei Sacerdotes, nec non & Leuitas, vel qui Sacramentis diuinis inseruiunt, continentes esse in omnibus, quò possint simpliciter quod à Deo postulant impetrare: ut quod Apostoli docuerunt, & ipsa seruauit antiquitas (obserua testimonium de veteri Ecclesiæ usu, & Apostolica traditione) nos quoque custodiamus. Ab vniuersis Episcopis dictum est. Omnibus placet, ut Episcopi, Presbyteri, Diaconi, & qui Sacramenta contrectant, pudicitie custodes etiam se ab vxoribus contineant.*

Hoc idem renouatur in Concilio Carthaginensi quinto can. 3. Et in Arelatensi secundo can. 3. cuius verba sunt ista: *Assumi aliquem ad Sacerdotium non posse sub Matrimonij vinculo constitutum, nisi fuerit promissa conuersio.* & can. 3. *Si quis de Clericis à gradu Diaconatus in solatio suo mulierem præter auiam, & matrem, & neptem, sororem, filiam, vel Conuersam Secum Vxorem, habere præsumperit, à communione alienus habeatur: par quoque mulierem si se non separauerit pana percellat.* Hoc Arelatensi canone permittitur cohabitatio vxoris, sed continens, nec maritalis, ut perspicue constat ex canone præcedenti, & ex voce conuersam. Qua eadem ratione intelligendus est Canon ille Apostolorum sextus, quo Græci abutuntur, & cuius obtentu veriti non sunt in Pseudosynodo Quinisexta damnare Romanam Ecclesiam. Vult autem Canon ille sextus Apostolis vulgò ascriptus, ut Episcopi, & Sacerdotes, & Diaconi curam

vxorum habeant, nec eas religionis specie abijciant, quemadmodum curam etiam gerere tenentur matris, auiz, & sororum, sine vlllo cubilis commercio. Quæ verò sit canonum Apostolis attributorum vis, & auctoritas pertractauimus iam in appendice ad Concilia circa reprobationem Baptismi hæreticorum habita.

Agathense Concilium cælibatû clericorû astruit can. 28. Item Turonense secundum can. 20. ita sancit: *Si inuentus fuerit Presbyter cum sua Presbyterâ, aut Diaconus cum sua Diaconissâ, aut Subdiaconus cum Subdiaconissâ* (sic vocabantur post ordinationem quas illi antea duxerant) *annum integrum excommunicatus habeatur: & depositus ab omni officio clericali inter Laicos se obsecrare cognoscat.*

Hieronymus lib. 1. contra Iovinian. non modo de Sacerdotum cælibatu testificatur, sed argumento deducto ex Apostolo, qui vult ipsos etiam Laicos ad tempus à coniugio abstinere vt orationi vacent, 1. Cor. 7. cælibatum clericalem his verbis roborat: *Si Laicus, & quicumque fidelis orare non potest, nisi careat officio coniugali: Sacerdoti, cui semper pro populo sacrificia offerenda sunt, semper orandum est: si semper orandum est, igitur semper matrimonio carendum.* His conformia docet Ambrosius lib. 1. de officijs cap. vlt.

Leo Magnus epist. 82. cap. 3. & 4. ad Anastasium sic scribit: *Omnium Sacerdotum tam excellens est electio, vt hæc, quæ in alijs Ecclesiæ membris vacant à culpa, in illis tamen habeantur illicita. Nam cum extra Clericorum ordinem constitutis nuptiarum societati, & liberorum procreationi studere sit liberum; ad exhibendam tamen perfectæ continentiæ puritatem, nec Subdiaconis quidem connubium carnale conceditur: vt & qui habent, sint tanquam non habentes, & qui non habent permaneant singulares. Quod si in hoc ordine, qui quartus est, à capite dignum est custodiri, quanto magis in primo, vel in secundo, tertio seruandum est? ne aut in Levitico Ministerio, aut Presbyterali honore, vel Episcopali excellentia, quis-*
quis
quans

quàm idoneus aestimatur, qui se à voluptate uxore necdum fransse detegitur.

Gregorius item Magnus lib. 4. Dial. c. 11. de Vrsino Sacerdote sic refert: *Hic ex tempore ordinationis suæ Presbyteram suam ut sororem diligens, sed quasi hostem cauens, ad se propius accedere nunquam sinebat.* Et subinde memorat quòd quum venerabilis hic senex quadragesimo suæ ordinationis anno, vltima ægritudine decumbens vix extremos spiritus traheret, eiusque presbyteram incerta si expirasset, aurem naribus eius admonisset ad explorandum; relictis viribus in has erupit voces: *Discede mulier adhuc igniculus viuit, amoue paleam.*

Opposita Græcorum consuetudo cœpit quinto sæculo inualescere paulò antè Synodum Quinisextam. Enimverò Hieronymus diù in Orientis oris versatus, ita scribit aduersus Vigilantium: *Quid facient Orientis Ecclesiæ; Quid Aegypti, & Sedis Apostolicæ; Quæ aut Virgines Clericos accipiunt, aut continentes, aut si uxores habuerint, mariti esse desistunt?* Hanc certè incontinentiæ labem spargere nitebatur Vigilantius per Occidentem, sed parùm ille processit irrupentibus in Gallias transmissis Rheno Vandalis, & Alanis quos Stilico, ut filio Eutherio aditum in Imperium per rerum turbationem, patefaceret, clam exciuerat.

Sed Latinis omissis veteres Græci patres audiamus. Astipulatur in primis œcumenicum Calcedonenſe Concilium can. 14. *Cum in quibusdam Prouincijs (ait) concessum sit Lectoribus, & Cantoribus uxores ducere.* Non igitur alijs concessum erat Clericorum ordinibus, ac ne ubiq; quidem lectoribus, sed in aliquibus dumtaxat Prouincijs. Origenes homil. 23. in Num. *Illius inquit solius est offerre Deo Sacrificium, qui indefinenter, & perpetua se deuouerit castitati.*

Eusebius lib. 1. demonſt. Euang. c. 9. *Verumtamen (ait) eos qui sacrati sunt, atque in Dei cultu & Ministerio occupati continere se deinceps ab uxoris commercio decet.*

Basiliius epist. 17. inter posterius additas, Sacerdotum septuagenarium, qui dimissam in sua ordinatione coniugem, in suas iterum ædes receperat, acriter obiurgat, & mandat, ut Presbyteram suam in Monialium Monasterium dimittat, & ei canonem istum Nicenum proponit, quem ab eo violatum conqueritur.

Chrysostomus homil. 2. de patientia Iob. Ita loquitur: Sic dicit Apostolus unius uxoris virum, non ea ratione, ut id nunc ab Ecclesia obseruetur, oportet enim omni prorsus castitate sacerdotem ornatum esse. Epiphanius ad finem operis contra hæreses sic loquitur: Sanctorum Sacerdotium ex Virginibus ut plurimum, aut ex solitarijs, aut si hi ad Ministerium non suffecerint, ex his constituitur, qui proprijs ab uxoribus se continent. Et si quis ab initio continens fuerit, aut viduus, habere potest locum Episcopi, Presbyteri, aut Diaconi, aut Subdiaconi. Idemque Hæres. 59. quæ est Catharorum, sed & adhuc (ait) liberos gignentem unius uxoris virum Ecclesia non adscripsit, sed cum qui se ab una continuit, aut in viduitate vixit Diaconum, aut Hypodiaconum, aut Episcopum, aut Presbyterum, maxime ubi sinceri sunt Canones Ecclesiastici. At dices mihi quibusdam in locis, filios gignere Presbyteros, Diaconos, aut Hypodiaconos: at non est iuxta canonem, sed hominum mentem, quæ per tempus elanguit.

Ex his postremis Epiphaniij verbis colligitur eam iam tempore, alicubi suboriri cœpisse illam, quam Græci hodierni consuetudinem seruant. Certè sub Iustiniani primi vitæ finem, illam tandem prævaluisse in Oriente, inde infero, quia cum eius nouella sexta cap. 5. dicat: Nihil ita in sacris ordinationibus diligimus sicut in castitate viuentes, aut cum uxoribus non cohabitantes, & cap. postmodò nouella 22. cap. 24. nihil amplius circa Clericorum continentiam statuit, quàm quæ nunc temporis Græci communiter seruant ex præscripto Synodi Quinisextæ cap. 12.

vel 13. Quod enim Summarium novellæ dicit de uxoris dimissione addititium est, nec priorsus in textu legitur.

Ad Nicanum Can. IV.

Quartus Canon Nicænus decernit *constitui, & ordinari Episcopum ab omnibus alijs, si fieri possit; Provincie Episcopis: sin minus à tribus saltem congregatis, accedentibus reliquorum absentium suffragijs, una cum Metropolitani consensu*. Refertur in cap. Episcopum ab omnibus distinct. 64. Et repetitur in Concilio Nicæno secundo can. 3. nullatenus hic audiendus Theodorus Balsamon scribens in hunc can. 4. Episcopos olim quidem fuisse ab uniuersa plebe electos. Quia tamen in hisce popularibus comitijs multa jactabantur indecora in eos, quorum proponebatur electio, fuisse isto Nicæno Canone consuetudinem illam abrogatam, statutumque ut soli Episcopi eligerentur. Sed errat Balsamon, cum nullum hic appareat abrogationis vestigium, & constat, fuisse peræque post Nicænum Concilium admissa ubique in Episcopis eligendis populi suffragia: sic tamen, ut moderationi, & regimini subessent Episcoporum: quemadmodum Athenis *πρόεδρος* popularibus suffragijs præerant, ut docet Iulius Pollux lib. 8.

Et utique sanctus Athanasius, qui Diaconus in hac Synodo interfuerat, euectus postmodum fuit ad Patriarchalem Alexandriæ sedem uniuersæ plebis suffragijs, ut refert Gregorius Nazian. orat. in ejus laudem. Cœlestinus quoque Romæ Papa epist. ad Episcopos Narbonensis Provincie cap. 5. *Nullus (ait) inuitis detur Episcopus: Cleri, plebis, & ordinis consensus requiratur*. Simile scribit Leo Magnus epist. 89. Et secundum Arelatense Concilium statuit can. 54. ut tres ab Episcopis nominentur de quibus Clerici, & Cives

potestatem habeant unum eligendi . Id confirmatur Concilij Cabilonensis can. 10. & Carthaginensis quarti can. 1. præterea Synæsius epist. 76. refert Antonium Episcopum fuisse ab universo populo Olbiatarum creatum . Synodus autem Nicæna id unum sanxit, ut novi Episcopi electionis , atque ordinationis cura , præfecturaque sit penes Metropolitem , cæteri q; Episcopi ad ejus, qui electus fuerit , ordinationem conveniant : fiatque ordinatio hæc ut minimum à tribus .

Porro in Episcopi novi consecratione requirunt sacri Canones Episcopos tres . Præter enim Nicænum istum Anacletus epist. 2. citata in decreto distinct. 66. can. fin. & Anicetus epist. 1. Ambo Pontifices , qui Apostolorum ætate vixerant , non modò istud de tribus Episcopis ordinatoribus præscribunt ; sed etiam Apostolos hoc tradidisse confirmant . Quin etiam à tribus Apostolis Petro , Iacobo Majore , & Ioanne fuisse Iacobum Minorem fratrem Domini consecratum Ierosolymæ Episcopum , ut hoc factò traderetur in posterum ordinationum Episcopaliū ritus , & forma , memorat Anacletus . Qui primus est Canon Apostolorum , præscribit, ut Episcopi à duobus , aut tribus Episcopis ordinentur . Innocentius Papa epist. ad Victricium Rhotomagensē Episcopum prohibet quemquam Episcopum consecrari, nisi à tribus Episcopis . Synæsius item epist. 67. ad Theophilum Alexandrinum , Siderium contra leges Ecclesiæ perhibet renunciatum Palæbiscæ Episcopum , quatenus nec Alexandria Episcopus factò isti consensit , nequit fuit à tribus consecratus Episcopis . Denique in Concilio Rhegiensi reprobat Armentarij ordinatio , qui fuerat renunciatus Ebreduni Episcopus , tū eo nomine quòd tres Episcopi ad eam non intervenerant , tū quòd Metropolitanī consensus defuerat : quæ tamen simul utraque requirit quartus hic Nicænus Canon . Quia imò Concilium Arelatense primum can. 21.

exigit, vt qui Episcopum consecrat, septem secum alios assumat Episcopos: vbi verò compleri numerus ille non poterit, ne minùs quàm tres Episcopi interueniant.

Quæstio illustris est, & sit ne de necessitate quoque Sacramenti, an solùm de necessitate præcepti, vt tres hic interueniant Episcopi? Tres ventilantur in hac re Theologorum sententiæ. Contendunt aliqui hoc esse de Sacramenti necessitate, vt si secùs fiat nihil agatur. Alij concedunt esse quidem de Sacramenti necessitate, non tamen absolutè, sed hac restrictione, si non fuerit ab Ecclesia dispensatum vt secùs fiat. Quo etiam modo docent pleriq; circa confirmationis Sacramentum esse de Sacramenti necessitate, vt administretur ab Episcopo: vbi tamen interuenerit Pape, aut Concilij generalis dispensatio, posse simplicem Sacerdotem esse illius ministrum. Tertià demum opinio est, posse etiam citra dispensationem suscipi validè ordinationem, & characterem episcopalem, tamen si illicitè ab vnico etiam Episcopo. Præcitatus quidem Anicetus Pontifex declarat eiusmodi ordinationes viribus carere, atque irritas esse. Illius tamen Canonis glossa id exponit de executione officij, hoc est, vt non liceat sic ordinato illa exequi, quæ sunt muneris Episcopalis, donec dispensetur.

Tertià hæc potior sententia est propter illa quæ sequuntur argumenta. Primum enim Innocentius Papa epist. 22 ad Bonifacium, dissidium componens Antiochenum, mandat eos, qui fuerant ab Euagrio Paulini in Sede Antiochena successore ordinati, recipi cum suis ordinibus, & honoribus: & tamen Euagrius contra sacras Ecclesiæ leges fuerat à solo Paulino ordinatus Episcopus, vt fidem facit Theodorus l. 5. hist. eccl. cap. 23.

Synesius perhibet de Siderio superius memorato fuisse ab vno Episcopo Cyrenensi Philone consecratum Episcopum, neque id tamen obstitisse, quominus magnus Athanasius absque noua consecratione cum

ipso

ipso dispensauerit, eumque ad Ecclesiæ Metropolitana clauum admouerit.

Ad hæc Synodus Regiensis cum præfato Armentario dispensauit, vt Baptizatos, seu Neophytos confirmaret: cumque ordinatis ab Armentario Clericis, si sint alioqui vitæ inculpatæ, vt in ordinum ministerio retineantur.

Apostolorum etiam præcitatus Canon probat. Episcopi consecrationem à duobus Episcopis.

Simon Apostolus apud Clementem Papam l.8. constit. Apost. c.27. sancit valere Episcopi ordinationem à duobus factam Episcopis: & hoc addit licere in necessitatis casu, Episcopum ab vnico Episcopo consecrari.

Item Dionysius lib. Hier. eccl. describens Episcopi augurandi ritum, meminit vnus dumtaxat Episcopi consecrantis.

Idque ampliùs inde confirmatur, quod fieri vix poterat, vt Apostoli totum terrarum orbem peragran-tes, nouasque in Prouincijs ad quas accedebant, fundantes Ecclesias, copiam semper habere possent Episcoporum quos passim constituerent, aut quorum ope novos Episcopos ordinarent.

Testatur Henriquez summæ suæ tom.1. l.10. cap.24. Papam Gregorium XIII. dispensasse cum recens à se constituto Æthiopie Patriarcha è Soc. Iesu, vt solus sine assistentibus Episcopis posset novos Episcopos consecrare, ubicumque opere pretium esset.

Querenti August. Angliæ Primati quot sint Episcopi necessarij ad nouum Episcopum consecrandum? respondet Greg. Magnus resp.8.ad interrogata Augustini verbis quidem obscuris, quorum tamen hic est genuinus sensus. Cum sit solus in Anglia Episcopus August. expectandos esse ex vicina Gallia Episcopos, qui novos Episcopos ordinaturo Augustino assistant: & postmodum adhibendos esse nouiter ordinatos in Anglia episcopos ad nouam aliorum consecrationem.

Ad Nicænos Canones V. VI. VII.

Q Vintus canon sancit *latam excommunicationem siue in Clericum, siue in Laicum per sententiam proprii ipsorum Episcopi seruandam esse in alijs quoque Prouincijs, aut Parochijs, ad quas cumque transierit excommunicatus, neque ab alijs ullibi Episcopis posse reconciliari, & ad communionem fidelium admitti.* Quæ sanctio inserta legitur in Gratiani decreto 11. q. 2. can. seruetur ista sententia. Eademque renouatur in Concil. Sardicensi can. 13. solum itaque superest excommunicato remedium vel absolutionis, vel recursus ad superiorem antistitem, per appellationem, quæ tamen haud suspendit excommunicationem, de qua fuerit appellatum, sed ad superius Tribunal deuoluit iuxta c. cum ad hæc de appellat. Sanè ubi excommunicationis sententiâ esset aperte inualida, vt si nulla præcessisset præmonitio, eo casu nullatenus ligaret, nec esset opus appellatione, c. statuimus de sent. excommun. in 6. & c. 1. de sent. & re iud. Est enim, licet excommunicatio ferenda est non modo in peccatorem, sed etiam in contumacem, alioquin irrita.

Præscribit hic idem Nicænus Can. 5. vt singulis annis bis conuocentur ad Synodum omnes in singulis Prouincijs Episcopi. Primum quidem appetente quadagesimæ tempore: deinde autumnò. Atque vt Synodus examinet prolatas à singulis per Parochias Episcopis sententias, quæ ibi prout videbitur, vel confirmabuntur, vel corrigentur, vel reuocabuntur. Eamdem iterat constitutionem Concilium Antiochenum can. 20. & œcumenicum Chalcedonense, can. 19. & Leo Papa I. epist. 82. cap. 7. Quæ simul omnia compilantur in decreto Gratiani dist. 18. Quin etiam Apostolorum canon 37. iubet quotannis Episcoporum Prouinciæ conuocari Synodos, tum hebdomadæ quarta Pente-

co.

costes, tùm die duodecima mensis hyperberetæi, qui nostro ferè Octobri responderet, ibique appellationum causas terminari, singulorumque Episcoporum prolata in suis Parochijs sententias, & acta examinari.

Hoc ipsum olim Romanus quoque Pontifex singulis annis seruabat, duasque Synodos Episcoporum cogebat. Primam quidem Prouincialem conuicinorum, Antistitum, quibus præest speciali titulo Metropolitana: secundam nationalem mense Octobri, Italiæ, atque Siciliæ Episcoporum, quibus ipse præficitur speciali iure Primatis. Huius rei notitiam suppeditat Leonis Magni epist. 62. ad Episcopo Siciliæ cap. 4. his verbis: *Vt quia saluberrimè à sanctis Patribus constitutum est, binos in annis singulis Episcoporum debere esse conuentus, terni semper ex ipsis ad diem tertium Kalendas Octobris Romam fraterno Concilio sociandi occurrant.* Nonnunquam etiam, sed rariùs cogebat summus Pontifex, vt Occidentis Patriarcha Concilium Episcoporum, non modò Italiæ, & Siciliæ, sed etiam Galliæ, Hispaniæ, & Britanniæ, Africæ, Illyrici, quale superiùs vidimus Arelatense in causam Donatistarum. Denique ad Romanum spectat Episcopum, vt summum vniuersi gregis dominici pastorem, Concilij œcumenici conuocatio.

Nicænus canon 6. sic ait: *Antiqui mores seruentur in Ægypto, Lybia, & Pentapoli, vt Alexandrinus Episcopus horum omnium habeat potestatem: quandoquidem, & Episcopo Romano hoc est consuetum. Similiter & in Antiochia, & in alijs Prouincijs sua Priuilegia Ecclesiis seruentur. Illud autem est omnino manifestum, quòd si quis absque Metropolitanis sententia factus sit Episcopus, eum magna Synodus definit esse Episcopum non oportere.* Hæc sunt canonis verba, cui tamen initium deest, supplendum ex Concilij pariter œcumenici Chalcedonensis actione 16. vbi Nicænus iste canon sic allegatur à Paschasino Apostolico Legato: *Ecclesia Romana semper habuit principatum: consuetudo viget in Ægypto, &c.* Deinde eadem actione Chalcedo-

nenses Patres sic prosequuntur: *Videmus omnes ante omnia primatum & præcipuum honorem, secundum Canones Deo Amantissimo Archiepiscopo veteris Romæ conseruari.* Rufinus Canonem istum verbis ambiguis, atque adeò intelligentia, & constructione vacuis non tam vertit, quam peruertit: nec ille tanti est, ut eius ineptijs sit immorandum. Ista porro canonis verba ἐπειδὴ καὶ τὰς ἐν Ρώμῃ Ἐπισκόπων τῶτο συνδεδέσθαι. Quandoquidem & Episcopo Romæ hoc est consuetum sic intelligenda sunt, ut ideò præfata in Ægyptum, Lybiam, & Pentapolin, Alexandrino Præsuli competat authoritas, quia id ei ius tribuere solet Romanus episcopus.

Ioannes Morinus Oratorij Domini Iesu Sacerdos ingenio, & doctrina consummatissimus, in suis eruditissimis exercitationibus ecclesiasticis, de limitibus trium Patriarchatum Romani, Alexandrini, & Antiocheni fusè disputat: commonstratque, vniuersam Africam præter regionem Ammoniacam, quam Alexandrinus Patriarcha complectebatur, pertinuisse ad Romanum episcopum spectatum, ut Occidentis Patriarcham.

Idemque probat, Patriarchæ Antiocheno subiectas fuisse omnes Orientis ecclesias ab Hellesponto ad vsq; Euphratem, & ultra. Sanè compertum est, fuisse semper Antiochiam etiam in ciuili partitione totius Orientis Metropolin: sic enim eam vocat Zosimus l. 1. hist. & Chrysostomus cuius ipse Antiochenus hom. 3. ad pop. Antioch. & Hieronymus aduersus errores Ioann. Ierosolym. Quia verò multiplex olim erat Orientis acceptio. Prima quidem quæ Thraciam, & Mysiam (quæ postmodum Bulgariæ sortita est nomen) omnemque Asiam ab Hellesponto ad Tygrim amnem, quin etiam Ægyptum ipsam, & Lybiam, atque Pentapolin complectebatur. Has enim regiones omnes moderabatur constitutus à Magno Constantino Augusto præfectus Prætorio Orientis, ut testatur Zosimus hist. l. 2. Nec multum differt hæc præfecti prætorio Orientis for-

sortitio à partitione Prouinciarum Orientis, quæ Constantio ex Constantini patris testamento obtrigit, nec non ab ea, quæ obuenit Arcadio, cui Theodosius Pater Orientem, quemadmodum Honorio Occidentem in Imperium concessit. Altera est Orientis significatio multò contractior, pro Syria, Phœniciaque, & Mesopotamia. Præfecto prætorio Orientis subiectæ erant quinque istæ Diœceses, Ægypti Asiæque, Ponticæ, Thraciæ, & specialis Orientis, vt docet Liber notitiæ Imperij, quem eruditissimis commentarijs, illustrauit Pancirolus, & insuper l. 2 & 3. c. de milit. veste lib. 12. & leg. vltima c. de diuersis officijs lib. 12. his adde leg. 1. cap. vt nemo ad suum patrocinium suscipiat. Singuli harum Diœcesum Præfecti dicebantur Vicarij. Ceterùm specialis Diœcesis Orientis Vicarius dicebatur speciali nuncupatione Comes Orientis. Ad hanc specialem Orientis Vicariam pertinebant omnes illi Orientales Episcopi, qui Ioannem Patriarcham Antiochenum ad Ephesinum concilium Comitati fuerunt, multasque turbas aduersus Cyrillum, & œcumenicam Ephesi synodum, vt infra suo loco videbimus concitauerunt. Et hi constituebant Exarchiam, seu Primatum Antiochenum: Ipsa verò Antiochena Patriarchia ad Hellepontum protendebatur, Asiam minorem, & Ponticam complectens.

Tertia denique Orientis acceptio protenditur ab ora Asiatica litoris Ægei versus solis ortum: deducta Ægypto, Libyaque. Et secundùm hanc designationem Antiochensis Patriarchia, seu Ecclesiastica Patriarchæ Antiocheni Diœcesis omnes Orientis Ecclesias regebat, & cum maiori Asia, minorem Asiam simul, & Ponticam comprehendebat. Synodica Nicanæ Concilij ad Ecclesias Ægypti epistola, loquens de sedata veteri circa Paschalem diem contentione, affirmat Orientales, qui hac in re ludæos consectabantur, eodem posthac die Pascha

celebraturos, quo reliquæ orbis Ecclesiæ. Perspicuum verò est illos, de quibus dicit Orientales Quarta decumanos fuisse Asiæ minoris incolas, quorum Princeps, Ecclesia erat Ephesina Metropolis, ut legitur apud Eusebium l. 5. hist. c. 22. 23. 24. Epiphanius insuper hæresi 70. Audianorum ait, in celebranda Paschali solemnitate dissidium exarsisse inter Orientem, & Occidentem: quibus locis sub nomine Orientis intelligitur Asia minor, quæ nunc etiam Anatolia, hoc est Oriens nominatur. Et verò testatur Hieronymus adu. err. Ioan. Metropolin. Totius Orientis esse Antiochiam, nimirum ab Asiatico littore ad Indos. Itaque postmodum ad constituendum Constantinopoli Patriarcham, Prouinciæ Asiæ, & Ponticæ ab Antiocheno Patriarchatu decisæ sunt, & Thracia subducta Romano fuit Episcopo.

Canon Nicænus 7. *Mos (ait) antiquis obtineat, ut Ælia id est, Ierosolymæ* (quam Ælius Adrianus euerfam instaurauerat) *Episcopus honoraretur, salua Metropolis propria dignitate.* Tametsi Ierosolymorum Ecclesia cæteras omnes antiquitate præcesserit, fuitque Domini prædicatione, miraculis, morte, resurrectione decorata, & præterea Spiritus Sancti descensu, primisque Apostolorum prædicationibus, Iacobi etiam Apostoli sede, & martyrio, multisque alijs nominibus inclita, nihilò secus Metropoli Cæsariæ, Palæstinæ subiecta, suffraganea fuit: adeò, ut à Ierosolymitani Episcopi iudicijs ad Cæsariensem deuoluerentur appellationes, ut fidem faciunt Hieronymus ad Pammachium. Et lib. adu. err. Ioan. Ieroso. & Leo Magnus epist. 62. ad Maximum Antiochenum. Suprema verò iura Præsulis Ierosolymitani in solis maioribus Synodis effulgebant, in quibus ille secundo ab Antiocheno Patriarcha loco sedebat. Verumtamen in Prouincialibus Synodis Metropolitæ Cæsariensis præsidebat, eique proximè assidebat Æliæ Episcopus. Hinc factum, ut in Synodo coacta Cæsariæ in Palæstina, in qua conclusum est contra

Quar-

Quartadecumanos præfederit Theophilus Cæsariensis, cui assedit Narcissus Ierosolymitanus, vt colligitur ex Eusebio l. 5. Eccles. hist. c. 15. simile postea accidit in Synodo Diospolitana. Require inferius, quæ hac de re obseruamus ad Can. 5. Concilij Lateranensis sub Innocentio III. deque noua erectione Ierosolymitani Episcopatus in absolutum Patriarchatum.

Ad Canonem Nicænum. VIII.

Octauus canon studio pacis componendæ remittit de veterum Ecclesiæ canonum seueritate, eoque, qui se Catharos dicunt (hi sunt Nouatiani) ad Ecclesiæ vnitatem reuertentes, in pristinum restituit Episcopatus, vel sacerdotij, vel alterius Clericalis ordinis gradum: Si tamen eidem Ecclesiæ, alius iam non fuerit prouisus orthodoxus Episcopus. Quo casu, cum, qui ex Nouatiani schismate eamdem occupauerat sedem, contentum esse iubet Sacerdotis, aut Chorepiscopi gradu: ne inquit, in una Ciuitate duo sint Episcopi. Canonem istum designat Augustinus epist. 110. sic dicens: *Adhuc in corpore posito beatæ memoriæ Patre, & Episcopo meo sene Valerio Episcopus ordinatus sum, & sedi cum illo, quod Nicæno Concilio prohibitum fuisse nesciebam, nec ipse sciebat.*

Ceterò qui hæc ipsa Nicæna Synodus can. 10. lapsos ita excludit à Clero, vt si quis aliquando lapsus Clero ascriptus fuerit, aut ordinatus, deponi eum iubeat simul, ac præcedens eius lapsus innotuerit. Et antea Synodus Eliberina can. 51. quemcunque ex quavis hæresi conuersum, ita excludit à Clero, vt eos etiam qui fuerant ante hæresim ordinati deponi præcipiat. Cornelius Papa, & Martyr in sua ad Fabium Antiochenum epistola penes Eusebium l. 6. hist. Eccles. c. 35. ait, se vix dum idque in gratiam vniuersi populi pro eo supplicantis admisisse ad laicam communionem vnum de

tribus Episcopis, grauitè facti sui pœnitentiam; qui Nouatiano manus imposuerant. Et refert Cyprianus epist. 52. ad Antonianum, ab eodem Papa Cornelio Episcopum, olim Schismaticum, sed iam pœnitentem Trophimum fuisse ad laicam communionem admissum: sed tam effusæ benignitatis causam fuisse fratrum recolligendorum necessitatem, quorum plurimi ductore Trophimo ad Ecclesiæ vnitatem se recipiebant. Idem Cyprianus epist. 64. & 68. Contendit non esse recipiendos lapsos, quantumvis pœnitentes ad pristinum ordinis gradum. Testatur Augustinus epist. 162. ad Episcopos Donat. & in Breuiculo Collat. Melchiadem Papam Donatistis Episcopis, qui à Schismate discederent, conditionem obtulisse, ac decreuisse, vt ad Episcopale Ministerium admitterentur: & in quibuscumque locis duo essent, contrariarum partium Episcopi, confirmaretur is qui prior fuisset ordinatus: alteri verò plebs alia regenda prouideretur: quod Melchiadis propositum collaudat Augustinus. Idemque lib. 2. contra Cresconium cap. 11. & epist. 5. refert, Africanum Concilium, eadem ratione, & necessitate adductum pro lapsorum reductione, & Ecclesiastica pace, restituisse Donatistas Episcopos ad pristinum dignitatis gradum: quam rem approbat, additque sub finem epistolæ quintę, restitutionem quandoque factam in pristinos Episcopatus fauore Arianorum in Ecclesiam redeuntium; hoc tamen adiungens, citra grauem, & vrgentem necessitatem insistendum constanter esse canonum disciplinæ, prorsus interdicentium Clericis lapsis reditum ad priorem gradum. Similiter scribunt Socrates l. 3. cap. 7. 8. 9. & Theodoretus lib. 3. cap. 4. & 5. Athanasium, cum Alexandriam per Iuliani Edictum postliminiò reuertisset, Synodum habuisse, quæ decreuit, vt Arianæ Episcopi heresim eiurantes pristinas sedes reciperent. Quam indulgentiam cum ægrè ferret Lucifer Episcopus Claritanus, ita communionem auersatus est,

est & redeuntium in Ecclesiam, & eosdem recipientium, ut nouum ab eo schisma pullulauerit. Verum, ut ait Bonifacio Papa VIII. regula iuris 70. *In argumentum trahi nequeunt quæ propter necessitatem aliquando sunt concessa.* Denique Apostolis ascriptus can. 29. sic ait: *Ne Episcopus, vel Presbyter, vel Diaconus iultè depositus ministerium pristinum resumat.* Et Canon 61. *Ne conuictus de crimine ad Clerum promoueat.* Et Can 62. *ut lapsi Clerici deponantur, & si pœnitentia ducuntur, ne recipiantur nisi ut laici.*

Ad Canones Nicanos XI. XII.

& XIV.

C Anones Nicæni 11. & 12. tres distinguunt pœnitentium classes, auditorum, prostratorum, & citra oblationem communicantium. Auditores extra fores, atque in vestibulo Ecclesiæ versabantur. Prostrati admittebantur intra nauim ad pauimentum demissi, valuis Ecclesiæ proximi, ubi à tergo fidelium, preces fundebant, & lugebant: deinde iuebantur de loco sacro egredi tempore Offertorij, ne diuinis mysterijs interessent. Tertij denique integræ synaxi vsque ad finem cum cæteris fidelibus assistebant, sed sacræ Eucharistiæ minimè participabant.

Gregorius Thaumaturgus, & Basilius Magnus in suis pœnitentiarum canonibus alijque, veteres publicè pœnitentium ordines quatuor distinguunt, 1. *πρόσπλαυσιν* fletum, *ἀκρόασιν*, auditionem, *ὑπόπτωσιν* prostrationem, & *σύστασιν* consistentiam, quibus tandem succedebat *μείδεξις* participatio diuinorum. Exempli causa Basilius ei, qui mœchatus fuerit, præscribit in suis ad Amphiloichium Canonibus annos pœnitentiæ publicæ quindecim: quatuor annos in fletu, quinque inter audientes, quatuor inter prostratos, reliquum inter consistentes.

Gregorius Neocæsariensis can. 11. flentes, ait, excludit à foribus Ecclesiæ, audientes intra fores admitti, versarique in Narthece, iuxta ianuam post Cathedram, sed ipsos omnes antequam celebrentur ineffabilia Dei mysteria cum Cathecumenis depelli foras: & consistentes demum una cum populo fidei ad finem usque sacrificij persistere, privari tamen Eucharistiæ participatione. At verò Iudæis, & Gentilibus, ipsisque Hæreticis permittebatur, intra Ecclesiam consistere, atque Dei verbum, psalmosque audire usque ad finem Missæ, siue collectæ Cathecumenorum, id est, usque ad offertorium: ut fidem facit Carthaginense Concilium quartum can. 84. solis verò pœnitentibus primæ classis interdicebatur Ecclesiæ ingressu.

Pœnitentium habitus erant pullæ vestes cinerè consperse, sacci, cilicia, squallor capitis inculti, totiusque corporis neglectus: seueris præterea ieiunijs, orationum frequentia, vigilijs, chameunijs, alijsque *συναγώγαις*, seu asperitatibus iugiter exercebantur: à delicijs, conuiuijs, balneis, & hominum congressibus abstinebant: nec eis militare licebat, vel inire coniugia; hæc docent Arelatense Conc. 2. can. 21. Leo Magnus epist. 92. c. 11. & 12. Tertull. lib. de pœnit. Pacianus Parenzæsi ad pœnit. Hieronymus in epitaphio Fabiolæ, quo huius sanctę viduę graphicè describit publicam in Basilica Laterana pœnitentiam. Et Concilium Agathense can. 15. & Toletanum 3. can. 12.

Nec verò semper publicæ fiebant ob publicè nota delicta pœnitentiæ; sed plerumque etiam propter occulta. Itaque publica confessio non semper publicam pœnitentiam comitabatur, ut ex Ambrosio colligitur l. 1. de pœnit. cap. 16. *Si quis, (inquit) occulta crimina habens, propter Christum tamen pœnitentiam studiosè egerit, quomodo isthic recipiet, si ei communio non refunditur?* Ibi verò, imò toto illo opere non de alia quam de publica tractatur pœnitentia. Subiungit enim, *volo veniam reus*

spe.

speret, petat eam lachrymis, petat gemitibus, petat totius populi fletibus. Idemque l. 2. de pœnit. cap. 10. hortatur ad publicam pœnitentiam quos ab ea pudor deterrebat. Hoc verò vititur argumento, non esse cur pudeat Deo publicè supplicare, & humiliari, cum ipsos non pudeat sua peccata homini quem ipsi lateant confiteri. An inquit pudeat te Deo supplicare quem non lates, cum te non pudeat peccata tua homini, quem lates confiteri? Quæ Ambrosij ratio prorsus inepta foret depellendo pudori, si publica Exhomologesis, seu confessio indiuisa semper esset cum publica pœnitentia, cum nemo ignoret, grauiorem multò pudorem nasci ex publica ad vniuersum populum confessione criminis antea ignoti, quam ex priuata, secretaque ad vnum sacerdotem. Hoc igitur Ambrosij loco, pudor exurgens ex publica pœnitentia, cuius tamen causa ignoretur, cum pudore confertur, quem parit secreta penes vnum sacerdotem manifestatio. Præterea Concilium Toletanum 4. can. 52. statuit per publicam pœnitentiam, in qua nulla fuerit publica delicti confessio neminem ab ordinibus Ecclesiasticis excludi. Nam alioquin publica penitentia perpetuam pariebat ad ordines Ecclesiasticos irregularitatem, vt docent Origenes l. 2. contra Celsum. Hieron. Dialog. aduer. Lucifer. Siricius Papa epist. 1. c. 1. alijque communiter Patres.

1. Absolutio, quam veteres manuum impositionem, reconciliationem, pacisque communionem vocabant, numquam (secluso mortis discrimine) impertiebatur pœnitenti, nisi post transcriptum omne, secundum Canones, pœnitentiæ tempus: vt liquidò testificantur Cyprianus epist. 11. ad Confessores, & epist. ad Antonianum, & epist. 59. ad Fidum, & Canones passim Eliberini, & huius Nicænæ Synodi canon. 13. statuens, ne cuiquam in fine vitæ viaticum negetur, sed si sumpta reconciliatione, atque viatico ager de periculoso morbo conualuerit, iubet Canonica pœnitentiæ tem-

culon

entia tot

po

poq

Concordia

bod

pōra continuari, eoque durante negat esse administranda Sacramenta. Mos quidem aliquando viguit sub paganorum infectionibus, ut prolatis Confessorum, ac Martyrum libellis, ac precibus Episcopi citius veniam, pacemque penitentibus darent, sed in contrarium grauissimi viri sæpè numero reclamarunt, Cyprianus, Tertullianus, atque hoc ultra fieri vetuerunt Synodus passim Eliberina, & Arelatensis can. 9.

Numquam verò pœnitentibus reconciliatio intra Ecclesiam indulgebatur, quin simul sacra eis daretur Eucharistia. Perspicuè namque dicit Ambros. lib. 2. pœnit. cap. 3. *Quotiescumque peccata donantur, corporis eius Sacramentum sumimus, ut per sanguinem eius fiat peccatorum remissio.*

Quæ verò crimina erant publica expianda pœnitentia, ad tria potissimum genera reducuntur, infidelitatem, luxuriam, & homicidium: ut docent Tertull. de Pudicit. cap. 1. & 12. Pacianus Barcinonensis Episcopus Parænesi ad pœnit. Gregorius epist. 92. ad Rusticum Narbonensem Episcopum. His adde falsi crimen, & calumniam, ex Agathensis Concilij can. 32. aliaque peccatæquè grauius delicta, ut colligitur ex plerisque veterum Patrum Canonibus penitentialibus. Et hæc sufficiant ad notitiam publicæ, quæ vndecim sæculis viguit, penitentia.

Canonis 13. circa ægrotos penitentes decretum paulò ante proposui, ut eis de vita periclitantibus Communio Eucharistica exhibeatur; sed ubi reconualuerint, ad penitentiam, donec tempus præscriptum expleuerint, reuocentur.

Can. 14. Diaconis prohibet, ne Presbyteris ausint Eucharistiam sacram porrigere; hanc addens rationem, qua Calvinistarum hæresis Sacrificium incruentum adorta profligetur: *ὅτι ὁ καὶ ὅτε ἡ συνῆθεια παρέδοκε τὴν ἔξωσίν μὴ ἔχοντας προσφέρειν, τοῖς προσφέρουσιν διδόναι τὸ σῶμα τοῦ Χριστοῦ.* Neque lex, neque consuetudo tradit, ut qui offe-

ren-

rendi potestatem non habent, his qui offerunt, dent corpus Christi. Sed expressior in actis Concilij istius habetur declaratio apud Gelasium Cyzicenum, quam multis glossematis eludit, & obscurare nititur Caluinus lib. 4. instit. cap. 17. §. 36. At inepta eius glossemata eluduntur Nicæni huius testimonij perspicuis verbis. *Iterum etiam hic in diuina mensa, ne humiliter intenti simus ad propositum panem, & calicem: sed attollentes mentem, fide intelligamus situm in sacra illa mensa illum Dei agnum tollentem peccata mundi, incruentè à Sacerdotibus immolatum, & pretiosum ipsius corpus, & sanguinem verè nos sumentes credere. Hæc esse nostræ resurrectionis Symbola, propter hoc enim neque multum accipimus, sed parum: ut sciamus non ad satietatem, sed ad sanctificationem sumi. Ita loquitur Nicæna hæc Synodus. Sacrificium Eucharisticum suo Vaticinio firmat Malachias Propheeta, qui cap. 1. sic Deum loquentem inducit: Non est mihi voluntas in vobis dicit Dominus exercituum, & munus non suscipiam de manu vestra: ab ortu enim solis usque ad occasum magnum est nomen meum in gentibus, & in omni loco sacrificatur, & offertur nomini meo oblatio munda, quia magnum est nomen meum in gentibus, dicit Dominus exercituum. Quam Malachię prædicationem satis aliòqui per se manifestam, sancti veteres Ecclesiæ Doctores de Sacrificio Eucharistico corporis dominici vnanimes interpretantur. Ex quibus (ut cæteros omitam) Iustinus Martyr in Dialogo cum Tryphone Iudæo, sic ait: De nostris gentium quæ in omni loco offeruntur sacrificiis, hoc est pane Eucharistiæ, & poculo similiter Eucharistiæ, iam tum locutus Malachias prædixit, nos quidem glorificare nomen eius, vos autem profanare.*

Illà porrò Nicænorum Patrum locutio ἀθύρως θυόμενον incruentè sacrificatum, affinis, ac synonyma est cum hac altera expressione ἀναμικτὴ θυσία incruenti Sacrificij, quam de Eucharistia frequentissimè vsur-

pant Græci Patres, Clemens l. 6. const. cap. 2. Eusebius l. 1. demonst. Euang. c. 10. Gregorius Nazianz. Stelent. 1. & 2. Anastasius Sinaita epist. ad Phrudegardum, Cyrillus Alexandrinus in Concilio Alexandrino, ad Anathematismum, 11. Synodus Quinisexta can. 32. & Synodus Nicæna secunda act. 6. hoc discrimine mystica differt oblatio à cruenta semel in cruce exhibita.

Ad Nicænos Can. XV. XVII. XIX. XX.

Canonis cauet, ne Episcopi, Presbyteri, & Diaconi ab Ecclesijs ad quas fuerant ordinati, ad aliarum Ecclesiarum ministerium transeant, citatur in cap. Non oportet Episcopum 7. qu. 1. Huic parem edit Canonem sextum Synodus Chalcedonenfis, prohibentem, ne quis Episcopum, presbyterum, aut Diaconum ordinet, quin simul eundem alicuius certæ Ecclesiæ ministerio addicat. siue in vrbe, siue in oppido, siue in monasterio: sin minus, ita ordinatos interdicit ab ordinum exercitio. Citatur in c. Neminem absolutè, dist. 7. Idem sancitum in Concilio primo Arelatensi can. 22. quo vetatur presbyteris, & Diaconis in alias Ecclesias transgredi, solisque iubentur Ecclesijs inferuire quibus præfixi sunt, & secus facientes de gradu deponit. Simile statuunt Apostolorum Canones 17. & 16. vbi etiam excommunicatur Episcopus Clericum recipiens alterius inuiti Episcopi. Concilium demum Trident. hanc laudabilem disciplinam ex parte instaurat sess. 23. cap. 16. *Nemo inquit ordinetur, quin certæ Ecclesiæ ascribatur: nec admittantur alieni Clerici ad diuina officia celebranda sine commendatitijs proprij ordinarij Episcopi.*

Superior, seu proprius Episcopus citra cuius licentiam, nemo potest Clero, vel Ordinibus initiari, triplex recensetur à Bonifacio Papa VIII. scilicet originis, domicilij, & beneficij, c. cum nullus, de temp. ordin. in 6. Idque ius inualuit, ex quo desijt vetus consue-

tu-

tudo ascribendi certæ Ecclesiæ recens ordinatos adeo, ut ab illius Ecclesiæ obsequio in aliam commigrare liberum ei non esset, dum verò pristina illa consuetudo tenuit, ille proprius, ac perpetuus habitus est cuiusvis Clerici Episcopus, qui primus ordinauerat, Clericumque à se ordinatum Ecclesiæ particulari alligauerat, ac eius residentiæ astrinxerat, ut infra commonstrabo peculiari diatriba post primum Carthaginense Concilium.

Quoad verò translationem Episcoporum Nicæno isto Canone, alijsque hic citatis prohibitam, ea pariter inhibetur Concilij Sardicensis, can. 1. & Carthaginensis tertij, can. 38. allegato apud Gratianum can. non licet 107. dist. 4. de consecr. Attamen Pontifices, Anterus, & Pelagius necessitatis, aut magnæ utilitatis gratia transferri, ac mutari posse, nonnunquam Episcopos accedente iudicio Synodi Episcoporum, aut supremæ sedis declarant, cap. mutationes, & c. sequenti 7. quæst. 1. exempla occurrunt Petri Apostoli ex Antiochia Romam transmigrantis, Eustathij quoque sanctissimi Martyris, qui hac in Synodo consedit Antiochenus Episcopus, cum fuisset olim Episcopus Beroensis, Gregorius pariter Nazianzenus primum Nazianzenam rexit Ecclesiam, factus deinde Sasimorum Episcopus, & postremò electus ab Oecumenica Synodo Constantinopolis Episcopus ipso acceptante. Sequens autem eius abrogatio factione, & ambitione contigit quorundam, qui hoc facto vituperium indelebile contraxerunt. Quin, & ipsi Nicæni Patres in Locum dejectorum Episcoporum Arianorum Eusebij Nicomediensis, & Theognidis Nicæni, aliarum Ecclesiarum Episcopos subrogarunt. Alexander quoque in Capadocia Episcopus ad Sedem Ierosolymitanam reuelatione diuina traductus fuit, ut fidem facit Eusebius lib. 6. dist. Eccl. cap. 9. his conformia exempla perhibet Socrates lib. 7. cap. 35. & 36. Item vir sanctissimus

Germanus teste Cedreno à Metropoli Cyzicena transijt ad Constantinopolitanam. Itaque translationum Episcoporum legitimæ possunt esse causæ, atque aliud profectæ, quàm ex ambitione, vel auaritia.

Can. 17. deponi iubet Clericum vsurarium. Idem statuitur Apostolorum can. 44. Et Arelatenfis Concilij primi can. 12. & Laodicæni can. 5. Nicænus can. 19. statuit, vt qui ex hæresi Paulinistarum conuertuntur, post susceptum ab illis Baptismum rebaptizentur: & si fuerant in ea secta Clerici ordinati, si post conuersionem iudicentur ordinibus Ecclesiasticis idonei, vbi nouum baptismi lauacrum susceperint, denuò ordinentur: Superius vidimus damnatas Synodos Africanas à Stephano Papa hoc nomine, quòd Hæreticorum baptismum, vt inanem reprobassent. Debit ergo specialis in Paulinistis inesse causa, cur ipsorum baptismus reijciendus esset. Atque hæc legitima quidem fuit, quia cum Paulo Samosateno negantes, Christum esse Deum, & insuper cum Sabellianis omnem abrogantes realem personarum diuinarum distinctionem, & statuentes vnicam in Deo personam, talia ex consequenti verba in baptismo solebant adhibere, quæ huiusmodi hæresim sapientia, baptismo proprio valorem omnem, & efficaciam amouerent. Paulus tamen, & Sabellius hoc inuicem diffidebant, quia Sabellius Christo diuinitatem vindicabat, quam Paulus nefarius eidem abrogabat. De his differit Epiphanius Hæresi 62. & 65.

Hic obserua per hunc Nicænum Canonem 19. posse confirmari, illam complurium Theologorum sententiam, illum qui non sit baptizatus, sic esse Ordinationis Sacramentalis incapacem, vt ei collata, omni careat validitate. Etenim hoc loco sacra decernit Synodus, vt post validum Baptismum, manus illis ad Ordinationem denuò imponantur, qui post irritum, & innanem Paulinistarum baptismum fuerant

rant ab iisdem ordinati. Quæstio ista sub Innocentio Papa III. magna partium contentione disceptata fuit: qui Pontifex licet rem in ambiguo circa validitatem reliquorum à Baptismo Sacramentorum reliquerit indecisam, ne tamen grauissimum periculum ex ea incertitudine impenderet, adductus etiam Synodi Compendiensis decreto (cuius mentionem specialem facit) statuit Innocentius non modò baptismum, sed etiam præcedentes ordines denuò conferri c. veniens, de Presbyt. non bapt. Canon verò Synodi Compendij habitæ sic decernit: *Si quis in Presbyterum ordinatus, deprehenderit, se non esse baptizatum, baptizetur, & iterum ordinetur.*

Nicanus denique canon 20. sancit, vt diebus omnibus dominicis fideles stantes orent, nec genuflectant. Citatur c. quoniam sunt, dist. 3. de consecr. Publici tamen pœnitentes excipiuntur, quos iubet Concilium Carthaginense quartum. cap. 82. etiam tempore Paschali, & omnibus per annum dominicis flexis humi genibus orare.

De numero Canonum Nicanorum Diatriba.

Circa Nicænorum Canonum numerum grauis agitur controversia, & adhuc sub iudice lis est, Concilium Carthaginense sextum sub Romanis Episcopis celebratum Zosimo, Bonifacio, & Cœlestino, magna in hac re ambiguitate fluctauit. Insistebar Zosimus apud Concilium, vt decerneret de admittendis appellationibus ab Episcoporum Africanorum iudicijs ad Apostolicam Sedem, iuxta Nicænorum canonum præscriptum. Huic postulationi hand statim acquieuerunt Carthaginenses, miseruntque ad Atticum Constantinopolis Episcopum, & Cyrillum Alexandriæ Episcopum, vt sibi copiam facerent omnium Nicæni Concilij Constitutionum. At isti transmiserunt ad Africa-

nos vulgatâ illâ viginti Nicæna capita, in quibus ne verbum quidem vllum de appellationibus ad Romanam Sedem. Ruffini quoque historia eorundem viginti, nec plurium meminit. Præterea Theodorus lib. 1. Hist. Eccles. cap. 8. in fine, refert editos à Nicænis Patribus canones viginti fuisse.

Ex opposito tamen veteres sancti Patres haud pauca huius Concilij decreta referunt nullatenus hisce viginti comprehensa. Ambrosius epist. ad Vercellensem Eccles. scribit interdictam à Synodo Nicæna Bigamorum ordinationem in sacrum Clerum. Hieronymus præfat. in Iudith, testatur hunc librum fuisse à Synodo Nicæna sacris libris connumeratum. Zosimus iam vidimus eidem ascribentem decretum de appellationibus ad Romanum Episcopum, quod idem confirmatur ex Theodorito l. 2. Hist. Eccles. cap. 4. vbi refertur, Athanasium Episcoporum Arianorum iudicijs oppressum recurrisse ad Iulium Romæ Episcopum, ipsosque Arianos missis epistolis ad Iulium, fuisse appellationis huius causam nonnihil prosequutos. Athanasius itaque sequutus (vt Theodorus loquitur) Canonem Ecclesiæ *ταῖς τῆς Ἐκκλησίας ἐπιτάγαις νόμιμα*, Romam aduenit, & Iulius accusatores citavit, sed quænam illa Ecclesiæ lex? Non videtur Sardicensis canon. Hæc enim Synodus post istam Athanasij appellationem coacta fuit, vt liquet ex insequenti cap. 5. Theodoriti, sit ergo potius Nicænus.

Indubitatum præterea est Nicæni Concilij decretum, non tamen his viginti comprehensum, de non celebrando Pascha, nisi die Dominica occurrente primum post decimam quartam Mensis Martij Lunam. Hanc enim isti Synodo sanctionem attribuit paulo post habitum Concilium Antiochenum can. 1. ipseque, qui Nicæna Synodo interfuit Constantinus Augustus, in sua epistola, quam refert integram libro eius vitæ tertio Eusebius, & quia in eodem Concilio, vt sidus
 efful-

effulfit Athanasius epist. de Synod Arim. & Seleuc. de-
nique hoc idem refert Epiphanius hæres. 69.

His adde in epistola Iulij Papæ recenseri octo, & vi-
ginti Concilij Nicæni canones, quorum primus hic est :
*Non debent præter sententiam Romani Episcopi Concilia ce-
lebrari.* Secundus, & tertius canon decernunt de ap-
pellationibus ad Romani Episcopi tribunal admitten-
dis: neve Comprouinciales quidpiam statuunt aduer-
sus vllum Prouinciæ Episcopum, inconsulto Romano
Episcopo. Insuper Ægypti episcoporum epistola ad
Felicem Papam secundum sic enunciat. *Scimus in ma-
gna Nicæna Synodo trecentorum decem, & octo Episcoporum
ab omnibus concorditer esse roboratum, non debere absque
Romani Episcopi sententia Concilia celebrari, nec Episcopos
damnari, licet hæc, & complura alia necessaria Synodi capi-
tula fuerint ab hæreticis quotidie nos infestantibus exusta, no-
bisque præcepta.*

Præterea Atticus Episcopus ad finem actuum Sy-
nodi Chalcedonensis, modum perhibet conscriben-
darum litterarum quæ Canonicae, & formatæ dicun-
tur fuisse in Nicæno Concilio præscriptum per litte-
rarum Græcarum vsum, quarum aliæ numerales,
aliæ nominum priorum initiales sint. Ad hoc ta-
men aliquis respondebit, visum non fuisse Patribus de-
cretum istud publicari, sed secretò singulis Episco-
pis consignari, ne facile possent istiusmodi epistolæ ab
alijs supponi, & vt suppositæ dignosci, ac dijudicari
queant.

Extant inter Athanasij opera mutuò scriptæ litteræ
huius, & Marci Papæ Latinæ, non verò Græcæ. Scribit
ad Marcum Athanasius Arianos quaquaversum con-
quisitos Canones Nicænos, per vniuersum Orientem
concremasse adeò, vt nullibi tota Ægypto reperiantur
horum exemplaria. Addit fuisse primùm fabricatos à
Nicæna Synodo Canones octoginta, quos eadem ad
septuaginta reduxerit. Obiecit Marcum Athanasius,

vt ex Romanæ Ecclesię scrinijs nouum Synodi exemplar ad se transmittat. Respondet Marcus se Nicęnos Canones septuaginta ad ipsum, vt expetierat, transmittere. Gemine istę litterę Baronio, alijsque plerisque falsę videntur, & supposititię. Non enim fulciuntur ætatis antiquioris, sed medię dumtaxat testimonijs, & ipsis tantum Latinis, vt Iuonis Carnotensis p. 4. decreti c. 108. & 109. Stephani etiam Papę epist. ad Lubotium Episcopum. Allegatur etiam a Synodo Florentina œcumenica sect. 20.

Alphonfus quidem Pisanus, & Franciscus Turrianus ambo è Societate Iesu edidere sub nomine Nicęni Concilij canones octoginta ex Arabico exemplari translatos in Latinum, quos ab Alexandrino Patriarcha precario acceptos transcribi curauerant alij duo, quos ad hunc Patriarcham delegauerat Pius IV. vt ipsum ad Concilium Trid. inuitarent. Huic alterum planē conforme Arabicum, idque vetustissimum exemplar repertum fuit in Bibliotheca eius Cardinalis, qui postea summus Pontifex euasit sub Marcelli II. nomine. Arabica porro lingua fuit olim, & nunc quoque est Lybię, Ægypto, & Pentapoli vernacula, & vulgaris. Verumtamen si his plagis tempore Cyrilli Episcopi Alexandrini canones hi octoginta nonnihil habuissent authoritatis, quis neget transmissurum omnes ad Carthaginenfes Patres enixę perentes, cum tamen solos viginti transmiserit?

Abrahamus Echellen natione Syrus, religione Maronita, librum Romę edit de primatu Romani Episcopi, in quo Arabicorum canonum fidem astruere contendit. Illic primatum Romanum supra omnes Patriarchas monstrat assertum a canonibus Arabicis tertio septimo, & quadragesimo quarto. Iura pariter appellationum a quorumcumque Episcoporum iudicijs ad Papam canone septuagesimo primo. Hosque Arabicos nititur confirmare, tum prefato Zosimi ad Concilium

Car-

Carthaginense commonitorio, tùm appellatione Athanasij ad Iulium Papam iuxta Ecclesiæ legem, vt loquitur Theodorus, tùm testimonio Nicæno allegato, & recepto in Concilio Chalcedonenſi, de Romæ Ecclesiæ principatu, tùm denique mutuis Athanasij, & Marci epistolis, tametsi duarum istarum vacillet fides, & nutet autoritas.

Suspiciones autem suppositionis Canonum Arabicorum Echellenus isto non prorsus contemnendo argumento amolitur. Octoginta inquit Nicæni canones Arabici antiquissima traditione asseruntur, & asseruantur penes omnes Orientales Ecclesias, dudum schismaticas, & hereticas, tùm Melchitarum, qui per Syriam Ægyptum, & Chaldeam diffusi sunt, Græcorumque schisma, & heresim consecantur: tùm Cophorum, qui per Ægyptum dispersi, Dioscori dogma probant: tùm Armenorum Eutychis Hæresiarchæ sectatorum, qui per ambas Armenias latè propagantur: tùm Nestorianorum, qui Mesopotamiam, & Babyloniam incolunt: tùm Iacobitarum Monothelitarum, qui Niniuem, & trans Tygrin amplas regiones habitant, Sufianam, Persidem, Parthiam, quin & per Bactrianam, & Indos diffunduntur. Atqui nemo crediderit vniuersos toto Oriente sparsos hæreticos, schismaticosque regionibus religione, ritibusque dispares, linguisque diuersos Ecclesiæ Romanæ inſensos, simul in hoc vnum conspirasse, vt canones sub nomine primæ œcumenicę Synodi eumententur, & configerent, quibus eius quem tantoperè auersantur Romani Episcopi supra se omnes, potestas constabiliretur.

Scribit Athanasius epistola de Concilio Arim. & Seleuc. fuisse accuratè conscripta Nicænæ Synodi acta, supersunt autem in tria volumina dispertita huius primi Concilij acta per Gelasium Cyzicenum, quorum etiam meminit in Bibliotheca sua Photius. Isidorus quoque in prologo suæ canonum collectionis affir-

mat, se à quibusdam episcopis ex Oriente profectis audiuisse, asseruari in illis regionibus visum ab ipsis Codicem actorum Nicæne Synodi, qui mole sua quatuor Evangelia æquiparabat. Verùm nec istud Gelasij Cyziceni opus omnes discutit ambiguitates. Haud enim pauca veteres primæ notæ scriptores de Nicæno Concilio perhibent, quorum nullum apparet in opere illo vestigium. Mirum sanè est res totius ecclesiasticæ historiæ celeberrimas, & præ reliquis memorabiles, quales sunt canones, & acta omnium, primi, & præcipui generalis Concilij: baptismum quoque primi, atque Illustrissimi Christianorum Imperatoris, qui Ecclesiam dirissima, & diuturna præcedentium Imperatorum tyrannide penè obrutam non modò in libertatem asseruit, sed etiam in maximum splendorem, & triumphum euexit, tantis inuolui obscuritatibus, adeoque grauib, & tamen mutuò dissidentibus veterum testimonijs; vt neque perspicaciora ingenia se ab his extricare queant, suisque in vtramvis partem coniecturis opposita, & quasi ineluctabilia dispellere argumenta: vt alias omittam insignes, & maioris momenti controuersias, quæ inter Theologos, validis hinc inde rationibus disceptantur, neque disceptari

desinent inter ipsos fideles, cum tamen ve-

lit Deus illos, vel ex hoc ipso propriam

inscitiam, humanique ingenij ex-

ilitatem agnoscere, atque hu-

militer profiteri: vt addi-

scant monente A-

postolo, non

velle,

plusquam oportet sapere,

sed sapere ad so-

brietatem.

(***)

CONC. ROMANVM

Sub Syluestro Pontifice .

MUltis rationibus vacillat fides actuum Romanæ primæ sub Syluestro Synodi ante Nicænam , fierique potest , ut Canones qui primæ Romanæ tribuuntur , procusi fuerint in Romana illa , quæ Nicænam œcumenicam sequuta est , eamque confirmauit . Et sanè canones illos , non nisi post Nicænum , & subsequutum Romanum Concilium commemorat Damasi Pontificale in Syluestro , & collectiones Conciliorum à Francisco Turriano Societat. Iesu editæ , cæteræque anteriores , non nisi vnius meminerunt Romani sub Syluestro Concilij . Istud celebratum fuit in titulo Equitij , quem Syluester ipse erexerat in Thermis , quæ primùm Titi , exinde Domitiani , postremò Traiani , nomen sortitæ sunt . Isthic Damaso teste interfuerunt ducenti septuaginta septem Episcopi , qui Nicænum fidem , canonesque approbauerunt . Statutum hic pariter fuit , ne Laicus Clerico audeat crimen inferre .

In isto eodem confesso legimus distinctos ordines Clericorum , scilicet Ostiariorum , Lectorum , Exorcistarum , Acolythorum , Subdiaconorum , Diaconorum , Sacerdotum , Episcoporum . Prima hic legitur mentio Cardinalium , tam Diaconorum , quàm Sacerdotum vrbs Romæ . His nimirum cura , & præfectura titulorum , seu præcipuarum , ac Parochialium Romæ Ecclesiarum incumberebat , nec non pauperum , quibus ad vitam necessaria Diaconi subministrabant . At nos fusiùs de Cardinalibus ad secundum Concilium Lugdunense agemus .

Statutum pariter hic legimus , ne Clericus coram Laicò iudice causam dicat . Circa istam Clericorum

immunitatem à Laicorum iudicijs, idem pariter statutum est in Chalcedonenſi Concilio can. 9. alijsque per multis Concilijs, præſertim Gallicanis, require infra, quæ hanc in rem fuſius diſſeruntur ad Cabilonenſi Synodi Canonem 11. Ediſtum quoque hîc fuit, ne Altaris Sacrificium in panno ſerico, vel tinſto celebretur, ſed in puro lineo per Episcopum benediſto, quod referat mundam Sindonem, qua Chriſti mortuum corpus inuolutum fuit.

Post Nicænam Synodum ſtatuit in hac Romana Sylueſter, vt Eccleſiæ prouentus quadriſariam diſparti- rentur adeò, vt pars vna Episcopo tribueretur, ſecunda Clero miniſtranti, tertia fabricæ, & ornamentis Eccleſiæ deſtinaretur, vltima pauperum neceſſitatibus applicaretur. Quod ius confirmarunt Pontifices Gelaſius, Gregorius Magnus, alijsque relati in decreto c. 70. bis enim, c. conceſſo, c. quatuor autem, c. mos eſt 12. q. 2. Præterea in c. ad hoc 16. q. 1. ex S. Gregorij l. 3. epiſt. 11. & eiſdem epiſt. ad Auguſt Angl. Episcopum reſp. 1. Meminit hoc idem Concilium baptiſmi à Sylueſtro Pontifice Conſtantino Auguſto collati, & mirificæ curationis à lepra, cui medendę nefarium ex infantium ſanguine balneum medici præſcripſerant. Quæ hiſtoria reſertur pariter in poſteriori Synodo Nicæna, nec non in vetuſtis Sylueſtri Papæ actis, quę olim approbauit Gelaſius Papa in Concil. Rom. ſeptuaginta Episcoporum, vt habetur in can. Romana Eccleſia diſt. 15. hiſ alludit Gregorius Turonenſis narrans Clodoueum Franciæ regem ad ſacrum Lauacrum properaſſe quaſi alterum Conſtantinum, vt mundaretur à lepra. Venantius Fortunatus eadem Sylueſtri acta commemorat in vita S. Marcelli. Ex Græcis verò ſcriptoribus Theophanes, & Simeon Metaphraſtes in vita S. Sylueſtri, Conſtantinum perhibent ab ipſo baptizatum. Quam in ſententiam magis propendet Baronius.

Baptizatum autem Nicomediæ ſub finem vitę Conſtan-

stantinum fuisse grauiſſima ſuadent teſtimonia . Hoc enim diſertè affirmat Eulebius lib. 4. vitæ Conſtantini cap. 62. addens collatum fuiſſe baptiſmum ab Eulebio Nicomediendiſi . Etiamſi verò ſcriptor iſte ſit Arianus , cùm tamen de re omnium , quæ ſuo tempore contigerant notiſſima , vniuerſoque orbi comperta teſtimonium publicum conſcriberet , ſi iam antea fuiſſet Romæ à Sylueſtro cum inſigni ſolemnitate , tantique miraculi acceſſione baptizatus Imperator , non modò fuiſſet præſractæ impudentiæ , ſed proiectæ omnino ſtultitiæ contrariam , & publicam teſtificationem ſcriptis mandare apud homines , qui ſub Conſtantino vixerant . Sit licet Eulebius ſuſpectus author , non poſteſt tamen vllatenùs ſuſpectum eſſe illius hac in re teſtimonium . Eidem ſubſcribit Ambroſius oratione in obitum Theodoſij : ſuffragatur etiam Hieronymus in Chronico , Socrates quoque lib. 1. cap. 39. Theodoritus lib. 1. cap. 32. Sozomenus lib. 2. quibus aſtipulatur Caſſiodorus hiſtor. tripartitæ lib. 3 . Solet etiam hanc in partem proferri teſtimonium Episcoporum orthodoxorum , qui fuerant in Synodo Ariminenſi in epiſtol. ad Conſtantium ſcripta , quam referunt Athanaſius lib. de Synod. Arim. & Socrates , & Sozomenus , & Theodoritus , & in fragmentis Hilarius ; refert verò ea epiſtola Conſtantinum accepto baptiſmo , ex hac vita in æterna præmia commigraſſe . Cæterùm Baronius ſolo vnius Typographi errore ſubnixus , eo loci pro Conſtantino legendo autumnat Conſtantem . Provide namque admonet Ioannes Morinus in ſua Conſtantiniana Hiſtoria legi in omnibus quæ extiterunt Athanaſij editionibus Græcis , & Latinis , eo loci nomen Conſtantini , non verò Conſtantis , præterquam in columna Latina editionis Commelij : in Latina , inquam ; ſiquidem in columna Græca contextus Græci eiſdem Commelianæ editionis diſertè habetur *Κωνσταντίνος* . Cæterùm editio-

nes Parisienses, cæteræque omnes à Commelianâ explicitè habent apud Athanasium loco præfato *Κωνσταντίνος*, in Græca columna, & Constantinus in Latina. Perperam itaque ex vnius Typographi mendo, quod erat corrigendum ex illibata columna Græca eiusdem ipsius editionis adiacentè illi Latina translationi, contendit Baronius corrigenda esse reliqua omnia Græca, Latinaque Athanasij exemplaria, quæ constanter exprimunt Constantinum: sed ipsa insuper omnia tum Hilarij, tum Socratis, tum Sozomeni, tum Theodoriti exemplaria, quæ cum hanc eandem Ariminensium epistolam referant, nihil habent, siue Græcè, siue Latine, quam Constantinum, quemadmodum, & Cassiodori Tripartita historia. Perspicuè igitur arguunt testimonia post Eusebium memoratum, tum Athanasij, tum Hilarij, tum Ambrosij, tum Hieronymi, tum Socratis, tum Sozomeni, tum Theodoriti, tum Cassiodori: Quibus addendus Gelasius Cyzicenus apud Photium, necnon Euagrius, & Chronicon Alexandrinum, itemque Alexander Monachus in suo Græcè conscripto de sacræ Crucis Inventione libro, fuisse baptizatum Nicomedie Bithyniæ in Ciuitate Constantinum Augustum sub exitum vitæ.

Porro vetustiores Conciliorum editiones in vnum Romanum Concilium à Nicæno proximum compingunt, quæ in duo posteriores editiones dispersiuerunt. Sed ista discussio leuioris est momenti, quam ut in ea facienda sit mora.

Gesta per Arianos contra Nicænam fidem sub Magno Constantino, & de Tyri Conciliabulo.

FIdei symbolum in Nicæna Synodo procusum refert Athanasius de fide ad Iouianum, cui fidei, & non ex animo Ariani subscripserunt. Arius ipse, ut Anathematis infamiam, & exilij pœnam declinaret, Ni-

Nicænam fidem subdolè. & dissimulanter professus est. Ideòque à Constantino restitutus sub conditione hac , ne Alexandriam reuerteretur , vt docet Athanasius Apologia 2. Addunt Socrates , & Sozomenus edictum Constantini , vt decretis Nicænis ab omnibus obtemperetur, propositis in refractorios pœnis exilij , & bonorum amissionis: vtque Arii libri non modò heretici, sed etiam obscæni ille quem Thalix titulo inscripserat ignibus traderentur : vt vocarentur Porphyriani omnes huius hæresis sectatores odioso Sophistæ nomine , qui nefarijs libris Christianam Religionem prosciderat . Dum vixit Constantinus Ariani Nicænx fidei apertè obistere ausi non sunt : At eam labefactare , & quasi occultis cuniculis subuertere non destiterunt , assiduè aduersùs præcipuos huius fidei cultores molitionibus, & apud principem calumnijs, in Athanasium præsertim furor illorum desæuijt. Vita functo post Nicænam Synodum, Alexandro, clerus, populusque Alexandrinus , in sedem Alexandrinam promouit Athanasium, obstantibus licèt, & frementibus , in diesque tumultuantibus Arianis .

Fax Arianorum præcipua erat Eusebius Nicomediensi , Episcopus , qui aulicis artibus Constantini gratiam , & consuetudinem in primis nactus fuerat . Hic imperiale rescriptum ab illo per dolum extorsit minis refertum aduersùs Athanasium , nisi Arium in urbem Alexandriam, & in communionem reciperet . Athanasius tantum malum prudenti responsione diuertit , responditque Arium recipi non posse sine manifesta fidei Nicænx, & publicæ quietis prodicione . Videndus ipse Athanasius Apolog. 2. Theodoritus l. 1. Sozomenus l. 1. & Ruffinus l. 1. qui simul referunt hæc quæ sequuntur .

Eusebius Nicomediensis doli , & scelerum artifex curat occultè detineri Arsenium Episcopum , subornatque accusatores, & testes Athanasium apud Principem

pem criminantes fuisse ab illo per summum nefas Arsenium trucidatum, & retentam occisi manum ad magicas prætigias, quam ad criminis indicium proferebant. Huius, aliorumque criminum quæ Athanasio imputabantur cognitionem Imperator Synodo commisit, quam suadente Nicomediensi Cæsarz Palæstinæ Metropoli indixit, cuius erat Episcopus Eusebius alter Arianz lectæ dux inter præcipuos, qui scriptis libris, & habitis coram Constantino orationibus in summa erat commendatione. Cæsazam itaque conueniunt Orientis Episcopi maiori ex parte Ariani. Citatus Athanasius horum iudicium declinabat, tum quia infensos aduersarios ipsos patiebatur, tum quia illorum non suberat iurisdictioni, utpotè altioris Sedis, & Ecclesiæ Patriarcha. At Constantinus ab Arianis elusus mandat ei, ut se iudicio Synodi sistat, neque causam suam fuga, & indebita euasione prodat, si sit innocens: simulque Synodum transfert in Tyrum Phœnicæ Metropolin, atque Eusebianorum suasu Dionysium Comitem illis addictissimum, & professione Ariani, cum militari manu delegat ad Synodum.

Athanasius sic affectum videns Constantinum satius duxit, Tyrum concedere, secumque adduxit quadraginta septem suæ Patriarchiæ Episcopos, quos inter eminebant sancti Confessores Potamon, & Paphnutius: præter quem numerum Eusebiani sexaginta Episcopi conuenerant, ut scribit Socrates, l. i. c. 20. his omnibus præsidebat Eusebius Cæsariensis. Iubent Eusebiani, ut Athanasius stet reus, suamque coram Synodo causam dicat: tum Potamon Heraclæ in Ægypto Episcopus, ut refert Epiphanius heresi 68. conuersus ad Cæsariensem Eusebium, hæc illi lacrymans exprobrauit: Tu Eusebi sedes stante in tuo conspectu Athanasio? quis tantam indignitatem non perhorrescat? an ne meministi, te mecum in carcerem, dum furebat Diocletiani persecutio fuisse detrusum? illic orbatus oculo fui,

fui, vt in hac facie vides, & poplite succifus ob conftantem fidei confeffionem. Tu verò nullam in tuo corpore referens notam dimiffus es, integer, & illæfus, quia Gentilium acquiefcens voluntati libertatem tuam, & corporis indemnitate proditiōe redemifti Chriftianæ religionis.

Proteftatus Athanafius primùm fuit de iudicum incompetentiâ, fed ipfius à Pſeudo-Synodo declinatione reiecta, producti ſunt accuſatores ex Meletiana factione manum exhibentes, quam mentiebantur occiſo per ipſum Arſenio anputatam. Arſenius porrò qui niſi fuga ſalutem queſuiſſet, proximè ab Euſebianis, ne flagitium internofci poſſet tam perditæ ipſorum impoſituræ in occulto ſtrangulandus erat, per inſignem Dei prouidentiam, paulò ante de carcere dilapſus, nocte intempeſta ad Athanaſium diuerterat, qui eum hætenùs abditum de repente in conſpectu Concilij malignantium conſtituit, eiufq; pallium ex utroque latere remouens: En, inquit, Arſenij dexteram, en etiam ſiniſtram eiufdem manum: nunc ab his accuſatoribus percunctamini vndenam iſtam quam proferunt hominis manum, acceperint? Scribit præterea Theod. l. i. c. 3. ſubornatam ab Arianis mulierem poſtulaffe Athanaſium illati ſibi per vim ſtupri, cum illum ſuſcepiffet hoſpitio. Cum igitur mulier in Athanaſium ſuas querelas proponeret, progrediens Timotheus Presbyter, ego ne (ait) mulier vim tibi, & ſtuprum intulit? tam ipſa credens, eſſe ſibi ignotum Athanaſium, conuitijs Sacerdotem excipiens rem præfractiùs aſſeuerat, & iudicum fidem contra Timotheum obteſtatur ad ſcleris vindictam. Obiecta pariter Athanaſio fuit ſacri cuiuſdam calicis effraſtio, quam cum ille negaret, commiſit Pſeudo-Synodus hanc inquisitionem delegatis à ſe inſenſiſſimis Athanaſio Episcopis Theognidi Nicææ, Valenti Muſſi, Vrfacio Singidonis, alijsque Arianis Episcopis, vt in Mareotidem proſecti, rem plenius inueſtigarent.

Egreditur ex illo malignantium Concilio Athanasius, atque ad Imperatorem proficiscitur: interea Legati ex Marcotide redeunt legatione, quam celerrimè, & iniquissimè fundi. Damnatur à Conciliabulo innocens Athanasius, & sede Alexandrina depellitur, ut ipse in sua testatur Apologia.

Peracta Tyri Synodo, Eusebiani mandato Constantini Ierosolymam conueniunt ad magnificæ dedicationem Basilicæ, quam largis sumptibus extruxerat. Dumque illi Ierosolymis consistunt, Arium nouam fidei confessionem, in qua nulla erat consubstantialis mentio profitentem publicè complectuntur, atque in communionem recipiunt: Synodalibus litteris Constantino commendant, & obnixè supplicant, ut cum sinat Alexandriam regredi.

Interea innumeris superatis obstaculis per aulicos obiectis, qui Athanasium ab accessu principis omnimodè arcebant, perpeffus innumeras repullas magnanimus Christi Confessor Imperatorem tandem adiit, eiq; aduersariorum nequitiam, & fraudes propalauit. His compertis Constantinus antistites, qui Tyri consederant, Constantinopolin accersuit ad se, iudicij contra Athanasium rationem reddituros. Ceteris Episcopis ob sceleris conscientiam detrectantibus, & moras neccentibus sex tantummodò regiam in urbem aduentarunt, suæ in Aula potestati, suarumque fraudum confisi præstigijs, vterque scilicet Nicomediensis, & Cæsariensis Eusebius, Theognis, Patrophilus, Varsens, & Vrlacius: qui ut iudicij Synodalis examen effugerent, veteribus omissis calumnijs, nouas alias in Athanasium comminiscuntur, quibus denuò Constantinum aduersus Athanasium concitarunt, cum comminatum fuisse asseuerantes prohibitorium se annonæ ex Ægypto transuectionem ad regiam ciuitatem, atque testes partim à se ipsis, partim à Dionysio corruptos producere quinque Episcopos Ægyptios, ex illorum numero qui Athanasium

sium comitari, eundem in Tyri Pseudosynodo pro viribus defenderant. O humani animi deplorandam leuitatem, inconstantiam, & perfidiam ! Constantinus omni alia perquisitione omissa, grauiusque Athanasio succensens, Treuiris illum exulare iubet : non tamen permisit Eusebianis, quod audissimè expetebant, aliū eius loco deligere Alexandrinum Episcopum : hoc tamen obtinuerunt, vt Alexandriam, vnde Athanasius eijciebatur, regrederetur Arius. Verū statim, atque in ea ciuitate versari cœpit Hæresiarcha, omnia tumultu, & violentijs repleuit, ideòque eum aliquantò post vrbe excedere iussit Constantinus.

Treuiros profectus Athanasius à Maximino illius ciuitatis Episcopo, atque ab eius Clero, & populo, tanquam Dei Angelus, atque vti verè erat inuictissimus fidei confessor, & propugnator exceptus est. Nec multò post excessit ex hac in meliorem vitam Constantinus anno à Christo 337. diuiso inter filios tres Imperio, quos ei fausta Maximiani Herculij Imperatoris filia pepererat, Constantino enim natu maximo Gallias, Hispanias, Britannias, & quidquid trans Alpes erat, attribuit : Constans natu minimus Italiam, Siciliam, Africam, Græciam, & Illyricum sortitus est: Constantius natu inter ambos medius Asiam, & Orientem cum Ægypto adeptus fuit.

Gesta ab Arianis post Magni Constantini excessum.

Constantino Patre mortuo, Constantinus iunior Nicænæ fidei cultor ex Gallis, vbi regnabat, Athanasium cum honorificis litteris Alexandriam remisit, non auso Constantio cui parebat Ægyptus, quique Arianam apertè fouebat impietatem, obsistere, metu fraterni belli, infestantibus etiam ditionis suæ fines Persarum armis. Quicumque etiam alij orthodoxi Episcopi fuerant à Tyri Conciliabulo, proprijs Ecclesijs

eiecti, restituti sunt opera Catholicorum Principum Constantini, & Constantis: qua occasione Ariani seditiones, & tumultus passim excitarunt, vita functis Romæ Pontificibus Syluestro, eiusque successore Marco, Iulius Thronum Apostolicum ascendit. Cum verò Eusebiani, neque Athanasium, neque Orthodoxos Alexandrinos sinerent esse quietos, & pristinas in Athanasium calumnias retexerent calicis effracti, lesæque Imperatoriæ Maiestatis, obtenderentque ipsum Synodali sententia depositum non potuisse solo Principum mandato restitui, Iulius Romæ Episcopus causæ huius discussionem in Romana Synodo à se indicta suscepit. Athanasium igitur, eiusque aduersarios ad causam in Concilio dicendam, missis in Orientem Legatis, citauit. Athanasius se iudicio synodali Romæ stitit, & Eusebianos tergiversantes, atque euasionum leues prætextus consarcientes annum integrum cum dimidio expectauit. In Romano itaque plùsq̃uam quinquaginta Episcoporum Concilio causa eius accuratissimè explorata, restitutus demum Athanasius in pristinam sedem fuit, vt ipsemet prolixiùs commemorat in 2. Apologia, quæ Iulij quoque epistolam continet, quæ facit idem, hoc eodem Romano Concilio fuisse pariter absolutum, & ad propriam Ecclesiam remissum Marcellum Ancyra Antistitem, aliosque complures Episcopos ex Thracia, Cælesyria, Phænicia, Palæstina: Presbyteros etiam plerosque, qui eodem ex Ægypto, & aliunde conuenerant. Desijt Romanum istud Concilium anno Chr. 341. Quo eodem anno Eusebiani, qui detrectatum Romæ vadimonium friuolo belli Perfici prætextu apud Iulium excusauerant, Pseudo-Synodum Antiochiæ coegerunt specie quidem dedicandæ basilicæ à Constantino in ea ciuitate constructæ, sed reuera vt absolutioni Athanasij, quam Romæ futuram augurabantur, nouam Conciliabuli condemnatoriam contra Athanasium sententiam opponerent. Quin etiam vt eidem

via

via omnis reditus intercluderetur, Episcopum Alexandriæ crearunt Georgium Cappadocem, qui eò aduentans cædibus, rapinis, omnique violentia in orthodoxos grassatus est.

Interea diuinus Athan. clàm Alexandria, quò paulò antè concesserat, digressus, Romam denuò repetit, ibiq; triennium commoratur: quò etiam vt ad commune afflictorum asylum, alij non pauci ab Arianis pulsì Antistites confugerunt, vt testatur Socrates l. 2. c. 11. inter quos fuisse Asclepas Gazæ, Marcellus Ancyræ, Lucius Adrianopoleos, & Paulus Constantinopolis Episcopi, non solum enim catholica fides Romæ illibata florebat; sed etiam Roma ipsa, totaque Italia Constanti religiosissimo Principi eo tempore parebat.

Exacto Romæ triennio, Athanasius inde Mediolanum commigrauit à Constante accitus; Quo fatigente, & urgente, ipsoque Constantio demum annuente, celebrata est Sardicę generalis Synodus anno 347. eius Synodi decreto Athanasius, Paulus, alijque extorres Episcopi pristinas repetiuerunt sedes: vnde tamen rursus ab Arianis deiecti sunt.

Ariana quoque perfidia crudeliter est diuexatus Eustathius Antiochenus ille in Nicæna olim Synodo spectabilis, sanctitate vitæ, doctrinæque insignis. Aduersus hunc in Pseudosynodo Antiochena Eusebius Cæsariensis, Theognis Nicænus, alijque facinorosi præfules meretricem subornarunt, quæ Eustathium in medio patrum confessu reum postulauit, quòd cum ex se infantem quem vlnis gestabat, progenuisset, educationis tamen impensas non exolueret. Alij quoque detulerunt sinistrè de Fausta Imperatoris matre fuisse locutum. Sed accusatrix mulier calumniæ pœnitens, qua innocentissimum Præsulem circumuenerat, eandem postmodum retractauit, vt testificatur Theodoritus, seque pretio corruptam ab Eusebio Cæsariensi, vt perfidè aduersus Eustathium

Episcopum mentiretur, publicè declarauit : Nec minus tamen ab Antiocheno Conciliabulo Eustathius depositus fuit, & à Constantio relegatus, extremum diem post multas ærumnas clausit in exilio. Huic deposito Ariani Stephanum, deinde Eunuchum Leontium vtrumque Arianum substituerunt. Eustathius scriptis libris Ecclesiam illustrauit, qui ab Hieronymo Theodorito, alijsque veteribus celebrantur.

Constantinopolitanæ autem Ecclesiæ persecutionis historia altius à Constantini regno repetenda est, quo tempore Arius virus suum in Ægypto, & finitimis oris spargebat. Alexander Constantinopolis Ecclesiæ gubernacula regebat, Alexandro Alexandria Episcopo & studio religionis, & morum similitudine coniunctissimus, à quo etiam epistolam accepit circa nascentem hanc hæresin, quæ refertur à Theodorito l. i. cap. 4 Alexander Constantinopolis Episcopus, quanta valuit sedulitate curauit, ne tanta lues in regiam urbem propagaretur: eandemque postmodum in Nicæna synodo hæresin, cum alijs Patribus condemnauit.

Attamen Eusebiani cum in aula Principis gratia, & potestate præualerent, tantum effecerunt, ut Constantinus Arium resipiscentiam à suis erroribus simultem benignissimis litteris acciuerit, potiturum in ipsa regia ciuitate fidelium communione; & mox accedentem Hæresiarcham singulari benignitate complexus sit Alexander, ubi frustra Imperatorè admonuit, rogauit, & obtestatus fuit, ieiunijs, lacrymis, & orationibus intentus noctem totam Deum supplicando in Ecclesia excubauit. Postridiè Arius cum amplissimo comitatu agmen ducente Nicomediensi Eusebio, ad templum progreditur. Verum urgente ventris necessitate cogitur de via in publicas latrinas diuertere: ubi diuina exceptus ultione disruptis viscerum compagibus, instar execrandi Iudæ sua effudit intestina, simulque sceleratissimam animam. Quo euentu plures commoti ad-

mil-

missam hæresin eiurarunt . Ipse Constantinus diuinam in hominem nefarium vindictam agnouit, & reuocare Athanasium Treuiris exulantem proposuit: nec tamen præstitit morte Ipse præuentus , vt refert Athanasius orat. 1. contra Arianos .

Demum anno 340. Alexander Constantinopolis Episcopus instante suæ mortis die , ne Arianorum factio successorem sibi Arianum prouideret, sedulam dedit operam, vt sibi defuncto Paulus Sacerdos meritissimus subrogaretur: quod & factum est obfistentibus licet Arianis . Ceterum adueniens primum Constanti- nopolin Constantius mortuo patre Paulum vrbe exegit, eiusque in sedem Eusebium promouit desultorium Episcopum, qui primum Beryti Episcopus in Nicomediensem Sedem transiijt , atque ex illa in Constanti- nopolitanam se ambitiosè proripuit . Paulum Con- stantius in Pontum deportari iussit . Post biennium, deinde mortuo tot facinorum auctore Eusebio , Pau- lus in pristinam sedem regreditur: sed Arianis aduersus eum tumultuantibus , Constantius Antiochia ex- cedens Constantinopolin iter aggreditur , vnde Pau- lum exulare iubet in Singera Mesopotamiæ ferro vin- ctum, vt refert Athanasius epist. ad Solitar. rursùmque inde in Emesam , quarto demum exilio Cuculum, Cappadocię ad fines Armenię in desertis Montis Tau- ri: quo loco in squalenti , & obscuro carcere inclusus est, fame frigoreque necandus : post sex dies Ariani recluso carcere spirantem adhuc laqueo strangulant , vt ibidem Athanasius refert .

Synodus Gangrensis .

G Angræ in Paphlagonia Magno imperante Con- stantino celebrata Synodus fuit , cuius vberem notitiam Synodica litteræ suppeditant, in quibus Eu- stathij errores recensentur , quorum causa indictum

istud Concilium fuit. Eustathius iste Manichæorum deliria propagauit, cuius meminere Socrates l. 2. c. 33. & Sozomenus l. 3. c. 15. Nuptias eò usque damnabat, vt omnem salutis spem coniugatis adimeret, eosque qui cum presbyteris olim ante ordinationem coniugatis communicarent, execraretur. Idem quoslibet connubio coniunctos disiungebat: quo fiebat, vt innumeri post abdicata matrimonia continere non valentes, adulterijs, omniq; spurcitia se contaminarent. Solemnes in Ecclesia conuentus, despicientes Eustathiani priuatos conuentus agitabant. Nouis etiam, & inusitatis vestium formis utebantur. Seruos à proprijs dominis abducebant. Mulieribus virorum indumenta, & capillorum detonsionem suadebant. Diuites qui se suarum opum possessione non abdicabant, excludebant penitus à regno cœlesti. Et quasi conspirassent contraria reliquis omnibus incedere via, detestante reliqua ieiunia, sola probabant, & sanciebant ieiunia dierum Dominicarum. Carnium etiam comestionem, vt rem de se abominabilem omni tempore damnabant. Osij præsentia Cordubensis Episcopi, qui Synodo huic interfuit, præfeditque, satis arguit coactam tunc temporis fuisse, quando imposita sibi Apostolica Legatione à Syluestro fungebatur in Oriente, vt diuexatas, & nutantes Ecclesias confirmaret. Ideòque Symmachus Pontifex in Romano Concilio Gangrenses canones asserit Apostolica autoritate decretos.

Canon 2. fidem facit, eo tempore fideles per religionem à sanguine, & suffocato abstinuiffe, iuxta decretum Apostolicum, Act. 15. ex epist. Gallicanarum Ecclesiarum Lugdunensis, & Viennensis ad Ecclesias Asię refert Eusebius l. 5. hist. Eccl. c. 1. Sanctam Martyrem Biblydem, sub immani persecutione Marci Aurelij Antonini, & Lucij Veri Imperatorum sic locutam fuisse ad Gentilem præsidem, plebemque circumstantem: quomodo possemus nos Christiani in animum inducere,

vt

vt infātes,quemadmodum calumniamini,deuoremus, qui nefas esse ducimus sanguine vesci vel brutorum. Tertullianus apologet.cap.9. eandem calumniam eodem refellit argumento abstinentiæ ab animantium sanguine. Sed & his longè posteriùs Concil. in Trullo quinisextum anni 707. can. 67. eandem sanguinis, & suffocatorum animalium prohibitionem instaurat. Quæ cum sit ab Apostolis præcepta, non vt diuini, sed humani iuris, ac Ecclesiastici, vt se Iudeis aliò qui scandalizandis, & à conuersione ad Christi fidem deterrendis accommodarent, potuit sensim legis huius obligatio antiquari, ex quo ipsius causa, finisque desinit. Præterea, vt obseruauit ad tertium Apostolorum Conciliorum, ex Actis liquet Apostolorum cap. 15. & Ex 1. Cor. 8. præceptum abstinendi sanguine, suffocatis animantibus, & idolothytis fuisse, non omnibus Christianis, sed solis Syris, & Cilicibus impositum.

Can. 12. illos præstringit, qui cum sibi peculiare vestis genus asciscant, eos audent damnare, illorumque auersari communionem, qui vulgari, & communi veste vtuntur. Hæc obseruatio argumentum Nouatorum retundit, quo specialia vestimenta reprobare intendunt, ex vi huius Canonis, quibus Clerici, & Monachi amiciuntur: Cum tamen perspicuum sit, Ecclesiam per hoc minimè damnare Laicos communi cultu indutos. Hæc sunt huius canonis verba: *Si quis propter eam quæ existimatur exercitationem amictu Pallij vtitur, & tanquam ex eo habens iustitiam eos condemnat, qui cum pietate beros, ac vestem communem, & vsitatam ferunt, sit anathema.* Pallium utpotè simplicius vestis genus assumebant, tùm Philosophi Ethnici, tùm Christiani plerique ad purioris, & segregatioris vitæ professionem. Et quum abiecta toga, sumptoque pallio Tertullianus quasi noui generis vitæ sectator, humanique generis osor insimularetur, suum procudit de pallio tractatum, quod ita describit, vt sit extrema vestis tunicæ superinducta, qua-

quadrata, ex utroque laterum regella, & per fibulam ad collum alligata.

Can. 2. anathemate ferit, qui (quod faciunt hæretici Calviniani,) abhorrent fidelium conuentus ad Martyrum sepulturas, & sacra reprobant quæ inibi celebrantur: quique memorias Sanctorum vita factorum criminantur.

Can. 21. obseruari iubet omnia non solum quæ Scriptura præcipit, sed etiam quæ traditionibus Apostolicis continentur: damnatque profanas nouitates, quas hæretici inuehunt. Quam igitur ineptè sectarij abutuntur Gangrensis Canonibus contra Ecclesiasticum cœlibatum, & abstinentias, indumentaque religiosa, quæ tùm approbavit, tùm segregatoris vitæ professionis hominibus præscripsit sancta Dei Ecclesia, alio longè fine quàm Manichæi, nuptias idèò, & carnis vsum reprobantes, quia hæc esse de se mala, atq; adeò per diabolum, tùm creata, tùm introducta dicerent? Cùm tamen Christi Ecclesia, res illas per se bonas, Deique opera esse prædicet, nihilque condemnet, quàm animi proteruiam obedire detrectantem, aut perfidiam eius, qui spontaneo voto melioribus, & perfectioribus astrictus, suam idcirco damnationem habet, quia primam fidem irritam facit, vt disertè loquitur Apostolus 1. Timot. 5. de viduis, quæ nubere volunt post continentię perpetuæ professionem. Hæc verò Catholica discrimina perspicuè indicant decem Gangrenses canon. 1. 2. 4. 6. 9. 10. 12. 13. 14. 21. Ecclesia verò traditione Apostolica, quæ hoc canone 21. astruitur, & sibi à Deo concessa potestate vtens, nonnullas dapes aliquandiù prohibet, quemadmodum primis parentibus fructum scientię Deus interdixit, quem tamen sciebat bonum, & à se creatum esse.

Traditiones Apostolicas, quas Gangrensis canon 21. astruit veteres Patres confirmant ipsis etiam sacris scripturarum testimonijs. Basilus lib. de Spiritu sancto cap.

cap. 39. duo Pauli testimonia ad faciendam traditionibus fidem profert, scilicet 1. Cor. 11. Laudo vos quod per omnia mei memores estis, & sicut tradidi vobis praecepta mea tenetis. Et 2. Thess. 2. Itaque fratres tenete traditiones quas accepistis, siue per sermonem, siue per epistolam nostram: additque ibi Basilius non scriptas traditiones Apostolicas, paris esse authoritatis cum Apostolicis scripturis apud omnem Ecclesiam. Chrysost. item in commentarijs ad utrumque Pauli locum admonet Apostolum loqui de traditionibus non scriptis, & simul addit istas non minorem fidem mereri, quam quæ Apostoli scriptis commendarunt, similia profert Tertull. lib. de coron. mil. in quo postquam varias baptismi caeremonias, & signi crucis frequentissimum apud fideles, ad frontem producta manu in omni opere vsum, & anniuersarium pro defunctis sacrificiũ, aliaque huiusmodi commemoratus est, ita subiungit: *Harum, & similium disciplinarum, si legem expostules scripturarum, nullam inuenies; traditio tibi prætenditur auctrix, consuetudo firmatrix, & fides obseruatrix.* Idemque lib. de præscr. contra hæret. ex instituto docet hereticos non ex scripturis, sed ex traditionibus refellendos esse.

CONC. ANTIOCHENVM.

CHristi anno 341. habita fuit Antiochiæ Synodus partim Orthodoxorum, partim Arianorum Antititum, quo ferè tempore Iulius alteram Romæ celebrabat in causa Athanasij, & Marcelli Ancyani, qui & Ipse fuerat Constantinopolis Conciliabulo, quod Tyri Pseudo-Synodum proximè subsequutum est depositus, sub Imperio Magni Constantini. De his Socrates loquitur l. 1. cap. 36. & tripartita hist. lib. 3. cap. 9. Hæc porro Synodus Antiochena coacta fuit Encæniorum occasione: conuocarat enim Episcoporum cœtum Constantius Augustus ad dedicandam Antiochiæ Basilicam.

filicam à Constantino inchoatam, & ab ipso Constantio perfectam, cui à splendore, & magnificentia operis nomen inditum dominici aurei: ipseque Constantius his Encænijis, & Synodo interfuit.

Conuenerunt Episcopi nonaginta, in quibus fuere Ariani 36. & proprijs fraudibus instructi, & principis autoritate suffulti, qui seorsim ab Orthodoxis, & his enixè renitentibus, diuersas fideiformulas verbis sèper ambiguis recuderunt, suppressaq; homouij voce, ijdem Athanasium deposuerunt sibi tantòpere inuisum, & exolum hoc pretextu, quòd cùm fuisset Tyri Conciliabulo damnatus, se restitui absque yllo Concilij decreto, sed solis Iunioris Constantini litteris curasset, conuiuente per prudentiam Constantio, ne propter Athanas. quies Imperij, & fraterna concordia interturbaretur.

Sanè Constantini Iunioris. interitus Arianorum potestatem, & quiduis agendi licentiam auxit. Hic anno præcedente scilicet 340. dum bellum haud satis iustum aduersus Constantem fratrem natu minimum parat, interfectus est, apud Aquileiam. Hac ergo Antiochena Synodo Ariani depulso Athanasio Gregorium Cappadocem in eius sedem protrudunt, quem Iulius Papa in sua epistola, quam refert Athanasius apol. 2. dicit à 36. Episcopis promotum, cæteris Episcopis, qui hunc numerum excedebant obsistentibus, & reclamantibus: in quibus erat admirabilis ille Iacobus Nisibis Antistes, qui & olim Nicæna in Synodo confederat. Huius Pseudosynodi supersunt Canones 25. quorum aliquibus authoritatem indulgit Ecclesiæ vsus, & approbatio.

Can. 1. instauratur decretum Nicænum de Paschate die Dominica celebrando.

Can. 2. ab Ecclesijs eos eijci mandat qui nolunt sacre Eucharistiæ communicare. Illos quoque à fidelium societate resecat qui cum excommunicatis participant. Quoad istam partem conuenit cum Apostolorum
can.

can. 10. eos excommunicante, qui cum excommunicato simul precati in domo fuerint . Similem inferius requirito Carthagenensis Concilij 4. can. 73. Denique posteriorum temporum indulgentior disciplina infert in isto casu minoris excommunicationis pœnam, quæ nec à suffragijs, nec à consortio fidelium, nec à conferendis alteri Sacramentis excludit : sed à sola Sacramentorum receptione, c. Cum excommunicato 11. q. 3. & c. nuper de sent. Excomm. Plura exquirito inferius, circa hæc ad canonem 3. Concilij Lateranensis sub Innocentio II. Pontifice. Altera deinde successit ex Constantiensi Concilio moderatio, vt excommunicationi etiam minori locus non sit ex participatione cum excommunicato, nisi hic publicè fuerit, ac nominatim denunciatus.

Quoad verò priorem huius 2. can. Antiocheni partem, de suscipienda ab omnibus qui assistunt, nec Canone prohibentur . Eucharistia, id habet conformitatem cum Apostolorum Canone 8. illos excommunicante, qui conuenientes in Ecclesiam non communicant. Cui conformatur etiam Apostolorum canon 10. quos omnes canones, qui exactius perpenderit, non aliud concludet, quàm fuisse præceptam communionem, ijs dumtaxat qui altari subministrant Clericis, & à fidelium pariter societate excludi τὰς ἀπορριμένους τὴν μετάληψιν τῆς εὐχαριστίας κατὰ τινος ἀταξίας, vt loquitur canon Antiochenus. Hoc est auersantes participationem Eucharistiæ, per aliquam peruersitatem. Pontifex Anacletus epist. 1. n. 2. postquàm admonuit sacrificanti solemmniter Episcopo plures adstare debere Sacerdotes, & Diaconos, & Subdiaconos, aliosque Ministros sacris vestibus indutos, subdit constitutum ab Apostolis fuisse, & hanc esse Ecclesiæ Romanæ disciplinam, vt peracta consecratione vniuersi communicent: illi nimirum de quibus loquitur, qui solemnis sacrificij stant administri, c. Episcopus de consecr. dist. 2.

Edidere pridem Canonici Colonienſis Eccleſie eruditum antididagma ad Hermanum Colonie Agrippinæ Archiepiſcopum apoſtatam Luteranum, ubi conſtanter negant fuiſſe vlllo vnquam tempore Laicis in Eccleſiam conuenientibus quotidianam communionem iniunctam. Dionyſius etiam Petauius ad Epiphaniaſnam fidei expoſitionem, dicit eſſe falſiſſimam, & ſtolidam illam Caſauboni aliorumque perſuaſionem, fideles, miſſæ quando intererant, incurriſſe communicandi obligationem. Quod eò magis falſi conuincitur ipſo decreto Fabiani Pontificis, qui ſub Decio Martyrium ſubiit. Tribus enim ſolùm anni temporibus laicos fideles aliundè non impeditos ad ſacram communionem obligat. c. & ſi non frequentius de conſ. diſt. 2. Quam eandem ſanctionem renouat Conc. Agathenſe c. 18. Prætereà directè obſtant antiquiſſimi canones prouidentes, vt diebus dominicis, & feſtis diſtribuantur in Eccleſia Eulogiæ illis qui Sacramento Corporis Chriſti non communicarunt. Conſulito ſuper his Laodicænum canonem 14. & ea quæ ibi fuſius annotauimus. Prætereà fuiſſet iſtiusmodi præcepti executio prorsùs impoſſibilis diebus dominicis, & feſtis quibus vniuerſi ſacro intereſſe tenentur, maximè ubi de ipſo quoque calice communicabatur, quando etiam nemi ni licebat extra Parœciæ proprię Eccleſiam vel audire ſacrum, vel Sacramenta ſuſcipere: cùm tamen nunc temporis multò numeroſiores ſint Eccleſiæ non Parochiales, in quibus licitum eſt Miſſam audire, & citra Paſcha communicare.

Canon Antiochenus 3. ita decernit, *Si quis Presbyter, vel Diaconus, vel omnino quilibet de Clero, deſerta ſua Eccleſia in aliam abierit, & in ea diutiùs commoretur, ne ampliùs miniſtret: maximè ſi ſuus Episcopuſ vocet. Quod ſi hac in auctiã, ſeu prauitate perſiſtat, deponatur: Si verò præter culpam iſtam depositum Clericuſ aliuſ Episcopuſ ſuſceperit, ille quoque à Synodo communi redarguatur, tanquam Eccleſiaſti-*

ea iura dissoluens . Habetur in decreto c. si quis Presbyter, vel Diaconus 7. & conformatur Apostolorum canonibus 15. & 16. & Arelatensis Concilij primi Canonē 22. & Nicænis Canonibus 15. & 16. vide supra quæ inibi dixi .

Can. 4. statuens Synodali iudicio depositum Episcopum, nec per aliam Synodum posse restitui, redolet impietatem, & implacabile Arianorum odium in Athanasium, aliosque ab iisdem deiectos ob fidem Episcopos. Hoc ipsum respondit Ioannes Chrysostomus istum sibi canonem obijcientibus, postquam æmulorum Conciliabulo depositus suam nihilominus repetiuerat Ecclesiam.

Can. 5. æquior est statuens, ne quis à proprio Episcopo excommunicatus, siue Clericus, siue Laicus ab alio suscipiatur, antequàm fuerit, vel à proprio Episcopo, vel à Synodo post causam sedulò examinatam absolutus. Item anteq̃ statuerat Nicænus canon 5. & deinde Sardicensis canon 13.

Antiochenus canon 9. Metropolitanorum Episcoporum iura dignitatemq; tuetur τὸς καθ' ἑκάστην ἐπαρχίαν ἐπισκόπους εἰδέναι χρὴ τὸν ἐν τῇ μητροπόλει ποιεῖσθαι ἐπίσκοπον, καὶ τὸν φροντίζοντα ἀναδέχεσθαι πάσης τῆς ἐπαρχίας . *Episcopos qui sunt in vnaquaque prouincia scire oportet, Episcopum qui Metropoli præst curam etiam suscipere totius Prouinciæ* . ἔτιν ἔδοξε καὶ τῇ τιμῇ προηγεῖσθαι αὐτὸν, μηδέποτε πράττειν περιττὸν τὸς λοιποὺς ἐπισκόπους ἀνευ αὐτοῦ, κατὰ τὸν ἀρχαῖον κρατήσαντα τῶν πάτερον ἡμῶν κανόνα, ἢ ταῦτα μόνον ὅσα τῇ ἐκάστῃ ἐπιβάλλει παροικία καὶ ταῖς ὑπ' αὐτὴν χώραις . *Vnde visum est eum quoque honore precedere, reliquos verò Episcopos nihil grauis momenti aggredi sine ipso, ut statuit constitutus ab antiquis patribus canon, nisi sola quæ ad Parciam cuiusque spectant, aut regiones paræcia subditas* . Priuilegia ista Metropolitanorum dudum sanciuerant Nicæni Patres can. 4. & 5. & 6. & 7. Paræcia verò tunc dicebatur, quæ nunc Diœcesis dici solet. Cùm olim Diœcesis nomen, tam in ciuili, quàm in Ec-

Ecclesiastico vsu, complures Prouincias complectere-
tur. Denique sancit inconsulto Metropolita nihil mo-
liri debere Episcopos, & vicissim, neque inconsultis
Episcopis Metropolitam. Citatur à Gratiano c. per
singulas Prouincias 6. q. 3. Sed malè de Græco transfer-
tur ibi ἡ ταῦτα μόνα, vel sola illa: cùm enim præcedat vox
μὴ δὲν sciendum erat μὴ δὲν ἢ significare nihil nisi.

Iste igitur canon tres commemorat Ecclesiasticæ
præfecturæ gradus. 1. ἐπαρχίαν Prouinciam sub Metro-
politano præfule. 2. παροικίαν Parœciam, sub Compro-
uinciali, seu Suffraganeo Episcopo: sicut etiam in ca-
none Ancyrano 17. legimus Episcopum, qui non susci-
pitur à propria Parœcia, non tamen debere alterius
Episcopi Parœciam inuadere. 3. χώραν locum, seu mi-
norem regionem, vnde Chorepiscopi dicti Locorum
particularium intra Parœciam præfecti: quorum etiam
mentio fit in Antiocheno can. 10. Sed omnes gradus
istos antecellebat Diœcesis habens plures in suo mini-
sterio Prouincias, qualis erat singulorum Patriarcha-
rum ditio. Cuius vocis, & gradus vsurpatio, tùm alibi,
tùm sæpè in Chalcedonenſi Concilio frequens est.
Nunc verò Diœcesis vsurpari pro Parœcia solet, ipsa
verò Parœcia pro infima præfectura pagorum, aut ali-
quarum vrbis partium, quarum præfectus Pastor, vul-
gò Parochus audit. Melius tamen iuxta Græcorum
canonum expressionem Parœcus diceretur. Non me
latet quid Parochi nomine intellexerint antiqui, sed
aliud est pastorum animarum, & aliud longè diuersum
veterum Parochorum officium, quo vocabantur no-
mine illi, qui salem, & ligna, & in vniuersum omnia vi-
ctui necessaria suppeditabant ijs, qui Reipublicæ cau-
sa peregrè ibant, & generalium conuiuiorum exhibi-
tores, necnon nuptiarum auspices, ac Paranympsi.

Diatriba de Prouincijs Ecclesiasticis .

Q Via verò distributiones Ecclesiarum factæ comperiuntur ad imitationem antiquæ partitionis Imperij adeò, vt omnium Ecclesiarum antiquissima, & sanctissima Ierosolymitana nihil olim fuerit quàm simplex Parœcia, sub Metropoli Cæsaræ Palæstinæ: non alia de causa quàm quia tum temporis Cæsaræ secundum ciuilem potestatem habebatur totius Palæstinæ Metropolis, tamen si antequam ab Herode Idumæo in honorem Cæsaris amplificaretur, non alio nomine quàm turris Stratonis insigniretur. Sic etiam, quia Byzantium nobilis ciuitas ab itato contra ipsam Septimio Seuero fuerat sub præfectura ignobilis oppidi Perynthi, seu Heraclæ Thraciæ constituta, ideo Bizantinus Episcopus, qui post aliquod tempus euasit in Patriarcham Constantinopolitanum; fuit ab initio vnus ex Episcopis subiectis Metropoli Heraclæ. Quia etiam inter Romani Imperij ciuitates primò post Romam fulgebat dignitatis gradu Alexandria Ægypti, tertio verò Antiochia Syriæ, idcirco prima secundum dignitatem Ecclesia Romæ, secunda verò Alexandriæ, tertia Antiochiæ constituta fuit. Afferit Anacletus Pontifex Apostolos renouasse in Ecclesia factam dudum à Romanis Prouinciæ diuisionem, c. Prouincias dist. 99.

Itaque operæ pretium duxi breuem, sed tamen exactam præfecturarum Romani Imperij notionem tradere, vt inde innotescat quæ fuerit prioribus sæculis particio, & ordo Ecclesiasticarum præfecturarum. Summa olim Præfecti prætorio potestas, quæ arma simul, & iurâ complectebatur, fuerat iam inde à Tiberij tempore penes vnum. At ex quo insidias Perennis præfecti prætorio euasit, Commodus Imperator cepit ea potestas, ne nimia foret, ac præfectos ad Imperij ambitionem sollicitaret, inter duos diuidi, te-

ste Herodiano l. i. Postmodum Constantinus Magnus, quatuor etiam praefectos constituit, inter quos vniuersas Imperij Prouincias dispertiuit hoc ordine. Primus Praefectus Orientem regebat, cui subdebantur Aegyptus, Lybia, Pentapolis, Cyprus, Asia, Cappadocia, Cilicia, Armenia, Syria, Thracia Mysia, & reliquae Orientis plagae. Sequebatur Praefectus Illyrici, cui parebat Illyricum, Dacia, Triballi, Pannonia, Mysia superior, Macedonia, Thessalia, Graecia Peloponnesus Creta & circumfusa insule. Tertius sequebatur Italiae Praefectus qui praerat Italiam, Siciliam, Africam, & circumiacentibus insulis. Quarto loco erat Galliarum Praefectus, cui obtemperabat Gallia, Hispania, Britannia, & circumfusa insule. vt Zosimus tradit lib. 2.

Quatuor haec praefecturae singulae in plures dispertiebantur Dioceses, quae a praefectorum Vicarijs administrabantur, vnde Vicariae quoque dicebantur, plures etiam complectentes prouincias, vt videre est in libro notitiae vtriusque Imperij, quem eruditissimus Commentarijs illustrauit Pancirolus.

Secundo in duas partes Imperio sex dinumeratae sunt Orientalis, seu Constantinopolitani Imperij dioceses. 1. Orientis, cuius Metropolis Antiochia, & cuius Vicarius speciali designatione dicebatur Comes Orientis: 2. Aegypti: 3. Asiae: 4. Ponticae: 5. Thraciae: 6. Illyrici partis Orientalis, quarum meminere leges 1. & 2. c. de militari veste lib. 12. & l. 1. c. vt nemo ad suum patrocinium suscipiant rusticanos, vel vicos eorum. Et l. vlt. c. de diuersis offic. lib. 12. Orientis diocesis Metropolis fuit Antiochia, vt probatur ex Zosimo lib. 1. Hieronymo ad Pammochium, Chrysostomo hom. 3. ad populum Antioch. de huius Vicarij officio extat titulus codicis de officio Comitum Orientis. Diocesis Aegypti Metropolis existit Alexandria, vt liquet ex Theodorito l. 1. hist. Eccl. cap. 1. Aegypti Vicarius appellatione insigniebatur praefecti Augustalis, de cuius officio titulus

lus reperitur in Codice. & in Digestis. Diœcesis autem Asiaticâ Metropolim habuit Ephesum Chrysostomo teste in epist. ad Ephes. nec non subscriptione Theodori Episcopi Ephesini a. 431. Synodi sextæ. Ponticæ deinde Metropolis erat Cæsarea Cappadociæ, vt constat ex Nazianzeno orat. de laudib. Basilij, & ex subscriptione Philalethis Episcopi Cæsariæ Cappadocum in sexta Synodo. Thraciæ Metropolis à tempore Constantini fuit Constantinopolis, quam ille constituit Imperij Sedem. Tres istæ porro Diœceses Thracicæ, Asiaticæ, & Ponticæ fraude Anatolij Episcopi ad nouum constituendum Constantinopolis Patriarchæ, tum in Chalcedonenſi Concilio distractæ fuere; Thracica quidem à Sedis Romanæ ditione; Asiaticæ verò, & Ponticæ ab Antiochena, cui subiectæ fuerant, Sede.

Diœcesis autem Macedoniæ, Daciæ, atque Illyrici partis eius, quæ pertinebat ad Orientis Imperium Metropolis fuit Thessalonica, vt fidem facit Theodoritus l. 5. hist. Eccl. c. 17. Ad postremum tamen Iustinianus, tum sedem Præfecti Prætorio Illyrici, tum etiam Vicariam Apostolicam, seu iura Primatus assentiente Papa Vigilio ex vrbe Thessalonica tranſtulit Acridum Dardaniæ oppidum Iustiniani natale, deque suo nomine Iustinianam primam dici voluit nouella 11. Deinde Nicolaus Papa I. epist. 2. hortatus est Michaellem Augustum, vt instaurari curaret antiqua iura, quæ Thessalonicensis Episcopus olim exercuerat, tanquam Romani Pontificis Vicarius per nouam, & veterem Epirum, per Illyricum, Macedoniam, Achaïam, Thessaliâ, Daciam Riperensem, & Daciam Meditarraneam, & Mysiam, & Dardaniam, & Præualim. Has enim omnes prouincias hæc olim Vicaria complectebatur.

Sex pariter constitutæ sunt Occidentis Diœceses, ac Vicariæ ciuiles. Vna Italiæ, altera Illyrici partis quæ ad Occidentale pertinebat Imperium, tertia Africæ, quarta Galliarum, quinta Hispaniæ, sexta Britanniarum. Metro-

polis Italica Vicaria fuit Mediolanum, Gallicana verò Augusta Treuironum. Vtrumque colligitur ex Athanasij epist. ad solitar. vit. agen. Dum loquitur de Paulino Treuironum, & de Dionysio Mediolani Episcopo. Id firmat Theodorus l. 2. hist. Eccl. c. 15. Saluianus quoque ipse Gallus l. 2. de Prouid. Dei. Treuerim dicit summam Galliarum urbem. Vicaria porro Britannia Metropolis Eboracum fuit, quæ est Romanorum Colonia, quam Spartianus in Seuero urbem absolutè per antonomasiam vocat, & in qua Constantius Imperator Magni Constantini pater regiam constituit, diemque obiit, vt prodit Eusebius l. 1. vitæ Constantini, Eutropius, Aurelius Victor, & Orosius.

Dioecesis Africa indubitatum est Metropolim, tam civilem, quam Ecclesiasticam fuisse Carthagine constitutam: cuius etiam Episcopus primatu supra omnes totius Africa antistites potiebatur, vt passim cernere est Cypriani epistolis, & in vniuersalibus Concilijs Africa, quæ ab Episcopo Carthaginensi omnes indicebantur, & quibus præsidebat, cuique subiacebant Numidia, & Mauritania Primatus.

Illyrici partis eius, quæ ad Imperium Occidentale spectabat Metropolis, fuit Sardica: urbs in Illyrico celeberrima, & Concilio œcumenico spectabilis, in quo trecenti Occidentales Episcopi curante religiosissimo Constante, qui Occidentale regebat Imperium de Ariana impietate triumpharunt. In subscriptionibus Concilij Magni Niceni apud Gelasium Cyzicenum, ita signatum legimus: Protogenes Sardica ciuitatis Episcopus pro sanctis Dei Ecclesijs, quæ sunt in Dacia, Calauria, Dardania, & prouincijs vicinis.

De Hispania, quænam fuerit Metropolis, ac Vicaria, nonnihil ambigitur. In Hispalim propendeo Romanorum coloniam Beticæ caput, situs commoditate, opibus, amplitudine, & emporij frequentia ab omni quo inclytam. Constat utique Hispalis Episcopum

pum fuisse ab antiquis seculis Hispaniarum primatem hanc enim illi potestatem indulgent Simplicius Papa I. epist. 1. Deinde Hormisdas Papa epist. 26. quæ est ad Salustium Hispalensem Episcopum. Hoc iure primatus vsi sunt sanctissimi vrbis eiusdem Episcopi Leander, & Isidorus, qui primus in Concilio Toletano quarto subscripsit. Ipse verò Toletanus Episcopus, olim solius Carpetanæ Prouinciæ Metropolitæ regum Gotorum opera, qui Toleti regiam fixerant, primatus honore potiri cepit in Concilio Toletano duodecimo, vt in eius canone sexto decernitur.

Roma verò suum peculiarem agnoscebat præfectū, qui cæteris omnibus præminebat vrbis dignitatibus l. 3. c. de offic. præf. vrbis. Huic parebant suburbicæ quoque regiones, quotquot nimirum intra centesimum ab vrbe lapidem continebantur, protensa intra Tusciam, Picenum, & Campaniam l. 1. ff. eod. Huc respexit Septimius Severus Augustus, quando exautoratos milites prætorianos Romæ finibus ad vsque centesimum lapidem sub capitis pœna iussit excedere, vt refert Herodianus lib. 2.

Demum Iustinianus depulsis ex Africa Vandalis, quintum adiecit Præfectum prætorio ad quatuor præcedentes, eiusque residentiam Carthagine, quam de se Iustinianam tertiam dici voluit, constituit l. 1. c. de offic. præf. præt. Afr.

Nos superiās Vicariam quidem Galliæ Treuiris præfiximus: at verò sedem ipsius Galliarum Præfecti cuius potestas Hispaniam quoque, & Britanniam insulam complectebatur, stabiliuerat Constantinus primus in Arelatensi vrbe, cui etiam Constantinæ nomen impertitus est. Prorsus enim errant nonnulli, qui hoc nomen mutuum existimant à Constantino tyranno, qui contra Honorium rebellis, hac se vrbe communicat non enim post profligatum, & extinctum tyrannum illum idem Honorius in suo ad

Agricolam Galliarum Præfectum rescripto Arelatam vocaret Constantinam, ut eam vocat, si recens id nomen à tyranno accepisset. Ex hoc porro rescripto comprobatur insuper fuisse Arelatæ constitutam præfecti Sedem. Iubet enim Honorius eodem rescripto veterem consuetudinem per tyrannos, diù intermissam instaurari, ut quotannis in eâ vrbe conuentus habeatur, septem Galliæ Prouinciarum sub illustri (sic enim loquitur) præsentia Præfecturæ. Vndenam verò illa vetus consuetudo ortum habuit, nisi à Constantino huius vrbis studiosissimo, qui suum ei nomen indidit, quique totius Occidentis generale Concilium, eadem in ciuitate celebrari voluit in causa Donatistarum, aut etiam ab ipsius patre Constantino Chloro, qui in Gallia imperauit? Insuper illa Galliarum Præfecti Sedes Arelatensis asseritur hisce verbis Episcoporum olim Arelatensi Primati subditorum ad Leonem Papam primum scribentium: hanc ciuitatem sublimissima præfectura, hanc reliquæ potestates velut communem omnibus patriam semper inhabitant. His alterum non minoris authoritatis testimonium adiungimus Gregorij Turonensis scribentis l. 2. hist. Franc. c. 7. quo tempore Hunnorum Rex Attila se obsidioni Aureliæ accinxit, eius verbis Episcopum S. Anianum implorandi auxilij causa ad Aetium Galliarum præfectum se contulisse Arelatæ commorantem. Denique res eadem astringitur antiquis inscriptionibus, quarum vna hæc videtur in Arelatensi vrbe de Auxiliari Præfecto, cuius etiam fit mentio in Hilarij Arelatensis Episcopi vita ab auctore temporis eiusdem conscripta: quæ pariter meminit cuiusdam præfecti, quem Hilarius priuatim sæpius correptum, tandem intra Ecclesiam concionando præsentem redarguit.

Inscriptio autem est huiusmodi.

SALVIS DD. NN. THEODOSIO, ET VALEN-
TINIANO P. F. V. AC TRIVM. SEMPER AVG.
XV. COS. VIR INL. AVXILIARIS PRÆF.
PRÆTO. GALL. DE ARELATE MAMILLARIA
PONTI F. M. P. I.

Do-
nostr
Pis.
cibus.
Aorib
Triuo-
toribu
Inlusi
hoc est
latri-
cit m-
re p
vnum

Erat enim primus lapis milliarius proficiscentibus ex ea vrbe!

Hinc est quod sanctum Doctorem, & Pontificem Ambrosium Arelatenses sibi ciuem iure vindicare possunt, cum testetur in eius vita Paulinus natum in Gallia, in ipsoque prætorio educatum infantem, & in ipsis cunis apum indicio, qualis futurus esset, præmonstratum, dum pater ipsius prætoriana præfectura in Gallijsungeretur.

Perperam verò Iosephus Scaliger, & Guidus Sauer in suis ad Apollinarem commentarijs tres fuisse, intra Galliæ fines Vicarios imaginantur, cum disertè doceat liber notitiæ Imperij, sex tantum fuisse Occidentis Vicarios, in Italiæ quidem præfectura tres, & in Galliæ præfectura totidem alios: vnum quidem intra fines ipsius Galliæ, secundum in Hispania, tertium in insula Britannia. Quam rem accuratius observant Pancirolus in suis ad eandem notitiâ commentarijs, & Iacobus Sirmundus in notis ad Sidonium l. i. epist. 3.

Prosecutio Canonum Antiochenorum.

Sed iam ad Antiochenos canones, vnde digressi fuimus, regrediamur: igitur canon 10. sancit Chorepiscopos Hypodiaconorum, Lectorum, & Exorci-

starum ordinatione contentos esse debere, nec nisi ex venia eius, cui subsunt Episcopi, licere illis Presbyteros, & Diaconos consecrare. Requirito superius observata ad Ancyranum Canonem decimum tertium.

Canon 22. prouidet, ne quis Episcopus extra fines suos citra Episcopi loci voluntatem, audeat vllum ordinare. Refertur in c. Episcopum non debere 9. qu. 2. Idem prouidit Apostolorum canon 34. iubens Episcopum deponi, qui sic fecerit, & eos quos ordinauit. Id renouauit Concilium Constantinopolitanum cap. 2. & Tridentinum sess. 6. de reform. cap. 5.

Antiochenus Canon 24. constituit, vt cognoscant Presbyteri, & Diaconi eas, quę ad Ecclesiam pertinent facultates: vt si Episcopus moriatur, possit quidem, quę sui patrimonij sunt, quibus ipsi libuerit relinquere, res verò Ecclesię sine diminutione Ecclesię ipsi consequentur, nec aliò transferantur. Refertur in c. quęcumque res. 9. quęst. 1. Idem decernit Apostolorum canon 39. vt Episcopi (inquit) quę propria ipsorum sunt, valeant in quoscumque placuerit hæredes transferre, vt tamen ad alios res Ecclesię minimè transeant. His accinit Agathensis canon 48. quem inferius consulito cum nostris ad ipsum additamentis. Legimus in iure canonico vetitum Episcopis, & quibuscumque Clericis testamento disponere de prouentibus dignitatum, ac præbendarum: & si secus fiat irrita esse testamenta, solamque illis Ecclesiam succedere, c. quia nos, c. relatum 12. & c. cum in offic. de testam. Quibus subinde canonibus ius spoliij successit, non receptum quidem in Gallia, Germania, & Belgio, vicens tamen in Italia, & Hispania: quo iure non amplius Ecclesię, sed Camera Apostolica successit in facultates, quę prouenire, aut prouenisse præsumuntur ex Episcopatum, & beneficiorum fructibus. Nulla iuris spoliij mentio reperitur in corpore iuris canonici, sed apud

apud Guidonem Papæ Galliæ Iurisconsultum decisit
110. Dum hæc Antiochiæ Synodus habebatur absque
Iulij Papæ consensu in præiudicium causæ Athanasij
ad ipsius Tribunal deuolutæ , Romanæque Synodi ab
eodem indictæ, Romanam Synodum istam Iulius pro-
sequebatur , ad quam citati Orientales accedere de-
trectarunt: quia verò Romæ comparebant Athanasius
Alexandrinus, Marcellus Ancyranus, Asclepas Gazæ,
Lucianus Adrianopolis , alijque suis per Arianos de-
turbati sedibus Episcopi , discussa demum horum cau-
sa decretum est, fuisse iniuste depositos , & ad pristinas
remissi sunt Ecclesias, depulsis quos eorum loco Aria-
ni promouerant. His de causis scripsit Iulius ad Orien-
tales epistolam, in qua hoc etiam asseuerat fuisse in
primis ab Apostolis traditum, deinde in magno Nicæ-
no Concilio firmatum, non posse ullam conuocari Sy-
nodum inuito , & inconsulto Romano Episcopo ,
his litteris Orientales non obtemperant , aliasque
ad Iulium rescribunt querelarum plenas . Vtrasque
& Iulij , & Orientalium profert litteras Athanasius
apol. 2.

Imperabat eo tempore in Occidente Constans ,
qui in Constantini fratris ditiones successerat . Con-
stans verò religiosissimus , & optimus Princeps , vt
hæc Episcoporum dissidia componerentur , egit cum

fratre Constantio , vt œcumenica Synodus Sar-
dicæ cogeretur : eò quòd esset ciuitas con-

finitis , ac intermedia Orienti , & Oc-
cidenti , sita inter Illyricum ,

Mæsiam , & Thraciam . Do-

cet Theodorus Balsa-

mon , dici vulgò

Triadizem ,

quæ

olim Sardi-

ca .

Synodus œcumenica Sardicenfis.

ITaque conspirantibus vna Constante, Constantio-
que Imperatoribus an. Chr. 347. Sardicæ conue-
runt ex Oriente septuaginta sex Episcopi, & ex Occi-
dente circiter trecenti. Eoque suos misit Iulius Papa
Legatos Osum Cordubæ, Protogenemque Sardicæ
Episcopos, Archidamum quoque, & Philoxenum Pres-
byteros. Arianise numero videntes cum Catholicis
impares ab his se subdixerunt, & Philippos in Thra-
ciam concedentes, conuenticulum inierunt, cui falso
Sardicenfis Concilij nomen indiderunt, in quo etiam
tantoperè sibi exosam Consubstantialis vocem dam-
narunt. His autem frustra accitis, & rogatis, vt Sardi-
cam ad Synodum reuerterentur, discussa rursus Atha-
nasij, Marcelli, & Asclepæ causa est à Patribus Sardicæ
consistentibus: qui eos demum expurgatos, & liberos
in pristinas Ecclesias remitti decreuerunt, depulsis
Alexandria Gregorio, Ancyra Basilio, & Gaza Quinti-
ano, aliosque similiter expulsos ab Arianis Episc. post
accuratum examen causæ in pristinam redintegraue-
runt dignitatem. Quin etiam aliquot Arianos Episco-
pos ex his qui Philippis confidebant, iuridicè citatos,
& coram adesse detrectantes, examinatis eorum actis
damnarunt, & sedibus deiecerunt. Stephanum Antio-
chia, Menophantem Epheso, Acacium Eusebij succes-
sorem Cæsaræa Palæstinæ, Gregorium Laodicæa, Theo-
dorum Heracleæ, Narcissum Neroniade, Ursacium Sin-
gidone in Myfia, Valentem Murso in Pannonia. De his
omnibus Sardicenses Patres litteras ad Iulium Papam,
Constantium, & Constantem Augustos, & ad Ægypti
Ecclesias conscripserunt: aliasque insuper Encyclicas
ad vniuersas Ecclesias. Nullum verò nouum fidei sym-
bolum ediderunt, sed Nicænum confirmarunt.

Canon primus eos laica priuat communione, qui ab
vno

vno Episcopatu se in alium promoueri consentiunt. Vide superius obseruata, & producta ad Nicænum Canonem 15.

Canon 3. statuit, vt inuiolabile sit ius appellandi ab Episcoporum Synodis ad Romanum Pontificem, veratque ne in fraudem huiusmodi appellationis de alio quoquam prouideatur in locum Episcopi, qui Synodi iudicio depositis appellauerit. Post hæc abrogantur, quæ Antiochena Synodo paulò antè decreta vidimus aduersus Athanasium, aliosque Episcopos, quibus iniuste depositus, alios temere subrogauerant. Itud appellationum ius ad Romanum Episcopum attribuitur decretis Nicæni Concilij per Zosimi litteras in actis Carthaginensis Concilij 6. qua de re infra suo loco.

Can. 6. cauet ne in vicis, & oppidis erigantur Episcopatus, ne dignitas vilescat: eiusmodi verò locis præfici solebant Chorepiscopi.

Canones 8. 9. 10. 11. 12. sanciunt ne quis Episcopus eat in Comitatu, seu Principis Aulam, nisi ab ipso principe vocatus, cuius litteras hæc Synodus vult exhiberi, aut Metropolitano, aut Synodo Prouinciali: a quibus tenetur Episcopus litteras comiteatus formatas referre. Quod si Romæ versetur Imperator, ne quis Episcopus ei supplices libellos offerat, nisi prius lectos, & approbatos ab Episcopo Romano. Cum Episcopis has leges transgredientibus omnis interdicatur communicatio. At his perditis temporibus innumeri reperiuntur verius aulici assentatores, & parasiti quam Episcopi, neque re vera Pastores, sed Mercenarij, qui luporum incurfus paruipendentes, & residendi officium auersantes, aulam consecretantur, & Ecclesiæ Christi dignitatem, iura, & disciplinam procerum libidini sceleratissime subiiciunt; ad hoc vnum intenti, vt eorum gratiam aucupando, suas promouere possint cupiditates. Mirificè Chrysostomus hom. 57. in Genes. inuehitur in prælatos officij sui negligentes: vbi obseruans quan-

tis ærumnis laboribus, & vigilijs Iacob gregem Labani curabat, Gen. 31. commonſtrat quàm deploranda, & diuina ultione punienda ſit prælatorum circa domesticum gregem incuria, cuius ſaluti Princeps Paſtorum Chriſtus ſanguinem, vitamque profudit. Scire conuenit conuentum Philippenſem, qui falſò nomen ſibi Concilij Sardicenſis vindicabat, damnaſſe quofcumque vera, legitimaque Synodus Sardicenſis abſoluerat, Iulij quoque decreta proſcripiſſe: primamque inter omnes Pſeudo-Synodos anathema dicere auſam in Romanum Pontificem, eò quòd Iulius cum Athanaſio, alijsq; iniuſtiſſimè exanthoratis Epiſcopis communicaveſſet, ut Sozomenus ſcribit l. 3. c. 7. & quia gratus Carthaginiſis Epiſcopus Orthodoxus in legitima Synodo Sardicenſi conſederat, iſti Philippenſes Ariani cum Donato communicarunt Carthaginiſis Pſeudo-Epiſcopo, ceteriſque Donatiſtis, ut Hilarij fragmenta docent. Quemadmodum etiam in Ægypto Ariani Societatem inierant cum Melerianis odio Athanaſij. Eoque factum eſt, ut communi Arianorum, & Donatiſtarum fraude ſuppreſſis in Africa legitimi Sardicenſis Concilij decretis, ipſe Auguſtinus, alijsque Africani patres in Concilio Carthaginienſi ſexto non aliud agnouerint Sardicenſe Concilium, quam Arianorum.

Peraſta Sardicenſi hac Synodo heretici Conſtantio Auguſto freti, omnia ruſus in Oriente perturbarunt: & Catholicos rapinis, carceribus, & verberibus, exilijsque infeſtati ſunt: donec Conſtantis fratris ſui literis deterritus Conſtantius exules nonnullos reuocauit, & Athanaſium mortuo nefando illo, ſcleratoque Gregorio, ſedem priſtinam repetere permixit, ut ipſe narrat Athanaſius epiſt. ad Solitar.

CONC. CARTHAGINENSE.

Sub Iulio Papa, quod primum dicitur.

Soluto Sardicæ Concilio reuersus ex eo Gratus Carthaginis præsul, Constantem (cuius imperio parebat Africa) contra Donatistas concitauit: quos, ut reprimeret Constant, Legatos plena instructos potestate, copijs accinctos misit in Africam, ut tumultuantes Schismaticos reprimerent. Vnde ipsi Donatistæ usurpatis sedibus deiecti, compulsi sunt exulare, interque hos Donatus Carthaginis Pseudo-Episcopus. Horum omnium exilio factum est, ut Africanæ Ecclesiæ tranquillissima pace potirentur, donec mortuo Constante, qui ei successit apostata Iulianus in Ecclesiæ Christi perniciem intentus omnes Donatistas postliminio reuocauit. Quum verò illis depulsis Africa vniuersa in fide vnanimi, & profunda pace conquiesceret, Gratus Africanæ Primas hanc idè Synodum indixit, ut ruinas sarciret, quas Donati schisma fecerat.

Canon. 5. meminit canonum Sardicensium (hi verò sunt ordine, 16. 18. & 19.) prohibentium suscipere alienum Clericum, aut ordinare, citra proprii eius Episcopi litteras. Quam seruari disciplinam districtè præcipiunt Carthaginenses Patres. Sed & Apostolorum canones 15. & 16. & maxime 32. neminem peregrinum, siue Episcopum, siue Presbyterum, siue Diaconum recipi decernimus, sine commendatitijs litteris *ἀπὸ τοῦ ἀποστολικῆς*. Theodorus Balsamon, ad Apost. canon. 15. scribit opus esse volenti Clerico in alieno Episcopatu versari, commendatitijs litteris: ac volenti Clericalia ibidem obire munia, necessarias esse litteras dimissorias; quales etiam sumebant Episco-

pi à suo Metropolitano, vel à Prouinciali Synodo, vt statutum paulò antè vidimus à Concilio Sardicensi. Hodie verò ad Clericalia munia in alieno Episcopatu obeunda, sufficiunt ordinum litteræ dum commendatitijs, seu testimonialibus proprii Episcopi iuxta Concilium Trid. sess. 23. cap. 16. Prohibet verò Synodus Nicæna can. 16. omnem alieni Clerici ordinationem fieri, factamque declarat irritam, vbi proprii consensus Episcopi defuit. Isteque debet apparere consensus ex dimissorijs litteris. Vide proximè sequentem Diatribam, qua disquirimus quis olim habitus, & quis nunc temporis habeatur proprius cuiusque Clerici Episcopus.

Can. 6. Clericis interdicit domorum administrationem, aut procurationem suscipere, Cum edicatur 2. Timot. 2. Nemo militans Deo implicet se negotijs secularibus. Eòdem spectat Lateranensis Canon in cap. penult. de vita, & honest. Clericorum. Maximè verò Chalcedonensis canon 3. quem inferiùs requirito cum nostris ad ipsum annotationibus.

Can. 8. interdicit Procuratores, Tutores, negotiorum Gestores in Clerum ordinari, nisi postquam redditis ratiocinijs liberati fuerint. Habetur in decreto c. Magnus Episcopus dist. 54.

Ad præcedentem Canonem quintum Diatriba, quisnam olim habitus fuerit, aut quis nunc habetur proprius Clerici cuiusque Episcopus.

Compertum est ex superioris Africani Concilij canone 5. & Nicæno canone 16. & Arelatensis primi can. 22. & Sardicensis can. 15. & Antiocheni canone 22. alijsque plerisque proprium cuiusque Clerici Episcopum, ad quem pro suscipienda ordinatione

recurrendum erat, aut saltem pro dimissorijs ad hunc finem litteris, illum ipsum fuisse à quo Clericus quivis fuerat ordinatus, & pro vetusta consuetudine certè ad dictus Ecclesiæ, in qua ministraret: vnde postmodum excedere sacri præallegati canones districtè vetabant. Hanc diffusè, atque eruditè pertractat quæstionem Sorbonicus Doctor Franciscus Hallier de sacris electionibus, & ordinationibus sect. 5. cap. 3.

Scio equidem habitam quoque originis rationem fuisse. Ipse namque præfatus Carthaginensis canon 9. hoc etiam præscribit: *Nec licere (inquit) Laicum usurpare sibi de plebe aliena, ut eum ordinet, sine conscientia eius Episcopi de cuius plebe est*. Quod idem, & à Sardicensi Concilio decretum fuisse ibi asserit Gratus Episcopus, qui teste Athanasio apol. 2. vnus fuerat de Sardicensibus Patribus. Iulius Papa sub quo hæc duo celebrata Concilia sunt sic decernit in rescripto ad Orientales pro Athanasio: *Nullus Episcopus alterius Parochianum præsumat retinere, aut ordinare, vel iudicare absque eius voluntate: quia sicut irrita erit eius ordinatio, ita & iudicatio*.

Cæterum pro origine reputabatur ipsum domicilium, ut si quis in alia quàm in qua natus fuerat, Parœcia inhabitaret, eo ipso subijceretur Episcopo loci in quo domicilium fixerat, ut posset ab eodem in Clericum assumi, Ecclesiæque certæ ascribi, nec posset ab alio deinceps ordinari absque dimissorijs. Nec verò præcitati canones obsistunt: censebatur enim quis de plebe, & de Parœcia cuius erat incola. Id verò innumera suadent testimonia: in primis Arausiani Concilij primi canon 8. qui tamen requirit etiam iure merito alterius Episcopi testimonium in cuius olim Parœcia diu habitauerat ordinandus in Clerum: *Si quis (ait) alibi consistentem Clericum ordinandum putaverit, prius desinit, ut cum ipso habitet. Nec eum sine consultatione eius Episcopi, cum quo ante habitavit, ordinare præsumat: quia non sine causa diu ab alio non ordinatus remansit*.

In Carthaginensis Concilij cap. 44. & Africani cap. 28. Epigonius Episcopus conqueritur, quemdam à se baptizatum, educatum, & demum in Lectorem ordinatum subreptum sibi fuisse à Iuliano Episcopo dicente, ciuem esse suæ Parœciæ. Ideoque ab eodem sine Epigonij dimissorijs factum Diaconum. Iudicat Concilium fuisse hoc indebitè à Iuliano attentatum: ratioque in promptu est, quia dudum fuerat is Clericus ab Epigonio primùm ordinatus, & Ecclesiæ Mapaliensi ascriptus, in qua biennio Lectoris Officiū exercuerat. Cœterę rationes Epigonij ex abundantia, & ad maiorem ingratitudinis expressionem produciuntur, quòd is, de quo agebatur, Clericus fuisset ab Epigonio baptizatus, quòd inops fuisset, eiusque charitate sustentatus, & ab ipso Iuliano commendatus.

Paulinus epist. 45. quę etiā inter Augustini epistolae inseritur ordine 35. refert se Burdigalæ à Delphino baptizatum fuisse, deinde Barcinonæ in Hispania ad feruentem illius populi postulationem ordinatum Clericum, & sacratum à Lampio: se verò decreuisse Sacerdotium ab Ambrosio Mediolanensi suscipere. Vnde duo obseruata digna eruuntur; primum quidem exiguam, & ferè nullam originis, & Baptismi rationem habitam in ordinationibus: quandoquidem Paulinus ipse in Prouincia longè ab vrbe natiuitatis, baptismique sui dissita in Clerum assumptus est. Ad id namque sufficiebat perspecta viri virtus, & fama illustris, præsertim populo id postulante, & precibus vrgente: sed vbi non fuisset perspecta viri alienigenę virtus, ne periculum foret indignum, aut etiam canonibus virum interdictum ordinandi, remittendus sanè fuisset ad originis Episcopum, aut certè alium, cui perspectę fuissent huius ad ordinem requisitę qualitates.

Obseruandum secundo ex eodem Paulini testi-

mo.

monio, potuisse aliquem iam in Clerum assumptum , & ordinibus initiatum recipere ab altero Episcopo sacrum sacerdotium, absque prioris Episcopi dimissorijs: si tamen non spontè, sed quasi per vim susceperat ordines anteriores , cum hac protestatione nolle se addicere, & peculiaris Ecclesiæ ministerio. Id enim Paulinus ipse à se factum testatur epist. 6 ad Seuerum: *Nam (inquit) in Barcinonensi Ecclesia conditione consecrari adductus sum, ut ipsi Ecclesia non alligarer, in Sacerdotium autem, non etiam in locum Ecclesiæ dedicatus.* Vbi autem istæ deerant conditiones ab illo qui primum ordinauerat Episcopo, suscipiendum erat sacerdotium, quantumvis alibi aliquis natus fuisset .

Præterea multa suppetunt huiusce ritus apud veteres exempla præter istud Paulini . Origenes enim ortu Ægyptius , ab Alexandro Hierosolymorum Episcopo fuit Presbyter consecratus ad solas Demetrii Alexandrini Episc. litteras de moribus , & doctrina testimoniales, absque dimissorijs: nec verò tantus vir, qui Deo reuelante fuerat euectus ad Ierosolymitanam sedem, quique singulari vitæ sanctitate, & librorum, quos scripsit, eruditione toti Ecclesiæ illuxit, atque illibatam vitam glorioso tandem Martyrio conclusit, rem indebitam ausus fuisset , aut libro in Demetrium Alexandrinum edito defendisset, cuius mentio fit ab Hieronymo de scriptoribus Ecclesiæ in Alexandro .

Præfatus etiam Paulinus , & Seuerus Sulpitius scriptores ambo vitæ S. Martini Turonensis Episcopi , narrant, Martinum Sabariæ in Pannonia natum , ab Hilario Pictauorum Episcopo fuisse primum Exorcistam creatum: deinde maioribus Ecclesiæ ordinibus insignitum, & deinceps Hilario, dum vixit, additum .

Epiphanius iuxta Eleutheropolim Phœnicie urbem natus , Clero inuitus licet , ac repugnans in Cypro vrbe Salamine initiatum fuit : mox Diaconus , subinde Presbyter , postremo Episcopus eiusdem vrbs

creatus fuit, vt Græcè scripta eius vita testatur.

Similiter Hieronymus Stridone in Dalmatia oriundus, ab Antiochiæ Episcopo Paulino Presbyter est ordinatus, vt ex ipsius epist. 57. & 58. & 61. compertum est. Hieronymi frater Paulinianus æquè Stridonensis Sacerdotio ab Epiphanio Constantiæ (quæ & Salamis dicitur) Præsule consecratus est, vt ex Hieronymi epist. 61. liquet.

Augustinus, cui patria Tagaste, Baptismum quidem Mediolani ab Ambrosio suscepit, à Valerio autem Hypponenſi Episcopo Clericali militiæ ascriptus est, & Sacerdotio consecratus, vt refert ipsius vitæ scriptor Possidius, idemque ipse in confessionum libris.

Pinianus nobilis Romanus cum Hypponem Augustini videndi gratia venisset, urgente, atque ad Clerum postulante illum populo, iurauit se clericatum in nulla alia Ecclesia recepturum, testante ipso Augustino epist. 225.

Euagrium etiam Ægyptium Gregorius Nazianzenus Constantinopoli Diaconum ordinauit, Socrate teste lib. 5. cap. 18.

Quin etiam Augustinus, & Seuerus mutuò disceptantes pro Timotheo Clerico epist. 240. & 241. nihil de ipsius patria disputant, sed solum à quonam fuerit ordinatus: vt eum sibi solus possit, qui Clericum fecerat, vindicare, Conqueritur ibi Augustinus Timotheum, postquam pluries in Ecclesia sibi subdita de pulpito legerat, fuisse tamen à Seuero se inconsulto Subdiaconum ordinatum, sed eum ad suam Ecclesiam pertinere asseuerat, rogatque Seuerum ne hunc aperiri sinat adiutrum ad ordinem dissoluendum Ecclesiasticę disciplinę, sed Timotheum ad se dimittat: ne iste periurio ulterrimis Deum offendant, postquam Ecclesiæ, in qua primum ordinatus est iurauit se ab illa non recessurum. Ex hoc Augustini loco perspicua fit vetus Ecclesię consuetudo, qua is qui Clero ascribatur iuramento impon-

de-

debat stabilitatem in Ecclesia, cui per ordinationem primum astringebatur. Qua tamen sponſione ſe deuincire Barcinonenſi Eccleſiæ Paulinus reſuſauit, & ipſe Hieronymus Antiochenæ, qui in ſua ordinatione nullius ſe Eccleſiæ miniſterio addicendum proteſtatus eſt, vt ipſe de ſe teſtatur epiſt. 61.

Collapſa demum Eccleſiæ diſciplina, ex quo deſijt laudabilis conſuetudo traditione Apoſtolica, & ſacris veterum Conciliorum ſanctiſionibus ſtabilita, vt quiuiſ Clericus in ordinatione ſua certæ, & peculiariſ Eccleſiæ miniſterio deputetur, a qua diſcedere non ſit ei deinceps liberum, vt ſtatuitur generalis Concilij Arelatenſis 1. can. 22. & œcumenicarum Synodorum Nicænæ primæ can. 15. & Chalcedonenſis can. 6. facta demum Clericis pro ſuo libito ab vna ad aliam Eccleſiam commigrandi licentia, & poteſtate, tum primum diuerſa inualuit proprij Episcopii notio, & acceptio. Tria enim diſtincta ſunt genera Episcoporum ad quos vniciuique liberum eſſet pro libito recurrere ad quosvis ordines ſuſcipiendos. Hi verò ſunt Episcopii, vel originis, vel domicilij, vel beneficij, cuius diſtinctionis primus ex ijs qui ſuperſunt meminit Canon Bonifacij Papæ VIII. c. nullus de temp. ord. in 6.

Mediolanensia Concilia primum, & ſecundum, noua Orthodoxorum Episcoporum exilia, & Eccleſiarum, & Arianis clades.

D'Væ Mediolani celebratæ ſunt Synodi circa Nicænam fidem, prima quidem anno 347. vt contra Baronij ſententiam probat Dionyſius Petauius in notis ad Epiphaniũ, & in ſua de Photino diſſertatione. Prima hæc fuit Catholicorum ſub Iulio Papa, & Conſtante Occidentis Imperatore, cui parebat Mediolanum. In hoc Concilio, Valens, & Vrfacius Episcopii, quorum Eccleſiæ Murcia, & Singidon in ditioſione quo-

H a que

que ei

que Constantis erant, libellos pœnitentiæ dederunt, & retractationis, ac palinodiæ tum Arianz, quam hæcenus professi erant, hæresis, tum calumniarum, quas aduersus Athanasium confinxerant. Ambo remissi à Synodo sunt ad Iulium Romæ Episc. à quo veniam, & reconciliationem acceperunt. Hæc referuntur tum in litteris Orij ad Constantium apud Athanasium ad sol. tum in epist. Synodi Ariminensis apud eundem lib. de Synodis, & apud Socratem l. 2. & Theodoritum l. 2. cap. 15. & in fragmentis Hilarij, & in epist. Liberij Papæ ad Constantium apud Luciferum.

Christi postmodum anno trecentesimo quinquagesimo religiosissimus Constans Augustus sanctæ Ecclesiæ aduersus Arianos, & Donatistas egregius defensor, & vindex interfectus est iuxta Pyræneos in castro, cui Helenæ nomen à Gaisone Magnentij Tyranni Duce. Dici non potest, quam graue vulnus Ecclesiæ mors illa inflixerit. Arianorum namque audacia eo, quo hæcenus reprimebatur disiecto aggere, omni deinceps ferocia toto orbe terrarum grassata est: Tunc venales illæ animæ Ursacius, & Valens, vt Constantij gratiam inirent, fidem Ecclesiæ datam fregerunt, seque iterum Arianis adiunxerunt.

Magnentius sublato Constante in Constantium arma perduellia conuertit: omnibusque vtriusque partis viribus acie confligitur ad Murisiam Pannoniæ urbem. Primo impetu concussæ Constantij copiz pedem retulerunt. Sed resumptis fortiter animis in Magnentianos irrupere, illosque internecione profligauere. Biennio post desperatis rebus suis Magnentius mortem sibi apud Lugdunum consciuit.

Dum se Constantius ad prælium aduersus tyrannū comparabat, Gallum patruj sui Constantij filium, & Iulianū qui postmodum in apostasiam lapsus est, & imperauit, fratrem natu maiorem creauit Cæsarem, dum esset Antiochiæ. Quo tempore Gallus, vt Dæmonis præ-

præstigias eluderet oracula reddentis intra Daphnem Antiochiæ suburbanum lucum lauris consitum, & fontibus irriguum, qui patrum superstitione fuerat Apollini dicatus, sacra transtulit ossa Martyris Babylæ olim Antiocheni Episcopi sub Decio martyrium passi; Quæ translatione oraculum prorsus obmutuit. Cum verò perfidus Iulianus in Imperio Constantio successit sacras Babylæ reliquias indidem asportari iussit, fanum & dæmonis aram instaurauit: sed excusso repente fulmine ara disiecta est, fanumque conflagrauit, vt inter alios veteres authores enarrat Ioannes Chrysostomus Antiochenus ciuis libro contra Gentes.

Vt verò paulò intermissum historiæ Constantij filium retexamus: dum huius, & Magnentij copiarum acerrimo prælio decernebant, Constantius intra Ecclesiam Murfi non longè à conflictu exitum ipsius anxie præstolabatur, vñ cum loci Episcopo Valente. Hic occultè procurauerat, vt sibi prælij exitus quàm citissimè aliquo indicio significaretur, antequàm Constantius id rescire posset. Primus itaque Valens victoriam Constantio nunciauit, & fiscitanti vnde id sciret, asseuerauit id sibi ab Angelo reuelatum inter supplices ad Deum preces. Itaque ille victoriam Valentis pietati acceptam referens, acriorem pro Ariana secta contra Orthodoxos insectationem exorsus est. Nam & per Occidentem hætenus Arianz perfidiæ inaccessum, suam hæresim longè, latèque propagare statuit: vsus maximè opera Episcoporum Fortunatiani Aquileiensis, & Saturnini Arelatensis. Cum autem iam ab omni metu, & fratris Constantis, & Magnentij Tyranni liber Constantius vrgeret Athanasij damnationem, velletque huic subscribere Liberium Pontificem Iulij successorem, petijt Liberius causam istam in plena, atque intra Italiæ fines conuocata Synodo pertractari: quibus acquiescens Constantius Concilium indixit Mediolani, quod celebratum est anno 355.

Sperauerat Liberius in Occidentali Synodo praua-
lituram catholicam partem. Et utique Catholici nu-
mero longè hic praeualebant: res tamen in contrarium
vertit, ob Constantij potentiam nescio dicam an im-
potentiam, qui omnem adhibuit vim, ut quæ animo
constituerat omnium consensu probarentur: orthodo-
xorum vota pro nihilo haberi volens, seque illis insen-
sissimum exhibens.

Adfuerunt Papæ Legatî Lucifer Calaritanus in Sar-
dinia Episcopus: Pancratius Presbyter, & Hilarius Dia-
conus. Hi postularunt in primis, ut ad stabiliendam fi-
dei, animorumque optatissimam vnitatem, & concor-
diam, subscriberetur a cunctis Nicæno Concilio, quod
vnum poterat omnia dissidia consopire. Cœpit sine
mora subscribere Dionysius Mediolani Episcopus, sed
ei Valens calamum, & chartam per vim extorsit. Ex
aduerso instant Arianî, hanc vnâ esse incundæ con-
cordiæ rationem, si omnes Athanasij, cuius causâ præ-
sens Synodus indicta fuerat, quemque tot præcedentia
Concilia proscripserant, condemnationi subscribant.
Neque in hac causâ de communi fide decerni, sed de
privati hominis delictis. Dionysius Arianorum frau-
dulentis pollicitationibus delusus (spondentium hoc
facto vniuersæ Ecclesiæ pacem, & vnanimitatem, quæ
aliòquin nulla speranda foret, condemnationi Atha-
nasij, prout Oriëntales Synodi iudicauerant, subscripsit.
Sed eum seorsim coarguit Eusebius Vercellensis Epif-
copus, & ad facti huius pœnitentiâ reduxit. Hęc igitur
inter innumeras rixas protracta, finitaque sessio fuit.

Postridiè interpellatus Eusebius profitemur se haud
ægrè iturum communis pacis studio in Dionysij sen-
tentiam circa ipsum Athanasium, tot iam Synodicis
decretis exautoratum, dum prouideatur, ne sibi senio-
ri Episcopo iunior Dionysius præferatur: idèoque il-
lius obliteretur subscriptio, ut cum ei visum fuerit,
iterum subseribat, postquàm ætate prouectior suum, ut

par

par est , nomen apposuerit: non multum in oppositum contendit Dionysius. Ariani autem consensione Eusebij omnium laudatissimi gestientes , de cuius nutu , & exemplo ceteri pendebant partium occiduarum Antistites, Dionysij nomen ita eraserunt, nulla ut littera superesset: Tum verò Eusebius simul, & Dionysius aperte protestantur, se damnationi sanctissimi, & innocentissimi Episcopi Athanasij numquam consensuros , qui non nisi propter iustitiam, & fidem persecutionem patiebatur . Hæc refert Ambrosius serm. 69. Reliqui orthodoxi resumptis animis pro Athanasio stant, Valenti, & Ursacio perturbationem Ecclesiæ funestis facibus propriam obiectant , quam voce , & scriptis publicè ediderant confessionem , se per calumniam falsissima crimina aduersus Athanasium confinxisse .

Tum confusi, eoque acrius excandescentes Ariani , ut scripsit Athanasius epist. ad sol. vit. agen. Apostolicos legatos constantissimè perditis conatibus suis obstantem indignissimè habent . Ex quibus Hilarium Diaconum flagellis crudeliter lacerat, deinde reliquos duos Apostolicos legatos Luciferum, Pancratium, simulque Eusebium, Dionysium, Paulinum Treuironum Episcopum , aliosque suis ablegant Ecclesijs : qui mox in diuersas orbis plagas raptati, ac deportati sunt edito Constantij: qui & ipsum Liberium Romanum Episc. ab isto Conciliabulo deiectum , & depositum in Thraciam relegauit. Cuius in sedem Ariani Felicem succurrunt Romanæ Diaconum Ecclesiæ , qui tametsi mente orthodoxus , ambitu tamen primæ sedis cum Arianis societatem iniuit , Athanasijq; damnationem suo scripto roborauit. At Clerus, populusque Romanus perfidi huius inuasoris communionem auersatus est. Eum tres Ariani Episcopi Pontificem ordinarunt , ut perhibent Athanasius epist. ad sol. Hieronymus de script. Eccl. in Acacio, Rufinus, & Theodoritus l. 2. cap. 14.

Constantius misso cum exercitu Cypriano Comite

Georgium perditissimum ex Mediolanensis huius Pseudo Synodi decreto in Alexandrina sede stabilivit. Luctuosissima tunc edita est Catholicorum strages sine professionum, aut sexuum discrimine: in Clericos, in Monachos, in sacras Virgines, cædibus, rapra-tionibus, carceribus, flagellis, & exquisitis cruciatibus promiscuè rabies Ariana grassata est, sacra omnia prophanæque à militibus direpta, innumeri inter durissimos cruciatus trucidati. concitatis etiam per Arianos Paganis, & Iudæis in populum fidelem, qui ea omnia passus est, quæ in internecino bello ab immanibus, & Izuissimis hostibus infligi possunt. Ita porro calamitas per vniuersam Ægyptum, Cyrenem, Libyam peruagata est. Tot inter atrocitates clam euasit ad necem conquisitus Athanasius, multosque annos delituit. In hisce latebris epistolam conscripsit ad solitariam vitam agentes, atque diuersas, quæ supersunt, Apologias.

Osius etiam Cordubensis toto terrarum orbe celeberrimus, iamque ætate centenarius, vt scribit Athanasius, frustra blanditijs terroribusque ad damnandum Athanasium tentatus, Sirmium tandem Pannoniæ oppidum deportatus est, ibique vsque ad Sirmiensem Synodum detentus exul. Lucifer verò Calaritanus scripsit in exilio ad Constantium plures pro Eccl. Catholica libros, quibus nihil fortius, nihil constantius, nihil aculeatius legi potest: vir sanè magnanimus, fidei zelo succensus, martyrijque appetens.

Quod verò spectat ad Constantinopolitanam Ecclesiam Paulus eius Episc. fidei, & constantiæ specimen, dignusque Alexandri successor illius, cuius precibus Arius infami morte perierat, extorris ab Arianis factus est: Subrogato eius in locum Eusebio hætenus Nicomediæ Pseudo Episcopo. Sed haud multò post ipso mortuo Eusebio, Paulus à populo reuocatus in suam, vnde deiectus fuerat, Ecclesiam regreditur. Ariani tamen Macedonium, eiusdem regiæ vrbis Episcopum, creant.

creant. Diuisis ergo studijs partium, graues accenduntur seditiones. Constantius verò tunc Antiochiæ existens Hermogenem ducem Constantinopolim mittit, cum mandato, vt Paulum Ecclesia, & vrbe statim exigeret, simulque Macedonium ipsum, eo quòd ipsius violentis consilijs, & cohortationibus seditiones, & per diuersa loca cædes factæ fuissent. Paulus Romam ad Iulium Papam se recepit, cuius decreto, & Constantis fratris ad Constantium litt. redijt ad pristinam sedem, simulque Achanasius Alexandriam; quod quidem postliminium istam præcessit pluribus annis Athanasij depulsionem, quam paulò ante commemorauimus.

Cæterum mortuo Constante, Paulus Constantij iussu deportatur, & Cucusi tandem in Armenia strangulatur in carcere ab Arianis: restituitur autem in sedem Macedonius. Cæterum transactis aliquot annis suadente Acacio Cæsaræ Palæstinæ Episcopo, qui erat absolutorum Arianorum Princeps, Concilium cogit Constantinopoli Constantius, quo Semiariani Episc. (quorum Princeps erat Macedonius Constantinopolitanus, & Basilus Ancyranus) suis deturbantur sedibus. Itaque deiecto Macedonio, Eudoxius ex Antiochena quam dudum inuaserat sede, in Constantinopolitanam transfertur. Abdicatus Macedonius nouam procudit hæresim contra Spiritus Sancti diuinitatem. Licet enim ipse Semiarianus filium profiteretur esse Deum, & Patri secundum substantiam similem; At Spiritum Sanctum in ordine creaturam rerum collocabat, quæ postea hæresis secunda cæcumenica Synodo damnata est.

Vt verò ad Antiochenam Ecclesiam digrediamur, statim atque Leontius Eunuchus, & Arianus Antiochenam sedem morte sua vacuum reliquit eo accurrens Eudoxius Germanicæ in Syria Episcopus dolo, & factione Episcopatum Antiochenum occupat: sed aliquantò post ab Arianis ad Thronum Constantinopolis Ecclesiæ promotus est, Antiochenæ verò Ecclesiæ
ijdem

ijdem digresso Eudoxio Meletium præfecerunt, qui fuerat Sebastæ Episcopus virum eloquentia, & morum lenitate spectabilem, hætenus Arianis additum. Sed præter omnium expectationem, cum primum ad Antiochenos sermonem haberet, apertè docuit Dei filium eiusdem esse cum Patre substantiæ: Tum Archidiaconus, qui retrò astabat concionanti, porrecta manu, ne ultra loqui pergeret, os dicentis occlusit: At Meletius manum suam eleuans tres digitos primum diductos, deinde in vnum compressos ostendit populo, significans Patrem, Verbum, & Spiritum Sanctum, tametsi personis distinctos, vnus esse, eiusdemq; essentię. Cumque Archidiaconus ore Meletij dimisso, eius manum comprehēdisset, ipse rursus libera voce populum cohortatur, vt Nicænæ Synodo firmiter adhæreat, aliòquin enim omnem eis salutis æternę viam præcludi. Tam inexpectato casu Arianı perculsi Meletium exautorant, eiusque loco Euzoium protrudunt. Tum verò Antiocheni tres in partes mutuò aduersâtes diuisi sunt. Ariani omnes Euzoium complectebantur: ex Catholicis verò pars Meletium agnoscebat, & sequebatur Episcopum, pars altera Meletij, vtpotè ab Arianis protrusi, & cum eis olim communione maculati, societatem abhorrebat: Et quidem suos conuentus seorsim peragentes Eustathianorum nomen à magno illo quodam Eustathio Antiochię Episcopo sibi assimebant, quæ Antiochenæ Ecclesię conscissio diu perdurauit. Lucifer enim Calaritanus Episcopus legati munere fungens apud Orientem, Paulinum Eustathianis Episc. consecrauit, sicque tres simul extiterunt Antiocheni Episc. At Luciferi in ea legatione socius Eusebius Vercellarū Episc. aliquantò post Antiochiam adueniens Collegæ factum haud multam approbavit: prouiditq; ne schisma istud Antiochenum perpetuò propagaretur, vt cum alter amborum, siue Meletius, siue Paulinus prior moreretur, a J alterum superstitem transiret pars illa quæ de-

defuncto paruerat. Cæterum mortuo poſtmodum in œcumenica Conſtantinopolis Synodo Meletio, Epifcopi Orientales Paulino iniquiores hoc nomine quòd ab Occidentali Epifcopo fuiſſet promotus, & eſſet Damaso Romæ Epifc. alijsque Occidentalibus neceſſitudine, & ſocietate coniunctior, Flauianum loco Meletij ſuſſecerunt: etiam ſi Antiochena Synodo An. 378. Conſtitutum fuiſſet, & iuramento communi firmatum, ne quis alterius defuncti ſucceſſor crearetur, præter alterum ex duobus ſuperſtitem. Flauianus tamen valdè ſe laudabilem in Epifcopatu præſtitit, atque in primis, quando Theodoſium Auguſtum dira omnia in Antiochenos ſeditionis perduellionis, & deiectionis, raptatæque per urbem ſtatue coniugis Flaciliæ Auguſtæ reos molientem, proſectus Conſtantinopolin oratione placauit, veniamque conſternato populo impetrauit. Vita dein de Paulinus excedit, cui adhuc viuente Flauiano ſucceſſor eligitur Euagrius. Præcedentes Hiſtorias recenſent partim Athanaſius ad ſolitar. & Apoſt. 2. partium Ruſſinus, Socrates, Sozomenus, & Theodoritus.

Concilium Sirmienſe, & Ancyranum.

Sirmienſem Synodum Baronius refert in ann. 357. alij quidam cum Dionyſio Petauio anteriorem fuiſſe contendunt. Arianorum Conciliabulum fuit, qui cum videri Catholici, atque in Chriſtum religioſi affectarent, damnauerunt Photinum Sirmij (quod oppidum eſt Pannoniæ) Epifcopum, poſtquam à Baſilio Ancyra Epifcopo in hoc cœtu diſputando conuictus, non tamen conuerſus fuit: fuerat olim Photinus Marcelli Ancyra Epifc. de quo mentio nobis ſuperiùs facta, diſcipulus. Hæreſim verò Pauli Samofateni dudum Antiochenis duabus Synodi execratam ex inferis reduxit. Chriſtum nihil aliud quàm merum hominem eſſe. Damnatus pluries fuit Photinus, tum à Catholicis
in

in Sardicensi Concilio, vt refert Epiph. hæres. 71. & in Mediolanensi primo, vt testis est Hilarius in fragmentis: tum etiam ab Arianis in hoc Sirmienfi, vbi abdicatus Episcopatu fuit.

Aduersus Photinum nouam Sirmienfes ediderunt formulam fidei, qua Filium Dei Christum Patri secundum substantiam profitebantur esse similem, sed eius fitebantur cum patre consubstantialitatem. Huic professioni quæ nihil hæreticum exprimebat, simulque Athanasij condemnationi subscripsit infœliciter Liberius Papa, qui Sirmij tunc exulabat pro Catholica, fide desiderio succumbens repetendæ pristinæ sedis, & ex eadem emulum suum Felicem Pseudo Papam deiiciendi. Quod, & obtinuit per Sirmienfe decretum, cui Constantius quoque Augustus consensit, De hac Liberij subscriptione agit Sozomenus, l. 4. c. 14.

Ea res magno Catholicis offendiculo fuit. Romam regreditur Liberius cum Arianis apertè communicans; ex aduerso Felix hætenus schismaticus omnem abruptit, quam cum Arianis habuerat, societatem. Liberius hac præuaricatione cœpit esse Romano Clero, magneque parti plebis inuisus. Felix autem cœpit, tum primum pro Romano Pontifice haberi, cum illum antea Romani omnes auersarentur. Mortuo demum Felice, resipiscens Liberius, & ab Arianorum consuetudine resiliens, admissus à Clero fuit Romæ consistente in legitimum Pontificem, eius itaque Pontificatus interruptus est Felicis nomine secundi Pontificatu, qui vivente Liberio excessit, iudicio Ecclesiæ Martyr sub Constantio. Prudentia verò, & moderatio Romani Cleri præclarè effulsit, quatenus ex vna parte Romanos Episcopos perfida cum Arianis societate coniunctos minimè sustinuit: aliunde verò eosdem ad meliora conuersos admisit, licet antea lapsos, & Catholicæ causæ proditione infames, vt nimirum Ecclesiæ paci consultum esset, & schisma perniciosum anteverteretur,

tur, haud dubiè ſucceſſurum, ſi alios quamvis digniores ſibi Episcopos præfeciffet.

Verùm tamen vt eſt leue, atque inſtabile ingenium hæreticorum, eadem ipſa Sirmij Pſeudo Synodus ſecundam recudit fidei formulam, in qua ſubſtantiz vocem, quam paulò ante filio attribuerat expunxit. Huic verò deteriori profeſſioni lapſu deplorabili ſubſcripſit inſignis ille Oſius, hæcenus ſtrenuus, & magnanimus Catholicæ profeſſionis dux, & princeps, ſed Athanaſij damnationi, vt conſentiret adduci nullo modo potuit. Quis humanæ infirmitatis, & inconstantiz vicem non lugeat, non obſtupeſcat, non contremiſcat? quis hæreticorum artes, & nequitiam non perhorreſcat? Magnum illum, & ſanctiſſimum Oſium inuictæ conſtantiz ſpecimen, quò tot annos orthodoxa fides aduerſus atrociffimos Arianorum inſultus inuicta ſteterat, & inconcuſſa, illum verè (vt vocabatur) Synodorum patrèm, qui Legatus Apoſtolicus duabus præfuerat œcumenicis Synodis, Nicænæ, & Sardicenſi, qui tanta commendatione interfuerat, præcipuasque partes egerat in Concilijs Eliberino, Arelatenſi, Neocæſarienſi, Alexandrino, & Gangrenſi, qui Solis inſtar Orientem, & Occidentem mirificæ doctrinæ ſanctitatis, & prudentiz ſplendore colluſtrauerat, qui fuerat Magni Conſtantini primus in fide Cathechiſtes, & quem ille viciffim per venerationem, & obſeruantiam Patris nomine honorabat, qui ſymbolum fidei Nicænæ compoſuerat, qui ætate ferè centenarius exilium pro fidei confeſſione, multasque ærumnas, & verbera inuictò animi robore ſuſtinuerat, illum, inquam, Oſium fidei columnam, Eccleſiæ columen, illum tot victorijs, & trophæis inſignem, flagellis tandem, & cruciatibus (vt ſcribunt Socrates, & Sozomenus) adegit Ariana perfidia, vt Arianz profeſſioni ſubſcriberet. Refert tamen Athanaſius epift. ad ſolicar. ipſum ſub exitum vitæ ſuam damnaſſe cum Vrfacio, & Vaſi-

& Valente, cæterisque Sirmiensibus societatem, & consensionem.

Dimissio Sirmij Conciliabulo alterum Ancyrae coegit eisdem ciuitatis Episcopus Basilus, qui Photinum publicè disputando conuicerat, cuique sola placuerat prima Sirmiensis professionis formula, & displicuerat secunda. In isto Ancyrano conuentu Basilus obtinuit, vt ad secundam Sirmiensem formulam his conceptam verbis: Filius per omnia similis Patri, adungeretur secundum essentiam. Quæ formula ab Ancyranis ad Constantium Principem transmissa sic ei placuit, vt eam iusserit præualere. Hanc Hilarius refert l. 6. de Synodis.

De Conciliabulis Ariminensi, Seleuciensi, & Constantinopolitano.

DE Constantio verissimè testatur Ethnicus Historicus Ammianus Marcellinus his verbis: Christianam religionem absolutam, & simplicem anili superstitione confundens, in qua scrutanda perplexius, quam componenda, excitauit dissidia plurima: quæ progressa fusiùs aluit concertatione verborum: vt cæteris antistitum iumentis publicis vtrò citròque discurrantibus per Synodos quas appellant, dum ritum omnem ad suum trahere conatur arbitrium, rei vehiculariæ succiderit nervos.

Vno eodemque anno trecentesimo quinquagesimo nono Constantius duas toto orbe Synodos indixit: ynam Seleuciæ in Oriente, alteram Arimini in Occidente. Conuenere Arimini trecenti quinquaginta Episcopi Catholici, vt refert Seuerus Sulpitius, & præterea octoginta Ariani, in quibus insigniores fuere Valens, Ursacius, & Auxentius Sedis Mediolanensis inuasor pulso in exilium Dionysio. Huic interfuit Synodo Legatus Liberij Papæ, Vincentius Capuæ Episcopus.

scopus, eodem dudum munere persūctus in Nicæa. In primis institerunt Arianī, vt illa conflata Simmij formula prævaleret, qua Filius Patri similis aſſerebatur nulla interpoſita ſubſtantię, multoq̃ue minꝯ, conſubſtantialitatis mentione. Catholici ſolū admittendum eſſe Nicænum ſymbolum contendebant: & poſt varias demum concertationes ſeſe inuicem ambæ partes diſiunxerunt. Catholici Antiltites Valentem, Vrſacium, Auxentium, Demophilum declaratos hæreticos de fidelium ſocietate reſecarunt.

Quia verò dirimi, ac ſolui Synodum Conſtantius veltuerat, antequā ipſe receptis Synodicis litteris, & de actis Concilij plenè informatus, atque inſtructus, ſuum patribus placitum ſcripto ſignificallet: pars vtraque per deputatos viros, Synodicas ad eum ſcripſit, ſed ab Arianis delegati Valens, & Vrſacius citatione, curſus primi ad Conſtantium in Oriente agentem delati: pre-occupato illius animo, ſic illum à Catholicis abalienauerunt, vt aditum ad ſe Legatis Orthodoxis non permiferit: ſcripſit tamen ad Synodum ſe negotiorum fluctibus obrutum non potuiſſe Legatos in ſuū conſpectum admittere: verū tamen eis mandaſſe, vt Adrianoli expectarent, donè ipſe ab expeditione, cui ſe accingebat, regreſſus eſſet.

Sic ille conſultò egit, vt Orthodoxi quorum pars maior maluerat proprijs, vel Eccleſiarum expenſis Arimini viuere, quā oblato ab Imperatore comœtu frui, tanta temporis prolixitate, magnitudineque ſumptuum deterriti, facilius cum Arianis conuenirent, aut ſaltem ipſorum Legati ante ipſius diſceſſum, vt hac via poſſent acceſſum ad Principem demereri; quod & factum eſt lugubri ſanè exitu: Legati epim Catholicę partis eò tandem adducti ſunt, vt nouæ, & omnium deterrimę formulę ſubſcriperint. Cū enim ſirmienſis altera formulę profiteretur per omnia Patri ſimilem, hæc noua, cui ſubſcriperunt tantum-

tummodò filium Patri similem profitebatur. Quæ Legatorum præuaricatio non paucos ad Arianorum partes traduxit, alijs spem animumque deiecit, reliquos graui mœtore afflixit. Ad Taurum quoque Comitem, quem Concilio cum armatorum magna manu præfecerat, rescripsit Constantius, vt patres omnes in vnum consensum traheret, nec ante digredi ex Concilio quemquam pateretur.

Reuersi ad Synodum præuaricatores Legati ab Episcopis Catholicis communione fidelium expulsi sunt. Hic tamen non diù perseuerauit fidei ardor, diuersi namque in dies tum animi deiectione, tum vi, tum dolis, tum promissis, tum minis, tum longioris moræ tædio superati, ad Arianos deficiebant: qui cum alio loco suos hætenus habuissent conuentus, tandem ad Ariminensem Basilicam primariam concesserunt, depulsis qui pauci restabant Orthodoxis. Isti etiam qui constantia maiori peristerant numero 20. Arianæ demum formulæ post aliquot concertationes subscripserunt. Cum scilicet Valens Episcopus quasi beneuolus arbiter, simulato pacis, & Ecclesiasticæ vnitatis studio suggestisset addendum, quasi per summam erga aduersarios indulgentiam, Filium non esse Dei creaturam, quales sunt cæteræ creaturæ, simulque celerem vnâ cum Tauro Comite perurisset omnium qui reliqui erant, subscriptionem. Fegadius, qui ab reliquis Orthodoxis quasi constantiæ specimen, & Concilij oraculum suspiciebatur, propositioni Valentis acquieuit, eamque scripto probauit: reliqui nihil cunctati huius exemplum sequuti sunt, & hoc infausto exitu dirempta est Synodus sacrilega.

Postmodum isti rem seriùs expendentes aduertunt à se impium dogma confirmatum, atque per ea verba (sicut cæteræ creaturæ) diuinum, æternumque Verbum fuisse à seipsis incautiùs in ordinem rem conditarum redactum: hoc solo discrimine, quòd

eas propria quadam, sed tamen creata, dignitate præcellat. Quam impietatem absoluti quidem Ariani, ut erant Valens, & Ursacius propugnabant: at Semiariani quales erant Basilus Ancyranus, & Macedonius Constantinopolitanus rejiciebant, atque ad execrabiles Pauli Samosatani, Photini Sirmienfis, & Aetij sectas referebant. Semiariani enim Filium similis, cum patre essentia, seu substantia, non tamen coessentialem, seu consubstantialem profitebantur, cum tamen absoluti Ariani Patri dissimilem Filium blasphemantes inde Anomæi dicti fuerint, ut testificatur Epiphanius.

Liberius Papa Concilium istud pro suo officio reprobaui: quò circa iterum ab Arianis redactus est in ordinem, nemo tamen eius in locum subiectus est. Ipse verò in Romæ cœmeterijs aliquot menses delituit. Sanctus autem Gaudentius Arimini præsul, ut aduertit ablatam Orthodoxis suffragiorum libertatem, omniaque in deterius ruere, se clanculum è Concilio subduxit; eoque soluto regressus in propriam Ecclesiam, decreta illius iustiori decreto damnauit. Vnde in tumultu ab Arianis concitato fustibus, & lapidibus interemptus Martyr in cœlum migravit.

Eodem anno 359. altera in Seleucia Synodus Orientalium coacta fuit 150. Episcoporum. Hilarius Pictuorum Episcopus, qui antè à Synodo Biterrensi, quam Saturninus Arelatensium Episcopus Arianus conuocauerat ob fidei constantiam depositus, in Phrygiam fuerat à Constantio relegatus, nihilominus à præfecto imperiali ad Seleuciæ Synodum fuit inuitatus. Quò ille cum paucis Catholicis accessit, fidemque consubstantialitatis strenuè, intrepidèque in medio Ariatorum propugnauit. Eadem Pseudo-Synodo inter ipsos hæreticos grauiter decertatum est. Semiariani enim absolutos Arianos damnationis sententia perculerunt, & eorum præcipuum ducem Acacium Cæsarzæ.

Palæstinę præfulem, aliosque eiusdem professionis Episcopos eiecerunt.

Interea Constantinopolim Constantius ex Orienta. li expeditione reuertit: cum primus conuenit Acacius, quem Baronius suspicatur, eum ipsum fuisse Presbyterum, qui Constantino Magno à Constantia sorore, quę Licinio nupserat, commendatus fuerat, quique Constantini testamentum sibi ab eodem depositum reddidit Constantio: quæ ex re præcipuam, & singularem huius gratiam demeruit, quique Arianum eidem virus afflauit. Humanissimè igitur à Constantio exceptus est, cuius etiam animum aduersus Seleucienſe Conciliabulum exasperauit, suauitque, ut Constantinopoli nouam indiceret Synodum, quæ reprobaretur Seleucienſis. Hic se prodit Constantij inconstantia, & commune hereticorum ingenium, qui circumferuntur omni vento doctrinæ in nequitia hominum, ut dicit Apostolus Ephes. 4. Idemque scribit tit. 3. hereticum delinquere, cum sit proprio iudicio condemnatus: significans eum sibi contradicere, & mox reprobare, quæ paulò ante probauerit. Cum enim Constantius primam Conciliabuli Antiocheni formulam à Basilio Ancyranò proculsam, & Synodo mox Ancyrana comprobata præualere iussisset, quæ Filius Deo Genitori secundum substantiam similis prædicabatur, & hac ex causa Semiariani in Selucienſi Concil. Arianos absolutos dissimilitudinis Filij à Patre suo assertores supplantauerint, nunc sibi dissimilis Constantius ab Acacio delusus his ultimis fauet.

Constantij ergo mandato Constantinopolim conuenere quinquaginta delecti Episcopi, qui nouam ab Acacio conflata formulam probauerunt, quæ nona recensetur à Socrate inter Arianæ professionis formulas: cum tamen Catholici vnicam semper Nicænam professionem complexi sint. Hac itaque Synodo ab Arianis depositi, & communione exclusi sunt Basilius An-

Ancyra Episcopus, & Macedonis Constantinopolis. Eleusius Cyzici, Eustathius Sebastæ, alijque Episcopi Semiariani. Actius quoque ex Syria Presbyter nonnullorum criminum insimulatus, nouorumque dogmatum auctor de gradu Sacerdotij deiectus est, etiamsi esset Acacianus, & absolutus Arianus. Ex orthodoxis depositus ista Pseudo-Synodo fuit Cyrillus Hierosolymitanus Episcopus, cuius in sedem Herennius Arianus promotus est.

Hilarius Pictauiensis dimisso Seleuciano Conciliabulo, Arianos Constantinopolim vsque prosequutus, vt in ipsa Principis hæretici aula trophæum Christi victor magnanimus erigeret, tres supplices libellos obtulit Imperatori, vt sibi liceret eo præsentè de fide cum Arianis disputare. Scriptos etiam aduersus Arianam hæresim libros Constantio offerre non formidauit: vnū ex duobus futurum sperans, vt vel Constantinus tandem alijque Ariani veritate fidei perspecta conuincerentur, aut ipse graues pro fide pateretur ærumnas, aut etiam morte afficeretur. Sed neutrius compos voti fuit. Cùm enim eius inuictam virtutem, & eloquentiam pertimescerent aduersarij, ne Orientem vbi præualebat Arianismus Hilarius commoueret vterius, Constantio persuaserunt, vt ipsum in suam Pictauiensem Ecclesiam remitteret, vt scribit Sulpicius post Hieronymum.

Hoc eodem anno propter constantem Nicenæ fidei professionem proscripti dudum sancti Episcopi Paulinus Treuirorum, & Rodanius Tolosatum confessionis laudem Martyrij gloria cumularunt, per multa incommoda vita functi in exilio.

Macedonius postquam depositus Constantinopoli fuit, nouam inuexit aduersus Spiritum Sanctum hæresim, cui diuinitatem impiè abrogabat: & cùm Filium Patri secundum diuinam substantiam esse similem prædicaret, spiritu tamen, & substantia dissimilem, ac

utrique longè inferiorem, quinimò utrique subditum, ac seruum sacrilego dogmate asseuerabat. Quam heresim ipsius sodales Basilus Ancyranus, Eusebius Cyzicenus, & Eunomius propugnarunt, & propagauerunt.

Acaciani verò postquàm depulso Macedonio Eudoxium, qui erat Antiochiæ Episcopus in Sede Constantinopolitana collocarunt, in Eudoxij quoque vacuam sedem Meletium promouerunt, & Meletio paulò post exauthorato, Euzoium suffecerunt: quam historiam superius prosequuti sumus. Hoc tamen addendum, in Antiochena vltima Synodo Arianorum à Constantio coacta, qua & Meletius depositus est, & Euzoius intrusus, Acacium decimam conflauisse formulam Arianæ professionis, qua Filius Patri suo ἀνόμοιος dissimilis asserebatur: vnde, & Anomæorum nomen Acacianis hæsit. Hæc testatur Socrates, l. 2. c. 35. Ista contigerunt anno Chr. 360. At sequenti anno Constantius Imperator vitæ excessit Antiochiæ, ab Euzoio paucis ante mortem diebus baptizatus.

Synodus Laodicana.

Coacta fuit Laodicæ in Prouincia Phrygiæ Pacatiana, vt ex ipsa Synodi epigraphæ constat. Est autem Laodicæ vna septem Ecclesiarum Asiæ, quarum enumeratio legitur in Ioannis Apocalypsi; mentio quoque fit eiusdem ciuitatis Coloss. vlt.

Conijcio celebratam fuisse hanc Synodum sub Liberij Pontificatu, dum esset Iulianus Romanorum Imperator. Nec enim subscribendum duco Baronij sententiæ in appendice ad Annalium tom. 4. quem sequitur Seuerinus Binius, alijque quorum sententiam minus solidis argumentis fulciri deprehendo. Eorum præcipuum, & in specie solidius argumentum istud est, quia Nicænum Concilium teste Hieronymo præfat. in lib. Iudith, iudicauit hunc ipsum librum Iudith esse canonicæ, ac diuinæ auctoritatis. Inferunt itaque

que, Laodicænam Synodum esse procul dubio antiquiorem Nicæna, quatenus Laodicæna non collocat in scripturæ sacræ Catalogo lib. Iudith, quem tamen collocasset, si post Nicæna Synodi declarationem coacta fuisset, Totum hoc argumentum nititur illo vnico Hieronymi testimonio, quod tamen Hieronymus non vnico sed pluribus euerit testimonijs oppositis: etenim negat in prologo Galeato lib. Iudith esse hagiographum, sed asserit esse apocryphum perinde, ac librum quem commemorat pastoris. Idemq; expungit ex Scripturis diuinis lib. Iudith, ad cap. 1. Aggæi, quod idem repetit epist. 11. ad Furiam. Addo denique quartum his conforme Hieronymi eiusdem testimonium, quo non solum suam aperit de lib. Iudith sententiam, sed eam insuper vniuersæ attribuit Ecclesiæ, ep. 115. his verbis: *Iudith, & Tobia, & Machabæorum libros legit quidem Ecclesia, sed eos inter canonicas scripturas non recipit.* An igitur quod de Concilio Laodicæno concludit, idem & quidem fortiori argumento propter toties multiplicatum Hieronymi testimonium concludet Baronius antiquiorem esse Hieronymum Nicæno Concilio? nec tantum Hieronymum, sed etiam Gregorium Nazianzenum, Ruffinum, & Athanasium, qui iuuenis, & Diaconus ab Episcopo suo Alexandro fuit in Nicænum concessum introductus ad disputandum, ob eius perspectum ingenij acumen? Hic verò in synopsi scripta post Concilium, libros Iudith, Tobia, Sapientiæ, & Ecclesiastici disertè declarat, minimè canonicos esse aut diuinos: additque hac de causa non legi fidelibus in Ecclesia, sed cathecumenis dumtaxat.

Quis verò iudicet ita scripturum Athanasium, postquam Synodo Nicænæ interfuit, si illa librum Iudith inter sacros reposuisset? Nazianzenus verò in suo de scripturis veris, & germanis carmine non recenset in illarum serie memoratos libros, neq; etiam Machabæorum, quia imò neque Ioannis Apocalypsim: quia

etiam ista subiungit *εἰδὲ τῶν ἑκτὸς, & ἐν γυναικί*. Si quis proferatur alius ab his recensitis liber, non est germanus. Ruffinus pariter in symbol. Apost. librum Iudith cum alijs quibusdam de sacrorum librorum Catalogo excludit, collocatque inter Ecclesiasticos libros, quos carere dicit diuinæ fidei certitudine, atque auctoritate. Et tamen Athanasium, Nazianzenum, Hieronymum, Ruffinum nemo inficias ierit scripsisse post Nicænam Synodum. His adde neque studiosissimè conquisita olim per Dalmatium Cyzici Episcopum Nicæna Synodi acta quidquam de libro Iudith, vel de diuinorum librorum Catalogo prodidisse.

Quin etiam cùm Laodicæni Concilij 7. canon meminerit hereticorum Photinianorum, qui non nisi post Synodum Nicænam exorti sunt, fatendum omninò est Laodicæna comitia Nicænis esse recentiora. Scio, aliquos cauillari, quòd huius can. 2. translatio (quæ est Isidori Mercatoris) Photinianos haud exprimat: sed Photinianos exprimit 1. translatio, quæ est Dionysij Exigui, qui consensu omnium eruditorum est antiquior; & cuius versio multo præ Isidoriana fidelior, & exactior est. Et insuper omnia quotquot hætenùs legi potuerunt archetypa Græca Photinianos exprimunt. Quis porrò neget maiorem habendam fidem Græcis exemplaribus omnibus quibus eruditissimus, & antiquissimus translator astipulatur, quàm Isidori translationi, quam multis passim scatere mendis nemo Græcæ præsertim doctus ignorat? At illi denuò cauillantur, haud esse credibile fuisse à Laodicænis Patribus approbatum, aut receptum Photinianorum baptismum, quem tamen, vt nullum, & inualidum reijcit Concilium 2. Arelatense can. 16. At percontari libet vndenam isti colligant in hoc Laodicæno can. 7. approbati Photinianorum Baptismum; ibi enim de Baptismo nullum est verbum, sed de hæresi abiuranda, deque instructione circa res fidei, & de chrismatione ad sacramentum vti autu-
mno

mino Confirmationis . Baptismi tamen præcessionem supponit etiam in ipsa Catholica Ecclesia collati , saltem quod attinet ad cathecumenos conuersos , quorum in hoc ipso Laodicensi canone mentio præcessit : cum esset illorum temporum consuetudo , ut plerique Baptismum differrent, etiam ad exitum vitæ . Itaque haud facile quis mihi persuaserit, ad hunc respexisse canonem Basilium Magnum, dum scribens ad Amphilo- chium c. 1. ait nonnullis Asiaticis visum fuisse, ut Ca- tharorum, siue Nouatianorum Baptismus approbare- tur , sed potius ad canonem 8. Synodi Nicænæ (quæ est in Asia ciuitas) respexerit , quo disertè decernitur , ut Cathari, qui ad Catholicam fidem conuertuntur, reci- piantur etiam cum gradu, & sacris Ordinibus, quos in hæresi susceperant . Cur enim minoris Synodi cano- nem, nihil eiusmodi exprimentem allegaret, omisso Sy- nodi œcumenicæ canone , qui rem perspicuè definiue- rat? Stet igitur pristino suo loco, quem in omnibus Ve- teribus Conciliorum editionibus Concilium Laodice- num occupabat post Nicænum ipsum: qui locus etiam eidem Laodicensi assignatur in decreto c. prima adno- tatio dist. 16. nec inde dimoueatur , neque causa detur querelæ de termino moto .

Canon Laodicensis primus communione ad aliquod tempus illos suspendit, qui secundas nuptias inierint : eisque preces , & ieiunium præscribit , antequàm eis permittatur ad sacram communionem accedere . His planè similia statuit Concilium Neocæsariense can. 3. ad quem hic respicitur per hæc Laodicensi verba κατὰ τὴν ἐκκλησιαστικὴν καὶ νόμον . Secundum Ecclesiasticam regu- lam . Et Basilius in suis ad Amphilo- chium canonibus idem decernit . Quin imò trigamos ad Eucharisticam communionem vix admittit post quinquennium ex- actè in penitentia transactum: Adeo districtè primitiua Ecclesia vitæ puritatem , & morum munditiem exige- bat accessuris ad sacratissimam domini mensam .

Can. Laodicæus secundus sancit ad communionem admittendos esse pœnitentes, postquã delicta confessi sunt, eisque iniunctum pœnalis satisfactionis tempus expleuere, κατὰ τὴν ἀναλογία τῆς πταίσματος. Secundum proportionem delicti. Quo canone impietas nouatorum circa pœnitentiam refellitur. Meminit enim confessionis, & conuersionis, ac detestationis peccatorum, & his congruentis satisfactionis, quam vult adimpleri antequam pœnitenti detur ad Eucharistiam accessus. Conformatur Laodicæno Concilio Tridentinum quatenus decernit sess. 14. cap. octauo, vt satisfactio iniungatur pro qualitate Criminum. Canon 6. hæreticis Ecclesiæ ingressum interdicit: Sed iisdem necnon Iudæis, & Gentilibus permittitur à Carthaginensi Concilio 4. can. 84. intra Ecclesiam versari, & Verbum Dei audire usque ad cathecumenorum missam.

Can. 10. decernit non debere Catholicos suis permittere liberis connubia indiscriminatim cum hæreticis. Cuius sanctionis desumenda ratio est non solum ex odio hæreticę prauitatis, aut ex periculo peruersionis circa fidem, sed etiam ex profanatione Christiani coniugii, quod vnum est ex Ecclesiæ sacramentis. Huic similem sanxit canonem decimum quartum Synodus Chalcedonenfis. Vox tamen indiscriminatim ἀδιακρίτως, quam habet canon iste Laodicæus, innuere videtur, posse aliquando nuptias permitti cum hæreticis, vbi grauis subest, atque rationabilis causa. Eòdem pariter collimant, & eandem sanctionem iterant Canon Laodicæus trigesimus primus, & Agathensis 67. à Gratiano quoque in decreto insertus, c. non oportet cum omnibus, & c. caue 28. quæst. 1.

Canon Laodicæus 13. non permittit populo electionem eorum, qui ad sacrum altaris ministerium applicandi sunt. Probatum inuictis testimonijs fuit superius ad Nicænum canonem quartum, ad Episcoporum electionem admissa olim fuisse plebis suffragia. Secus tamen

tamen fieri solitum fuit circa minorum sacerdotum , & inferiorum Ecclesiæ Ministrorum electionem , vt ex isto canone decimotertio perspicuum fit . Populi quidem testimonium de vita , & moribus ordinandi requirebatur . Iuxta illud primæ Timoth. 3. *Oportet illum, & testimonium habere bonum ab ijs qui foris sunt* . Quin imò nonnumquam populus ipse aliquem optimè meritum proponebat , & postulabat ordinari : Testatur enim Paulinus epistola 45. se Barcinone in Hispania fuisse ab Episcopo Lampio iniciatum clero , & sacramentum ad illius populi postulationem . Item refert Aug. epist. 225. fuisse Pinianum ab Hypponensi populo instanter postulatum, vt ad clerum promoueretur . Insuper (ne quid huc pertinens omittatur) adu. Apostol. 1. non soli Apostoli , sed tota Ecclesia Mathiam elegit, & Ioseph Barfabam, vt ex eis vnus assumeretur. Et Act. 6. credentium conuocata multitudo septem diaconos elegit . Verùm ad illud primum caput testatur Chrysostomus Petrum potuisse quidem per seipsum meritò eligere, sed maluisse per modestiam , & prudentiam vniuersæ Ecclesiæ gratificari . Postulationes autem , quæ fiebant Episcopis à populo nihil habuisse præter supplicationes : neque ius vllum, aut obligationem induxisse certum est .

Diatriba de Eulogijs ad Laodicenum Canonem XIV.

Canon 14. *Ne sancta instar Eulogiarum in festo Paschæ in alias Paracias transmittantur.* Ratio Canonis est, quia cum diebus Paschalibus fideles Eucharistiam omnes sumerent, non alio Symbolo sacræ Societatis opus erat illis . Per Eucharistiam quippè , *vnus panis , & vnum corpus , multi sumus omnes , qui de vno pane , & de vno Calice participamus* , vt ait Apost. 1. Corinth. 10. Eulogiarum distributio fieri solebat , nunc intra Ecclesiam , nunc verò intra priuatas fidelium ædes ad quos

quos deferebantur : sæpè numero etiam fideles priuatim ad amicos procul distantes trans mittebant, vt mutua pietatis, & sacrae charitatis Symbola, quas penes se habebant eulogias, seu benedictiones. Exempla superunt in epist. Aug. 31. 34. 35. & in epist. 1. Paulini ad Seuerum.

Catechumenis aliquando datae sunt Eulogiæ diebus Paschæ, hoc respectu, quia Eucharistiæ non communicabant. Sed hoc fieri deinceps prohibuit Concilium Carthaginense tertium Can. 5. His verbis : *Placuit vt per solemnissimos Paschales dies Sacramentum Catechumenis non detur nisi solitum sal : quia si fideles per illos dies Sacramenta non mutant, nec Catechumenis oportet mutare.* Quo loco nomen Sacramenti latiore significato usurpatur pro quibuslibet mysticis signis, vt erant panes Eulogiarum, sal benedictum. Huc pertinet Augustini locus l. 2. de peccatorum meritis cap. 26. & quod accipiunt (loquitur autem ibi de Catechumenis) *quauis non sit Corpus Christi, sanctum est tamen & sanctius, quàm cibi quibus alimur, quoniam Sacramentum est.* Similiter Theophilus Alexandrinus canon. 8. decernit oblatores ad altare (hoc est panis, & vini) minimè participes esse debere Catechumenos, sed Clericos, & populum fidelem.

Eulogiarum nomen commune est particulis Azymi, quæ à Sacerdote, & Diacono Clericis, populoque fidei tribuebantur, simulque particulis fermentati panis, quas ex vsu Occidentalium Ecclesiarum Episcopi ad Baptismalium Ecclesiarum sacerdotes trans mittebant. Quod genus Eulogiæ vulgò fermentum dicebatur. Huius auctor, ac institutor fermenti ab Anastasio memoratur Melchiades in ipsius vita. Meminit quoque fermenti Innocentius I. rescribens ad Decentium Episcopum Eug. vbi num. ... cap. 5. At verò Eulogiarum ex Azymio pane oblationum sacrificio incruento destinatarum, quarum pars separabatur ad diuinam, & my-

myfticam in altari consecrationem , reliquum verò Eulogiarum , feu benedictionum nomine inter fideles diftribuebatur finita Miffa, qui Euchariftiam non fumperant, vetuftior eft , quam fermenti institutio . De priore illa extat Pij Papæ I. Canon his verbis : *Ut de oblationibus, quæ offeruntur à populo , & de consecrationibus quæ fupersunt , vel de panibus quos deferunt fideles ad Ecclefiam , vel certè de fuis , Presbyter conuenienter partes incifas habeat in vafe nitido , & conuenienti , vt post Miffarum folemnia, qui communicare non fuerint parati, Eulogias hoc eft, panem benedictum omni die dominico , & diebus feftis exinde accipiant , quæ cum benedictione prius faciat .* Hæc Pius Papa . Hic vſus viget etiam nunc apud Græcos finita Miffa , & in vſu eft apud Græcorum Ecclefiam tituli S. Athanaſij in Romana Ciuitate .

Idem porrò ritus oblationum, ex quibus facra mox Euchariftia conficienda erat, confirmatur iſta Cypriani Carthaginenſis querela lib. de opere, & de elecmof. *Locuples , & diues es, & dominicum celebrare te credis , quæ corbonam omninò non reſpicias , quæ in dominicum ſine ſacrificio venis , quæ in partem de ſacrificio, quod pauper obtulit, ſumis .* Similem renouat querelam Auguſt. ſerm. 215, de temp. *Oblationes quæ in altari conſecrentur , offerre : erubeſcere debet homo idoneus , ſi de aliena oblatione communicat .* Eandem materiam idem ſermone ſequenti proſequitur Auguſtinus . Hæc ad plenam Eulogiarum notitiam .

Proſequentio Laodicænorum Canonum .

Canon Laodicænus 15. declarat non alijs licere intra Eccleſiam canere , quàm canonicis cantoribus, qui ambonem conſcendunt , & de membranis legunt . *πλέον τοῦ κανονικῶν ψαλτῶν τῶν ἐπὶ τὸν ἄμβωνα ἀναβαίνόντων , καὶ ἀπὸ διφθέρης ψαλλόντων .* Vbi hoc obſerua denomi-

mi-

minationem Canonorum fuisse olim Ecclesiæ cantoribus ascriptam. De cantoribus, seu Psalmistis consulto inferius can. 10. Carthaginensis Concilij 4. Quam sunt ergo veteris Ecclesiæ disciplinæ dissentanei Calvinistarum profani conuentus, in quibus Laici omnes viri, & scemina promiscuè cantant.

Hic verò obseruandæ sunt accuratiùs hæ Synodi voces τῶν κανονικῶν ψαλτῶν. Canonorum Cantorum. Et hoc sciendum Canonem non tantum significasse regulam, sed præterea catalogum Ecclesiasticum, ac indicem non modò sacrorum librorum, qui ex hoc dicantur Canonici, at etiam Clericorum Ecclesiæ, ministerio addictorum, & de sportulis, ac oblationibus Ecclesiæ participantium. Vnde & canonorum nomen ad nos dimanauit, non verò à canone, seu regula Sancti Augustini, vt quidam imaginantur. Hæc enim vocis acceptio multò antiquiùs vsurpata est, tum ex hoc Laodicæno canone, tum ex alijs Canonibus veterum Conciliorum facile probamus. In primis namque sic ait Nicæni Concilij canon 16. πρεσβύτεροι ἢ διακονοὶ ἢ ὅλως ἐν τῷ κανόνι ἐξεταζόμενοι. Sacerdotes, aut Diaconi, aut generatim quicumque sunt in canone recensiti. Et insequens canon 17. de Clericis ita loquitur πολλοὶ ἐν τῷ κανόνι, ἐξεταζόμενοι τῶν πλανεῖς καὶ τῶν αἰσχροκαρδίων διακόντες. Plerique in canone recensiti, auaritiam, & turpe lucrum sectantes. Præterea Synodus Antiochena, can. 2. εἰ δὲ φανείη τις ἤψ' Ἐπισκόπων ἢ πρεσβυτέρων ἢ διακόνων, ἢ τις τῷ κανόνι τοῖς ἀκοιστητοῖς κοινῶν, si quis deprehensus fuerit Episcopus, aut Presbyter, aut Diaconus, aut alius; qui de canone sit cum excommunicatis communicans. Canon etiam Antiochenus 6. ὁ αὐτὸς δὲ ὅρος ἐστὶ καὶ τῶν καὶ πρεσβυτέρων, καὶ διακόνων, καὶ πνεύτων ὅψ' ἐν κανόνι, idem sit decretum circa, Laicos, Sacerdotes, & Diaconos, & omnium qui de canone sunt eiusdem Synodij canon 11. ἢ τις Ἐπίσκοπος, ἢ πρεσβύτερος, ἢ ὅλως τῷ κανόνι, si quis Sacerdos, vel Diaconus, aut

generatim quis de canone . Chalcedonense porro Concilium damnans simoniacam in Clero promotionem , canon. 2. *εἰ τις Ἐπίσκοπος ἀποβάλλοιτο ἐπὶ χρήμασιν ἢ οἰκονόμῳ , ἢ ἑδίκῳ , ἢ προσμονάριον , ἢ ὅλως τίνα τῷ κανόνι , σὶ* quis Episcopus per pecunias promoueat vel œconomum, vel defensores, vel mansionarium, vel omninò aliquem, qui sit in canone . Illa quoque liturgiæ pars , in qua Sanctorum conscripta nomina pronunciantur , quorum opem Sancta Ecclesia antè, & post mysticam consecrationem inuocat ex antiqua denominatione canon dici solet, voxque ipsa canonizandi ortum inde habere videtur , vel quia in Missæ canone nomen addebatur eius , quem Ecclesia vindicabat , vt loquitur Optatus in lib. 1. aduersùs Parmenianum, hoc est Sanctorum numero recenter ascribebat ; vel quia sanctus defunctus , cuius publicè colendi , & inuocandi noua per Ecclesiam potestas fiebat, canonì, hoc est, Sanctorum Catalogo inscribebatur , vt nullus publico cultu honoraretur, aut inuocaretur, qui non publico illo albo esset inscriptus . Cæterùm vt ad catalogum Clericorum singulis olim Ecclesijs addictorum regrediar, is innuitur à Sancto Cypriano in epist. 35. monente fuisse à se Numidicum inscriptum Presbyterorum Carthagineusium numero , vt deinceps sedeat in Clero . Eius insuper meminere canones Apostolorum 17. & 51. sub nomine *κατάλογος τῶ ἱερᾶτικῷ* catalogi sacri . Et Basilius Magnus in epistola canonica ad Chorepiscopos sub nomine *ἀναγραφῆς* inscriptionis . Præterea Concilium Agathense can. 2. sub vocabulo matriculæ . Sydonius quoque Apollinaris l. 6. epist. 8. sub voce Albi, *nomen* (inquit) *Leitorum albus nuper excepit*. Porro ex albo Clericorum debebantur Clerici contumaces, depositi, excommunicati, aut sceleris conuicti, vt liquet ex citato canone Agathensi, & ex Augustini epist. 137. de Bonifacio Sacerdote criminis accusato . Clerici quoque ad ordines expetiti, & rogati, non inferebantur

Canonem seu cathalogum ministrorum illius, in qua ordinabantur Ecclesie, nisi se inseri consentirent, ut constat ex Paulini epist. 6. & 45. Hac testimonia ad probationem Canonis sufficiant.

Canon 19. decernit: *Ut finitis Episcoporum homilijs Cathecumeni separatim orent. Deinde egrediantur: His digressis orent penitentes, & subinde secedant: His exactis fideles ter orent, primam silentio, secundam, & tertiam orationem voce pronuncient. Deinde omnes sibi inuicem pacem dent, & sic sacra fiat oblatio. Decernit demum solis fas esse Ministris altaris ad altare accedere, solisque ibi communicare.*

Obserua Cathecumenorum duplex olim in Ecclesia genus, auditorum, & competentium. Primi quidem, verbum Dei intra Ecclesiam audiebant, & Christiani esse desiderabant, sed ad Baptismum suscipiendum, nondum nomen dederant. Secundi autem nomen ad hoc dederant, ideoque ad Baptismum instituebantur aliquot ante Pascha, vel Pentecosten hebdomadis, & preces in Ecclesia super ipsis fundebantur. De his loquitur August. lib. de cura pro mortuis cap. 12. *Pascha*, inquit, *appropinquabat, dedit nomen inter competentes.* Et eius sermo de temp. 116. ad competentes. Eisdem Leo Papa epist. 4. & Ordo Romanus vocant Electos.

Obserua illam post tres fidelium orationes dari solitam pacem fuisse olim per mutua oscula exhibitam, ut perhibet Iustinus Martyr apol. 2. *Nos inuicem, ait, osculo salutamus* *φιλήματι δὲ παζόμεθα* finis orationibus. Et Dionysius Eccles. Hierarch. cap. 4. Cyrillus Hierosolymitanus Cathec. Mystag. 5. Chrysostomus homil. 30. in 2. Cor. 13. & Augustin. serm. 83. de diuersis sic dicens: *Post orationem dominicam quam accepistis, & reddidistis, dicitur pax vobiscum, & osculantur se inuicem Christiani in osculo sancto, quod est signum pacis, si quod ostendunt labia fiat in conscientia: id est sicut labia tua ad labia fratris tui accedunt, sic cor tuum à corde illius non recedat.* Huc pertinet illud Apostoli sæpius repetitum: *Salutate inui-*
cem

cem in osculo sancto . Roman. 6 v. 16. 2. Cor. 13. v. 12. Thessal. 5. v. 26. Nec verò id fiebat inter diuersos sexus , cum certum sit fœminas intra Ecclesiam fuisse muro intermedio à viris seiunctas . Pacem dabant Sacerdotes primùm Episcopo , deinde ipsi inter se inuicem , ac demùm Laici Laicis vicissim , vt statuit Canon iste 19.

Canon 20. vetat Diaconis sedere præsente Presbytero, nisi hic iubeat: vult tamen Diaconum ab inferioribus Clericis honorari . Synodus quoque Nicæna, vt supra vidimus , prohibet sedere Diaconos inter Presbyteros. Vide inferiùs huc pertinentem Canonem 34. Concilij Carthaginensis quarti cum nostris ad eundem obseruationibus . Canon 21. Subdiaconis vetat in Diacono manere, aut sacra vasa contingere . Cui tamen aduersari videtur in 1. Concilij Carthaginensis 4. Canon 5. statuens , vt qui Subdiaconus ordinatur calicem vacuum, patenamque vacuum sumat de manibus Episcopi . Deinde Concilium Bracarense citatum in decreto c. non liceat, dist. 23. interdicat inferioribus Clericis vasa sacra deferre nisi Subdiaconis . Sed distinguendum cum Theodoro Balsamone Subdiaconis inhiberi sacrorum vasorum contrectationem, dum diuina Sacramenta continent, non item si vacua sint, quin imò contrectationem horum esse de eorum officio .

Canones 22. & 23. ministrum *υπηρέτην* , hoc est Subdiaconum, & inferiores Clericos negant gestare posse orarium: quæ vox orarij Græcis passim, Latinisque vsitata stolam, quam nunc vocamus, significat . Huius non rarò mentio est in liturgia Chrysostomi, vbi stola nunc dicitur *ὠράριον* nunc *ἐπιτραχιλῖον*, quod sonat collo super injectum. Et quartum Toletanum Concilium citatum in c. orarium, dist. 25. sic decernit: *¶ Num orarium portet Levitam in sinistro humero gestare, propter quod orat, dexteram autem partem oportet habere liberam, vt expedi-*
tius

rius ad Ministerium sacerdotale discurrat. Aliquādo etiam orarium significat linteum, quo fideles etiam laici sacratissimam Eucharistiam inuolutam priuatim asseruabant, quod dominicale quoque vocabatur. Scribitque Ambrosium in obitum Satyri fratris sui, eum, cum esset Cathecumenus, in grauiissimo naufragij, vitæque periculo constitutum, ne vacuus mysterij è vita discederet, diuinum ab illis, qui erant mysterijs initiati, petiuisse Sacramentum, & ipsum sibi ad collum alligari fecisse oratio inuolutum, seque mox in medios fluctus præcipitem dedisse: sed insigni miraculo fuisse ad litus delatum incolumem.

Canon 24. omnibus clericis Cauponarum ingressum interdicat. Habetur in c. non oportet distinct. 44. cui conformis est Canon Apostolorum 53. *Si quis Clericus in caupona comedens deprehensus fuerit, segregetur, præterquam si in via propter necessitatem diuerterit in publicum hospitium.* Conferenti Canones Laodicænos cum illis, qui nomine Apostolorum inscribuntur, liquidò apparet, magnam eorum partem vel ex Laodicænis in Apostolicos, vel ex Apostolicis in Laodicænos esse deriuatam.

Canon 28. *Non oportet (ait) in dominicis locis, seu Ecclesijs agapen facere, & intus manducare, vel accubitus sternere.* Agape conuiuium erat inter fideles in Ecclesia solitum exhiberi post sacra peracta mysteria, iam inde a nascentis Ecclesiæ primordijs vñitatum. Huius meminit Apostolus 1. ad Cor. 11. & Iudas in canonica epistola his verbis: *Hi sunt in epulis* (Græcè legitur *ἐν ταῖς ἀγαπῇς* in Agapis) *macula conuiuantes sine timore.* Ritus Agaparum describit Chrysostomus homil. 27. in principium ad 1. ad Cor. 11. *Satis, inquit, diebus mensas faciebant communes, & peracta Synaxi post Sacramentorum communionem inibant conuiuium, diuitibus quidem cibos suppeditantibus, pauperibus vocatis, & omnibus communiter rescentibus.* Ita Chrysostomus: meminit in super

Tertullianus in apologetico: *Cæna nostra de nomine suo rationem sui ostendit: vocatur enim ἀγάπη, quod est apud Græcos dilectio: quantiscumque sumptibus constet, Lucrum est pietatis nomine facere sumptum, si quidem inopes refrigerio isto iuamur.* Synodus Gaugrensis can. 11. Anathema intorquet in eos, qui agapas ita despiciunt, ut in eis interuenire noliunt, idque statuit occasione Eustathianorum hæreticorum, de quibus ad id Concilium supra egimus. Quia tamen ex aduerso graues se in agapas insinuabant abusus, quales ipsi etiam coarguunt Apostoli Paulus, & Iudas, ideò Laodicæni Patres agapas intra Ecclesiam fieri vetant, Eiusmodi etiam in Ecclesijs conuictus Ambrosio impensè displicuisse refert Augustinus lib. 3. confess. c. 2.

Can. 29. celebrari prohibet sabbatum ritu Iudaico, præcipitque diei dominici celebrationem. Dies dominicus celebratur loco Sabbati ex Apostolica institutione 1. Cor. 16. *Per vnam Sabbati vnusquisque vestrum apud se seponat, &c.* & vocatur dominica dies Apocal. 1. v. 10. in honorem scilicet, & cultum Dominicæ Resurrectionis.

Can. 35. prohibet relicta Dei Ecclesia nominare Angelos, vel congregationes facere. Angelos, hîc intellige malos, & desertores, quos varijs nominibus designare, & innocare solebāt hæretici sectatores Saturnini, Basilidis, Ebionis Apellis, & similibus ex Simonis magi collium prodeuntium, quorū meminere Irenæus, Tertull. Epiphanius. Hoc ipsum confirmat, qui sequitur can. 36. interdicens magiam, incantationes, & phylacteria, seu amuleta, nimirum magica, & præstigiola, Canon 48. *Oportet eos, qui illuminantur post Baptismum super celesti Chrismate vngi, & esse regni Christi participes.* Duplex solebat olim, uti & nunc in Baptismo adhiberi vñctio. Nam Baptismum præcedebat vñctio ex oleo Cathecumenorum, sequebatur verò post Baptismum vñctio Chrismatis: cuius meminere Clemens Papa lib. 3.

Apost. constit. c. 16. & 17. Dionysius hier. ecclef. c. 2. Cypranus epist. 70. ad Ian. Tertull. de Baptif. c. 7. Exinde, inquit, egressi de lauacro perungimur. Iustinus q. 137. Cyrillus Hierosolymitanus catech. Mystag. 2. & 3. Ambrosius l. 2. de sacram. c. 7. August. ser. 206. de temp. Synodus prima Arausicana can. 1. de sacri verò Chrismatis per Christum instit. & vsu. Scribit Fabianus Papa, & Martyr epist. ad Episcopos Orient. memorat optatus lib. 3. contra Parmenianum vitream Chrismatis sacri ampullam è sublimi fenestra in subiecta saxa proiectâ à Donatis per miraculum seruata fuisse illâsam. Vnctio porrò ex oleo Cathecumenorum, quæ Baptismo præmittebatur, fiebat quidem apud Latinos in capite, & in pectore baptizandi, vt ex Ambrosio notat Pamelius ad Tertullianum de Baptismo initio libri, vel etiam in pectore, & scapulis, vt habet liber Theodulphi Aurelianensis de ordine Baptismi c. 10. At verò apud Græcos vnctio ista fiebat à Sacerdote per totum eius, qui baptizandus erat, corpus. Id enim disertè tradunt Dionysius Eccl. hier. cap. 2. Cyrillus Catech. Mystag. 2. & Chrysostomus hom. 6. in epistolam ad Colossenses. Quæ causa fuit vt Canon Presbyter cui demandatum fuerat baptizandi officium, sibi metuens ex libidinis sensu, quo inuitus tamen, & omni conatu renitens afficiebatur, quando mulieres ante baptismum oleo perungebat, fugam in desertum capeffiuerit, vnde tamen reuocatus fuit apparente sibi Ioanne Baptista, & concupiscentiæ affectum refecante, adeò vt paulò pòst Persicam scēminam insignis pulchritudinis, cuius præsertim metu se fuga subduxerat, absque vllò eiusmodi sensu perunxerit, adeò vt nec sexum ipsum penitus aduerterit, vt testificatur Sophronius c. 3. His adductus Rainaldus Theophilus in tractatu de vetita clericis cum scēminis conuersatione persuasum quidem habet mulieres perinde, ac viros olim toto corpore inungi solitas ad ipsam immediatè cutem, sed tamen obuiam

itum oculorum illecebris interposito oppanso aliquo linteo . Adiungo, quòd non minùs decebat, obuiam quoque itum tactus illecebris obuoluta pluribus ex panno, aut lino inuolucris ministri manu .

Canon 49. statuit: *Ne panis in quadragesima offeratur nisi Sabbatis, & Dominicis diebus* . Similiter Synodus in Trullo Quinisexta can. 52. constituit vt tota quadragesima, exceptis Sabbatis, & Dominicis, & Annunciationis festo, non alia celebretur Liturgia , nisi Præsanctificationum προσηγιασμένων, quæ ibi Balsamon interpretatur oblationem sacrificij diebus antea actis celebrati quemadmodum apud Latinos fieri mos est magne Parasceues die. Idemque istam canonis rationem profert, quia sacrificium lætitiæ solemnis est indicium, ideòque non conueniens cum mœstitia ieiuniorum, & pœnitentiæ .

Aliqui tamen de Eulogijs non de sacrificio canonem istum 49. exponere malunt, coniicientes ideò in quadragesima Eulogias panis prohiberi, ne per earum comestionem soluatur ieiunij rigor, exceptis Dominicis, & Sabbathis, quibus apud Græcos vacat ieiunium: sed intelligendum esse locum de pane Eucharistico , tùm alia suadent argumenta , tùm illud quod sumitur ex Ecclesiastico verbi προσφέρειν significato, quo vtitur iste Canon. Similiter enim Nicænus canon 14. negat Diaconos potestatem habere τὸ προσφέρειν, sed solos Sacerdotes . Canon etiam Nicænus 12. eos qui in pœnitentium classe versabantur, quæ σύστασις consistentia dicebatur, solaque priuabantur Eucharistiæ communione dicit κοινομεῖν ἄσθεν προσφάρῃς, communicare in reliquis, præterquàm in sacra diuini altaris, seu sacrificij oblatione . Laodicænus item canon 58. non permittit, in priuatis domibus sacra offerri mytheria, δὲ δὴ ἐν ταῖς οἰκίαις ΠΡΟΣΦΟΡΑΝ γίνεσθαι παρὰ Ἐπισκόπων ἢ πρεσβυτέρων, vt alia innumera sanctorum Patrum loca Græcè istius vocis in Ecclesia veteri notionis pro ipso Sacrificio prætermittam .

Testantur Socrates lib. 5. cap. 32. & Sozomenus lib. 7. cap. 19. divina in omnibus Ecclesijs celebrari sabbato solere mysteria, præterquam in Ecclesijs Romæ, & Alexandriæ. Cuius rei causa quoad saltem Romanam Ecclesiam fortassis erat, quia Romana Ecclesia Sabbatis ieiunabat, ut perspicuum est ex Innocentij Papæ Epist. ad Decentium cap. 4. Hieronymi ad Lucinium, Augustini epist. 86. ad Casulanum, & epist. 118. ad Ianuarium. Itaque Synaxium quæ Latinis collectæ dicebantur, quædam institutæ solùm erant ad audiendum Dei verbum, & publicè, atque in commune orandum; aliæ verò præterea ad sacratissimum, & incruentum Sacrificium offerendum. Quod etiam prælaudato Socratis loco asstruitur, ubi refert Alexandriæ fieri Synaxēs δὲ ἡ τῆς ὑψ. μυστηρίων τελετῆς absque mysteriorum oblatione.

Canon Laodicænus 50. fidelibus in quadragesima Xerophagiam præscribit. Hoc est vt non nisi siccis vescantur cibus. Tertull. l. 1. aduersus psychicos sic dicit: *Xerophagiam observamus siccantes cibum ab omni carne, & iurulentia, & vuidioribus quibuscumque pomis, ne quid vino sitatis, vel edamus, vel potemus.* Eiusmodi Xerophagiam in ieiunijs etiam nunc servant Græci apud quos vigere testatur Balsamon abstinentioniam à piscibus, quos etiam Tertullianus omnis carnis nomine comprehendit. Armeni quoque Christiani, sed tamen Eutychiani, & Schismatici non solùm se abstinent à terrestrium carnibus, lacticiinijs, & ouis, sed etiam à piscibus, à vino ab oleo, vt scribunt diuersi qui has nostro sæculo nationes peragrarunt. Docet præterea Balsamon ad Apost. Can. 69. seruari quoque a Græcis omnibus Xerophagiam, totius anni decursu, ferijs quartis, & sextis, adeò vt nec his, neque quadragesimalibus diebus, vel cum egrotis dispensetur vnquam in mortis etiam confinio, nisi circa pisces.

Quod attinet ad Sabbatorum ieiunium Græci, omnesque

nesque Orientales illud semper etiam , intra ipsam quadragesimam abhorrerunt ab ipsis Ecclesiæ primordiis , canon enim Apostol. 66. dicit : *Si quis clericus inueniatur siue dominico die , siue sabbato ieiunans , vno solo excepto sabbato.* (eo videlicet quod est pridie Paschæ) *deponatur , si verò Laicus excommunicetur .* Canon item Apostol. 69. præcipit quadragesimæ , omniumque quartarum , & sextarum feriarum per annum ieiunium . Ignatius Epist. ad Philipenses post districtè commendatum quadragesimæ , feriarumque per annum quartæ , & sextæ ieiunium , adiungit eos , qui sabbatis ieiunant vno excepto (pridie nimirum Paschæ) esse Christicidas . Petrus Alexandrinus Episcopus , & Martyr Canon 15. ieiunium feriæ quartæ , idè præcipi refert , quia eo die Concilium initum fuit de capiendo , & occidendo Christo : sextæ autem quia eo die crucifixus est . Causa verò cur Orientales Sabbati ieiunium tantopere auersabantur , ista fuit , quia iam inde ab Apostolorum tempore obortæ erant hæreses profitentes Hebræorum Deum , qui mundum condidit , legemque Moysei dedit esse malum , eiusque odio Sabbatis ieiunabant , quos ille suo cultui destinauerat . Cuius hæresis author fuit Simon ille Magus , quam hæresim discipuli eius Menander , Basilides , Saturninus , Cerinthus , Carpocrates pro viribus propagarunt . His successit Cerdon , Cerdoni Marcion , quibus se Manichæi adiunxerunt . Videndus Irenæus lib. 1. cap. 20. & seqq. Epiphanius her. 21. & seqq.

Refert Augustinus Epistol. 86. ad Casulanum in Ecclesijs Orientis non ieiunari quidem Sabbatis , in Occidentalibus verò ritus esse diversos , ut alicubi Sabbato ieiunetur , alicubi minimè , tum per Africę plagas , tum etiam per diuersa Italię loca. Romę quippe districtè Sabbatis ieiunari , sed non Mediolani : seqq.

quum hac de re Ambrosium consuluisset, istud ab eo sapientissimum responsum retulisse: Quid possum hic docere amplius, quam quod ipse facio? Quando hic sum non ieiuno Sabbato, quando Romæ sum ieiuno Sabbato: & ad quamcumque Ecclesiam veneritis eius morem seruate, si pati scandalum non vultis, aut facere. Eadem repetit August. epist. 118. ad Ianuarium: At in Gallia Conc. Agathense can. 8. & Aurelianense 4. can. 2. Sabbatis ieiunari præcipiunt. Eademque in Hispânia seruari testatur Hieronymus ad Lucinium Bæticum.

Innocentius Pontifex Epist. ad Decentium mandat ieiunandum esse, Ferijs sextis, & Sabbatis, & addit illam, cur Græci censerent ieiunandum esse Sabbato, pridie Paschæ, rationem valere quoque circa omnia, per annum Sabbata, memoriam nimirum dominicæ sepulturæ, ac triduanæ Christi mortis: Quandoquidem fatentur Græci festinum dominicæ Resurrectionis gaudium non tantum die Paschæ, sed omnibus etiam anni dominicis diebus celebrandum esse: Adeo ut ob huius Mysterij memoriam, nec liceat genua flectere inter orandum. Huc pertinent c. placuit, & c. Sabbato de consecr. dist. 3.

Ferijs autem 4. solemnia fuisse Orientalibus, & Græcis ieiunia liquet ex epist. Ignatij ad Philippenfes, & ex can. 15. Petri Alexandrini, & ex can. Apost. 69. & ex Clemente Alexandrino l. 7. Stromatum, & Origene homil. 10. in Leuit. apud Latinos pro feria 4 quam non ieiunabant assumptum est multis locis Sabbati ieiunium. Locus autem Ambrosij lib. de Elia, & ieiunio c. 10 *Quadragesima totis, præter Sabbatum, & dominicum, diebus ieiunatur*, intelligendus est de ritu Mediolanensis Ecclesiæ, cui præerat Ambrosius.

Canon Laodicæus. Si Martyrum Festa prohibet celebrari in Quadragesima nisi Sabbatis, & dominicis. Ratio eadem est, quæ prohibiti diebus iisdem sacrificij, can. 49. Quia non est conueniens publica læticia cum

cum luctu, & poenitentia. Quam etiam ob causam, qui sequitur canon 52. inhibet nuptias, & Natalitia per Quadragesimam celebrari.

Can. 53. Saltationes, & choreas excludit à nuptijs fidelium, permittitque modestia conuiuia, cum Christus Dominus noster, interfuerit conuiuio nuptiarum in Cana Galilææ.

Can. 54. Clericis vetat spectaculis scenicis interesse, citatur in c. non oportet dist. 95.

Can. 57. Cauetur ne in villis, aut in vicis constituantur Episcopi, sed solum visitantes, quos canon iste vocat *πρεσβυτέρους*. Simile decretum occidit Synodus Sardicensis, can. 6. non licere Episcopum præficere alicui pago, aut etiam parue vrbi, cui possit simplex sacerdos sufficere, & rationem addit, ne Episcopi nomen, & auctoritas vilescat. Huc spectat in decreto Gratiani tota dist. 80. Periodontarum clericorum mentio quoque fit in lege Græca Iustiniani Cod. de Episc. & Cler. ad Marcianum præfectum: vbi collocantur post Chorepiscopos ante cæteros Sacerdotes.

Canon 58. *Non oportet in domibus oblationes celebrari ab Episcopis, aut Presbyteris.* Debita sanctis, & incontaminatis mysterijs veneratio ius istud produxit, nam ne in lege quidem Mosaica licitum erat alibi, quam in tabernaculo hostias offerri. Dicitur hoc idem apud Gratianum c. sicut non alibi, & c. Clericus, & c. missarum de consecr. dist. 1. consequens fit ex Can. Laodiceano, vt Episcopus, qui celebrare in loco priuato prohibetur, non possit hanc alteri sacerdoti concedere potestatem, cum sit iuris regula indubitata: Nemo plus iuris in alterum transferre potest quam ipse habeat. At posteriorum temporum Canones, id quandoque licitum esse decernunt eum Episcopi venia, modò adsit altare portatile. Attamen postremum ius Trid. Concil. sess. 23. in decreto de obseru. & cult. in celebr. missarum Episcopis prohibet istam indulgere licentiam. Verumtamen

ubi vrgeret necessitas, scribunt omnes ferè Theologi, hanc posse dari, & accipi facultatem: Mens enim Tridentinorum patrum fuit abusus excindere, non verò fidelium necessitatibus deesse: Eandem necessitatis ratio causam dedit prioribus Ecclesiæ sæculis, atrociter desæuiente gentiliū infectatione in locis abditis, & priuatis sacrosancta mysteria celebrandi.

Can. 59. prouidet, ne in Ecclesijs decantentur vulgaria, aut priuata carmina: Neue alij legantur, quàm sacri, & canonici libri, quos sigillatim recenset. Nouatores hunc solent Canonem Canoni Trid. Conc. sess. 4. opponere, eò quòd Laodicænus Canon reticeat libros Tobia, Iudith, Sapientia, Ecclesiastici, Machabæorum, qui diuinę declarantur authoritatis à Trid. neque Laodicænus Canon Apocalypsin commemorat, quam nouatores Caluiniani inter sacros libros recipiunt: Qui ex opposito librum Baruch expungunt, quem tamen Laodicænus Canon sacris accenset.

Sufficit verò nihil fuisse Laodicæz definitum expresse, contra diuinam libri Iudith, & aliorum voluminum authoritatem. Solis hæreticis hoc proprium, & singulare est, vt, illis, quæ circa fidem pronunciauit Ecclesia, præfractè ausint refragari: Cùm tamen per insignem moderationem Ecclesia Christi, dum res adhuc in incerto sunt, & nec dum ei diuinus Spiritus illustratione reuelantur, suum soleat suspendere iudicium; doneq; pleniori luce diuinus eam Spiritus dignetur collustrare: Neque censet temerè præueniendum, sed potius humiliter præstolandum Dei beneplacitum, quo dispellatur omnis ambiguitas. Quemadmodum post Laodicænz Synodi tempora, prælucente Deo contabilita est illorum librorum authoritas, de quibus hætenus Ecclesia dubitauerat. Id enim factum est in, Conc. 4. Carthaginensi.

Can. 47. Et in Conc. Romano sub Gelasio, & nouissimè in generali Trid. His adiunge sacrorum librorum, in.

indicem, quem contextuit Augustinus tribus illis Concilijs conformem, l. 2. de doctr. Christiana c. 8. Similiter licuit aliquando dubitare, , antequam suum interposuisset Ecclesia definitiūm iudiciū circa huiusmodi scripturas: Sed postquam Ecclesia pronunciauit, nefas est, vel dubitare. Sic pariter priscis Ecclesiæ sæculis licuit grauissimis, & sanctissimis illorum temporum Theologis Papæ, Iræneo, Iustino, Lactantio, Victorino, Seuerō, Sulpitio ipsique Tertulliano, , qui nullam cum Sanctis habet sortem, esse Chiliaſtis, quod nunc hæresim saperet. Licuit olim non modo Iudæis Scriptoribus Philoni, & Iosepho, sed etiam Iustino, Apol. 1. Clementi Alexand. l. 3. Stromatum, Tertull. de habitu mulier. Lactantio l. 2. diu. inst. c. 15. viris eruditis docere, & scribere deiectos fuisse de cælo malos Angelos, , eo quod in terris cum mulieribus congressi fuissent, & ex eis homines progenissent, Quod re postmodum melius comperta non affirmaretur citra piaculum, postquam circa rem istam, nouo lucis auctu suam Deus Ecclesiam instruxit.

Synodus Alexandrina, sub Liberio Papa.

Postquam Arianorum contra Ecclesiam violentissima procella, morte Constantij Augusti deferbuit, & Iulianus sumptis imperij habenis omnes Episcopos ab Arianis relegatos in pristinas Sedes reuocauit, nihil prius, & antiquius, qui ad clauum vniuersalis Ecclesiæ sedebat, Liberius habuit quam vt Ecclesiæ ruinas instauraret, Arianosque ad Ecclesiæ sinum inuitaret, redeuntesque paterna charitate complecteretur. Hic in primis Occidentales Episcopos, magni nominis Eusebium Vercellensem, & Luciferum Calaritanum adhuc in Oriente, propter fidem exulantes Legatorum Apostolicorum potestate decorauit, vt collapsas in Oriente Ecclesias erigerent.

Interea Alexandriam reuersus Athanasius Concilium Episcoporum illic conuocauit, ad quod inuitatus Lucifer duos vice sui Diaconos delegauit, cum interea Antiochiæ hæreret, ut illi Ecclesiæ Schismate diuulsæ, quod superius retulimus, prouideret. Cumque esset ingenio ad rigiditatem, & seueritatem propenso, Meletij Episcopatum, & partes eò quòd olim Arianis consensisset, minimè approbant, oppositis Meletio Eufthatianis, Episcopum creauit, & sacrauit Paulinum. Synodus verò Alexandrina præsidente Athanasio studens paci, & vnitati communi decreuit, ut Ariani Episc. & Presbyteri à lapsu resurgentes reciperentur in Ecclesiam, cum pristino gradu. Hoc decretum Lucifero quidem displicuit, ut erat inflexi animi, non tamen obniti aperte ausus fuit communi decreto, cui quos delegauerat diaconi subscripserant, ut scribit Rufinus. Quin etiam quum Eusebius dimisso Conc. Alexandrino, cui studiose suffragabatur, Antiochiam concessisset, nec satis Luciferi in ea vrbe gesta probaret. Lucifer vicissim quæ Alexandriæ gesta erant iniquo ferens animo, se ab Eusebij communionem subduxit, & quam primum in Sardiniam reuersus, omnium auersatus est communionem Episcoporum, qui per Arianam fraudem Ariminensis Concilij professioni subscripserant; nec non eorum omnium, qui eisdem sub penitètia recepissent: tametsi Liberius ad restituendam Ecclesiæ pacem missis ad omnes Italiæ Episcopos litteris, quæ extant inter Hilarij fragmenta, mandasset esse recipiendos. Et ita conflatum Luciferianorum schisma.

Multa præterea in hac Synodo Alexandrina constituta sunt, ut refert Socrates l. 3. c. 5. Ibi quippè damnata est Macedonij, Eunomijque hæresis contra Spiritus sancti diuinitatem. Alia quoque quæ recens emergebat hæresis Apollinaris, quæ animam humanam à Christo remouebat. Innouatum quoque fuit præcedentis alterius Alexandrini sub Syluestro Papa Concilij, cui

Ofius

Ofius Legatione Apostolica in vniuerso Oriente defungens præfederal decretum, vbi reprobatum fuit Sabellij dogma, quo diuinarum personarum omnis realis distinctio tollebatur. Et verò disertè fides Trinitatis explicari posset, atque à Sabellij blasphemia discerni, neue fideles vocabulorum penuria cum Sebellianis sentire viderentur, statutum est Ofio auctore, vtendum esse nominibus, *θεός*, ad significandam communetrium naturam, & *ὑποστάσις* ad exprimendas singulorum personarum distinctas proprietates. Quæ eadem vocum vsurpatio hac altera Synodo Alexandrina, sub Liberio comprobata est, auctore illius præside Athanasio, sic tamen, vt tam Latinis, quàm Græcis liberum esset proprijs linguarum diuersarum idiomatis vtī, ne circa verba certamen exardesceret, modò nulla esset in re discrepantia: vt testatur, & collaudat Gregorius Nazianz. orat. in laud. Athanasij.

Sanè inter Catholicos non autem hæreticos, vt ait Hieronymus epist. 57. ad Damasum de proprietate vocis hypostasis grauis agitata est concertatio, illis in Arianismum, illis in Sabellianismum inuicem impingentibus: cùm tamen re ipsa idem omnes circa Trinitatis fidem sentirent. Ipse Hieronymus suspectam sibi ibidem asserit hypostasis vocem circa diuinas personas, eo quod hypostasis Latine substantiam sonet, esse autem tres in diuinitate substantias, seu essentias mens eius refugiebat assentiri: Idedque Damasum Papam, hac de re consulit, cuius tamen ignoratur responsio. Hilarius quidem lib. de Synodis admittit dici posse tres in Deo substantias. Ex aduerso Augustinus, l. 5. de Trinit. c. 8. & 9. & l. 7. c. 4. & Hieronymus ad Damasum, & ante hos Tertullianus, lib. contra Praxeam, & Concilium postremò Toletanum secundum, c. 1. Et Lateranense sub Innocentio III. c. 2. Vnicam in Deo affirmant esse substantiam, tres verò negant. Sed hi substantiam pro essentia intelligunt: Hilarius verò substantiam non pro

pro essentia, sed pro hypostasi, ut ipse protestatur su-
 nit. Et quidem Apostolus Hebr. i. Unigenitum Dei vo-
 cat, *ὁ υἱος τοῦ πατρὸς ὁμοίας αὐτοῦ*, Characterem hypostasis
 ipsius, ubi vulgatus interpres tota Ecclesia receptissi-
 mus hypostasim vertit substantiam, figura inquit sub-
 stantiae eius. extat luculentus Gregorij Nicæni Liber
 de differentia essentiae, & hypostasis. Aristoteles qui-
 dem in prædicamentis vocat, *οὐσίαν*, quam nos substan-
 tiam dicimus. At verò *ὑποστάσις*, Theologi Scholastici
 pro clariori hac in re discrimine, non iam substan-
 tiam, sed subsistentiam dicere solent. Basilii Magni,
 cum fratre suo Gregorio Nicæno conformiter, sentiens
 discernit inter *οὐσίαν*, & *ὑποστάσις* epist. 43. ut essentia sit
 aliquid vnum pluribus commune, hypostasis verò pro-
 prium aliquid singulare, & incommunicabile: atque
 hoc adiungit ex differentie horum vocabulorum igno-
 rantia ortum esse multorum errorem circa Dei noti-
 tiam necessariam.

*Synodus œcumenica secunda, & Constantinopolitana prima,
 simulque Romana sub Damaso Synodus.*

Constantinopolis olim dicta Byzantium à Pausa-
 nia Lacedæmoniorum Duce condita, mirificè à
 Constantino Augusto nobilitata, & amplificata fuit, à
 quo nomen accepit, factaque est Imperij sedes, & ca-
 put. Hæc ciuitas sita est in Europæ Prouincia Thracia,
 quæ nunc Romania vocatur ad fretum Bosphorum,
 quod ambo Maria committit Ægeum, & Ponticum.
 Tribus locis mari alluitur: à meridie quidem sinu Pro-
 pontidis, quod vocant *Mar di Marmora*, qui sinus pars
 est maris Ægei, quod vulgò *Arcipelago* dicitur: Ab or-
 tu ciuitas Bosphorò cohæret Asiam ab Europa diri-
 menti, cui ab Asia obiecta est Chalcedon vrbs, quæ
 nunc *Scutari* dicitur. Denique alluitur à parte Septen-
 trionis sinu illo, qui à Bosphori superiori, seu Boreali
 par-

parte versus occasum exporrigitur, qui vulgò denominatur Cornu; & portum constituit toto orbe communissimum. Vltcrius verò ad Arcton imminet ciuitas Pontus Euxinus, qui nunc mare nigrum, aut mare maius appellatur. Ipsa verò vrbs nunc à Turcis *Stambol* nuncupatur.

Hæc Synodus habita sub Romano Pontifice Damaso, & Imperatore Theodosio fuit, tres potissimum ob causas: 1. vt Nicæna fides tot iactata procellis, & tot Pseudo-Synodis reprobata, de nouo aduersus Arianos stabiliretur, 2. vt Macedonij hæresis negans Spiritus Sancti diuinitatem profligaretur, 3. vt Ecclesiæ Constantinopolis præsul orthodoxus præficeretur, quorum Arianæ Episcopi Eusebius, Macedonius, Eudoxius, Demophilus, alter alteri succedendo, labefactauerant. Isthuc contenerunt centum quinquaginta Orientales Episcopi, ann. Chr. 381. Quo eodem in Occidente intra fines Italiæ, duæ aliæ Synodi successiue celebratæ sunt, Aquileiensis primum, deinde Romana. Aquileiensis acta supersunt, eique præfuit Valerianus Antistes Aquileiæ, quæ est Carnorum Metropolis ad Timauium amnem sita, Italiæ quondam aduersus Barbarorum & Septentrione incursus validissimum propugnaculum, ab Hunnis, deinde duce Attila subuersa, nunc verò propter cæli intemperiem, & circumiacentes paludes planè deserta, & inhabitabilis. Valeriano in hac Synodo proximus assedit Ambrosius Mediolanensis, hic etiam interfuit Philastrius Brixienfis Episcopus, scriptorum eruditione librorum, vitæque sanctitute per illustres, nec non Iustus Lugduni Episcopus, aliquo tunc ex Italia, tunc ex Gallia, tunc ex Africa. Synodica etiam epistola Aquileiensium ad Episcopos Prouinciarum Viennensis, & Narbonensem primarumque secun-
dæ meminit Proculi Massiliensis, & Constantij, qui legati ab Ecclesijs Gallicanis missi ad Concilium fuerant. Quin etiam altera eiusdem Concilij ad Gratianum.

Valentinianum, & Theodosium Imperatores epistola dicit, ex omnibus Prouincijs Occidentalibus legatos Synodo interfuisse. In hac damnata fuit Ariana impietas, & Episcopi Ariani Palladius, & Secundinus Sacerdotio depositi sunt. Dimisso Aquileiæ Concil. alterum Romæ coegit Damasus Episcoporum Occidentis, inter quos præfati confederunt Ambrosius, & Valerianus. Ad illud pariter inuitauerat Orientales, qui longam Constantinopoli inter se altercando trahentes moram sese per litteras Synodales utcumque excusauerunt, missis Romam tribus ex suo cœtu Episcopis Cyriaco, Eusebio, & Prisciano, qui eas detulerunt. Hæ referuntur integræ apud Theodorum l. 5. c. 9.

Isto Romano Concilio cui Damasus præsedit, reprobata est Ariminensis Synodus, quam ipse antea Liberius damnauerat, ut refert Damasus in sua ad Episcopos Illyrici epistola, in qua hæc memoratu digna leguntur: *Neque enim præiudicium aliquod fieri potuit per numerum Arimini congregatum: Quando constat neque Romanum Episcopum, cuius ante omnia decebat eos expectare decretum, neque Vincentium qui tantis annis Episcopatum inuiolabiliter custodiuit, neque alios talibus præbuisse consensum.* Quibus docemur Concilia quantumvis generalia, atque etiam legitima Romani Episcopi autoritate indicta, carere tamen certa in suis decretis autoritate, & fide, antequàm illius fuerint approbatione communita. Concilium namque Ariminense dubium non est, œcumenicum fuisse, legitimèque indictum; Cum eo Liberius de suo latere delegauerit, nec minùs certum est, grauiter circa fidem Catholicam errasse. Similiter quamuis Synodus ista Constantinopolitana fuerit pariter œcumenica, & insuper Orthodoxa, (idemque dicendum de Chalcedonensi,) attamen nonnulla utrinque decreta omni autoritate caruerunt, quia Damasus, & Leo Romani Episcopi noluerunt, illa suis approbationibus comprehendere. Huc pertinet illa

al.

altera Damasi sententia, in epist. ad Stephanum, & Conc. Africanum: *Nam ut nobis Synodum sine eius (loquitur de Romana Cathedra,) Authoritate fieri non est Catholicum, nec Episcopus nisi in legitima Synodo, & suo tempore Apostolica vocatione congregata definitè damnari potest, neque vlla vnquam Concilia rata leguntur, quæ non sunt fulta Apostolica autoritate.* Hæc Damasus. Ante quem Iulius etiam Papa epist. ad Episcopos Orientales, quam refert ad longum Athanasius apol. 2. asserit fuisse ab Apostolis traditum, & deinde à magno Concilio (hoc est Nicæno) declaratum, non posse vllam conuocari Synodum inconsulto, aut inuito Romano Episcopo. Ante Nicænum verò Conc. Marcellus Papa, & Martyr epist. ad Episcopos Antioch. Prouinc. refert ad Apostolorum sanctionem ista, quæ sequuntur. I. ut possint quilibet Episcopi à quocumq; iudicio appellare ad Romanum Episcopum. II. ut nulla celebretur Synodus absque Romanæ sedis beneplacito. III. ut nullus Episcopus, nisi in legitima Synodo per Apostolicæ sedis auctoritatem conuocata cuiuscumque criminis accusatus iudicetur. Notissimum etiam est in Oecumenico Chalcedonensi Conc. caput accusationis contra Dioscorum Patriarcham Alexandrinum, fuisse ab eo Synodum conuocatam inconsulto Romano Episcopo, quod nec fieri licet, nec vnquam alias factum est. Vnde perspicuè arguitur istam Synodum Constantinopolitanam, quæ Chalcedonensem præcessit, fuisse Damasi Romani Episcopi auctoritate conuocatam.

Theologi, & Iuris Canonici Periti duas approbant regulæ istius exceptiones: primam si Papa ipse infidelis, hæreticus esset: Quo titulo Baronius astruit legitima instructum fuisse auctoritate Clerum Romanum, quando Concilium Sinuessanum aduersus Marcellinum Pontificem conuocauit, postquam iste idola coluit sub Diocletiani persecutione. Secundæ exceptioni locus est in casu Schismatis, si ius foret vtrunque am-

ambiguum, sicut vltu venit in Concilijs Pisano, & Constantiensi, quæ depositis eorum temporum Summis Pontificibus alios de nouo crearunt: illud quidem Alexandrum quintum, & hoc Martinum quintum. Sed iam Constantinopolitani Concilij Canones exploremus.

Can. 1. approbatur, & reuocatur Nicæna fides de Verbi diuini cum Patre *ὁμοουσία*, id est, consubstantialitate. Damnantur insuper nefaria Macedonij, & Eumomij dogmata Spiritui sancto diuinitatem abrogantia, & blasphemantia ipsum esse Filij creaturam, atque diuersa, inferioresque à Filio substantia. Proscribuntur simul hæreses Photini Christum hominem tantum prædicantis: Et Sabellij vnicam in Deo personam asserentis, tribus nominibus pro suarum diuersitate operationum designatam, vt eadem Persona dicatur Pater ratione creationis, & Filius propter redemptionem, & Spiritus sanctum propter animarum sanctificationem. Hæresis etiam reprobat Apollinaris Laodicæni humanam Christo animam detrahentis, ut eius vices Verbum in corpore assumpto gerat.

Canon 2. prouidet, ne vltra propriarum Ecclesiarum fines Episcopi se extendant, neue vltra suas parochias, nisi à locorum Episcopis rogati ordinationes faciant. Habetur in c. Episcopi, qui extra diocesin 9. q. c. Idemque statuerat Canon Apost. 34. Quo deponi iubentur Episcopi, qui sic intra alienos fines ordinaverunt, & clericos qui ordinati sunt. Idemque sub Papa Iulio statuit Concilium Antiochenum Can. 22. Qui citatur à Gratiano c. Episcopum non debere 9. q. 2. & Concilium denique Tridentinum sess. 6. de reform. cap. 5. Can. 3. Episcopus Constantinopolitanus habeat priores honoris partes post Romanum Episcopum, eo quod Constantinopolis sit noua Roma. Hunc Damasus Canonem in Concilio Romano reprobauit, quippè qui ex mera editus ambitione sedibus Patriarchalibus ab antiquo institutis, & Nicæna

Synodo confirmatis præiudicabat, nouamq; inuehebat
 auctoritatem, quæ Imperatorum potestate suffulta, se
 aduersus Ecclesiæ Rom. primatum a Christo in persona
 Petri constitutum insolentiùs erigeret. Quod postero-
 ribus sæculis effectum est, vnde hereses, & exitialia schis-
 mata emerferunt toto Oriente. Conatum eundem am-
 bitiosum, Græci renouarunt in Synodo Calcedonen-
 si, sed eum fecit irritum Leo Magnus epist. 51. ad Anato-
 lium Constantinopolis Episc. & epist. 52. ad Marcianũ
 Augustum, & epist. 53. ad Pulcheriam Augustã, vbi hunc
 can. 3. sic designat. *Frustrà quorundam Episcoporum pro-*
fertur consensus, cui tot annorum series negauit effectum. De-
 inde Iustiniani Imperatoris prodiiuit nou. 130. Græcæ
 huic vanitati astipulans: *Sancimus* (inquit) *secundum ip-*
sorum finem sanctissimus veteris Romæ Papam primum esse
omnium sacerdotum: Beatissimum verò Archiepisc. Constans-
tinopolis nouæ Romæ secundum ordinem obtinere post sanctiss.
Apostolicum Thronum veteris Romæ. Quam nouellam in-
 seruerunt Græci, l. 5. Basilicon c. 3. sed illud Laicæ pote-
 statis edictum, non alio fulcro subniti potuit quam Sy-
 nodorum decretis à supremo vniuersalis Ecclesiæ capi-
 te reprobatis. Pseudo-synodus Trullana, sub altero
 Iustiniano his similẽm edidit can. 2. His verò sanctissi-
 mi Pontifices refragati sunt Damasus, Leo Magnus,
 Gregorius etiam Magnus, lib. 6 epist. 31. ad Eulogium
 Alexandrinum, & Anastasium Antiochenum, Nicolaus
 I. epist. ad Michaelẽ Imperatorem, quæ incipit: pro-
 posueramus; & Leo Papa IX. epist. ad alterum Michæ-
 lem Imperatorem. Episc. tandem Constantinopoleos
 gradus ille dignitatis secundus indultus à legitima po-
 testate fuit decreto Innocentij III. in generali Conc.
 Lateranensi, quod refertur, c. antiqua, de priuileg. Sanè
 ipse Constantinopolis Episcopus pluribus sæculis nihil
 ampliùs quam suffraganeus extitit Metropolitani He-
 raciæ Episcopi, quod ipse vtrò testatur schismaticus
 Balsamon scribens in hanc Synodum.

Can.4. declaratur irrita Maximi Cynici ad Constantinopoleos Episcopatum promotio, & omnes per eum factæ ordinationes quoque inualidæ: declaratque Maximum neque esse, neque fuisse vnquam Episcopum. Grauis, & ardua hîc inuoluitur quæstio, inferius speciali differtatione ad Canones ordinationum Carthaginensis Concilij quarti plenissimè discutienda.

Can.6. prohibet in primis admitti accusationem, aduersus Episcopum ab eo intentatam, qui vel hæreticus, vel aliter excommunicatus sit, vel condemnatus, vel infamis sit, nisi se plenè purgauerit, & infamiae labem absterferit. Quin neque aduersus vllum Clericum audiri permittit accusationem, si accusator ipse iam reus delicti factus sit, nisi postquam se obiecti criminis infontem probauerit. Quam renouauit constitutionem Concilium Carthaginense vulgò dictum secundum Can.6.

Eodem Canone 6. sancitur, *Vt in accusatione Episcopi possit à Prouinciali Episcoporum Synodali iudicio recurri ad maiorem Synodum Diæcesis Episcoporum*: προσιέναι μείζονι συνόδῳ ἢ τῇ διακρίσει ἐπίσκοπων. Marcellus Papa, & sub Maxentio Tyranno Martyr Epist. ad Episcopos Prouin. Antioch. scribit esse iam inde ab Apostolis constitutum, vt accusatus Episcopus, non nisi in Synodo Romani Pontificis autoritate coacta iudicari possit. Istud quidem ius poterat sibi Romanus Episcopus, quoties visum fuisset, asserere. Cæterum in remotioribus regionibus maximè per Orientem illa de Episcoporum delictis cognitio, & iudicium exercebatur à Synodis Episcoporum, vt ex veteris Ecclesiasticæ historiæ locis innumeris compertum est.

Episcopatuum igitur limites gradusque, diuersi admodum inter se erant, quemadmodum & Synodi ab Episcopis conuocandæ. Trina namq; ista, Episcopi iurisdictio. Episcopalis ditionis amplitudo, & Synodorum indictio proportionem mutuam conueniunt. Primus
sc.

se offert gradus Episcoporum alicui Metropolitano subiectorum . Isti non alijs præsumt quàm inferioribus Clericis, & Laicis, nec aliam cogere Synodum valent, quam subditorum Clericorum: horum Episcoporum ditio, quæ nunc diœcesis dicitur, olim Parœcia vocabatur . Secundus Episcoporum gradus, ac ordo est Metropolitanorum, quorum potestas, & iurisdictio in omnem prouinciam plures complectentem Episcopatus protenditur . Hi Synodos Prouinciales hoc est suffraganeorum Episcoporum indicare possunt ex tota prouincia, quam iste sextus Canon ἐπαρχίαν suffraganeos verò Episcopus ἐπαρχιώτας vocat . Tertius gradus Episcopos comprehendit pluribus Ecclesiasticis Prouincijs præfectos, siue Patriarchæ, siue primates forent . Horum ditiones, ac præfecturæ vocabantur antiquitus diœceses, & inde congregatæ Synodi nominabantur diœcesanæ, in quas ex pluribus prouincijs Episcopi conueniebant : suprâ primates constituti erant Patriarchæ, qui Archiepiscopi quoque dicebantur, quod nomen seriùs Metropolitanis communicatum, est. Patriarcharum, aut primatum Concilia Græci quidem diœcesana, Latinis vniuersalia, & generalia dicebantur, quamdiù nullum œcumenicum apud Latinos Concilium celebratum est . Conuocatio autem œcumenicarum Synodorum ad solum Romanum Pontificem pertinet, vt alibi commonstrauimus, cuius est solius summa per omnem Ecclesiam toto terrarum orbe diffusam potestas, & cui vni cæteri omnes Patriarchæ subijciuntur .

Quamquam primatiæ frequentiores in Occidente fuerunt, non defuerunt tamen in Oriente, cuiusmodi erat Thessalonicæ primum in Macedonia, vt constat ex Papæ Leonis Epist. 84. alias 82. ad Anastasium Thessalonicensem, nec non ex Epist. 2. Nicolai Papæ I. ad Michaellem Augustum . Deinde Acridi, seu Iustinianæ primæ in Dardania, vt perspicuum est ex Iustiniani

nou. 131. c. 31. Erant pariter in Oriente primates Seleucia ad Tigrin, quæ nunc est Bagdet, ut fidem facit Nicænus can. Arabicus 33. Falsò autem multis persuasum est Bagdet esse antiquam illam in Chaldeæ Babylonem; cum certum sit Euphratem per mediam Babylonem excurrere, cum tamen Bagdet non nisi ad Tygris amnis Orientalem plagam sita sit, ubi condita fuerat antiqua Seleucia. Primatis Romagyreos, seu Annensis meminit Procopius, lib. 2. de bello Persico, eumque Persicis Ecclesijs præfuisse testatur: Canon ille 33. Arabicus refert Seleuciensem illum antistitem plenam habere potestatem Archiepiscopos ordinandi, & vocari nomine Catholici hoc est vniuersalis, Procopius etiam Catholici nomen inditum ait primati Annensi, seu Romagyreos. Armenorum Patriarcham Otto Frisingensis, l. 7. c. 31. de ipsius ad Eugenium III. Pontificem legatione loquens dici etiam Catholicum refert, & Episcopis plusquam millo præesse.

Primatum meminit Synodus Chalcedonensis can. 9. & 17. Porro Zonaras ad eius can. 17. Exarchos commemorat Episc. Cæsarææ Cappadocum, & Ephefi, & Thessalonicæ, & Corinthi, quos idè insignia dignitatis suæ gestare dicit *πολυαύρις*, sic à Crucium multitudine dicta. Quòd idem insigne Synodus 8. œcumenica *ἀμφορίων* vocat can. vlt. idest superhumerales Latini dicunt pallium, quale mittit Greg. Magnus ad Corinthi Episc. l. 9. epist. 55. legimus in Pontificali Anastasij Marcum Syluestri successorem pallij gestandi ius Ostiensis Episcopo concessisse, eò quòd ad ipsum pertineat Romani Episcopi consecratio. Require inferiùs præallegatum octauæ Synodi can. vlt. cum annotatis.

Primatiæ nihil aliud fuere, quàm Vicariatus summi quidem Pontificis in Occidente, Patriarcharum verò in Oriente. 4. verò erant Primatum præcipua priuilegia. I. iura appellationum à Metropolitano iudicijs. II. ius indicendæ Synodi diœcesanæ, quò poterant ci-

ta-

tare subditos Episcopos, eosque repententes per Ecclesiasticas censuras compellere. III. ius formatarum, litterarum expediendarum, sine quibus Episcopis non licebat à proprijs Ecclesijs abscedere. IV. ius ordinandi subditarum sibi Ecclesiarum Episcopos : quod tamen ius non peræquè omnibus, siue Patriarchis, siue primatibus competeat, sed pro consuetudine, aut commissæ potestatis tenere, in quibusdam restrictiùs, in quibusdam effusius erat, in quibusdam etiam prorsus nullum, præterquàm intra fines propriæ Metropolitanæ prouinciæ solo Metropolitanæ iure, non verò Primatiali, aut Patriarchali. Non est instituti mei, tam vasta, proluxaque disquisitio. quam satis exactè persequitur Franciscus Hallier in suo opere de sacris ordinationibus, & electionibus. Sanè indubitatum est Patroclum Arelatensem fuisse à Pontifice Zosimo constitutum primatem prouinciarum Viennensis, & geminarum Narbonensium, & tamen qui Zosimo proximè successit Bonifacius I. epist. 3. in Patroclum acriter inuehitur, eò quòd Lotembia præfecisset Episcopum, absque Metropolitanì Narbonensis consensu, cui ius attribuit vel ratam, vel irritam faciendi hanc ad Lotembiensem Episcopatum promotionem. Præterea Papa Leo Magnus epist. 89. ad Episcopos prouinciæ Viennensis, Hilarium Arelatensem hoc nomine criminatur, quòd Episcopum ordinasset intra fines prouinciæ Viennensis inconsulto Metropolitana; Quin etiam hæc verba subiungit : *Quid sibi Hilarius querit in aliena prouincia? & id quod nullus decessorum ipsius, aut Paroclus habuerit, quid usurpat?*

Multæ supersunt veterum Romæ Pontificum epistolæ ad diuersos Episcopos, quos Vicarios suos Apostolicos, ac primates creant, quibus præcensita iura comprobantur. Leonis Magni ad Anastasium Thessalonicensem, Hormisdæ ad Remigium Remensem, epist. 1. eiusdem ad Episcopum Terraconensem epist.

59. Eiusdemque ad Sallustium Hispalensem epist. 26. Zofimi ad Episcopos Gallie in gratiam Patrocli Episcopi Arelatensis; Item Vigilij epist. ad Aurelianum Episcopum Arelatensem, quæ legitur in actis Synodi quintæ œcumenicæ, coll. 7. & Gregorij Magni l. 4. epist. 52. ad vniuersos Episcopos pro Vigilio pariter Arelatensi: Gregorij quoque Papæ II. & Zachariæ Papæ epist. ad Bonifacium Episcopum Moguntinum, quem primatem per omnem Germaniam constituunt. Idem tamen summi Pontifices protestantur, per huiusmodi primatias nihil derogari antiquis Metropolitanorum iuribus. Hormisda in suis ad Remigium, & ad Sallustium epistolis: *Vices (ait) nostras tibi committimus saluis privilegijs, quæ Metropolitanis Episcopis decreuit antiquitas.* Idem hoc protestatur præallegatus Vigilius, idemque præcitatus Gregorius Magnus.

Quem verò Latini primatem, Græci non modò ἑξάρχον vocabant, vt fidem faciunt Chalcedonenſes can. 9. & 17. sed etiam αὐτοκράτορ, tamenſi Patriarchæ ſubiectum. Quam rem doctiſſimè ſuo more proſequitur Ioan. Morinus Congregationis Oratorij Domini Ieſu Sacerdos in ſua exercitatione Eccleſiaſtica 17. Porro in noſtra Gallia, de tot veteribus primatijs, Arelatensi, Remenſi, Senonenſi, alijsque nihil præter inanem titulum ſuperreſt, ſolo excepto Lugdunenſi, ad quem adhuc à Metropolitanorum iudicijs prouocatur, ſcilicet Turonenſis, Senonenſis, Rotomagenſis. Nunc eò, vnde digreſſi ſumus, reuertamur. Huiusce Concilij Can. 6. circa prouocationem ab inferiori Episcoporum ſynodo ad maiorem ac ſuperiorem Synodum, ſeu ad Exarcham, aut Patriarcham conſonat Chalcedonenſis Synodi can. 9. & inſuper Pelagij Papæ I. epist. 21. his verbis: *Si verò in qualibet prouincia orta fuerint quæſtiones, & inter ipſius prouinciæ Episcopos diſcrepare cæperit ratio, atque inter ipſos diſſidentes non conueniat, ad maiorem tunc ſedem referantur: Et ſi illic facile, aut inſtè non diſcernuntur, vbi fuerit Synodus re-*
gu-

gulariter congregata, canonicè & iustè discernantur: Maiores verò, & difficiles quæstiones, vt sancta Synodus statuit, & beata consuetudo exigit ad sedem Apostolicam semper referantur. Circa hanc Pelagij constitutionem de maioribus quæstionibus ad sedem Apostolicam referendis, eam constat fuisse praxim omnium priscorum Ecclesiæ seculorum, ipsiusque Canonici iuris pars maxima constituitur ex Romanorum Episcoporum rescriptis ad varias consultationes Episcoporum. Idque conforme est regimini, quod à Deo inspiratus constituit Moyse, vt narratur Exod. 18. *Moyse electis viris strenuis de cuncto Israel, constituit eos principes populi, tribunos, & centuriones, & quinquagenarios, & decanos, qui iudicarent plebem Domini omni tempore: quidquid autem grauius erat referebant ad eum, faciliora tantummodò iudicantes.*

Subijcitur denique fidei régula Symbolum Constantinopolitanum, illud idem quod solemnioribus Missis decantari solet, cum additione tamen vocis, Filioque, à Latinis facta, qua occurritur posteriorum Græcorum hæresi. Cùm enim Macedonius, & Ennomius Filium, quidem ex Patre procedere, sed Spiritum sanctum à solo Filio creatum assererent, vt liquet ex Basilij contra Eunomium librum; Concilium id vnum definiuit, quod hæretici isti conuellebant, superfluum iudicans adiungere id, in quo ipsi cum Catholicis conueniebant. Quandonam verò Ecclesia, cuius est vna eademque potestas & fidei Symbola edendi, & aliquando edita illustrandi, & ampliandi, vocem illam addiderit, non est planè compertum. Certè Græcicæ hæresis semina circa diuini Spiritus à solo Patre processionem 1. iecit post Nestorium defensor huius Theodoritus in suis ad Cyrilli anathematismos commentarijs c. 9. Quo loco priscis Ecclesiæ patribus Græcis, & Latinis palam aduersatur Photius, vt inuasionis suæ in sedem Constantinopolitanam, & schismatis sui à Romana cathedra, vnde fuerat anathemate fulminatus, causas & prætex-

tus emendicaret, hanc de processione Spiritus S. hæresim arripuit, & propugnauit in suis encyclicis litteris, quibus Rom. Eccles. proscindit ob illam ad Symbolum adiectionem, & professionem processionis Spiritus à Patre, Filioq; tametsi suam Photius hæresim Græcis suis omnibus persuadere non valuit: quandoquidem ipsi contemporaneus Leo Imperator, Græcorum cognomine Sapiens hanc Spiritus ab utroq; processionem proficitur in suo ad Omarum Saracenorum Regē libello.

In hac ipsa Constantinopolitana Synodo Episcopi, qui interfuerunt de Iustitiæ, & Ecclesiæ commodis parum solliciti, sed proprijs tantummodò, atq; adeò iniquis affectibus indulgentes, multas perturbationes concitauerunt, multaque præstiterunt Episcopis indigna, & indecora, quæ vberius describit in carmine de vita sua Greg. Nazianz. qui pleraque ab illis indigna in hoc ipso Concil. in quo confederat, passus est. Fuerat depulso inuasore Maximo Gregorius dictus Nazianz. ad hanc sublimem Constantinopoli sedem totius Concilij non modò consensu, sed etiam applausu, acclamationibus, & laudum præconijs promotus, & pro tam insigni electione Theodosius Augustus vniuerso Conc. gratulatus fuerat. Et tamen post paucos dies hoc ipsum Concilium Gregorio ea quæ iustitiæ, & officij erant monenti, & roganti, non modò refragatum est, sed eundem etiam repulit, despexit, & dignitate quam contulerat abdicauit, subleto in locum meritissimi viri indignissimè deiectioni viro indigno, & incapaci, non tantum Laico, sed necdum Christiano tametsi senio prouecto Nectario adhuc Cathecumeno.

Meletius Antiochenus Episcopus Sanctorum fastis post obitum tam à Latinis, quàm à Græcis ascriptus, in cuius anniuersaria celebritate Chrysost. sermonem habuit, cum sedisset vt Patriarcha in hac Synodo, ea nondum soluta diem obiit extremum: cuius funus summis honoribus Concilij Patres prosequuti sunt, in quo Gre-

gorius Nicēnus panegyricam dixit orationem. Is decedens Episc. ad pacem Ecclesię conciliandam impensè hortatus est: hoc desiderans, ne alius sibi quàm Paulinus daretur successor, vt sic dispersa sub duobus hactenùs Episc. Ecclesię Antiochenę membra in vnum corpus coalescerent, quemadmodum iam antea prouisum fuerat, communique conspiratione conuētum, & promissum ab vtraq; fidelium Antiochenorū parte, statim atq; alter è duobus Episcopis premeretur.

Greg. Nazianz. in hoc instabat, vt solus in Antiochena Ecclesia Paulinus agnosceretur, atque relinqueretur Episcopus: sed quoniam hęc Orientalibus erat inuisus, hac de causa, quòd à Latino Episcopo cum Meletij, qui iam antea Episcopatu Antiocheno potiebatur, iniuriola offensione in eandem Antiochię sedem intromissus fuisset, & quia Damasus Romanus Episc. alijque Occidentis præsules cum vno Paulino sibi fidissimo, nihil verò cum Meletio communicauerant; idè Synodi huius œcumenicę Patres exosum habere ceperunt Nazianzenum, quasi Damaso addictum, & Occidentalium partes sustinentem. Eos itaque penituit quòd cum ad Episcopatum Constantinopolis promouissent: Meletio autem Flauiarum despecto Paulino sublegerunt.

Interea Constantinopolim ad Synodum post Meletij obitum aduenit Timothæus Alexandrinus Episcopus cum numero Episcoporum Ægypti comitatu, qui omnes indignati sunt, quia non expectato Alexandrino præsule, cuius prima fuerat habenda ratio, & præsidente Antiocheno Meletio fuisset Gregorius aliarum antea sedium Episcopus contra Canonum præscripta translatus in nouum Constantinopolis Episcopatum. Maior Græcorum pars Timotheo se adiungens contra Gregorij promotionem, quamuis à se ipsis factam reclamauit. Tum Gregorius studio communis pacis, & proprię quietis se spōrè abdicauit, firmiterque constituit nullus ynquam post hac Sy-

Synodis interesse, eo quòd vt ipse probè expertus ait, omnia in his per tumultus, & factiones gererentur. Igitur anno sequenti adhuc Constantinòpoli existens ad nouam in ea vrbe indictam Synodum inuitatus, & Theodosio Augusto rogatus recusauit accedere.

CONC. TAVRINENSE.

Habitum fuisse constat Taurinense Concilium, paulò post Ambrosij Mediolanensis excessum, sedente ad vniuersæ Ecclesiæ Clauum Papa Siricio, sub quàrti sæculi finem. Ab euidenti veritate prorsus deuiant Baronius, & post ipsum Binius, dum isto Concilio declaratum affirmant Massiliensem Ecclesiam esse Narbonensis secundæ prouinciæ Metropolim Ecclesiasticam. Cùm ex aduerso Concilium ipsum perspicuè dicat, se hoc priuilegium indulgere non vrbi, aut Ecclesiæ Massiliensi, quam ad aliam prouinciam pertinere disertè fatetur, & hac ratione penitus excludendam ab hoc iure circa alienam, diuersamque prouinciam: sed priuatim hoc attribuere personale priuilegium soli Proculo, nullatenus in eius successores transfundendum, seque hoc vno respectu moueri, quòd sit ætate prouectior, & quòd plerique Narbonensis prouinciæ Episcopi ab ipso fuerint ordinati: *Quamuis (inquit) eiusdem regionis Episcopi aliud defensarent, ac sibi alterius prouinciæ Sacerdotem præesse non debere contenderent.* Et mox ita prosequitur: *Non tam ciuitati eius quæ in altera prouincia sita est, quàm ipsi potissimum deferretur.* Et subindè: *Quamuis vnitatem prouinciæ minimè tenerentur, constringerentur tamen pietatis affectu, hæc ipsi Proculo tantum in diebus vitæ eius forma seruabitur.* Et sanè constituerat Nicæna Synodus Can. 4. vt intra vnâquamque prouinciam præsit Metropolitanus Episcopus in

ea constitutus. Perspicue verò testantur tum notitiæ imperij liber, tum Ammianus Marcellinus l. 15. Arelatam, & Massiliam pertinere ad Viennensem prouinciã. Quin & hoc idem iteratò declarat de Massiliensi vrbe Taurinensis Synodus eam esse alterius à Narbonensi prouinciæ. Hęc ergo secunda Narbonensis, neque Massiliensem Episcopum poterat, neque Arelatensem agnoscere Metropolitanum, sed solum Auensensem. Etenim Aquas Sextias notitia illa Imperij asserit esse Narbonensis secundæ Metropolim: Et constat (quod & alibi fusiùs explicauimus) veterem Ecclesiarum partitionem fuisse ad Imperij partitionem accommodatam, & conformem.

Hoc sanè Metropolitanæ priuilegium quod per ambitum, & factionem Proculus à Taurinensi Conc. contra ius extorserat, Zosimus Pontifex suis quę supersunt rescriptis reprobauit: Quin etiam contumacem Proculum, qui aliena iura inuaserat, à propria quoque Massiliensi sede extrusit, idemque in Patroclum Arelatensem insignia priuilegia contulit.

Porro Arelatensis Ecclesia non modò consequuta ex antiquo fuit vt esset Metropolis, suamq; constitueret prouinciã in regione Viennensi peculiarem, eiq; vt suæ Metropoli subiecta foret Massiliensis Ecclesia; verùm etiam diù primatiæ, ac Apostolici Vicariatus iure supra vtramque Narbonensem prouinciã potita est, tantùmque autoritate Zosimi Papæ concessione obtinuit, vt non modò in sua Viennensi, verùm & in prima Narbonensi, quę Narbonensi Metropolitæ, & in secunda Narbonensi prouincia, quæ Auensensi Metropolitæ subijciebatur, Episc. crearet. Cæterùm istud priuilegium Episcopos in alienis prouincijs creandi, ac ordinandi, idem Zosimus meliore consilio, vt ipse scribens ad Simplicium Viennæ Metropolitanum ingenuè fatetur, reuocauit. Quò etiam respexit S. Leo Papa, epist. 89. ad episcopos prouinciæ Viennensis his
ver-

verbis: *Quid sibi Hilarius Arelatensis querit in aliena prouincia? Et id quod nullus decessorum ipsius, aut Parochus habuerit quid usurpat? cū ipsum quod Patroclo à sede Apostolica temporaliter videbatur esse concessum postmodū, sit sententia meliore mutatum.*

Et vtique ordinatio Episcoporum ad Metropolis Episcopum pertinet ex Nicēnis Canonibus 4. 5. 6. 7. cui non est æquum derogari à Primæte, vel etiam ab ipso Patriarcha. Denique S. Papa Gregorius l. 4. epist. 95. vbi Virgilio Arelatensi confert super vicinis prouincijs Apostolici Primatis, ac Vicarij dignitatem: *Singulis (inquit) Metropolitæ secundū priscam consuetudinem proprio honore seruato.* Et Papa Hormisda similia iura Remigio Remensium Episcopo indulgens hoc addit: *Saluis priuilegijs quæ Metropolitanis decreuit antiquitas.*

Id verò mirum est Episcopum Massiliensem, qui alteri subijciebatur Metropolitæ, scilicet Arelatensi, tantum iuris habuisse etiam ante istud Taurinense Concilium, vt etiam in aliena prouincia ius exerceret Metropolitani, & Episcoporum creationi præsideret. Probabilis coniectura est facilè contigisse, vt quemadmodum imperante Ariano Constantio Saturninus Arianus Arelatensem Ecclesiam occupauerat, ita & Aquensem alius aliquis Arianus Episcopus eodem Constantio regnante, vel qui successit Iuliano Apostatæ, vel Valentiniano, qui omnes erāt Orthodoxis infensissimi, occuparit: Qua occasione plebs Catholica cum cæteris Episcopis, aut cui sollicitudo omnium Ecclesiarum incumbit Romanus Pontifex, curam Aquensis Metropolis proximiori Episcopo, qui est Massiliæ, quæ dimidiæ tantum dici itinere distat ab Aquis-Sextijs, demandauerit: Qui vicem tunc Metropolitani gerens nonnullos in eadem prouincia Episcopos ordinarit, aliaque Metropolitani munia obierit: indèque contigerit, vt idem Massiliensis Proculus factione potens, & gratia Principum virorum subnixus, quibus obsiste-

re tutum non fuiſſet, hoc demum à Synodo Taurinenſi obtinuerit, vt commendatam ſibi precario prouinciam tota vita, vt proprietarius poſſideret. Et ſanè reſtatur Synodus ſe contemplatione pacis, atque concordia ita iudicaſſe. Sed tandem iura præualuerunt, papa Zoſimo iſtud Synodi iudicium contrario decreto abrogante.

Tunc etiam temporis Vienneniſis Eccleſia de primatu cum Arelatenſi contendebat: Synodus verò Taurinenſis, ad quam illa controuerſia delata fuit, non diffinitiuam, quæ litem dirimeret, ſed ambiguan ſententiam tulit, vt illa Eccleſia Primatis dignitate potiretur, quæ ſe Metropolim probaret.

CONC. CARTHAGINENSE IV.

Initio Pontificatus Anaſtaſij Honorio Auguſto I V. & Eutychiano conſulibus anno Chr. 398. conuocatum eſt vniuerſale Conc. (ſic enim vocatur in ipſius proloquio 214. Episcoporum Africanorum in ſecretario Carthagenſis Baſilicæ. Concilio præſedit Aurelius Carthaginiſ Episcopus, & Africae Primas: Huic inter alios interfuit Auguſtinus Hipponenſis Episcopus.

Africa Occidentalis, quæ Patriarchæ ſubijciebatur Romani Episcopii, quæque in partitione Imperij pertinebat ad Romanum Occidentis Imperium, ſex prouincias complectebatur. 1. Proconſularem, Africam, ſeu Zeugitanam. 2. Numidiam. 3. Bizacenam. 4. Tripolitanam. 5. Mauritaniam Septenſem, ſeu Tingitanam. 6. Mauritaniam Cæſarienſem, vt conſtat ex notiæ Imperij libro, & ex Concilij Mileuitani cap. 27. variſque Carthagenſibus Concilijs. Primatis autem vniuerſalis titulo præerat his omnibus prouincijs Episcopus Carthaginiſ. In ſola proconſulari prouin-

uin.

nincia, in qua erat Carthago, recensiti sunt Vandalicæ persecutionis tempore 164. Episcopi teste Victore Vticensi l. 1. in summa; Episcopales sedes plusquam trecentæ Carthaginensi primati obtemperabant: cum tunc temporis duæ tantum supersint, Septensis quæ Olyssiponensi Metropoli, & Tingitana quæ Eborensi Metropoli subijcitur, vt obseruat Aubertus Miræus in Episcopatum notitia: Duæ illæ Metropoles sunt in Lusitania.

Can. 1. 2. 3. 4. de ordinationibus tractant Episcoporum, Sacerdotum, & Diaconorum per manuum impositionem: Nec meminerunt vllius instrumenti ab ordinatore traditi, aut ab ordinato contrectati. Vnde grauis emergit difficultas, quia decretum vnionis Armenorum ab Eugenio IV. Pontifice post dimissam Synodum Florentinam editum nullius in tribus istis ordinationibus meminit manuum impositionis, sed traditionis instrumentorum, quam requirit vt necessariam. Certum præterea est, illam instrumentorum contrectationem, aut saltem libri Euangeliorum in primis ordinationibus locum non habuisse, quando necdum edita fuerant sacra Euangelia. Certum denique est fieri sacras Græcorum ordinationes ex Ecclesiæ Rom. approbatione per manuum impositionem, absq; vlla instrumenti exhibitione, vel contactu. Hæc quæstio prolixior em exigit discussionem, quam remitto ad huius Concilij appendicem. Cum verò in hodierna Sacerdotum consecratione duæ concurrant manuum impositiones, oppositis dissentiunt ab inuicem rationibus Theologi, quanam illarum, an etiam vtraque sit essentialis.

Canon 5. Declarat *Subdiaconos ordinari sine vlla manuum impositione, sed solum de manu Episcopi sumendo calicem vacuum, & patenam vacuum; de manu autem diaconi Pæceolum cum aqua, & mantile, & manutergium*. Hic obserua, subdiaconatum non esse ordinem ex diuina institutione sacrum, sed ex Ecclesiastica dumtaxat, vt

mo-

monet Innocētiſ Papa III. c. 2. multis de ætat. & qual. & ord. præſic. adeò vt primitus fuerit à ſacris ordinibus excluſus, c. nullus diſt. 6. Et Synodus Ancyræ can. 13. declarat, non licere Chorepiſcopis ordinare Presbyteros, aut Diaconos, nihil prohibens de Subdiaconis. Quinimò Synodus Antiochena can. 10. diſertè aſſerit ordinari à Chorepiſcopis poſſe Lectores, Exorcistas, & Subdiaconos, at nullatenus Diaconos, aut Presbyteros. Ea quoque de cauſa Subdiaconos abſque manuum impoſitione ordinari docet iſte canon Carthagenſis. Quoad verò Subdiaconorum ſub primitiua Eccleſia celibatum, pleraque antiqua Concilia, quæ ad id Sacerdotes, & Diaconos aſtringunt, nihil de Subdiaconis expriment; ſed alia tamen his quoque præcipiunt: vnde conijcio in reliquis ſub nomine Diaconorum Subdiaconos etiam comprehendì. Nam vetuſtiſſimum Concil. Eliberinum can. 33. Deinde Agathenſe can. 28. & Turonicum ſecundum can. 20. & Epiphanius circa finem libri aduerſus hæreſes, idemque in hæreſi Catharum 59. negant diſertè Subdiaconis licere eſſe coniugatis cum affectu, ſeu cohabitatione maritali. Quod idem non obſcurè indicat Synodus Chalcedonenſis can. 14.

Canones Carthagenſes 6. 7. 8. 9. modum præſcribunt ordinandi Acolythos, Exorcistas, Lectores, ſeptem ordines recensentur in Romano Conc. ſub Sylueſtro can. 7. Oſtiariorum, Lectorum, Exorcistarum, Acolythorum, Subdiaconorum, Diaconorum, Presbyterorum. Eoſdem omnes repetit Concil. iſtud Carthagenſe, quibus tamen addit Cantores, ſeu Pſalmiſtas; ſed hoc eſt officium potiùs, quàm Eccleſiaſticus ordo, cum Concilium ipſum Cantores creari à Sacerdote aſſermet, reliquos autem ab Epifcopo. Acolythorum præter duo illa Latina Concilia meminìt inſuper Cyprianus epiſt. 55. & Cornelius Papa in epiſt. quam reſert Eusebius l. 6. hiſt. eccl. cap. 33. vt ſileam Gelafium epiſt. ad Epifcopos Lucaniæ cap. 3. alioſque ſequentes
Ro-

Romanos Pontifices. Apud veteres autem Græcos non inuenio Acolythorum distinctam mentionem, tametsi vox illa sit planè Græca, non apud Dionysium in Hierar. Eccl. non apud Ignatium epist. ad Antiochenos, cui recenset ordines Presbyterorum, Diaconorum, Hypodiaconorum, Lectorum, Cantorum, Ianitorum, Laborantium, & Exorcistarum nihil commemorans de Acolythis, vt neque Conc. Antiochenum, quod quidem Can. 10. à Chorepiscopis ordinari posse monet, Lectores, Exorcistas, & Hypodiaconos, à solis verò Episcopis, Diaconos, & Presbyteros. Nihil verò de Acolythis loquitur. Ne verò Laborantes ab Ignatio commemoratos aliquis fortè cum Acolythis confundat, docet Epiphanius in compen. Laborantes id habuisse officij vt fidelium defunctorum corpora curarent, & ad sepulturam componerent, quos Pollinctores profana vocabat antiquitas.

Canon 10. statuit Cantorem, seu Psalmistam posse absque interuentu Episcopi per Sacerdotem constitui hac verborum formula: vide vt quod ore cantas corde credas, & quod corde credis operibus comprobes.

Can. 12. sancit vt eligantur viduæ, ac sanctimoniales (hæ dicebantur etiam Diaconissæ) quæ ministerio adhibeantur fœminarum baptizandarum, & capaces sint illas ante baptismum instituendi. De Diaconissarum ministerio circa fœminarum baptismum, nequid in eo fiat, vel appareat indecorum, tractat Clemens Papa l. 3. Constit. Apost. cap. 14. & Epiphanius hær. 79. At verò circa mares exclusis tantum fœminis, minor adhibebatur cautio cum sic alloquatur baptizatos Cyrillus Hierosolymitanus Catech. Mystag. 2. *O rem miram! nudi apparuisti in conspectu omnium, nec tamen pudoris suffusi estis.*

Can. 13. sponis iniungit vt nocte, quæ ipsorum benedictionem sequitur se in virginitate contineant, propter sanctæ illius benedictionis reuerentiam.

Can.

Can. 15. *Vt Episc. vilem supellectilem, & mensam, ac victu pauperem habeat, & dignitatis suae auctoritatem fide, ac vita meritis quærat.* C. Episcopus, dist. 41. & Trid. sess. 25. c. 1. Memoriale est Ammiani Marcellini scriptoris ethnici sincerum de quibusdam Episcopis præconium libr. 27. *Antistites: (inquit) quosdam provinciales tenuitas edendi, potandique parcissime, vilitas etiam indumentorum, & supercilium spectantia, perpetuò numini verisque eius cultoribus, ut puros commendant, & verecundis.*

Can. 20. *Vt Episcopus nullam rei familiaris curam ad se reuocet, sed lectioni, & orationi, ut verbi Dei prædicationi tantummodò vacet.* Huc spectat Gregorij Nazianzeni de se ipso testimonium in carmine de vita sua, nullam se dedisse operam in exigendis quæstorum suorum rationibus circa Ecclesiæ suæ facultates. Sapienter tamen, Augustinus, ut refert in eius vita Possidius cap. 24. facultatum Ecclesiæ curam fidelibus clericis omnem delegabat, qui cuncta accepta & erogata notabant, ipse verò singulis annis eorum rationes audiebat: numquam tamen clauem, aut anulum habens.

Can. 22. *Vt Episcopus sine consilio Clericorum suorum Clericos non ordinet, ita ut Civium testimonium, & conuiuentiam quærat.* Habetur in c. Episcopus sine Consilio dist. 24.

Can. 31. *Vt Episcopus rebus Ecclesiæ tamquam commendatis, non tamquam proprijs utatur.*

Can. 32. *Irrita erit donatio Episcoporum, vel venditio, & communicatio rei Ecclesiastica absque conuiuentia, & subscriptione Clericorum.* Vide in decreto 12. q. 2. per totam, In Galliæ Regno per edictum Henrici II. anno 1558. quod deindè in comitijs Aurelianensibus art. 29. sub Carolo IX. ex deliberatione Gallicani Cleri confirmatum est, nemorum ab Ecclesiis pertinentium arbores proceras deijcere prohibetur Episcopis, Abbatibus, & quibuscumque præbendatis, & alijs quibuslibet personis. Solemnitates etiam seruandas ad legitimam rerum Ec-

clesiæ alienationem, quibus omissis (saltem in Gallia) foret inualida, refert Chenutius Iuriconsultus in suo tractatu de alienationibus rerum Ecclesiæ. Prima est, vt interueniat Capituli, aut Cleri deliberatio, & consensus scripto expressus, cum singulorum subscriptione; iuxta hunc Carthaginensem canonem, &c. sine exceptione 12. q. 2. Secunda, vt ex deputatione per capitulum committantur certæ personæ ad iuridicè inquirendum de qualitate rei cuius tractatur alienatio; deque vtilitate, aut necessitate eius alienationis; quæ demùm facta inquisitio refertur ad capitulum. Tertia, vt publicè per Parochos tam loci, quàm conuicinos, perque affixas schedulas denunciatur illa futura alienatio, per licitationem, ac subhastationem, vt qui licitatione plus obtulerit rem habeat. Quarta, vt accedat Episcopi consensus, aut eius Vicarij, aut Abbatis, si de re agitur regularis Ecclesiæ, aut Monasterij. Quo vlt. casu requiritur insuper summi Pontificis consensus, nō enim ad istud sufficit superioris generalis, & multò minùs Prouincialis autoritas. Prædictæ requiruntur solemnitates, etiam si non fiat alienatio in perpetuum, aut etiam ad annos 30. dummodò fiat emphyteusis ultra nouennium, vt ex praxi, & iure Gallicano docet Chenutius: qui etiam refert ob vnum, & alterum harū solemnitatum defectum, multis in Gallia iudicijs irritas fieri multas rerum Ecclesiæ alienationes, quæ fuerant plusquàm centum annorū præscriptione firmatæ.

Tres iustas esse rerum Ecclesiæ alienandarum causas docet Glossa in proœmio causæ 12. q. 2. Primam ipsius Ecclesiæ necessitatem, aut euidentem vtilitatem, vt si fructus ad Ecclesiæ impensas, aut cleri sustentationem, aut debitorum solutionem sufficere non possint, c. hoc ius porrectum 10. q. 2. Causa secunda est pietatis ad subsidium pauperum in graui necessitate, vel in redemptione captiuorum, iuxta diffinitionem S. Patris Gregorij, l. 5. epist. 17. & l. 7. epist. 4. qui vult his casibus

bus

bus sacra vasa confringi, & conflari. *Aurum enim habet Ecclesia non ut seruet, sed ut eroget, & subueniat in necessitatibus, c. aurum 12. q. 2.* Causa denique tertia est vitandi damni, quando Ecclesie prædia sterilia, aut inculta remanerent ob magnas necessarias in eis reparandis impensas, magnamque distantiam, c. sine exceptione, & c. terrulas 12. q. 2. & c. ad aures de rebus Eccles. non alien.

Denique contra rei Ecclesie alienationem, quæ sit à capitulo, vel vnus clericus eiusdem capituli opponens admittitur. c. si quis de Rebus Eccl. non alien. etenim in re communi potior est conditio prohibentis. Sed reliquos huius Conc. Canones prosequamur.

Can. 34. *Vt Episcopus quolibet loco sedens, stare Presbyterum non patiatur.* His conformia scribit Hieronymus ad Euagrium epist. 58. *Ceterum (ait) etiam in Ecclesia Romæ Presbyteri sedent, & stant Diaconi: licet paulatim increbescenibus vitijs inter Presbyteros, absente Episcopo, sedere Diaconum viderim.* Diaconis verò inter Presbyteros sedere vetant sacri Canones Nicænus 18. & Laodicænus 20.

Can. 35. *Vt Episcopus in Ecclesia, & consensu Presbyterorum sublimior sedeat.* Intra verò domum Presbyterorum collegam se esse cognoscat. Citatur in c. Episcopus in Ecclesia dist. 59. in Liturgia Chrysostomi sedes Episcopalis dicitur, ἡ ἀνω καθέδρα, quæ sursum est sedes. Et August. in Psalm. 126. dicit Episcopis altiorem poni locum, ut cognoscant se esse in specula constitutos ad vincam Domini, quæ est eius Ecclesia, custodiendam. Et de isto (inquit) alto loco periculosa redditur ratio.

Can. 44. *Clericus nec comam nutriat, nec barbam.* Allegatur apud Gratianum c. clericus dist. 42. Idem cauetur Agathensis Concilij Can. 20. de tonsura porro clericali multa præclara require infra ad Canon. 40. Conc. Toletani 4.

Can. 45. *Clericus professionem suam, & in habitu, & in incessu probeat: Et nec vestibus, nec calceamentis decorem qua-*

rat. Habetur in Can. clericus professione dist. 41. huic similem require inferiùs Can. 16. Nicænæ Synodi secundæ. Clericum nihil magis dedecet, aut contemptui magis obnoxium reddit, quam illa exteriùs se prodens iminodestia. Sapientissimè admonet Ecclesiasticus c. 19. Ex visu cognoscitur vir, & ab occurso facie cognoscitur sensatus Amictus corporis, risus dentium, & ingressus hominis enunciant de illo. Id est qualis interiùs sit: Quemadmodum gnomon exterior horologij dispositionem indicat interioris machinæ.

¶ Can. 47. *Clericus per plateas, & andronas nisi magna, & certa sui officij necessitatem non ambulet.*

Can. 51. *Clericus quantumlibet verbo Dei eruditus, artificio victum querat.* Habetur in decreto c. Clericus quantumlibet dist. 91 sequitur huic similis Can. 52. *Clericus victum, & vestitum sibi artificio, vel agricultura absque sui officij detrimento paret.* Eadem docet iubetque Clemens Papa lib. 3. Const. Apost. c. ult. adducens Apostolorum exempla, & speciatim Pauli Tabernaculorum opificis Act. 18. v. 4. Act. 20. v. 34. 2. Thes. 3. Epiphanius heres. 80. fidem facit suo tempore plerosq; Sacerdotes solitos esse proprijs manibus operari. De Spiridione, qui in magna Synodo Nicæna confedit perhibent Rufinus, & Socrates illum simul, & Thremituntis in Cypro Episcopum, & capellarum gregis fuisse Pastorem. Synodus verò Nicæna secunda Can. 15. pauperibus Clericis exemplum proponit Pauli Apostoli, vt ad eius imitationem victum manibus proprijs operando sibi parent. Admodum notabile est, quod duabus Epistolis scribunt Agatho Papa, & Romanum Concilium ad Imperatorem Constantinum cognomine Pogonatum suos ei commendantes ad Sextam Synodum Legatos. Se enim primum excusant, quòd cum cupiissent doctores, & eloquentiores mittere pro tanti muneris, & officij dignitate, ideòque ex vltima Britannia Clericum his ornatum dotibus acciuisent, iste tamen aduentare non potuerit, nec
alius

alius reperiri queat Clericus insigniter doctus, ex quo direptis, & vastatis per Longobardos Ecclesijs, tam hi qui mittuntur Legati, quam ceteri Clerici non valuerint studijs litterarum incumbere, adacti necessitate, ad manuum laborem assiduum, quo vitam sustentare possent. Denique Aquileiense Concilium, cui Ambrosius Mediolanensis interfuit pauperiem dicit in Sacerdotibus esse gloriosam. Verum ad istiusmodi gloriam non sunt ambiciosi nostrorum temporum Clerici, vel Monachi.

Can. 60. Clericum scurrilem, & turpibus verbis iocularem ab officio decernit remouendum. Citatur à Gratiano c. Clericum scurrilem dist. 46. stultiloquium, & scurrilitatem damnat Apostolus Ephes. 5. v. 4. præclare admonet Bernardus: *Nugæ in ore Laicorum, nugæ sunt, in ore Clericorum blasphemia: Consecrasti os tuum Euangelio, talibus aperire non licet.* Sanctum audiamus Ambrosium lib. 1. officiorum c. 23. *Licet interdum honesta ioca, & suavia sint, tamen ab Ecclesiastica abhorrent regula: vā vobis qui rideatis, quia flebitis, ait Dominus. Non solum profusos, sed omnes etiam iocos declinandos arbitror: Plenum tamen suauitatis, & gratiæ sermonem esse non indecorum.* Hæc Ambrosius.

Can. 58. Ex penitentibus Clericus quamuis sit bonus non ordinetur. Si per ignorantiam Episcopi factum sit, deponatur à Clero, quia se ordinationis tempore non prodidit fuisse penitentem. Similiter Siricius Papa ad Himerium Taracornæ Episcopum c. 14. *Illud quoque par fuit nos providere, ut sicut penitentiam agere non conceditur cuiquam Clericorum, ita post penitendum, ac reconciliationem nulli, unquam liceat Laicorum Clericatus honorem adipisci.* Hæc Siricius. Causa utrobique est decor, & veneratio status Clericalis, utque Clericus sit iuxta Paulum inconfusibilis, & irreprehensibilis. Similiter Leo Papa epist. 92. inquis. 2. *Alienum est (ait) à consuetudine Ecclesiastica, ut qui in Presbyterali honore aut in Diaconi gradu fuerint conse-*

crati, hi pro aliquo crimine suo, per manus impositionem remedium accipiant pœnitendi: Quod procul dubio ex Apostolica traditione descendit, secundum quod scriptum est: Sacerdos si peccauerit, quis orabit pro eo? Unde huiusmodi lapsis ad promerendam misericordiam Dei, priuata est expetenda secessio, ubi illis satisfactio, si fuerit digna, sit etiam fructuosa. Hæc Leo Magnus. Similiter Origenes lib. 2. contra Celsum, docet qui pœnitentiam obuiisset, eum arceri in perpetuum à sacris ordinibus, aut eorum exercitio. Optatus item Mileuitanus in fine lib. 2. Multis (inquit) Notum est, & probatum persecutionis tempore aliquos Episcopos inertia à confessione Dei delapsos iburificasse, & tamen nullus eorum, qui euaserunt, aut manum lapsis imposuit, aut ut genua figerent, imperauit. Et Augustinus lib. 1. contra Donat. de Baptismo cap. 1. Ordinatis, (ait) cum ad Ecclesiam à Schismate redeunt, non imponitur manus inter Laicos. Sed & Concilium Carthagenens. quintum Canon. 11. sic statuit: Idem confirmatum est, ut si quando Presbyteri, vel Diaconi in aliqua grauiori culpa conuicti fuerint, qua eos à Ministerio necesse fuerit remouere, non eis manus tamquam pœnitentibus, vel tamquam fidelibus Laicis imponatur. His adde apud Gratianum c. Presbyter si fornicat. dist. 182. Ceterum publicæ pœnitentiæ loco Clericus delicti reus in Monasterium relegabatur, aut ad priuatam secessionem, ut docent Leo Magnus loco cit. & Hieronymus epist. 48. ad Sabinianum, & Conc. Aurelianense tertium, Can. 4.

Canones autem quibus pœnitentia Clericis ipsis iniungebatur, ut est Arausici primi Concilij Can. 4. Dicens pœnitentiam desiderantibus etiam Clericis non negandam. Quidam exponunt de pœnitentia priuata: Alij etiam de publica non iudiciaria quidem, sed spontanea nullo interueniente graui delicto: De qua etiam loquitur Concilium Toletanum quartum Canon. 53. quæque in ipsis Laicis promotionem sequentem ad ordines minimè impediēbat, ut ibi decernitur. Ita

noster Morinus exponit lib. 2. exercit. Ecclesiast. cap. 23.

Verumtamen Cypriani Epistola 59. ad Fidum, quæ continet initio querimonias contra Terapium Episcopum, eò quod Victorem Presbyterum, qui grauius in Deum deliquerat, ausus fuisset reconciliare, pacemque ei dare præpropere festinatione, antequam plenam impleuisset pœnitentiam: Illa, inquam, Epistola perspicuè loquitur de pœnitentia, tum publica, tum iudiciaria, nec potest vllatenus de priuata, vel de spontanea exponi. Potius igitur censuerim regulam illam de interdicta sacris Clericis pœnitentia, neque semper, neque omnibus locis viguisse, vt superius perspeximus de Sabbathorum ieiunio etiam in diuersis Occidentis locis, deque alijs Ecclesiasticæ disciplinæ officijs.

Can. 69. Irregularem dicit, qui aut secundam vxorem, aut viduam, aut alterius derelictam duxerit. Huc spectat Apostolorum Canon 18. insertus in decreto c. si quis viduam dist. 34. & Conc. Agathensis Canon 1.

Canon 74. *Qui communicauerit, vel orauerit cum excommunicato, siue Clericus, siue Laicus excommunicatur*, Citatur c. qui communicauerit 11. quæst. 3. similem Antiocheæ Synodi Canonem secundum require superius.

Can. 76. *Is qui pœnitentiam in infirmitate petit, si casu dum ad eum Sacerdos inuitatus venit, oppressus infirmitate obmutuerit, vel in phrænesim versus fuerit, dent testimonium, qui audierint, & accipiat pœnitentiam: Et si continuò moriturus creditur, reconcilietur per manus impositionem, & infundatur ori eius Eucharistia. Si superuixerit, admoneatur à prædictis testibus petitioni suæ satisfactum, & subdatur statutis pœnitentiæ legibus, quamdiu Sacerdos, qui pœnitentiam dederit, probauerit.* Idem fermè statuit Synodus A-rausica prima c. 12. *Subitò obmutescens prout statutum*

est baptizari, aut penitentiam accipere potest, si voluntatis praterita testimonium aliorum verbis habet, aut presentis in suo nutu.

Can. 80. Omni tempore ieiunij manus penitentibus à Sacerdotibus imponatur. Obseruato multiplices in Ecclesia manuum impositiones. 1. in Sacramento Confirm. 2. in sacris ordinationibus. 3. In reconciliatione, seu absolutione pœnitentium. 4. in orationibus quæ fieri solebant supra ipsos pœnites, qua de re Canon iste loquitur, & Canon 90. Hoc idem statuit circa energumenos 5. & postremò Sanctimonialia Diaconissæ, & Virgines consecrabantur per manuum impositionem, vt docet Synodus Chalcedonensis, Can. 15.

Can. 84. Vt Episcopus nullum prohibeat ingredi Ecclesiam, & audire Verbum Dei, siue Gentilem, siue Iudæum, siue Hæreticum, vsque ad missam Cathecumenorum. Soli pœnites primi ordinis, scilicet flentes ingressu Ecclesiæ prohibeantur: Cum Iudæis verò Paganis, & Hæreticis non communicabatur quidem ad precum societatem, sed mittebantur intus ad Verbi Dei auditionem, ne aditus ipsis ad conuersionem præcluderetur. Allegatur in c. Episcopus nullum, dist. 1. In Iudæico templo pars quædam erat, quæ atrium gentium vocabatur, quo loco Gentilibus consistere, atque adeò Deum verum, & vnicum palàm licebat adorare. Hinc refertur Ioann. 12. v. 20. erant autem quidam Gentiles ex ijs, qui ascenderant, vt adorarent in die festo. Vide supra Laodicænum Can. 6.

Can. 90. Omni die Exorcista energumenis manum imponant. Require Can. 80. superius.

Canon. 91. Pauimenta domorum Dei energumeni verant.

Can. 94. Eorum qui pauperes opprimunt dona à Sacerdotibus refutanda. Notatu dignus Canon circa eos qui securos se ab obligatione restituendi, quæ alijs rapuere præsumunt, neque expoliatis se oblitricos putant, dum

dum fallam, & inanem splendoris, & pietatis gloriam sibi, suæque impostero profapia querant, facellæ construendo, vel noua seruitia fundando ex corrasis iniuste pecunijs. Huc spectat effatum Ecclesiastici præclarissimum cap. 34. ver. 23. *Donz iniquorum non probat altissimus, nec respicit in oblationes, nec in multitudine sacrificiorum eorum propitiabitur peccatis. Qui offert sacrificium ex substantia pauperis quasi qui victimat filium in conspectu patris.*

Can. 104. Testatur de habitu religioso viduarum, quæ se obsequio Ecclesiæ deuouerunt, deque voto perpetuæ castitatis. *Si quæ vidua se deuouerunt Domino, & veste Laicali abiecta, sub testimonio Episcopi, & Ecclesiæ in Religioso habitu apparuerint.* Mentio quoque est 1. Timoth. 4. Viduarum peccantium dum nubunt eo quod fidem, quam Christo dederant irritam faciant. Cyprianus de discipl. & habitu virg. *Vt quæ (inquit) se Christo dicauerint, & à carnali concupiscentia recedentes, tam carne, quàm mente Deo deuouerint.* Et Hieronymus ad Sabinianum Diaconum, ita loquitur: *Moris est, vt tam virgo, quàm vidua quæ se Deo deuouerint, & saculo renunciantes omnes delicias sæculi conculcarint, crinem Monasteriorum matribus offerant desecandum capite postea ligato, & velato.* Dionysius Eccl. Hierar. cap. 6. mutationis vestimentorum, & tonsuræ, & consecrationis Sanctimonialium meminit.

Appendix ad Canones ordinationum præcedentis Concilij.

Scholasticæ Theologiæ professores, cum non consulissent Græcarum ordinationum approbatos ab Ecclesia Romana ritus, neque ipsos veteris Ecclesiæ Latinæ vsus, & normas, sed obseruatis dumtaxat posteriorum temporum Latinis Ritualibus, & Pontificalibus, haud satis accuratè discusserunt Sacramen-

torum singulorum substantialia, & pleraque affirmarunt, haud satis cum Græcorum Catholicorum, aut etiam veteris Ecclesiæ Latinæ venerandis vñibus, & traditionibus conuenientia.

In primis istorum multi asseruerunt ad Sacramenti pœnitentiæ validitatem necesse prorsus esse, vt absol- uendi forma personam Ministri connotet, cum ta- men antiquissimus, & multoties ab Ecclesia Romana comprobatus Ecclesiæ Græcæ vñus sit, vt absolutio per formam deprecatiuam impendatur: sicut ex Græ- corum orthodoxorum Euchologijs, aliorumque per Orientem dispersorum fidelium, diffusè, atque aper- tissimè commonstrat noster Ioann. Morinus in suo de pœnitentia tractatu. Quæ si Theologi scholastici re- sciuisent, aliter procul dubiò docuissent. Enim- verò cum S. Thomas in 4. dist. 3. art. 2. ad primum, & Paludanus eadem dist. quæst. 1. quæsitio 3. aliique com- munitè ex eo quod Ecclesia Græca baptizando sic pronunciet: *Baptizetur Christi seruus, &c.* inferant, & arguant non esse absolutè necessariam in Baptismo personæ baptizantis, seu ministri expressionem; pari argumento docuissent, nec esse necessariam in pœni- tentiæ Sacramento, cum nec in hoc, nec in vllis Sacra- mentis Græci Ministri suam vnquam personam enun- ciant.

Eadem ratione si scholasticis Doctoribus innotuis- sent approbatissimi Græcorum Maronitarum, & quo- rumdam aliorum Orientalium cum Romana Ecclesia communicantium ritus, & praxes ordinationum; pro- culdubiò his peræque detulissent, nec in eas deuenis- sent conclusiones, ex quibus sequatur, orthodoxos Orientis omnes fuisse tot sæculis hætenus ab Ecclesia Romana delusos, quæ non tantum illorum examina- uit, & probauit ritus, sed etiam illos ita eorum obser- uationi astrinxit, vt læthalem contrahant noxam, si velint in proprijs Ecclesijs ritu Latino ministrare. Ex quo

quo id pariter sequeretur, vel cogitatu horrendum, nullos penes ipsos esse, aut fuisse Presbyteros, & Episcopos, nullam Eucharistiam, nullum Sacramentum Pœnitentiæ, Confirmationis, Ordinis, Extremæ Vnctionis. Quinimò neque pluribus sæculis apud Latinos ipsos sub illis felicissimus Sanctorum veterum Patrum sæculis, vt patet, vel ex Canone 5. Carthaginensis 4. vniuersalis Concilij, in quo cum ducentis, & vltra Episcopis consedit Augustinus, asserente pro certissima Ecclesiæ norma, & indubitata praxi, vbi traduntur ordinis instrumenta, ibi nullam esse manus impositionem, & ita Sacerdotibus, & Diaconis, dum ordinantur imponi quidem manus, sed nihil eis tradi, aut porrigi: at Subdiaconis Calicem cum patena tradi, sed nullatenus imponi manus.

Noster quidem Morinus contendit in suis ad sacras ordinationes exercitationibus, nullam fuisse in Sacerdotum, & Diaconorum ordinationibus traditionem instrumentorum annis plusquam octingentis apud Latinos. Ceterum vir eruditionis consummatæ non aduertit, Ordinem Romanum libellum ab Alcuino Caroli Magni præceptore alicubi allegatum, ac per consequens altioris antiquitatis referre in secunda parte, non solum manus ab Episcopo illis imponi, qui Sacerdotio initiantur, & manus iniungi; sed etiam calicem cum vino aqua permixto, & patenam cum pane tradi: simulque ista eis enunciari: Accipe potestatem offerre Sacrificium Deo, missamque celebrare, tam pro viuis, quam pro defunctis.

Inter Scholasticos Scriptores S. Bonauentura in 4. dist. 24. p. 2. art. 1. quæst. 4. solius meminit tanquam essentialis materiæ ad Sacerdotium, & Diaconatum impositionis manuum. Ex aduerso Dominicus Soto, & Capreolus, & Valentia contendunt hanc nihil esse quam accidentariam cæremoniam, solamque esse de Sacramenti essentia traditionem instrumentorum. Melius

tamen Petrus Soto, Ledefina, Bellarminus, Vasquez, vtraque; saltem in Latinis Ecclesijs docent ad sacram ordinationum validitatem, & essentiam pertinere.

Sanè quæcumque supersunt libello Ordinis Romani vetustiora monumenta nullius in sacris Ordinibus meminere traditionis, solamque prædicant χειροτονίαν. Dionysius in Eccl. hier. Clemens Papa in Apostolicis const. de quo libro Epiphanius heres. 70. testatur complecti omnia, quæ pertinent ad Ecclesiasticam disciplinam. Canones etiam ordinationum Carthaginenses, & omnia ferè Sanctorum Patrum, dum vel per occasionem de ordinibus fermocinantur loca. His adiungit Morinus, quos ipse primus in lucem edidit antiquissimos ordinationum Rituales ex Vaticana, & alijs illustribus Bibliothecis erutos, nec non librum Syriacum ordinationum Maronitarum, qui fuerunt hætenus montis Libani accolæ, quorum fidem, & sacros ritus dudum Ecclesia Romana probavit. Eo libro non aliter ordinantur sacerdotes quàm sola manuum impositione cum certis quibusdam precibus, & verborum formis: nihil porrigitur ei, qui Sacerdotio initiatur, quàm Evangeliorum liber, ut ipsum legat. Prætermitto Armenorum eorum, qui cum Romana Ecclesia, communicant ordinandi ritus, quorum sacris Ministerijs exercendis, summi Pontifices concesserunt Ecclesiam Romæ tituli S. Mariæ Ægyptiacæ.

Quin imò Sacræ Scripturæ non aliud in huiusmodi perhibent, quam χειροτονίαν, seu χειροδότησιν hoc est manuum impositionem passim in Actis Apost. & 1. Timot. 4. Ipsaque χειροτονία, communiter à Patribus Græcis usurpari solet pro sacra ordinatione. Sed etiam Concilium ipsum Tridentinum omnem amouet ambiguitatem, cum disertè dicat sess. 14. cap. 3. Sacerdotes ritè ordinari per impositionem manuum. Et sess. 23. Can. 4. Si quis (ait) dixerit per sacram Ordinationem non dari Spiritum Sanctum, ac proinde frustra Episcopum

pum dicere: Accipe Spiritum Sanctum, Anathema sit. Atqui verba ista profert Episcopus dum manus imponit. Indicat ergo Concilium id esse de Ordinationis substantia. Omitto Latinorum etiam Patrum testimonia, qui ut præclare obseruat, & monet Bellarminus lib. de Sacram. ordin. c. 9. Instrumentorum traditionem prorsus silent, manuum impositionem semper commemorant.

Tantis accedat argumentis relatio Theodoriti hist. relig. c. 13. Macedonio Monacho per astutiam, ac dolum ad altare sacrum accito, nec prorsus de sui ordinatione futura suspicanti, fuisse à Flauiano Episc. Antiocheno sacrum celebrante manus impositas ἐπιθεῖναι χειροτονίαν, dumque hoc modo Sacerdotem factum adeò succensuisse, ut Pontificem arrepto, quo sustentabatur scipione percutere nixus sit, nisi circumstantes senem excandescens coercuissent,

Romani Pontifices Leo I X. Cœlestinus III. Innocentius III. simulque Concilium Lateranense quartum, Innocentius IV. Alexander IV. Gregorius X. simulque Concilium Lugdunense secundum ex generalibus, Concilium pariter Florentinum, quod anno integro fidem Græcorum, & ritus examinauit, & Clemens VIII. qui Græcos Romæ Collegio à se fundato, & Ecclesia donauit, ut inibi ritu Græco ministrarent, quique sua Constitutione trigesimam quartam, quæ est in Bullario tomo 3. edixit, ut Romæ commoretur Græcus Episcopus Catholicus, qui Græcos prius probatos Græcanico ritu ordinet, isti omnes (inquam) Græcorum ritus, & ordinationes approbarunt. Et quoties Clerici Græci de schismate conuertuntur, si fuerant ab Episcopis schismaticis ordinati admittuntur ad sacrum ministerium citra nouam ordinationem.

Postiores demùm Theologi perlecto Arcudij Theologi Dominicanus libro, quo Græcorum penes, quos

quos diu versatus fuerat Ecclesiasticus ritus accurate describit, & visis aliquando Romæ factis Græcorum ordinationibus in eorum propria Ecclesia tituli sancti Athanasij, & obseruantes nullum fuisse ordinatis sacerdotibus, & Diaconis porrectum instrumentum, quod tangerent, rem maiori sedulitate explorauerunt, atque antiquiores Ecclesiarum Græcæ, Latinæque ritus, ac vsus cum Græcanicis horum temporum conformes esse perspexerunt. Ideoque rationes inuestigarunt, quibus possent apprimè Græcanici vsus cum Latinis horum temporum, ac præsertim cum decretò Eugenij ad Armenos, in quo maioris difficultatis versatur cardo, conciliare. Inter plures, quæ à diuersis circumferuntur, duæ sunt, ut mihi quidem videtur præcipuè soliditatis conciliationes. Vna quidem, ut Christus Dominus noster in materiam sacrarum ordinationum instituerit manuum impositionem, quam nec ipsa mutare possit Ecclesiæ, & insuper aliam quandam instituerit materiæ partem essentialem quidem, & specialius connotantem illam potestatem, quæ per singulos ordines confertur: Ista verò altera materiæ pars in aliquo signo consistat per Christum indeterminato, secundum speciem, sed determinato tantummodo genere: ipsam verò speciem, & modum Ecclesiæ reliquerit determinandum, quæ possit ipsum pro suo arbitrio quoque immutare, ac nouum inducere: Itaque Orientales Ecclesias vnum certum elegisse modum, Latinam Ecclesiam alterum retenta vtroque tamen manuum impositione.

Alij alijs verbis eodem tamen sensu dicunt, Christum instituisse Sacramentorum materiam secundum formale, sed Ecclesiæ determinandam. quoad aliqua Sacramenta reliquisse secundum materiale. Formale isti dicunt quod alijs genericum, id est modum, vel actum, aliquem significantem quomodolibet potestatem singulis ordinibus inhaerentem. Materiale porro vocant cer-

certum fixumque, atque ab Ecclesia definitum modum, qui sit adhibendus inter conferendum ordines, qualis est instrumentorum traditio ex Latinæ Ecclesiæ designatione, aut alia quædam actio ex Orientalis Ecclesiæ præscripto. Quæ sanè distinctione generici, & specifici seu maius formalis, & materialis illa ritum diuersitas non modò respectu Orientis, & Occidentis, verum etiam, ut initio insinuaui, veterum Occidentalium, cum hodiernis Occidentalibus conciliatur. Atque Eugenij quarti decretum non primam ordinationum Sacramentalium partem, hoc est genericam, & formalem, sed specificam, ac materialem solum materiam, prosequitur, quæ iamdudum vñ Romanæ Ecclesiæ inter omnes Occidentales Orthodoxos vigeat.

Hac eadem ratione argumentum resoluit Bellarminus, quo videtur per Ecclesiam immutata sacri Diaconatus materia, quæ sit per Euangeliorum traditionem, cum tamen fuerint ipso primo nascentis Ecclesiæ anno Diaconi septem ab Apostolis ordinati, multique alij deinceps diuersis locis sola manuum impositione, antequàm vllum conscriptum esset Euangelium: Quorum primum ab Apostolo Matthæo conscriptum fuit anno Christi, ut supputat Baronius 41. annis septem à descensu Spiritus sancti supra Christi discipulos: Quamquam Irenæus lib. 3. cap. 1. refundat longè polterius Euangelij Matthæi conscriptionem ad tempora quibus Petrus, & Paulus Romæ prædicabant, quod referendum videretur ad annum Christi saltem sexagesimum. Quin etiam fieri potest, ut sola manuum impositio sit Orientalibus essentialis quantum ad materiam, ceteraque in ipsorum ordinationibus adhiberi solita, sint cærimoniarum tantum accidentaria: Adeò ut sola essentialis materia sit penes illos Chirothesia, quam intencio Ministri, & superadditæ verborum formæ ad hunc, vel illum determinent sacri Ordinis gradum.

Cum

Cum è diverso illa manuum impositio fortasse non constituat in Latinis Ecclesijs totalem, & adequatam ordinum sacrorum materiam, cò quòd ab aliquot retro sæculis visum sit Romanæ Ecclesiæ, aliud quid materiale adiungere traditionem instrumentorum, quæ ex ipsius mente, ac instituto, vel sit de materia essentia, li, vel concurrat, vt conditio sine qua non, & ita necessaria sit ad Sacramenti si non essentiam, saltem existentiam, pro illa quam Christus Ecclesiæ contulit, circa rem Sacramentariam potestate.

Hæc verò quam dixi potestas in tribus potissimum Sacramentis conspicua est. In ordine quidem, vt iam differimus. In pœnitentia etiam in qua restringitur per Ecclesiam illa indefinita potestas absoluendi, quæ confertur in ordine Sacerdotij supra ipsa hominum peccata, quæ sunt pœnitentiæ Sacramentalis subiecta materia. Nec rationi à pœnitentia ductæ sufficienter occurret dicendo in ordinatione quidem non conferri absoluendi potestatem nisi in actu primo, sed in actu demum secundo conferri ab Episcopis, dum ordinatis Sacerdotibus subditos attribuunt in quos exercere possint illam, quam in ordinatione receperunt ligandi, & soluendi potestatem, hæc enim adhuc perdurat argumenti vis in Episcopis ipsis, & Parochis, qui licet subditos nanciscantur, sola additione ad propriam Ecclesiam, in quos deinceps ipso iure diuino habent ligandi soluendique potestatem, attamen Ecclesia ipsa iisdem hanc restringit potestatem, vt nec Parochus in proprios Parochianos, nec Episcopus in proprios Diœcesanos quidquam possit circa reseruos per superiorem Ecclesiasticam potestatem casus, tametsi concurrant simul in hac re Pastor, & subditi sibi Gregis agnus: In Pastore quidem diuinitus concessa iurisdictio, sententia absolutionis, & soluendi intentio: in agno verò vna cum interiori pœnitentia diligens confessio.

Nec minùs effulget in matrimonij Sacramento illa
in

in re Sacramentaria Ecclesiæ Christi potestas . Cùm enim huius Sacramenti materia diuinitus constituta sit mutuus , ac legitimus partium consensus : Certum est apud omnes Catholicos , Ecclesiam posse pro suo prudenti arbitrio edicere , vt consensus qui olim plene sufficiebat ad hoc sacramentum , iam non sufficiat , Et ex aduerso disponere potest , vt deinceps sufficiat ille consensus , qui ante hac minimè sufficiebat . Nam sufficiebat ante Tridentinam Synodum clandestina consensus , iam nullatenus sufficiens . Ex opposito in multis circumstantijs non sufficiebat olim mutuus consensus , qui non sufficit remotis pristinis impedimentis . Generalia enim Concilia , Lateranense sub Innocentio III. & Tridentinum multa graduum prohibitorum impedimenta dirimentia sustulerunt : adeò vt mutuus consensus , qui antea non valebat , iam sit validus ad hoc Sacramentum in gradibus olim veritis . Circa memoratas ordinationum materiæ difficultates ex rituum diuersitate ortas disputant Cardinalis de Lugo disput. 2. de Sacrament. in genere sect. 5. num. 85. & seqq. Becanus par. 3. de Sacrament. ord. q. 4. Et inter Gallicanos Theologos præter præallegatum Ioann. Morinum , Nicolaus Isambertus , Philippus Gamachus , Franciscus Hallier .

Itam porrò Ecclesiæ circa ordinum impedimenta , quæ apponere , vel amouere potest auctoritatem , nos adductione testimoniorum ex antiquorum patrum libris , & canonum ex probatissimis Concilijs , necnon exemplorum plurimorum , ex Ecclesiasticis Historijs , rursùm vberius confirmabimus inferius ad canonem quartum Octauæ Synodi Oecumenicæ .

CONC. CARTHAGINENSE V.

Quemadmodum quarto Carthaginensi Concilio præfedit Aurelius Carthaginis Episcopus totius Africæ Primas; ita & isti quinto, cui pariter interfuit Augustinus.

Huius Can. 5. cauetur ne relicta principali Ecclesia, sua Episcopus in aliam se transferat Ecclesiam. Huic contraueniunt Episcopi, qui magna parte annituri versantur, & deliciantur.

Can. 6. Qui citatur c. placuit de infantibus, de consecr. dist. 4. iubet infantes de quorum Baptismo certitudo haberi non potest, sine trepidatione baptizari: Et similiter Ecclesias consecrari, de quibus nihil constat, an fuerint consecratæ. Consule inferius annotata ad Can. 84. Synodi Quinisextæ eadem decernentem. Sextus ille Canon renouatur in Conc. Africano n. 39.

Can. 7. Vt dies Paschæ formatarum subscriptione omnibus intimetur. Quæ litteræ Græcis Canonice, Latinis formatæ dicebantur, vt testatur Atticus sub finem Concilij Chalcedonensis, his verbis: Græca elementa numeros etiam exprimere, nullus est qui vel tenuiter Græci sermonis peritiam habet, ignoret. Ne igitur in faciendis litteris Canonicis, quas mos Latinus formatas appellat, aliqua fraus falsitatis temerè præsumeretur, hoc à Patribus trecentis decem, & octo Nicææ constitutis saluberrimè inuentum est, & statutum, vt formatæ istam calculationis, seu computationis habeant rationem, id est, vt assumantur in computationem Græca elementa, prima Patris, Filij, & Spiritus Sanctus, id est, $\pi. v. \alpha$ quæ elementa, & octogenarium, & quadringentesimum, & vnum significant numerum: Petri quoque Apostoli littera prima, hoc est π , quæ numerum octoginta significat: Eius quoque qui scripsit Epi-

Epistolam prima littera : & cui scribitur secunda littera : accipientis tertia littera : ciuitatis quoque de qua scribitur quarta littera . Et indictionis quacumque est eius temporis idem qui fuerit numerus assumatur. Obiter hic obseruandum ex prædicto testimonio, vsum indictionum iam viguisse tempore Nicæni Concilij . Harum verò indictionum plerique suspicantur authorem Constantinum Magnum . Errare insigniter constat Ecdrenum , aliosque nonnullos illarum authorem affirmantes Theodosium . Indictiones seriem annorum 15. complectebantur . Earumque triplex discrimen fuit : Aliæ dicebantur Constantinopolitanæ , de quibus ita loquitur Ambrosius epist. ad Episcopos Æmiliæ : Indictio Septemb. mense incipit, hoc est ipsis Calendis Septembribus. Alię dicebantur Cæsareæ, quarum initium sumitur ab octauo Calendas Octobris : Tertiæ demum Romanæ, quia in Pontificis Diplomatis adhiberi solent, & exordium sumunt à Calendis Ianuarij.

Dissertatio de Litteris formatis .

Formatę, seu Canonice litterę in varias distribuuntur species, quarum alię communicatorię dicuntur, quę ab Episcopis dabantur subditis peregrę agentibus, vt quocumque ibant in communionem fidelium admitterentur . Optatus l. 2. contra Parmenianum recensita Romę Episcoporum serie à Petro vsque ad Damasum ita subiungit : Cùm quo (Damaso) nobis totus orbis commercio formatarum in vna Communionis societate concordat. Et Conc. Arelatense primum can. 7. vt qui fideles ad Præsdatum promoti fuerint, Litteras accipiant communicatorias, ita tamen, vt in quibuscumque locis eas gesserint, ab Episcopo eiusdem loci cura de illis agatur : Vt si cœperint contra Ecclesiasticam disciplinam agere, tum demum à communione excludantur . Præsdatum hic intellige Præfecturam

quancumque, aut Magistratum. Præterea Augustinus, ut Fortunium Episcopum Donatistam asserentem suam, suorumque communionem ubique terrarum protendi, dum vult se Catholicum asserere, falsi è contrariò conuincar, sic ait epist. 163. ad Eleusium: Quærebam vtrum communicatorias Epistolas, quam formatas dicimus posset quo vellem dare? Et affirmabam, quòd manifestum erat omnibus, hoc modo illam facillimè terminari posse quæstionem. Communicatorias litteras Græci κοινωνικὰς καὶ εἰρηνικὰς γράφας, dicunt.

Dimissoriae item litteræ, Græcè ἀπολυτικαὶ γράφαι, formatis continentur, sine quibus à proprio Episcopo obtentis nullus Clericus ab alio potest ordinari, iuxta Concilij Sardicensis canones 18. & 19. Quinimò neque iam susceptos ordines alibi exercere, iuxta Apostolorum canon. 15. & 16. Neque ipsis fas est Episcopis longius peregrinari, vel in aulam proficisci absque dimissorijs Metropolitanis sui, vel Prouincialis Synodi, iuxta Sardicensis Canonis præscriptum Zosimus Papa in Epist. ad Episcopos Gallia iniungit omnibus Romæ ex Gallia profecturis Episcopis, ut formatas ab Arelatensi Episcopo accipiant. Et Conciliū tertium Carthaginense, ita sancit Can. 28. *Episcopi trans mare non proficiscantur, nisi consulto primæ Sedis Episcopo suæ cuiusque Prouinciæ, ut ab eo præcipuè sumere possint formatam.* Illam verò formatam Epistolam Zonaras ad canon. 23. & Balsamon ad canon. 26. Carthaginenses, siue Africanus exponunt, ἀπολυτικὰς γράφας, hoc est litteras dimissorias.

Formatæ complectuntur etiam litteras commendatitias, quæ ad hoc valebant, ut fideles peregrè euntes, tam Laici, quàm Clerici hospitio, & mensa susceperentur, atque Ecclesiastica Communione. Aliquando etiam ut Clericorum ordinatio significaretur, aut etiam ut daretur de moribus testificatio. Has Græci vocant, συστατικὰς, sine quibus vetat Apostolorum can. 32. Quemquam siue Episcopum, siue Præsbyterum, siue

siue Diaconum suscipi . Quæ iteratur prohibitio per Laodicænum can. 41. & allegatur à Gratiano cap. non oportet, de consecr. dist. 5. & Clemen 1.2. Apost. constit. c. 258. hoc idem pariter extendit ad Laicos . Tertullianus de præscript. c. 20. has litteras vocat confessorationem hospitalitatis . Et Gregorius Nazianzenus inuect. 1. in Iulianum refert, nunc apostatam transferre in Gentilismum, proposuisse diuersos Christianorum ritus, atque ex his præcipuè litteras hospitalitatis . Balsamon ad Apost. canon. 15. scribit, opus esse Clerico in aliena Diocesi versanti litteris dimissorijs, si velit inibi Clericalia munia exercere, non enim ad hoc extendi, aut sufficere commendatitias . Litterarum commendatitiarum mentio fit 2. Cor. 3. numquid egemus sicut quidam Litteris commendatitijs ad vos, aut ex vobis ? Conc. Chalcedonense can. 11. approbat, vt pauperibus quidem concedantur litteræ pacificæ, *εἰρηναῖαι* (hæ sunt communicatoriæ, de quibus paulò ante) non autem commendatitiæ *συστατιῆς*, nisi quando iniusta suspicione laborant . Denique Trid. Conc. sess. 23. cap. 16. nullus Clericus peregrinus, sine commendatitijs sui Ordinarij litteris ab vilo Episcopo ad diuina celebranda, & Sacramenta administranda admittatur. Hæ vocantur pariter litteræ testimoniales .

Formatarum nomine designantur pariter litteræ Paschales indicentes quota Dominica eius anni celebrandum sit Pascha. Antiquissima consuetudo fuit, vt Romanus Episc. quotannis ad vniuersas Ecclesias scriptis circularibus Litteris diem Paschalem indiceret, vt liquet ex Arelatensis 1. Conc. can. 1. Quia verò Ægyptij Astro-nomiæ pericia præcellebant, ea cura per Nicænam Synodum demandata fuit Alexandrino Patriarchæ, & in primis Romano Pontifici, diem Paschalem sedulò exploratum indicaret, quò postmodum Romanus Episc. illum per vniuersas Ecclesias promulgaret, vt scribit Leo Magnus Papa epist. 64. ad Marcianum Augu-

rum. Primates verò, & Metropolitani suarum Prouinciarum Episcopis, & hi subiectis sibi Ecclesijs per Litteras formatas significaba^{nt}, vt statuit canon iste 7. Carthaginensis. Promulgabatur autem futurus dies Paschalis per Diaconum inter Missarum solemnias ipso Epiphaniæ die, vt constat ex Conc. 4. Aurelianensis can. 1. & ex Cassiani collatione 10. cap. 1.

Formatis pariter continentur encyclicæ, siue circulares Litteræ, quæ vel ab Episcopo Romano, vel à Patriarcha, vel à Primate, vel ab alio inferiore Prælato, vel à Synodo transmittuntur ad plures Ecclesias distribuendæ, siue in causa fidei, siue ad morum disciplinam, siue ad indicendas præces, aut ieiunia, vel ad monendos fideles.

Inter Formatas recensentur quoque commonitorie, seu memoriales Litteræ, quæ Legatis, aut Apocrisarijs, seu Nuncijs expediuntur, præscribentes vt se gerere debeant in suæ legationis, aut nunciaturæ officio. Harum mentio est can. 98. Conc. Africani, & apud Cyrillum epist. 1. ad Successum, apud Augustinum epist. 129. & 158. apud Sidonium Apollinarem l. 8. Carm. ad Lampridium, & apud veteres alios: Dicebantur etiam vna voce commonitoria.

Inter Formatas item locum habent tractoriæ Litteræ, quibus prouidebatur, vt Prælatis ad Synodum comitantibus vecturæ, & viatica suppeditarentur. Earum meminit istud ipsum Conc. Carthaginense 5. can. 10. de tractorijs multa tùm ex sacris, tùm ex profanis Scriptoribus congerunt testimonia duo Gallicani Iurisperiti consummatissime eruditionis Barnabas Brissonius de verborum signif. verb. tractoriæ, & Iacobus Cuiacius ad l. 12. Codicis tit. 51. de tractorijs.

PROSEQVVTIO CANONVM
CARTHAGINENSIVM.

Canon 9. Huius Conc. Carthæg. sic statuit : *Ab Imperatoribus, visum est vniuersis postulandum , propter afflictionem pauperum , quorum molestijs sine intermissione fatigatur Ecclesia , vt defensores eis aduersus potentias diuitum cum Episcoporum prouisione delegentur.* Legitur, & in decreto c. ab Imperatoribus 23. q. 3. Istud iustitiæ, & charitatis in pauperes testimonium S. Ludouico Gallorum Regi præclarum dat Ecclesia in eius officio : Cùm metueret pius Rex, ne causæ pauperum negligerentur, bis singulis Hebdomadis in publico residens loco audiebat eorum querelas, & tùm iustitia, tùm misericordia eas expendens, celeriter eos expediebat.

Hæresis Pelagiana Historia.

Pelagius è Scotia Britannia insulæ Prouincia oriundus, & in Palæstina Monachus aduersus Christi gratiam noua dogmata disseminauit : non aliam esse Dei gratiam, nisi Dei Legem, & Doctrinam, Christianique exempla, collatamque nobis arbitrij libertatem. Adamum æquè futurum mortalem, etsi non deliquisset. Eundem suo peccato sibi vni nocuisse, non verò progeniei suæ, neque vllum esse peccatum originis : adeoque infantes non egere baptismo ad animæ salutem. Omnia merita referenda esse ad solam arbitrij libertatem. Pelagij discipulus Cœlestius, eius dogmata primus cœpit per Africam spargere. Quare Paulino accusatore Carthaginis Diacono damnatus in Conc. Carthæg. fuit.

Posthæc Episcopi duo Gallicani Eros Arelatensis, & Lazarus Aquensis Pelagium accusant apud Episcopos

pos Palæstinæ, ubi tunc ille in Monasterio versabatur, atque ad eos capitula transmittunt ex Pelagij, & Cœlestij libris excerpta. Indieitur Lyddæ (quæ, & Diospolis dicitur) à Metropolitano Cæsariæ Synodus, cui ipse præsedet Cæsariensis Episcopus Eulogius, eique proximus assedit Ioannes Hierosolymorum Antistes, cumque his alij 12. Episcopi ann. 415. quos singillatim nominat Augustinus l. 1. contra Iulianum c. 5. capitula Synodi recenset idem l. 2. de pecc. orig. c. 11. & epist. 106. ad Paulinum.

Pelagius fraudulentis responsionibus ita Synodo illudit, ut ab ea fuerit Catholicus iudicatus. Cumque Hieronymus tunc in Palæstina degeret, Pelagium scriptis primus oppugnauit, tum in sua ad Cesiphontem epist. tum in Dialogis suis inter Atticum orthodoxium, & Critobolum, quo nomine Pelagium designat: cuius causam in Palæstina tuebantur Ioannes ille Hierosolymorum Episcopus, & Ruffinus Aquileiensis Presbyter Origenista uterque. Sub idem quoque tempus cœpit Pelagium Augustin. incesse rebus ad Marcellinum libris, & quarto ad Hilarium, & libro de natura, & gratia, quorum ipse cum laude meminit Hieronymus dicens sibi superfluum esse de his ultra scribere, quæ iam sunt à meliore ingenio tractata.

Postmodum Anno Chr. 416. sub Innocentio Papa duobus alijs in Africa Conc. Mileuitano, & Carthaginensi damnantur errores Pelagij, & Cœlestij. Ambe Synodi litteras ad Innocentium per Iulium Episc. dirigunt, qui Carthagine profectus Mileuium fuit, & hinc Romam se contulit. Innocentius re discussa Synodorum Africæ iudicium approbat, & Pelagium communione segregat, deque his ad utramque Synodum rescribit. Cœlestius his Synodis damnatus appellat quidem Romanum Episcopum, sed dum vixit Innocentius, suam non est ausus ultra prosequi appellationem: At eo defuncto Successorem Zosimum conuenit. Ad hunc simul etiam

etiam delatæ sunt ex Palæstina litteræ Pelagij, quas ille cum commendatitijs Praylij (qui Ierosolymitano Episcopo Ioanni successerat) ad Innocentium (qui fortè per id tempus è viuis excesserat) dirigebat. Quibus perlectis, auditoque Cœlestio, credidit Zosimus ambos inculpabiles, & iniuste lacessitos . Quia tamen damnatus vterque fuerat, & à Conc. Africanis , & ab Innocentio Papa, distulit eos absoluerè , donec ab Africanis Patribus responsum referret .

Ad Africanos igitur litteras scripsit paulò commotiores . quas ex vetusto exemplari Vaticano Baronius edidit . Per has declarat fidei Catholicæ professionem Romæ ab vtroq; factam, iudicium insuper Episcoporum Palæstinæ, additque Erotis, & Lazari grauia vituperia , vtpotè qui Pelagium , aliosque sanctitate conspicuos viros calumnijs proscidissent . Africanorum, ad quos scribit, nimiam in condemnando Cœlestio præcipationem increpat. His acceptis litteris Africani Zosimo rescripserunt, qua decebat moderatione, simulque Paulini Diaconi libellum miserunt, quo accusationum singula capita distinctè, dilucidèque proponebantur , super quibus denuò interrogandus erat Cœlestius . Tandem Romæ à Zosimo hæreticorum calliditate detecta, qui secundum capita ista interrogati suum amplius occultare virus nequiverunt , aut vltra Iudices suos ludificari , damnationem ambo meritam acceperunt . His accessit Imperatoris Honorij edictum promulgatum pridie Kalendas Maij an. 418. quo pœna deportationis Pelagianis hæreticis decernitur. Hęc ferè singula refert August. lib. de pecc. orig. decreti his anterioris Innocentij Papæ (vt fileam eius, quæ supersunt litteras ad Concilia Carthaginense, & Mileuitanum, quibus Pelagium, & Cœlestium ipse damnat, & excommunicat) meminerunt pariter Prosper aduersus collatorem , & Gennadius de viris illustribus cap. 43. qui addit fuisse

po-

postea hoc decretum ab eius Successore Zosimo in omnem Ecclesiam propagatum. Estque illud ipsum, de quo ita loquitur Anastasius Bibliothecarius in Innocentio: *Hic constitutum fecit de omni Ecclesia*: hoc est decretum fidei ad vniuersam Ecclesiam pertinens.

Accepto demum Zosimi decreto eodem quoque anno 418. Kalendis Maij in plenaria totius Africæ Synodo vtex ea prorsus ista eliminaretur hæresis, canones damnationis editi sunt, qui octo pariter leguntur in Concilio Mileuitano antecedenti, & quos nonnulli Baronio contradicentes cõtendunt falsò ascriptos Mileuitano. Sed cum nemo renocare in dubium possit causam hæresis Cælestij fuisse sub Papa Innocentio in Mileuitano Conc. ventilatam, neque conuinci possit fuisse hosce 8. Canones falsò illi attributos, quamquam iidem quoque pertineant ad plenarium Africæ Concil. Carthagin. celebratum, nihil obest, quin dicendum sit fuisse illos octo Canones ad maiorem firmitatem resumptos, innouatosque in plenario Concilio, postquam fuerant in minore, hoc est Mileuitano sanciti. Id verò conuincitur ex eo, quòd Concilium secundum Turonense anni 567. Can. 20. vnum allegat ex his octo sub nomine Mileuitani, qui tamen idem Canon citatur à Fernando Diacono tit. 18. sub nomine Carthaginensis. Et Cælestinus Papa epist. ad Episcopos Galliar octo eosdem Canones attribuit pariter Carthaginensi Concilio.

De hoc anno 418. Prosper in Chronico ista refert: *Honorio Augusto XII. & Theodosio Augusto VIII. Consulibus, Concilio apud Carthaginem habito ducentorum septemdecim Episcoporum, ad Pontificem Zosimum Synodalia decreta perlata sunt, quibus perlatis, per vniuersum orbem hæresis Pelagiana damnata est.* Eiusdè Synodi plenariæ sub Zosimo, simulq; duarum præcedentium Mileuitanæ, & Carthaginensis sub Innocentio, meminit August. ep. 47. his verbis: *Quod scriptum est ad Papam Romanæ urbis Innocentium*
de

de Concilio Carthaginensis Prouinciæ, & de Concilio Numidiæ, & aliquando diligentius à quinque Episcopis. & quæ ipse ad tria rescriptis. Item quod Papæ Zosimo de Africano Concilio scriptum est, eiusque rescriptum ad vniuersos totius orbis Episcopos missum: & quod posteriori plenario totius Africæ Concilio contra ipsum errorem breuiter constituimus. Quibus verbis August. indicat, quatuor habitas in Africa Synodos circa Pelagij, & Cœlestij errores: duas scilicet sub Innocentio: Mileuitanam, & Chartaginensem; Prouinciales ambas; & alteras totidem sub illius successore Zosimo; primùm Africanam in Prouincia Zeugitana, cuius erat Metropolis Carthago. Hæc anno quadringentesimo decimoseptimo coacta fuit: alteram deinde pleniorẽ illam ducentorum, & decem, & septem Episcoporum, quæ anno eodem inchoata fuit, nec soluta, nisi postquã a Zosimo Pelagius, Cœlestiusque damnati sunt.

Istud verò Concilium August. dicit posterius fuisse, non tam respectu rescripti à Zosimo contra duos hæresiarchas editi, quàm respectu Concilij Africani Prouincialis. Ista porrò plenaria Synodus Africana ea ipsa est, quæ communiter inscribitur Concilium Carthaginense sextum. Ceterùm quinque illi Episcopi, quos ibidem memorat Augustinus, sunt Aurelius Carthaginis, deinde Alypius, Augustinus, Euodius, & Possidius, quorum communis extat epistola de Pelagio ad Innocentium Papam, quæ est inter epistolas Augustini 95.

Pelagianæ hæresis, toto iam orbe profligatæ patrociniũ suscepit Iulianus Memorij Capuæ Episcopi filius, & in eadem sede successor, sed mox ob hæresim eadem sede deturbatus. Hic plures conscripsit pro tuendis Pelagij erroribus libros, vir, acer ingenio, linguaque, & calamo promptus, & disertus, sed procax, & temerarius, qui cum Augustino grande iniit diuturnum certamen. Emerfit deinde Semipelagianorum hæresis dicta etiam Massiliensium, propugnantibus illam in Gallia Cassia-

no Abbate, Fausto Regiensi Episcopo, Gennadio, Vincentio . Hanc nascentem hæresim sub vitæ suæ finem editis duobus libris de prædestinatione Sanctorum , & de dono perseverantiæ refutavit Augustinus, Litteris è Gallia premonitus Hilarij, & Prosperi, & post Augustinum Prosper, Fulgentius, alijque magni nominis viri .

CONC. MILEVITANVM.

PRæclarè admonet Baronius , duo fuisse Mileuitana Concilia in vnum à Collectoribus confusa . Primum anno Chr. 402. initio Pontificatus Innocentij, necdum aborta hæresi Pelagiana. Huic præfedit Aurelius Carthagenensis Arcadio , & Honorio Augustis ꝑ. Consulibus, vt refert eiusdem præfatio, quæ tamen indebitè præfixa est secundo Mileuitano Conc. illi, quo fuit examinata Pelagij, & Cœlestij hæresis.

Istud secundum circa prænotatam hæresin coactum est, anno Chr. 416. vltimo Innocentij vitæ anno, quo eodem pariter habitum fuit in causa eadem Concilium Carthagenense præfidente quoque Aurelio : Eò tamen conuenerunt solius Proconsularis Prouinciæ, aut pauci etiam vicinarum Prouinciarum Episcopi : Hoc verò Mileuitanum Concilium secundum coegit Syluanus Numidiæ Primas , qui tamen ipse authoritati suberat Episcopi Carthagenensis vniuersæ Africæ Primatis, vt paulò antè monuimus ad quartum Carthag. Autumat Baronius ad hoc Mileuitanum secundum solos pertinere anathematismorum in hæresim Pelagianam canones octo, à plenario deinde Carthagine habito Africanorum Concilio instauratos, & denuò approbatos, cæteros autem canones Mileuitanos ascriptos fuisse, huc à quibusdam Collectoribus, & alijs Africanis Conc.

enjis transportatos. Nos indiscriminatim, ac simul illos prosequemur.

Secunda hæc Mileuitana Synodus celebrata fuit Imperatoribus Honorio, & Theodosio Arcadij filio, cui Augustinus interfuit. Est verò ciuitas Milenis Prouinciæ Numidiæ caput.

Primus in isto Conc. canon, qui est in Africano 79. illos Anathemate percellit, qui sentiunt cum Pelagio Adamum creatum fuisse morti obnoxium, quam non effugisset, etiamsi non peccasset. Non inficiatur Synodus primum parentem, quamvis in prima innocentia perseuerasset, habuisse tamen in se ipso principia mortalitatis, aduersarias nimirum elementorum, ac humorum, ex quibus constituitur, qualitates, & innati caloris vim depascentis primigenium humorem, & ipsam corporis materiam, cuius est natura mutabilis, his adiunge innumeras ab extrinseco destructionis causas Adamo impendentes: Verumtamen cum Innocentem, Deus supernaturali præsidio semper conseruasset incolumem, vt verissimè dicat Apostolus Rom. 5. Per vnum hominem peccatum in hunc mundum intrauit, & per peccatum mors, & ita in omnes homines mors pertransiit, in quo omnes peccauerunt.

Canon Mileuitanus 22. qui est in Africano Conc. 92. edicit, ne Presbyteris, aut inferioribus Clericis permittatur appellatio ad transmarinam, sed solum ad Synodos Africæ: non dissentit à canonibus Sardicensibus, qui ius appellandi ad Romanum Episcopum permittunt quidem Episcopis, sed Presbyteris, & inferioribus ius solum prouocandi ad Synodos indulget. In Carthaginensi Conc. 6. maior fuit circa appellationes ad Romanam sedem disceptatio, de qua plenius eodem loco agemus. Neque verò Carthaginenses Patres, neque hi Mileuitani disceptare intendebant de Romani Episc. supra vniuersalem Ecclesiam præminetia, & iuridica potestate, ex qua sequitur ius ad ipsum ex omnibus

Ec-

Ecclesiæ partibus appellandi; sed sapienter studebant exitialem illorum abusionem coercere, qui suis prælati refractarij, prætextu iuris appellandi, priorum Episcoporum iudicia, simulque canones Ecclesiasticos, & omnem disciplinam eludendo, sua flagitia, & procacitatem tuebantur: seque debitæ vitiorum suorum correctioni subtrahebant.

Neque desunt eorundem temporum, & locorum exempla similis procacitatis in appellantibus flagitiosis Clericis ad Romanum Tribunal. Apiarius Presbyter Africanus à suo Episcopo Urbano iustissimè ob grauiæ scelera excommunicatus Zosimum Papam appellauerat, Romamque profectus illum adeò suis mendacijs aduersùs Urbanum concitauerat, vt Zosimus in suorum Legatorum ad Conc. Carthag. commonitorio mandauerit de Urbano excommunicando, aut Romam euocando, nisi quæ sui officij erant corrigeret. Idem tamen Apiarius postmodum se coram eodem Conc. exhibuit, suæque palam confessus crimina, veniam supplex à Patribus petijt, eaque lege obtinuit, vt à Siccensis Episcopatus finibus, cuius erat præsul Urbanus, exularet; quãvis honorificè subrepticio Zosimi decreto restitutus, vt eadem ipsa Synodus ad Bonifacium Papam scripsit, qui Zosimo successerat, vt constat ex Conc. 6. Carthag. c. 105. Idemque Patres scripserunt ad Bonifacij quoque successorem Cælestium, vt perspicuum est ex Conc. Africano cap. 101.

Notum pariter est Cælestium iure merito à Patribus Africanis damnatum, & ab horum sententia prouocantem, sic decepisse Romanum Pontificem; vt eius gratiam inierit, eumque suis accusatoribus infensum reddiderit, atque ipsis Africanis Patribus multò minùs æquum quàm decebat.

Quod verò Apiarij Presbyteri prouocationem admiserit Zosimus, cum tamen œcumenica, & probatissima Sardicę Synodus ius istud Romanarum appellatio-

num

num solis induisset Episcopis: id extraordinarium fuit. Sed ab impio Sacerdote Zosimus elusus eam calumnijs eius fidem habuit, ut sibi hoc velut extraordinario casu suprema vtendum esse potestate duxerit. Appellatio porrò Cœlestij cùm esset in causa fidei ad vniuersalem Ecclesiam pertinente, Romani Episcopi officium erat, iudicium huiusmodi ad suam trahere cognitionem, facta ad se prouocatione .

Multa grauitè differit Bernardus circa nimiam appellandi ad Papam multorum licentiam lib. 3. de consider. ad Eugen. *Appellantur, inquit, boni à malis, ut non faciant bona, & supersedent à voce tonitruui tui formidantes. Appellatur Episcopi, ne illicita audeant matrimonia soluere, vel prohibere: appellantur, ne rapinas, ne furta, ne sacrilegia, & quæ huiusmodi sunt cohibere vllatenus, vel punire præsumant: appellantur ne indignas, & infames personas à sacris officijs, beneficijs sue repellere, seu amouere queant. Videas præripi passim partes oppressorum, & prorumpere ad appellandum non tam grauiatos, quàm grauare volentes. Zelatus est Dominus domum orationis factam speluncam latronum. Et cur inquis malè appellati non veniunt ostensuri suam innocentiam, appellantium malitiam conuicturi? Dico, quòd dicere ad hoc solent, nolumus vexari frustra: in curia esse, qui procliuus foueant appellantibus, foueant appellationes, cessaris Romæ domi sedere satius. Fateor me non omninò decedere his. Quem das mihi in tam crebris appellationibus, quæ hodie fiunt, qui pro expensis itineris nummum restituerit illi, quem fortè appellari? Hæc aliaque Bernardus. Sanè ad supremæ potestatis officium pertinet considerare illud 1. Corint. 6. *Multa mihi licent, sed non omnia expediunt. Et iterum Potestatem dedit mihi Dominus in adificationem, non in destructionem.**

Can. 16. Mileuitanus, qui verbis ijsdem iteratur in Conc. Africano can. 64. *Placuit etiam ut petatur à gloriosissimis Imperatoribus, ut iubeant iudicibus dari petitos sibi defensores Scholasticos, qui in actu sint, vel in officio defensionum causarum Ecclesiasticarum, more Sacerdotum Prouinciæ: ut*
ijdem

idem ipsi, qui defensionem Ecclesiarum susceperint, habeant facultatem pro negotijs Ecclesiarum, quoties necessitas flagita- uerit, vel ad obsistendum callidè decipientibus, vel obrepentibus, vel ad suggerenda necessaria, ingredi iudicum secre- taria. Vidimus de pauperum defensoribus Canonem nonum, Concilij Carthagenensis quinti: vnde constat tam pauperum, quàm Ecclesiarum defensores solitam fuisse Ecclesiam à Principe per supplicationem efflagi- tare.

Defensorum etiam Ecclesię meminerunt ciuilia Ro- manorum iura l. 33. & l. 42. de Episcopis, & cler. 51. de- fensores aliquando Laici erant, de his enim loquuntur allegata Concilia, & Zosimus Pontifex epistol. 1. ad fin. de Laicis Ecclesię defensoribus loquitur. Aliquando erant Ecclesiastici: nam Synodus Chalcedonenfis can. 23. defensori Ecclesię Constantinopolitanę potesta- tem confert eiiciendi Clericos, & Monachos in ea ci- tra Episcopi beneplacitum existentes, quam certè Lai- cis non contulisset. Imò eadem Chalcedonenfis Syno- dus sepè Ioannem Presbyterum memorat Ecclesię de- fensorem. Gregorius quoque Magnus sepissimè Cleri- corum meminit Ecclesię defensorum lib. 4. ep. 25. lib. 7. epist. 7. lib. 8. epist. 26. lib. 9. epist. 33. & alibi passim.

Præter illos Ecclesię alij erant regionarij defensores, quos vel Papa, vel alij Episcopi præficiebant pro tui- tione, & suprema adinistratione iurium, aut prædio- rum Ecclesię, maximè in remotioribus regionibus quaz si locales Oeconomos. Ad huiusmodi defensores innu- meras scribit Epistolas idem Gregorius.

Erant insuper ciuitatum defensores, quorum tamen erat planè ciuile officium: sicut enim Romæ erant Consules, Tribuni plebis, & Senatus, ita horum vice in- plerisque Imperij vrbibus erant pro Consulibus nunc decemviri, nunc triumviri, nunc quartumviri, pro Se- natu Curia, & vice Tribunorum defensores, de quibus agunt l. 3. & 4. c. de defens. ciuit. & l. 1. c. de officio iu- ridici

ridici Alexand. horum munus initio quinquennale fuit, sed Iustiniani Nouella 15. restrinxit ad biennium: quam nouellam parum scitè Balsamon intelligit de defensoribus Ecclesiæ, quos ex eadem probare conatur fuisse semper Laicos, Defensores, tam Ecclesiæ, quam ciuitatum communi Græcorum appellatione dicebantur *ἐκκλησιαστικοί*.

De Concilio plenario Africano, & Carthaginensi VI.

DVo ista Concilia communiter distingui solent, & vt distincta recensentur à Baronio volente fuisse habitum Africanum anno 418. vti collocat Prosper in Chronico scilicet Honorio XII. & Theodosio octauum Consulibus, cui eodem authore Prospero, interfuere 27. Episcopi: Carthaginense porro sextum Concilium refert Baronius, alijque ad sequentem annum, 419. certè vtrumque fuit Carthagine celebratum, vtrumque plenarium fuit, vtrique subscripserunt 200. & septem Episcopi sub eodem Carthaginis Episcopo, simul totiusque Africæ Primate Aurelio: Ex vtriusque actis liquet fuisse ad vtramque Synodum missos Zosimi Papæ Legatos, Faustinum Episcopum, Philippum, & Asellum Presbyteros: & ab vtraque fuisse cum Synodalibus litteris dimissos tres eosdem Legatos ad Bonifacium Zosimi recens defuncti successorem, quod vtrique citra miraculum fieri non potuit in distinctis Synodis.

Deinde quid rationis esse poterat, vt duæ tam proximæ conuocarentur ex vniuersa Africa plenariæ Synodi? Numquid vna sufficiebat ad prouidendum ne detrimentum Ecclesiæ Africanæ paterentur ex hæresi Pelagiana, quæ iam alijs Africanis Synodis Mileui, & Carthagine fuerat examinata, & explosa? Quod verò scribit Baronius Carthaginensi Conc. sexto, sub-

scripsisse quidem 217. Episcopos in proprijs Ecclesijs singulos eorum, sed paucos in Synodo consedisſe, id affirmari nequaquam poſſe inde arguitur, quia in ipſis Conc. actis refertur conſedisſe in ipſo eoſdem omnes, qui num. 217. ſubſignauerant, vt admonet Cardinalis Petronius, & ipſe Spondanus Baronij abbreviator. Eſt itaque ſub diuerſis, iſſque veriſſimis denominationibus Carthagenenſis, & Africani vnum, & idem Concilium congregatum anno quadringenteſimo decimo octauo ſub Zoſimo Papa, qui ſuos eo Legatos tres prænominatos direxit, cum ſuo quatuor capitum commonitorio. Hic proſtigata eſt Pelagiana hæreſis, hinc miſſæ Synodi litteræ ad Atticum Conſtantinopolis, & Cytilum Alexandriæ antilitem, pro comparandis Nicænæ Synodis germanis exemplaribus. Hic abundanter cumulatèque prouiſum eſt circa omnem Cleri Eccleſiæque diſciplinam. Et ne Canonum, aut librorum diſperſorum multitudo conſuſionem, aut ignorationem pareret, ſapienter renouata ſunt, & in vnum veluti faſcem congeſta veterum Africa Conciliorum ſalubriora decreta, & iſdem verbis huic Synodo inſerta, vt ſic in vnum libellum collecta commodius addiſcerentur. Hinc factum, vt quàmplurimi huiusce Concilij canones iſs legantur quoque verbis in Mileuitano 2 & Carthagenenſibus 3. & 5. Sancti etiam Auguſtinus, & Proſper vnus tantum plenarij meminerunt totius Africæ Conc. circa Pelagiana dogmata hic in Chronico, ille in ſua 47. epiſtola.

In hoc ergo Carthagenenſi ſexto, ſeu Africano plenario Concilio lectum eſt monitorium, quod tribus legatis ſuis Zoſimus mandauerat quatuor continens capita. Primò, vt renouetur Nicænæ Synodi Canon, quo ſtatuitur, vt quilibet Episcopus Synodi iudicio condemnatus ius habeat ad Romanum Episcopum appellandi, qui alterutro modo poterit cauſæ prouidere, ſiue iudices vicinos Episcopos committendo, ſiue

sive Legatos ex suo latere in eas partes expediendo. Secundo ne in comitatum, hoc est, Principis aulam Episcopi sine Synodi, vel Metropolitanis litteris accedant, post examinatam sedulo, & approbatam perfectionis causam. Tertiò de appellationibus Sacerdotum, aliorumque Clericorum admittendis à propriorum Episcoporum sententijs ad Synodos Prouinciales. Quarto de Urbano Episcopo Siccensi, qui Apiarium Sacerdotem iudicio damnauerat, aut excommunicando, aut Romam euocando, si ea quæ corrigenda erant, non corrigeret.

Quod attinet ad hoc vltimum, admonuit Synodus Pontificem, quòd Apiarius sua tandem crimina, & in proprium Episcopum proteruiam, atque calumnias palàm in Concilio confessus sit, seque Concilij iudicio subiecerit. Quòd ad verò appellationes Episcoporum ad Romanam sedem, postquam Nicænos canones Concilium perlegit, nec in monitorio contentos reperit, dixit Augustinus Hipponensis Episcopus Legatus Prouinciæ Numidiæ: & hoc nos seruaturos profitemur, salua diligentiori inquisitione Concilij Nicæni: Totaque Synodus in illius sententiam consensit, & hoc ipsum Romam rescripsit litteris quas Bonifacius, qui Zosimo nuper defuncto successus erat, recepit. Addiderunt & istud, misisse Synodum ad Cyrillum Alexandriæ, & Atticum Constantinopolis Episcopum, vt ad se integros, & illibatos Nicænos canones transmitterent: pollicentur verò Africani Patres se Nicænorum canonum præscripta omnia seruaturos. Aliquantò post deferuntur Carthaginem litteræ Cyrilli, & Attici, cum viginti Nicænis canonibus in Latinum è Græco translatis. Quos vt receperunt, scripserunt Africani Patres ad Cœlestinum, quem Bonifacius paulò antè vita defunctus habuit Successorem, tum Apiarij de quo paulò supra poenitentiam, tum quæ ex latione Nicænorum ad se

transmissorum Canonum sibi comperta erant: nihilque repertum circa Zosimi de appellationibus Episcoporum commonitorium, nisi quod can. 5. Nicæno statuitur, ne qui fuerint à proprio Episcopo communione fidelium exclusi, ab ullo alio Episcopo recipiantur, nisi deuoluta appellatione secus fuerit à Prouinciæ Synodo iudicatum. Quam ob rem (inquiunt) impendio deprecamur, ne deinceps ad vestras aures hinc venientes facilius admittatis, nec à nobis excommunicatos ulterius in communione velitis accipere: quia hoc à Nicæno etiam Concilio definitum facile aduerter venerabilitas tua. Nescitur quid ad ista responderit Cœlestinus.

Ista usque adeò accurata Nicæni Concilij conquisitio, cuius etiam expressa erat mentio in Zosimi commonitorio, satis arguit Synodi Sardicensis mentionem, quæ legitur cap. 1. artic. 6. huius Carthagenensis Concilij sexti esse suppositum, & ab aliquo posterius assutam Laciniam, qui hoc ipsos Canones in Concilio Sardicensi, quo utique continentur, legerat. His adde Sardicense ipsum Concilium fuisse Africanis Patribus ignotum, cum scribant ad Cœlestinum his verbis: nam ut aliqui tamquam à tuæ sanctitatis latere mittantur, nulla inuenimus Patrum Synodo definitum. Quæ nullatenus dixissent, si Sardicense legissent, aut ex ore legatorum audiuisent. Cum hæc Synodus illud ipsum de mittendis à Romano Episcopo legatis in casibus appellationum perspicue decernat can. 7. Et Augustinus, qui in hoc Carthagenensi Concilio confedit, scribit lib. 3. contra Cresconium cap. 34. se nullum agnoscere Concilium Sardicense, nisi Arianorum. Quia ut superius ad Synodum Sardicensem obseruauimus, Ariani se ex legitimo Sardicæ Conuentu subduxerant, ut peruersos Canones liberiùs conflarent, quos deinde Sardicensis Synodi e mentito nomine venditarunt. Itaque inita etiam cum Donatistis societate, qui Africam
penè

penè omnem incesſerant, ſuum per illos Conciliabulum, tota promulgari Africa, & legitimam Synodum ſupprimi curauerant.

Et ſanè dubitandi nullus eſt locus de veræ Sardicenſis Synodi authoritate pari cum Nicæna, cùm ſit vtraque œcumenica, & à Romanis Pontificibus approbata, ideòque præualere debet cuius Africano Concilio inferioris ordinis, in ijs præſertim, quibus Pontifex Maximus obſtitiffet, vt in hac cauſa contigit.

Eidentiffimum pariter eſt fuiſſe antiquiſſimum appellacionum ad Romanum Tribunal uſum etiam ante Canones Sardicenſes: Excommunicatus namque ab Epifcopo Ponti Marcion ad Pium Romæ Epifcopum, appellans auditus fuit teſte Epiphanio hæref. 42. Fortunatus, & Feliciffimus à Cypriano Carthaginenſi deſcripti, appellantes admiſſi ſunt à Cornelio Papa teſtificante ipſo Cypriano epistol. 55. ad Cornelium Papam. Deinde in Hiſpania Baſilides deſcriptus ad Stephanum Papam prouocat, vt idem refert Cyprianus ep. 68. Athanaſius à Synodo Tyri dignitate motus Iulium Papam appellauit, à quo reſtitutus fuit. Quæ appellatio præceſſit Synodum Sardicenſem, vt ex Athanaſij, & Theodoriti narratione colligitur. Poſt Sardicenſe decretum Ioannes Chryſoſtomus à Theophilo Alexandrino in Synodo exauthoratus, ad Innocentium Papam prouocans admittitur, vt conſtat ex duabus eiufdem ad Innocentium Papam epistolis. Flauianus Conſtantinopolis Epifcopus à Pſeudo-Synodo Ephesine gradu motus ad Leonem Papam prouocat, vt refert Liberatus in Breuiario cap. 12. Theodorus etiam ibidem deſcriptus ad eiufdem Leonis iudicium prouocat, vt fidem facit eius ad Leonem epistola. Ignatius etiam Conſtantinopolis Epifcopus, ab Epifcoporum Conciliabulo ſede pulſus, iudicium reclamans Nicolai I. admiſſus, vt ſcribunt Curopalates, Cedrenus Zonaras. Alios innume-

ros prætermitto, quorum passim obuia sunt exempla ex omnibus orbis Christiani plagis in epistolis Sanctissimorum Pontificum Leonis, & Gregorij.

Cur autem Zosimus Sardicense Concilium nomine Nicæni allegauerit, respondent nonnulli fuisse, id quod a Nicæna Synodo definitum, sed ab Arianis una cum multis omnibus alijs eiusmodi Synodi suppressum, solis exceptis viginti, qui Arianæ impietati nihil præiudicant, sed tamen illa omnia decreta permanisse integra in exemplaribus Romanæ Ecclesiæ, ex quibus ea Zosimus desumpserit. Porro de diminutione Canonum Nicænorum fusiùs disseruimus ad Nicænum ipsum Concilium.

Resp. alij, Sardicensem simul cum Nicæna coniunctam habitas fuisse pro una, eademq; Synodo, tum quia magna Episcoporum pars, quæ in Nicæna confederat, interfuit pariter in Sardicensi, ut ex subscriptionibus liquet, atq; utrobique eadem fidei causa dijudicata fuit. Ceteroqui Synodus Sardicensisnum. Oecumenicarum augeret, talem enim fuisse illam, liquidò constat, quatenus toto ex orbe Christiano, Romani Episcopi studio, & præsentibus ipsius legatis coacta, & celebrata fuit, & tamen non recensentur distinctè inter Oecumenicas, eò quòd in unam cum Nicæna coaluerit. Ex quo rectè conijcitur fuisse à Zosimo dictos Canon. Nicænos, qui tamen sunt Sardicenses, quia in Romanæ Eccles. archiujs ambarum Synodorum decreta sub eodem Nicæni Concilij titulo connectebantur. Sed iam prosequendi sunt nobis Canones aliquot præsentis Africani Concilij.

Can. 3. *Vt Episcopi, Presbyteri, & Diaconi non ordinentur, nisi postquam omnes, qui sunt in domo eorum, Christianos Catholicos fecerint.* Habetur iisdem verbis in Concilio item Carthaginensi tertio, canon. 18. Eiusmodi zelum ac studium fidei, atque animarum salutis requirebat olim. Ecclesia in Clero, ut nemo posset per Hierarchicos ordines sibi eam sponsam acquirere, nisi exéplò Davidis

Mi-

Micholem desponsaturi proferret Philistinorum aliquot præputia, scilicet hæreticorum conuersionem.

Can. 6. *Vt primæ sedis Episcopus non appelletur princeps sacerdotum, aut summus Sacerdos, aut quid simile, sed primæ sedis Episcopus.* Insertum est in decreto c. primæ sedis dist. 99. Primam (de qua hic) sedem intellige primatiam Africæ. Compellationes quæ factum redolent abhorret exemplo humillimi, & mitissimi sponsi sui Christi Ecclesiæ: ideòque Romanus Papa tametsi reuera summus Sacerdos, & Sacerdotum princeps, non tamen his quibus legitime pro sua dignitate posset, sed humili titulo utitur serui seruorum Dei, iuxta Christi Verbum Luc. 22. Qui maior est in vobis fiat sicut minor, & qui præcessor est sicut ministrator. Est autem vero simile iam inde à primis sæculis fuisse attributum Romanis Episcopis titulum Pontificis Maximi, & Episcoporum Episcopi: Etenim Tertullianus malè erga Zephyrinum Papam affectus, eiusque Edicti pro admittendis ad veniam pœnitentibus Mœchis prima verba recitans lib. de pudicitia cap. 1. istam præmittit inscriptionem: *Pontifex maximus Episcopus Episcoporum.* Et in Conc. Africano de hæreticis rebaptizandis, Cyprianus tunc temporis non sat benè in Stephanum Papam affectus, sic illum in proloquio prætrahit: *Neque enim se quisquam nostrum Episcopum Episcoporum constituit, aut tyrannico terrore collegas suos ad obsequiendi necessitatem adigit.* Et in actis sanctorum Martyrum Sebastiani eiusque sociorum sincerissimis Caium Papam Tiburtius Chromatij filius nuncupat Episcoporum Episcopum, quod postea nomen ab alijs eidem affigitur.

Can. 9. *Vt sacramenta altaris non nisi à ieiunis hominibus celebrentur, excepto vno die anniuersario, quo Cæna Domini celebratur.* Habetur in c. sacramenta altaris de consecr. dist. 1. Huc illud Tertulliani refertur lib. ad Vxorem cap. 5. *Non sciet maritus quid secretò ante omnem cibum gustes. & si sciuerit, panem illum non credit esse qui dicitur.* His

conuenit D. Augustini in epist. 118. cap. 6. testimonium istud: nonnisi à ieiunis Corpus Domini ritè sumi potest. Dies Cœnæ Domini Canone isto excipitur, quia exemplo Iesu Christi, eodem die ad vesperam sacrum celebrari mos erat, ad quod fideles etiam cœnati communicabant. Reperitur etiam iste canon num. 29. in 3. Carthag. Concilio.

Can. 65. *Placuit ut plebes quæ numquam habuerunt proprios Episcopos, nisi ex plenario Concilio cuiusque Prouinciæ, & primatis, atque consensu eius ad cuius Diœcesin eadem Ecclesia pertinebat ad decretum fuerit, minimè accipiant.* Sanctum Basilium legimus Cæsareæ in Cappadocia Metropolitæ, ut æmulo suo Tyanæ (quæ erat in secunda Cappadocię Prouincia) Metropolitæ suffraganeorum Episcoporum numero præualeret, erexisse in Episcopalem Salimorum Ecclesiam, eique Gregorium Nazianzenum quamvis reluctanter præfecisse. Præterea August. (ut ipse de se testatur) epist. 261. ad Cœlestinum Papam in suæ Diœcesis Hipponensis oppido Fussala, sedem nouam fecit Episcopalem, cui primùm præfecit Episcopum Antonium de consensu Primatis Numidiæ, cui subiecta erat Hipponensis Ecclesia.

Canones octo aduersus errores Pelagij, & Cœlestij, qui in Mileuitano præcedenti Concilio leguntur, in isto quoque plenario Concilio inserti sunt, uti & Mileuitanus canon 22. quo appellationes transmarinæ prohibentur. Huic plenario Concilio subiicitur Epistola Synodica, hinc ad Bonifacium Papam transmissa.

Prosper lib. contra collatorem cap. 10. refert ita fuisse ab Africanis Patribus decretum. *Constituimus in Pelagium, & Cælestium per venerabilem Episcopum Innocentium, de beatissimi Apostoli Petri sede prolatam manere sententiam, donec apertissima confessione fateantur gratia Dei per Iesum Christum Dominum nostrum, non solum ad cognoscendum, sed etiam ad faciendum iustitiam, nos per singulos actus adiuuari,*

ri . ita vt sine illa nihil vera , sanctæque pietatis habere , cogitare , dicere , agere valeamus .

CONC. TOLETANVM I.

Est Toletanum vrbs insignis ad Tagum amnem sita Carpetanorum caput, quæ nunc regio *Castilia noua* dicitur . Primum Toletanum Concilium sub Innocentio I. Papa fuit, & Imperatoribus Arcadio , & Honorio Chr. 405. Exstat Innocentij Papæ ad hanc Synodum . epist. Eius cogendæ potissima causa fuit Priscilliani hæresis, quæ sicut cancer per vniuersam Hispaniam serpebat. Itaque plures editi sunt contra illam in hac Synodo can. sicut in alijs Hispanicis Cæsaraugustana, & Bracarense prima . Seuerus Sulpitius huius hæresis historiam exactè describit, quæ Simonis, atque Basilidis artes magicas, Gnosticorum spurcicias infames , & Manichæorum deliria renouabat . Eius author Priscillianus propterea morti ab Imperij usurpatore Max. addictus est .

Can. 5. Exigit ab omnibus Clericis, vt Missæ quotidie intersint, *Presbyter, Diaconus, Subdiaconus, vel quilibet Ecclesiæ deputatus Clericus, si intra ciuitatem fuerit, vel in loco, in quo Ecclesiæ est, si in Ecclesiam ad Sacrificium quotidianum non venerit, Clericus non habeatur.*

Can. 6. *Puella Dei familiaritatem non habeat cum Confessore, aut cum quolibet Laico sanguinis alieni. Similiter Conc. Parisiense sub Gregorio Papa Quarto, & Ludouico Pio Francorum Imperatore, hæc statuit l. i. cap. 46. Ne Clerici, vel Monachi cum Sanctimonialibus colloquantur, nisi ex consensu Episcopi, & ex causa necessitatis. Neue ullus Sacerdos alicuius Monialis confessionem audiat, nisi coram testibus, haud procul adstantibus.* Consulito etiam inferiùs, quæ annotaui ad can. 20. Nicenæ secundæ Synodi, & ad can. 28. Agathensis .

Can.

Can. Toletanus 14. veterem abolet ritum. quo liberum erat fidelibus, vel intra Ecclesiam absumere sacram Eucharistiam, vel manibus acceptam referre domum. *Si quis acceptam à Sacerdote Eucharistiam non sumperit, velut Sacrilegus propellatur.* Idemque decernitur Cæsaraugustani Concilij can. 3. Obuia passim apud priores Ecclesiæ Patres occurrunt exempla delatæ in priuatas ædes à fidelibus Eucharistiæ, quibus illa in manus dari solebat intra Ecclesiam. Sic Tertullianus ad uxorem c. 3. *Non sciet maritus, quid secretò ante orationem cibum gustes, & si sciuerit, panem illum non esse credit, qui dicitur, nimirum Eucharistiam diuinam.* Et Cyprianus de lapsis, cum (inquit) quædam arcam suam, in qua Domini sanctum fuit, manibus indignis tentasset aperire, igne inde surgen- te deterrita est, ne auderet attingere. Idemque lib. de spectaculis. *Qui festinans ad spectaculum dimissus est, & adhuc gerens secum ut assolet Eucharistiam.*

Eiusmodi quidem consuetudine occasionem persecutionum inualuisse probabile est. Cum enim fidelibus liberum non esset ad Synaxes conuenire, si quando furtim loco abdito collectam celebrabant, non modò ibi communicabant; sed etiam singuli exceptas de sacerdotum manibus sacratissimas particulas domum reportabant. Quas postmodum ieiuni sumebant inter priuatas preces. Quæ consuetudo etiam parta Ecclesiæ pace diu multis in locis perdurauit. Cuius exemplum in fratre suo Satyro refert Ambrosius, quod requirere supra ad can. 22. & 23. Laodicæni Concilij. Gregorius etiam Nazianzenus orat. in funere Gorgoniæ sororis perhibet illam in conclaui suo sacram Eucharistiam asseruare cum magna veneratione solitam, precibus aliquando ad eam fuis, vehementi, quo illa conflabat morbo fuisse liberatam. Basilius Magnus epist. ad Cæsariam Patriciam (quæ etiam allegatur ab Anastasio Nicæno Episcopo in suo quæstionum libro, qui est tomo 6. Biblioth. Patrum) sic scribit: *Aliquem*

verò

vetò manu propria communionem sumere, ubi non est Sacerdos minimè graue esse superuacaneum est ostendere, propterea quòd res ipsa longa consuetudine probetur. Omnes enim qui sunt in desertis Monachi, ubi non est Sacerdos, illic habentes communionem, ex seipsis illam sumunt: Alexandria autem, & in Egypto vnusquisque ex Laicis qui illic degunt, maximè ex parte communionem habent domi suæ. Hæc Basiliius. Simile refert Gregorius Magnus lib.3. Dial.c.36. de Maximiano eiusque sodalibus nauigantibus, qui atroci tempestate iactati, clauo deperdito, malo effracto, velis laceratis, & in vndas dispersis, & naue fluctibus obruta, sacram in tanto discrimine sumperunt Eucharistiam, quam penes se habebant, cuius mirifica virtute presenti discrimini erepti, ad portum denique incolumes omnes appulerunt. Quibus etiam testimonijs, & exemplis hoc arguitur fuisse plerumque in vsu apud primitiuorum sæculorum fideles Eucharisticam sub vnica specie communionem.

Canon 17. *Is (ait) qui uxorem non habet, & pro uxore concubinam habet, à communionem non repellatur: tantum ut vnus mulieris, aut concubinæ, aut uxoris, ut ei placuerit sit coniunctione contentus.* Habetur, cap. is qui dist. 34. Concubinam dicit (ut ibi admonet Gratianus) quæ sine dotalibus instrumentis, alijsque solemnitatibus asciscbatur in coniugium. Id planum est ex Augustini libro de bono coniugato.

Cuius testimonium, idem Gratianus adducit cap. concubinæ, &

c. solet. 32. quæst. 2. Eadem

quoque Iustinianus

edicit nouella

18. cap.

5.

Synodus Ephesina Oecumenica.

Ephesi quæ est minoris Asiæ Metropolis coactum fuit Oecumenicum Conc. occasione Nestorij Hæresiarchæ, temporibus Cœlestini Romæ Episcopi, & Imperatorum Theodosij secundi, & Valentiniani III. Nestorius qui præsedet generali Constantinopolitano Conc. successorem in sede vrbis Regiæ Episcopali habuit Ioannem Chrysostomum, hunc excepit Arsacius, Arsacium Atticus, Atticum Sisinnius. Sisinnium Nestorius Germanicia, quæ Antiochenæ subest Ecclesiæ, oriundus. Hic nouo, & pernicioso dogmate Mariam Virginem negauit esse Θεοτόκον, hoc est Deiparam, solumque illi Christiparæ nomen asserbat. Geminas quippe Christo personas affingens diuinam, humanamque, consequenter docebat Mariam Virginem genuisse personam humanam, prorsus à diuina discretam. Cumque virus suum latè propagare Nestorius tum voce, tum scripto niteretur, graues per omnem Ecclesiam turbas excitauit.

Huic se constanter Cyrillus opposuit Alexandrinus Patriarcha. Hic Nestorium scriptis primùm amantissimis litteris de sententia prauè concepta dimouere conatus est; præcipuum fidelium omnium, maxime verò Episcoporum officium esse ducens, fidei periclitanti suppetias ferre. Quod ibidem his verbis æternæ memoriæ commendandis protestatur, πᾶς οὖν ἡ συνωπῆσαι πρὸς τὴν ἀδικημένην, καὶ ποσὶν διεστραμμένων; ἢ ἔπαρσησόμεθα τοῖς βήματι τῆς Χριστοῦ; ἐκ ἀπολογησόμεθα δὲ τῷ ἀκαίρῳ συνωπῆς ἐνέκα; καὶ τοὶ τεταγμένοι πᾶρ αὐτῶ πρὸς τὸ λέγειν ἃ δεῖ.

Cum igitur fides tam insigniter læderetur, totque passim peruerterentur, qui tandem tacere hic licuit? an non ante tribunal Christi sistemur? an intempestiui silentij rationem reddituri non sumus, præsertim nos qui ea de causa hunc in locum prouecti sumus, vt quæ
opor-

oportet predicemus? Quin etiam Ioannes ipse Antiochenus Patriarcha, qui postea contra fas omnes partes Nestorij aduersus Cyrillum acerrimè defendit, hortatorias litteras (quæ in prima Synodi Ephesinæ parte continentur) ad Nestorium scripsit, ut à concepto errore resili-ret, atque fidem Ecclesiæ, pacemque laessere desineret. Interea scribunt hac de re ad Cœlestinum Romæ Episcopum scorsim Cyrillus, & Nestorius nihil suum dogma dissimulans, sed propugnans. Quibus acceptis Cœlestinus Romæ multorum Episcoporum Conc. coegit, in quo damnatus est Nestorij error, cui decem indulgentur ab huius decreti notificatione dies, intra quos nisi errorem publicè eiurauerit, dignitas illi Episcopalis abrogatur, & de fidelium communi societate resecatur. Restituuntur autem quotquot Nestorius contradicentes sibi à communione Ecclesiæ, vel à sacris functionibus abstraxerat. Horum executio Cyrillo committitur, cui Cœlestinus Apostolicæ sedis Legati officium, suasque vices, & potestatem mandat.

Cyrillus itaque Alexandriæ Synodum sibi subditorum Episcoporum habuit, in qua duodecim excusi sunt aduersus Nestorianam impietatem anathematismi, quæ etiam quatuor ad Nestorium delegauit Episcopos cum Synodalibus litteris, qui cum comminerent, atque anathematismos palam approbare suaderent. At ille missos à se repulit, duodecim illa capita anathematizauit, maioriq; in quoscumque fideles crudelitate desæuijt. Tandem ad sedandas istas, quibus Ecclesia conflictabatur, procellas, interpellatus Theodosius Augustus Synodum Ephesi Oecumenicam indixit, ad quam commisit ad compescendos tumultus Irenæum, & Caudidianum Nestorio coniunctissimos, in quem etiam Theodosius erat animi propensioris. Nam cum increbrescente Nestorij hæresi, Cyrillus illam tribus libris ad Theodosium, & reginas Eudociam, & Pulcheriam missis solidissimè confutaret,

taisset, Nestorio patrocinans Theodosius Cyrillum acerbiore litteris perstrinxit.

Omnium sæculorum experientia perspectum est, quanta sit vis auicę propensionis ad res fidei, & Ecclesię contuendendas. Cum enim cupiditas, ambitio, & emulatio permultos etiam Episcopos transuersos agant, hinc fit, vt principium iniustis desiderijs vt plurimum adblandiantur, dicente Apostolo: omnes quę sua sunt quærunt, non quę Iesu Christi. Dum Ephesum conueniunt antistites, Ioannes Antiochenus eique subiecti Orientis Episc. occasiones captant euitandi condemnationem popularis sui Nestorij, & conciliandę sibi gratiæ principis, & duorum eius Legatorum Nestorio prorsus addictorum. Cum itaque illi moram consulto trahere viderentur, his absentibus generale Concilium Ephesi apertum est ann. Chr. 431. vbi ter citatus Nestorius, & ex peruicacia iudicio sistere se recusans, adductis probationibus, atque sedulo examinatis ipsius libris, & litteris, hæreticum præfactum, & obstinatum declarauit, abdicauitque Episcopatu sacra Synodus.

Quintò indè die Ioannes cum suis aduenit Episc. inter quos eruditionis, & eloquentiæ laude præcellebat Theodoritus Cyri in Palæstina Episcopus. Isti se non fuisse diutius expectatos acriter conquesti, suisque priuatis affectibus etiam in euidentem totius Ecclesię Christi perniciem indulgentes. priuata ibidem conflata Synodo confestim acta legitimi Conc. rescindunt, & vlciscendi cæca perciti cupiditate Cyrillum Alexandrię, & Memnonem Ephesi Episc. damnant quasi Apollinaris hæresi contactos, quę animam intellectualem, & humanam remouebat a Christo, vt eius vicem occuparet diuina Verbi persona. Quod tamen dogma numquam in mentem Patrum Ephesinorum venerat: nihil enim repugnat vnicam esse in Christo, eamque diuinam personam, cum integra completaque ex anima, & corpore humanitate. Sed occasiones (vt ait Salomon prou. 18.)

quæ-

quærit, qui vult ab amico discedere, omni tempore erit exprobrabilis. Illis igitur aucupandus erat tametsi falsissimus prætextus, vt possent aduersarios insectari cum specie nonnulla iustitiæ.

Cum Antiochenæ factionis Episc. conspirant vnanimés comites Candidianus, & Ireneus, & litteras ex legitima Synodo profectas dolosè intercipiunt, multis per proprias litteras calumnijs Imperatorem, & aulæ procures aduersus Orthodoxos Patres intensos reddunt. Mandato Theodosij Cyrillus, & Memnon in carceres detruduntur. Nec minùs tamen legitima Synodus suo fungi pergit officio: plusquam 200. conitans Episcopis, & harum tempestatum authorem Ioannem frustra delinire, ac pellicere conata, tertio tandem citatum, & contumacem excommunicat, & deponit.

Contigit tandem vt elusis comitum exploratoribus, Conc. legitimi litteræ iustarum querelarum plenæ per virum fidelem, sub e mentito mendici habitu arundine inclusæ deferrentur ad Theodosium, eiusque sororem Pulcheriam eximie pietatis, & prudentiæ virginem, aliasque spectatæ virtutis personas, quibus satagentibus Theodosius rei veritate comperta, beneuolum se tandem sacræ Synodo exhibet, acta per Candidianum, & Ireneum reuocat, & admissis legitime Synodi decretis, Nestorium in pristinum Monasterium Antiochenû in quo Monasticen olim professus fuerat, & postremò ne Monachos, aliosquæ falsa doctrina peruertere pergeret, Oasin relegat, vbi vitam infelicem calamitoso exitu conclusit, verminante ipsius per diuinam ultionem blasphema lingua. Libri eiusdem vndequaque conquisiti flammis absumpti sunt. Denique Theodosio interueniente cum magni Simeonis Stilicæ interuentu, pax inter Cyrillum, Ioannemque, ceterosque Orientales conciliata fuit. Ittque in integrum restituti, Conc. legitimo lubentes acquieuerunt.

Huius Synodi p. 4. Act. 7. requirentibus Rhegino Con.
stan.

stantiæ Cypri Episcopo, totiusque insulæ Metropolitæ, ceterisque Cypri Episc. aſſerentibus deductum iam inde ab Apostolis priuilegium, vt non ab Antiocheno antistite, sed ab ipsa prouinciæ Cypri Synodo Episc. Insulares ordinarentur, sancta Synodus hoc eisdem priuilegium confirmauit. Egregiam Cyprij præſules nacti sunt opportunitatem, quando Antiochenus, & alij Orientales Episc. non modò non contradicebant in hac causa, vtpotè absentes; sed etiam schismate se à sacra Synodo diuulserant, vt sic mererentur proprijs excidere iuribus. Occasione quidem veteris Antiocheni schismatis, quando plures in illa creati Episc. populum sic distrahebant vt pars vni. pars alteri adhereret, quæ diuisio 48. durauit annos quibusdam Eulſoio, alijs Melletio, alijs Paulino, alijs post modum Flauiano, alijs Eua-grio additis, hanc diuisionis diuturnæ occasionem Cyprij nacti, quasi *αὐτοκράτορες* cœperunt res suas gerere inconsulto Antiocheno Patriarcha. Vbi verò schisma desijt, omnesque Antiocheni in vnum Alexandrum Episcopum conuenerunt, tunc Alexander ius pristinum è Cyprijs vindicare conatus est apud Innocentium Papam annis ante hanc Synodum 30. Innocentius iudicauit Cyprios Antiocheno subijci, vt constat ex eiusdem epist. 18. post Conc. etiam Ephesinum eadem iterum contentio recrudit imperante Zenone. Narrant enim Cedrenus in Zenone, & Nicephorus l. 16. c. 37. Petrum Cnaphæum, seu vt à Latinis vocatur Fullonem Episcopum Antiochiæ de Cyprijs iura Patriarchalia repetere molientem causa cecidisse, cum eodem ipso tempore ex diuina reuelatione Barnabæ Apostoli corpus in Insula effossum fuisset cum Euangelio Matthæi eius pectori imposto, quod Barnabas viuens manu sua descripserat. Quare motus Zeno voluit deinceps Ecclesiam Constantiæ censeri Apostolicam, & à potestate Antiochenſis immunem. Videndus noster Morinus l. 1. exercit. Eccles. cap. 4.

Ex multis liquet huius Synodi locis, habitari fuisse in Ecclesia Mariæ dedicata, cuius patrocinium sancta Synodus susceperat. Est verò specialii nota dignum, quod scribunt Ephesini patres in Synodica ad Clerum, & populum Constantinopolitanum epistola, Deiparam Virginem cum Euangelista, & Apostolo Ioanne Ephesum ex Iudæa profectam, illic reliquam vitam vsque ad felicissimum obitum transegisse.

CONC. ARAUSICANVM I.

Arausio Ciuitas Canarum est in secunda Narbonensi Prouincia cuius Episcopalis Ecclesia suffraganea est Arelatensi Metropoli. Hic conuocatum Concilium fuit ann. Chr. 441. sub Leone I. Pontifice, imperantibus Theodosio II. & Valériniano III. Præfedit Hilarius Arelatensis, consedit Bucherius Lugdunensis, ambo subscripti.

Canon I. *Si quis quacumque necessitate in Baptismo chrismatus non fuerit, hac de re, cum se ad confirmationem ille presentabit, admoneatur Episcopus, ut ipsum in primis vugat in vertice, quod erat faciendum in Baptismo, deinde in fronte pro Confirmationis Sacramento, ut habeatur necessaria Chrismatio repetita.* Multa iste Canon edocet: Primò, cum qui baptizatur vngendum esse Chrismate in vertice à quo, cumque Presbytero ex officio baptizante: Secundò, si defuerit ille in baptismate ritus, esse alias, maxime verò in confirmationis Sacramento supplendum: Tertiò, nec suppleri sola confirmatione, cum sit bis in illa Chrismandus quisquis non fuerit in baptismo Chrismatus: Quartò, hanc ceremoniam in baptismo Chrimationem faciendam esse in vertice, at verò Confirmationis Chrimationem in fronte: Quintò, esse necessariam vtramque Chrimationem.

Amalarius Fortunatus Episcopus Treuirensis lib.

P

I. de

1. de Eccles. offic. cap. 27. postquam docuit statim à baptismo vngendum esse Neophytum in vertice, ita subiungit: *Sicut in Gestis Pontificalibus legitur Beatum Sylvestrum instituisse, ut à Presbytero vngeretur Chrismate Neophytus in cerebro.* Deinde addit, hanc fieri posse vñctionem à Presbytero etiam Episcopo præsente, cum tamen solus possit Episcopus dare baptizatis Spiritum sanctum per manus impositionem vngendo Chrismate non in vertice, sed in fronte. Super quo profert historiam Philippi Diaconi non valentis Spiritum sanctum dare baptizatis à se Samaritanis, quia nec Apostolus, nec Pontifex erat, unde necesse fuit mitti ad hoc officium Petrum, & Ioannem Act. Apost. 8.

Constat ex Concilijs Florent. & Trid. solum Episcopum esse ordinarium confirmationis ministrum. Docet verò S. Tho. 3. q. 72. art. 1. extraordinarium confirmationis ministrum posse ex delegatione Papæ simplicem esse Sacerdotem. Idque probatur ex Gregorio magni l. 3. ep. 26. ad Ianuarium Episcopum Calaritanum 1. *Vbi Episcopi (inquit) desunt, ut Presbyteri etiam in frontibus baptizatos Chrismate tangere debeant, concedimus.* His enim verbis citatur à Thoma, & pariter à Gratiano c. peruenit dist. 95. quamvis alij aliter legant. Testatur quoque vetustissimus, sed falsò attributus Ambrosius Commentarius in Paulum ad Ephes. 4. *In Ægypto Presbyteri consignant, ubi non est Episcopus.* Canon quidem 20. Tolentani Concilij primi demandat Presbytero Chrismationem absente Episcopo, sed exponitur à nonnullis de caeremoniali Chrismatione baptismi: tamen si doceat Amalarius Fortunatus hanc fieri à simplici sacerdote in cerebro Chrismationem etiam Episcopo præsente.

Notanda ergo hæc Amalarij verba sub finem dicti cap. 27. *ut ab Episcopis solis iniungatur per manus impositionem, ab Apostolis acceptum est.* His enim perspicue declarat ipsam Episc. actionem, qua frõtem manum inungit esse

esse ipsammet manus impositionem, quæ iuxta Act. c. 8. dabatur ab Apostolis Spiritus sanctus, & quidem v. 18. manus in singulari exprimitur, quia vnctio hæc sacra fit vnica manu. Licet autem alibi dicatur circa confirmationem manuum impositio, id nihil obstat, quia de pluribus Apostolis loquitur, & sic de pluribus manibus, quamuis singuli seorsim vnicam manum adhiberent. Addit Amalarius per manus impositionem efformari crucem super fideles eodem loco, vbi Pontifex Aaronicus in aurea lamina insculptum Dei nomen ineffabile portabat. Igitur vno eodemque contactu in confirmatione imponitur manus, frons Chrismate linitur, & signum crucis efformatur. Itaque inaniter recurrunt scriptores aliqui ad specialem Christi dispensationem, vt Apostolis liceret pro Chrismatione vti manuum impositione.

Can. 3. præscribit, vt qui pœnitentiam acceperunt, si ea nondum peracta è vita excedunt, communicent Sacramento viatici, sine manus impositione: sed si superuixerint, in statum pœnitentium redeant, donec completo pœnitentię decursu manuum impositionem, seu reconciliationem accipiant. Hæc eadem iam edixerat Synodus Nicæna can. 13. Hæc ergo Concilia Nicænum, & Arausicanum, simulque Ancyranum can. 6. & Agathense can. 11. & Innocentius I. epist. ad Exuperium definiunt, vbi est periculum mortis ministrandâ esse pœnitentibus Eucharistiam, nondum completo pœnitentię præscripto à canonibus tempore. Obseruandum hic nõ esse credibile admissos fuisse pœnitentes ægrotos ad sacrum viaticum absque sacramentali absolutione priuata: manuum itaque impositione, quæ differebatur post sacrum viaticum, & expletum pœnitentię canonicum tempus, intellige solam publicam, & solemnem, quæ publicam pœnitentiam quasi fibula claudebat, & pœnitentem in communem fidelium statum, & ordinem restituebat.

Can. 4. *Pœnitentiam desiderantibus etiam Clericis non esse denegandam* : Consulito quæ circa vel interdictam, vel permissam Clericis pœnitentiam disserui ad Conc. Carthagenensis 4. can. 68.

Can. 5. sancit Ecclesiarum immunitatem, ut qui ad eas confugerint, extrahi nequeant. Habetur c. eos qui ad Ecclesiam dist. 87. Idemque sancitur in Conc. Aurelianensi primo can. 1. & in Aurelianensi quarto can. 21. Quæ cum sint Gallicana Concilia, non seruantur tamen in toto Gallicano Regno circa confugientes reos delictorum. Enimverò, ne ista immunitas fieret impunitas criminum, cautum est Edictis Francisci I. ann. 1539. art. 166. & Henrici III. an. 1585. ut rei, contra quos Iudex capturam decreuerit, ex locis etiam sacris abducantur. Apud Gentiles quodque asyla erant in sacris locis constituta, ne ad ea confugientes inde diuelli possent, referuntur acta Syluestri, Constantinum contulisse his qui ad Ecclesias confugissent, immunitatem. Quam constitutionem suadente Eutropio Eunuch. potentissimo simul, & flagitiosissimo Arcadius contraria lege abrogauit, quæ tertia est in Codice Theodosiano sub tit. de his qui ad Eccles. confu. diuina tamen ultione Eutropius ipse ob innumera scelera deposcitur ad supplicium: ipse tunc ad Ecclesiam fugit, cuius violauerat paulò antè immunitatem. Chrysostomus suggestu conscenso illam in Eutropium, quæ adhuc superest, illustrè orationem habuit, nec eum prius fuit à frenentibus militibus, & magistratibus adduci, nisi præstito à Magistratibus de vitæ ipsius securitate iureiurando. Ipse verò dignitate omni, & opibus expoliatus in Cyprum relegatus fuit. Hanc reorum ad Ecclesias confugientium immunitatem renouauit Imperator Leo leg. præsentī lege. c. de his qui ad Eccl. confu.

Can. 8. vetat ordinari Clericum alienum absolutè, aut proprium in aliena Diœcesi, nisi accedat Episcopi consensus ad quem pertinet, vel Clericus, vel Ecclesia.

Eius.

Eiusmodi sanctiones frequentes in Concilijs occurrunt: in Sardicensi can. 15. in Carthaginensi 3. can. 20. & 21. In Trid. sess. 6. c. 5. & sess. 23. c. 8. & 9. & in decreto Gratiani c. placuit & c. Episcopus 7. 8. 1.

Can. 12. *Subito obmutescens prout statutum est baptizari aut pœnitentiam accipere potest, si voluntatis praterite testimonium aliorum verbis habet Sacerdos, aut presentis in suo nutu.* Huic similem superius exquire can. 76. Concilij Carthag. 4. quem canonem innuere videntur prædicta verba, *Prout statutum est.*

Can. 14. permittit energumenis, vt omnimodè communicent, si se sollicitudini clericorum tradant, monitisque obtemperent, virtute sacramenti muniendi contra dæmonum aggressiones. Priorę quidem sæculo energumeni simul cum catechumenis, & pœnitentibus à sacra communione, diuinisque mysterijs post Euangelij prædicationem, iubente Diacono foras emissi arcebantur, vt docet in Hierarchia Ecclesiæ Dionysius.

CONCILIVM VASENSE, seu Vasionense.

VAsione Vocontiorum oppido in secunda Narbonensi Prouincia Conc. celebratum est sub Leone Papa I. imperante Romæ Valentiniano III. Chr. anno 442. haud rectè dictum à Baronio Vasatense. Vasio suam hodie quoque veterem retinet denominationem. Meminit huius Plinius, Mela, Ptolemæus.

Can. 4. *Eos excommunicat, qui defunctorum oblationes retinent, aut Ecclesiæ reddere morantur, Quia (inquit) fideles de corpore decedentes votorum suorum plenitudine, & pauperes prasidio eleemosynæ, & necessaria sustentatione fraudantur.* Vocatq; huiusmodi retentores sacrilegos. Cita-

tur nominatim Vafensis hic canon in Concilij fecundi Arelatenfis can. 47. iuxta Sirmundi editionem, ibidemque confirmatur . Citatur pariter in decreto cap. qui oblationes 1392. Idemque ftatuitur in Conc. Matifconenfi primo can. 4.

CONC. ARELATENSE II.

Nefcitur quo tempore fit habitum , nifi quod pro certo eft, fequeutum fuiffe Arauficanam primam, atque Vafionenfem Synodum, ambarum quippe meminit . Itaque præpofterè collocat Binius fub Pontificatu Siricij , qui tamen longè tria ifta Concilia præceffit .

Huius Arelatenfis can. 2. & 3. circa facri Cleri cœlibatum fuperiùs allegaui , fatifque hac de re difserui in obferuationibus ad Nicænum can. 3.

CONC. NANNETENSE.

Huius quoque Gallicani Concilij tempus ignoratur . Nota dignus eft ipfius can. 1. qui & ab Ino-
ne citatur decreti par. 2. cap. 122. *Vt Dominicis , & feftis diebus Presbyteri antequam miffas celebrent , plebem interrogent fi alterius Parochianus in Ecclefia fit , qui proprio contempto Presbytero ibi miffam velit audire . Quem fi inuenerint , ftatim ex Ecclefia abijciant , & ad fuam Parochiam redire compellant . Similiter interrogent fi aliqui difcordantes fint , qui inter fe litem implacabilem habeant , & fi iuuenti fuerint , ftatim reconcilientur . Quod fi renuerint pacem fufcipere ab Ecclefia reijciantur , ufquequò ad charitatem redeant . Non enim poffumus munus , vel oblationem ad altare afferre , donec*

donec prius fratri reconciliemur (Matth. 5.) His ita peractis Sacerdotes missarum solemnia ritè peragant . Huic consentit can. 31. Arelatensis Conc. secundi , Hi qui publicis inter se odijs exardescunt , ab Ecclesiasticis conuentibus sunt remouendi, donec ad pacem recurrant .

Prior verò huius Nannetensis canonis pars de audiendo in propria Parochia sacro , iteratur sequenti can. 2. *Vt nullus Presbyter alterius Parochianum nisi in itinere fuerit , vel placitum ibi habuerit , ad missam recipiat .* Eodem spectat Conc. Trid. sess. 24. cap. 4. de reformat. multæque constitutiones à S. Carolo in multis Synodis Mediolanensibus editæ . His tamen derogat constans, totoque propemodum orbe Christiano recepta contraria consuetudo .

Synodus Chalcedonensis Oecumenica .

EXacto heresiarcha Nestorio Maximianus Constantinopolis Ecclesiam rexit , hunc deinde Proclus excepit , Proclum Flavianus , qui cum Synodum Episcoporum 30. regnante juniore Theodosio Constantinopoli celebraret, Eusebius Dorylæi Episcopus oblato libello exposuit Synodo, Eutycheten Presbyterum , & Monasterij quod celeberrimum erat in vrbe regia Archimandritam , prætextu declinandi erroris Nestoriani , ambas Christi naturas ita confundere , vt in vnâ mutua commistione coaluisse diceret . Ter missis à Conc. Legatis citatus Eutyches fictitijs excusationibus tergiversatus est : Et demum tertia citatione septem dierum petiuit inducias, quibus suam quam fingebat affectam valetudinem, confirmaret . Interea Chrysaphio Eunuchò , qui gratia Imperatoris præ cunctis alijs præualebat , quique amicitia erat Eutycheti coniunctissimus (fuerat quippe ab Eutychete de sacro fonte leuatus , idemque Flaviano dudum erat per pri-

uatas similitudines infensus) suam causam impensè commendat hæresiarcha. Huius auidè suscepto patrocinio Eunuchus Theodosio suadet, vt Florentium Patricium cum potestate iubeat Synodum interesse. Theodosij mandatum detulit ad Synodum magnus Silentarius, cum quo Monachis suis comitatus, prætorianorumque militum satellitio stipatus aduenit Eutyches, arrogantia tumens, & peruicax. In his rerum angustijs Florentium gratulabundi Patres excipiunt, multumque Theodosio debere præ se ferunt, quod clarissimi viri, cuius fides religioque perspecta sit præsidio Synodum, præmunisset Eutyches mandato Synodi suum exponit sensum: admonetur à Patribus ne contra receptam in Ecclesia fidem quidquam innouaret, vtque abiurato errore ad Ecclesiæ rediret vnitatem. At ille in contumacia persistens, tandem Sacerdotio, & Monasterij præfectura dimouetur, subscribentibus 30. Episc. & 23. Abbatibus.

Sic ille condemnatus immanibus aduersus Synodum intemperijs furit, quam libellis per compita, & fora ciuitatis affixis proscindit, nouasque pro se factiones vbique conflat. Quin etiam ad Leonem Romæ veteris Episcopum scripto conquestus est, Nestorianam hæresin per Flavianum Constantinopoli reuulsiisse, & in dies augeri: seque fidem Ephesinam, qua par est constantia prædicantem fuisse Nestorianorum factione oppressum, & ordine motum, neque vllatenus auditum, dum Apostolicam sedem appellat. Huic Leo plenas beneuolentia litteras rescripsit: sed acceptis deinde Flauiani litteris cum omnibus Synodalibus actis, damnationem Eutychis approbavit. Hoc exclusus effugio Eutyches, per summum nefas à Synodi, & summi Pontificis iudicio, ad Theodosij tribunal prouocauit. Annuat Imperator à Chrysaphio persuasus, nouamque Synodum indixit: concursant, & tumultuantur Eutychiani Monachi, multiq; ex aula, & de plebe partibus hæresiarchæ addicti, Verùm ista

quo-

quoque Synodus audito illo, & exploratis prioris Synodi actis, hanc suo iudicio confirmavit, & ita Flauiani sinceritas, & Eutychis peruerfitas luculentius innotuit.

Eutyches ad suæ causæ penè comploratæ subsidium, discordiam inter Episcopos serere aggreditur. Dioscorum itaq; olim magni Cyrilli Alexandrini Diaconum, & nunc in Alexandrino Patriarchatu indignissimum, successorem, proiectissimæ nequitiae hominem plurimis adulterijs, sacrilegijs, rapinis, & homicidijs iniquarum, Chrysaphij clientem, & Flauiano propter sedium æmulationem, morumque contrarietatem infensum, in suas faciliè partes allicit specie tuendæ contra Nestorianos fidei, quam præcessor eius in Ephesina Synodo strenuè propugnauerat. Agit per litteras cum Theodosio Dioscorus, tantas controuersiarum difficultates non fuisse priuatis aliquot Episcoporum hostiliter aduersus Eutychen affectorum conuentibus diiudicandas, sed esse per Oecumenicam Synodum dirimendas. Huic obstitit suggestioni Flauianus, & Leo Pontifex reclamauit. Sed vrgentibus Chrysaphio, & Dioscoro, Theodosius Synodum nouam, & Oecumenicam indixit Ephesi celebrandam post annos à prima, Ephesina nouemdecim, ad quam Leo suos direxit Legatos duabus instructos Epistolis, vna ad Synodum, altera ad Flauianum, quibus Catholicam fidem aduersus Eutychis præstigias egregiè elucidat.

Ad eam itaque Synodum conuenerunt Dioscorus Alexandrinus, Domnus Antiochenus, Ioannis illius qui priori Ephesinæ Synodo perfractè obstitit successor, Iuuenalis Ierosolymitanus, & Flauianus Constantinopolitanus. Ad Synodum Theodosius Barsumam Archimandritam misit, qui nomine totius ordinis Monachorum, & Imperatoria fretus autoritate, antistites insectaretur, qui Eutychen damnauerant. Misit præterea comitem Elpidium istius Synodi defensorem seu conseruatorem, cui dedit in mandatis,

ut Episcopis à quibus fuerat damnatus Eutyches, omnem iudicandi potestatem adimeret.

Tam infauſtis, & iniquis auspicijs coacta Ephesi Synodo, iubet Elpidius ante omnia de actis Constantino-
politane Synodi quæſtionem haberi. Obſiſtunt Legati Apoſt. & primum omnium litteras Leonis poſtulant recitari. Obſtrepit cum ſuis Eutyches: Legatos in inuidiam trahit, & ſuſpicionem, ut Flauiano addiſtos, & apud eum prænſos. Cõcitur aduerſus eos tumultus, denegatur eis in ſedendo primatus quem ſibi Dioſcorus vindicat. Abſcedunt Synodo Legati, ſed paulò poſt reuocantur. Interea valida 300. Monachorum manus in Synodum irrumpit, multos ſecum trahens armatos milites, cum quibus occultè Dioſcorus conſpirabat. Horrendis vociferationibus complentur omnia, raptantur, & verberibus afficiuntur ſacri Epifcopi, notarijs digiti effringuntur, tabulæ Synodi diſcerpuntur. Flauiano niſi interrogato ſilentium indicitur, & Antiſtites eius aſſecclæ in vincula conijciuntur.

Tum demum ſoli aſſecclæ Dioſcori omne ſibi iudicium cauſæ huius uſurpant. Domnum Antiochenum ſuo deijciunt Epifcopatu, ſimulque Theodoritum Cyri, & Iban̄ Edeſſæ, utrumque abſentem, & indiſta cauſa. Qui verò interſunt Epifcopi partim ſpontanei Eutychiani, partim metu adacti, puris, & albis membranis ſubſcribunt, in quibus quid eſſet ſcribendum magna pars ignorabat. Legati Apoſtolicī clam inter gladios, & haſtas elabuntur ex illo Conc. malignantium, poſtquam fruſtrâ reclamauerunt, proteſtatique ſunt. Denique in iſta Latronum Synodo (ſic enim & iure merito Græci λυσιμένη-ſυνόδον, iſtam vocant) prolatus Eutychetis Symbolum approbatur, ut Ephesine, atque Nicæne fidei cõforme, & priſtinum in ſtatum reſtituitur hæreſiarcha. Flauianus verò, & Eutycheſis accuſator, Euſebius Dorylæi Epifcopus declarantur hæretici Neſtoriani, ſuiſque ſedibus deponuntur, & carceribus includuntur.

Fla-

Flavianum appellan-tem ad Apostolicum tribunal Dioscorus ex Episcopo carnifex tam atrocibus verberibus excepit, ut mox in exilium deportatus, toto corpore fractus, contusus, & vulneratus, post triduum vita excesserit. Sine mora in eius locum subrogatur Anatolius Diaconus, & Dioscori apocrifarius. Tum demum quasi victor exultans Dioscorus Alexandriam reuertit, ubi tam immania flagitia nouis alijs accumulans, damnatus à Leone ipse vicissim contra Leonem anathema explodit noua, & haftenus, inaudita audacia.

Tantarum calamitatum accepto nuncio, dici non potest quanto animi dolore Leo Flauiani necem, Episcoporum Catholicorum depositiones, vincula, exilia, diuulsas Ecclesias, prostratam, & pessundatam religionem, exultantem haeresin, vniuersoque Oriente triumphantem, & insolentem deplorauerit. Coacta quamprimùm Romæ Synodo, Ephesinum istud conciliabulum, seu potius latrocinium rescidit, & damnauit, Dioscorum ut dixi, & huius incendij facem Eutychetem, anathemate perculit, crebrasque ad Theodosium eiusque sororem Pulcheriam litteras conscripsit. Sed etiam cum plerisque Italix Episcopis obuiam prodijt Valentiniano Augusto, qui cum Reginis Galla Placidia matre sua, & vxore Eudoxia Romam Religionis ergo ad inuisenda sacra Apostolorum limina veniebat. Cumque illis tot Religionis clades cum luctu, crebrisque singultibus exposuisset, lacrymas Reginis excussit, suisque precibus obtinuit, ut Valentinianus & Regina Theodosio scriptis litteris suaderent, ut statum Ecclesiae praesentem miseratus, curaret nouo, legitimoque ac libero Conc. quæ per vim, & factiones Ephesi gesta erant examini subdi.

Studebat Leo ut in Italia ubi liberius poterat Ecclesia respirare noua Synodus indiceretur, quæ labem, ac infamiam Ephesinam deleret. Sed Theodosij mens hæreticorum artibus irretita flecti Valentiniani, & Augu-
sta-

starum precibus nullatenus potuit. Quinimò promulgatis edictis istum Ephesium conuentum Nicænæ Synodo iussit æquari. Sed haud multò post ipse morte sua meliori regimini locum cessit.

Leo quod à Theodosio impetrare non valuerat, obtinuit ab eius successore Marciano Principe religiosissimo, cui approbante Senatu, & Orientis Imperium, & se ipsam nuptui dedit Pulcheria, ea tamen lege, ut sibi virgini esse liceret. Leonis igitur acceptis litteris, Marcianus suffragante Pulcheria Synodum generalem Chalcedone indixit, quæ ciuitas septem tantummodo, stadijs distat ab vrbe Regia, interiecto inter vtramque Bosphoro. Hoc scilicet fine, ut illi commodè posset interesse, suamque authoritatem impertiri, ut factiosi, qui tot hæcenus turbas concitauerant, in officio continerentur.

Primum quidem ad Leonis petitionem explorata fuit Anatolij fides, & admissa eius publica fidei professio, damnans Eutychetis, & Dioscori perfidiam. Marcianus quotquot Synodus latrocinans adhuc supersites expulerat, reuocauit, ut ad legitimam Synodum conuenirent. Flauiani corpus ex loco ubi exul, & Martyr occubuerat solemnī pompa Constantinopolin retulit.

Hiscæ felicissimis auspicijs apertum est quartum Oecumenicum Concilium Chalcedone, quæ ciuitas est Prouinciæ Bithyniæ Bosphoro è regione Constantinopolis adiacens, intra Templum sanctæ Virginis, & Martyris Euphemie an. Chr. 451. præsidentibus Leonis Legatis Paschasino Libybetano, Lucentio Asculano, Iuliano Coenfi Episc. & Bonifacio Presbytero. Secundus ab Apostolicis Legatis sedit Anatolius Constantinopolis Episcopus. Tertius Dioscorus Alexandriæ. Quartus Maximus Antiochiæ. Quintus Iuuenalis Ierosolymæ, alijque deinceps tum ad dexteram, tum ad laeuam. Principes verò à Marciano missi cum amplissimo Sena-

natu in medio confederunt ante cancellos sanctissimi altaris, ut exprimitur Act. 1. & alibi passim, ἐν τῷ μέσῳ πρὸ τῶν καθέλων τῶ ἀγιοτάτῃ δουλαυρίῃ.

Principio Legati Leonis obtestati sunt, fas non esse Dioscorum, qui reus sit a Synodo iudicandus, inter Episcopos sedere iudicem. Eusebius Dorylæi libellum profert aduersus Dioscorum refertum flagitijs concilij Ephesini. Leguntur subinde acta Synodorum Constantinopolis sub Flauiano, & Ephesi sub Dioscoro. Fremitum Patres in Dioscorum tot eius sceleribus propalatis. Instat Dioscorus omnia refundere in Patres Concilij Ephesini, nihil se illis inuitis, aut incon-sultis egisse. At illi replicant, vim sibi illatam per introductos a Dioscoro milites. Conuictus scelerum Dioscorus, de gradu, & sessione in Synodo deijci-tur.

Obseruandum in prima ista actione, primam ejicien-di Dioscori allegatam fuisse causam, quia Synodum ausus est conuocare sine Apostolicæ autoritate se-dis, ὅτε ἀπέποτε γέγονεν ἀδ ἐξ ἐξὸν γενέσθαι, quod numquam haftenus factum est, nec fieri licet. S. Marcellus Pa-pa, & Martyr epist. ad Episcopos Antioch. prouinc. scribit Canonem Apostolorum esse, ut non possint Concilia celebrari præter sententiam Romani Ponti-ficis. Idem testatur Papa Iulius epistol. ad Orientales Episcopos apud Athanasium Apol. 2. & Socratem lib. 2. cap. 13. & Sozomenum lib. 3. cap. 9. & Nicepho-rum lib. 9. cap. 5. additque hunc Apostolorum Cano-nem fuisse a Synodo Nicæna renouatum. Quod idem testificatur Synodus Alexandrina epist. ad Foelicem. Damasus quoque Papa epist. ad Stephanum, & Con-cil. Africæ: nam ut nostis (inquit) Synodum sine Ro-manæ sedis autoritate fieri, non est Catholicum: nec Episcopus nisi in legitima Synodo, & suo tem-pore Apostolica vocatione congregata definite dam-na-

nari potest: neque vlla vnquam Concilia rata leguntur, quæ non sunt fulta Apostolica authoritate. Hæc Damasus. Item Synodus 7. Oecumenica Aët. 16. pseudo-Synodum reprobatur Constantinopoli habitam, eò quòd inconsulta sede Apostolica celebrata fuerit. Denique in Romano Conc. sub Papa Symmacho, cum Theodoricus Rex conuocatis Episc. Italiæ diceret, se ideò ipsos acciuisse, vt causam Symmachi iudicarent, responderunt vniuersi non ad Regem, sed ad Romanum Episc. conuocationem Conc. pertinere, quamvis ipse accusaretur Papa; neque acquievere, nisi postquam Symmachus asseruit suo rogatu Episcopos fuisse à Rege conuocatos, seque de nouo Synodum istam approbare.

Aët. 2. recitata sunt Symbola Nicænum, & Constantinopolitanum, lectæque litteræ Cyrilli tùm ad Nestorium, tùm ad Ioannem Antiochenum, deinde Leonis Papæ ad Flavianum. Et hac Leonis perlecta epist. Synodus acclamauit. Petrus per Leonem loquutus est. Apostoli hoc docuerunt. Dioscorus qui se subduxerat citatur reus: At sibi conscius flagitiorum refugit se actionibus 1. & 3. sistere. Post 3. compellationem venire recusans accusatur, & iudicatur absens. Prolatis etiam Alexandrinorum testimonijs circa deuastatos ab eius satellitibus, & Ministris agros, incensas ædes, & segetes, abreptas ab eo multorum vxores, violatasque virgines, fœdata connubia, aliaque atrocia facinora. Has ob causas, simulque ob sceleratissimè per eum gesta in Eutychis causa damnatus à sacra Synodo Dioscorus fuit. & dignitate spoliatus.

Episcopis verò Ephesinis veniàm suppliciter orantibus, post editam ab eis conuenientem fidei professionem facillè indultum fuit. Ibas Edessæ, & Theodorus Cyri Episcopus pristinis sedibus, & Ecclesijs quibus priuarat eos Ephesina pseudo-Synodus, reintegrati sunt. Fidesque vnanimi omnium consensu stabilita fuit ad normam epistolæ Leonis. Declaratumque est Do-

minum nostrum Iesum Christum ex duabus distinctis naturis diuina, humanaque inconfusis, & impermittis consistere: & diuinitate quidem Deo Patri, humanitate nobis esse consubstantialem, ac per omnia nobis similem excepto peccato. Marcianus Augustus rebus iam à Synodo pacificè constitutis, ad sacrum Conc. accessit, cuius actioni sextæ interfuit, & cum eo Pulcheria Augusta de omni Ecclesia optimè merita. Ille verò dignam Imperatore Christianissimo, & sapientissimo habuit orationem.

Denique peracta act. 15. soluta est sacra Synodus, ex eaque recesserunt Comites, & Senatus, Legatique Apostolici. Sed Anatolius furtim congregatis Orientalibus præter Ægypti Episcopos, & necdum creato Alexandrino in locum deiectionis Dioscori, ad quem Episcopum maximè omnium pertinuerat ambitioni Anatolij obistere, canones tres adulteros, & obreptitios edidit. Quorum primò constituebatur Episcopum Constantinopolis eo quòd hæc ciuitas Imperij sede, & Senatu decoretur, sitque secunda Roma, insistenti sanctioni Synodi Oecumenicæ Constantinopolis sub Theodosio teniore, æqualibus priuilegijs cum veteris Romæ Episcopo potiri debere, atque secundum ab eo dignitatis locum tenere. Deinde Constantinopolitanæ Ecclesiæ, vt Patriarchali debere subijci Ponti, & Asiæ, & Thraciæ Metropoles omnes. Sicque dirimebantur à veteri Diocesi Antiocheni Patriarchæ Pontus, & Asia Minor. Thracia verò adimebatur de iure Patriarchico Romani Episcopi. Tertius denique canon subdole enunciat fuisse à Synodo concessum Episcopis Ægypti, vt differrent sacra Synodo subscribere, donec Alexandriæ creatus Episcopus esset, eo quòd ita inualuisset apud eos consuetudo, ne quid inconsulto Alexandrino antistite in causa omnibus communi agerent aut subscriberent. Subscripserunt autem tribus hisce Canonibus Anatolius, & Orientales qui cum ipso conspirauerant.

Vbi fraus ista Legatis Apostolicis innotuit, nouam, ac decimam sextam iniri sessionem obtinuerunt, in qua & reclamarunt aduersus canones subreptitios, aduersantes Niceni Concilij sacris decretis, & contra normam legitimarum Synodorum furtim editos. Protulerunt insuper Leonis Episcopi commonitorium, qui quod futurum erat presagiens, ita illis inter alia capitula mandauerat: sanctorum quoque Patrum constitutionem prolatam nulla patiamini temeritate violari, seruantes omnimodis personæ nostræ in vobis, quos vice nostra, transmisimus dignitatem. At si qui fortè ciuitatum suarum splendore confisi, aliquid sibi tentauerint usurpare, hoc, qua dignum est constantia, retundatis. Hæc Leo. Sanè commemoratus ille ab Anatolio Concilij secundi Oecumenici Canon fuerat irritus, quia illum Legati Pontificij, & qui eos miserat Damasus, repudiauerunt: adeò vt nec ipsi Orientales vllam eius rationem habuerint, qui postmodum ad damnationem Ioannis Chrysostomi Constantinopolis Episcopi Theophilum Alexandriæ Patriarcham accersuerunt, vt quasi superior iudicio Constantinopolitani Episcopi præsideret. Vnde Paschasius ex Legatis vnus hæc subintulit: si vsi sunt, quid requirunt? si non vsi quare requirunt? Ceterum cum Græci ab iniquo proposito discedere recusarent, istud vnum obtinuerunt Legati, vt sua protestatio in actis Synodi conscriberetur. Deinde Leo, scriptis ad omnes Episcopos encyclicis litteris, ea sola probauit Synodi decreta, quæ ad Catholicam fidem pertinebant, aut quibus sui Legati subscripserant, cæteris reiectis.

Canon Chalcedonenfis 3. Clericis interdicit alienas possessiones lucri causa conducere, aliena negotia gerere, aut secularibus negotijs immisceri, excepta viduarum aut pupillorum pia causa. Ita 2. Timoth. 2. nemo militans Deo implicat se negotijs secularibus. Et consonat Apostolorum Can. 7. Atque in decreto tota distinctio 88. Cuius Canon vltimus refert epist. Cypriani declarantis

rantis excludi victorem à suffragijs fidelium, & altaris sacrificio, eò quòd Presbyterum tutela onerasset: huc spectat decretalium titulus, ne Cleric. vel monac. secul. nego. se im. vide Ambrosium l. i. de offic. c. 36. Non te implicet negotijs sæcularibus, quoniam Deo militas. Etenim si is qui Imperatori militat à susceptionibus litium, actu negotiorum forensium, venditione mercium prohibetur humanis legibus: quantò magis, qui fidei exercet militiam? Hæc Ambrosius. Paria sancit Conc. 1. Carthaginense can. 6. & Lateranensis canon allegatus in c. penult. de vita, & honest. Cler.

Chalcedonensis canon 4. Monachos damnat *περὶ λόντας ἀδελφάρως ἐν ταῖς πόλεσιν*, concursantes temerè per ciuitates. Cui similis est canon 42. Synodi Quini-sextæ, coerceri iubēs ab Episcopis Eremitas subiectionis iugo solutos, & vagos. Quod idem prouidetur quoque cap. quanto, de offic. iud. ord. & Francica constitutio- ne Caroli IX. in Comitijs Aurelianensibus art. 11. Idem præterea Chalcedonensis Canon quartus quibuscumque Monachis prohibet Ecclesias, vel Oratoria construere iniussu Episcoporum, quibus etiam iubentur esse subditi, & morigeri sub excommunicationis interminatione: mandat autem Episcopis, vt Monasteriorum curam gerant. Similes iuris antiqui dispositiones continentur in cap. nemo Ecclesiam de consecrat. dist. 1. cap. autoritate de priuileg. in 6. & Iustiniani authen. de Ecclesiast. titulis §. si quis autem. Et authent. de Monachis §. 1. Et speciali authen. vt nullus fabricet domos Oratorij præter voluntatem Episcopi §. 1. Vide inferiùs etiam annotata ad Concilium Arelaten- se tertium. Concilium Agathense canon. 58. cellulas nouas, aut congregatiunculas Monachorum absque notitia Episcopi prohibemus institui. Dixitque Bernardus Abbas epist. 24. ad Henricum Senonensem Episcopum. *Certus sum ego Monachus, & Monachorum qualiscumque Abbas, si mei quandoque Pontificis excutere à proprijs*

cervicibus iugum tentauero , quod Satana mox tyrannidi me ipsum subijcio . Ibidemque suum aperit sensum circa Pontificalia in Abbatibus insignia . Abbates (ait) aperte indicant quid cogitent, dum multo tempore, ac pretio Apostolicis adeptis privilegijs per ipsa sibi vindicant insignia temporalia , vtentes & ipsi more Pontificum mitra, annulo, atque sandalijs . Sanè si attenditur rerum dignitas , hanc Monachi abhorret professio : si ministerium , solis liquet congruere Pontificibus . Profectò esse desiderant, quod videri gestiunt, meritòque non queunt Episcopis esse subiecti, quibus iam se comparant desiderio . Quid si & nomen eis conferre posset privilegiorum authoritas , quanto putas auro redimerent , vt appellarentur Pontifices ? Quo ista à Monachi ? ubi timor mentis ? ubi rubor frontis ? quis vnquam probatorum Monachorum tale aliquid, aut verbo docuit, aut reliquit exemplo : Ita Bernardus . Hoc idem fanciuerunt Patres Trident. sess. 23. de reform. cap. 3. his verbis : Nec de cætero similia loca erigantur sine Episcopi , in cuius diœcesi erigenda sunt , licentia prius obtenta .

Canon 6. vetat, quemquam ordinari Clericum , nisi cum deputatione miniliterij ad certam Ecclesiam . Consulito superiùs Nicænum Canonem 15. cum ibi annotatis .

Canon 9. obseruatu dignissimus est, qua parte decernit, vt qui aduersus Metropolitenum habet querelam , liberum ei sit iudicio experiri , vel apud Ἐπαρχον, (ita primatem Græci vocant) vel apud Patriarcham . Quod idem repetitur , & in Can. 17. Itaque supra Episcopos infirmarum sedium constituti quidem erant totius Prouinciæ Metropolitanus, supra Metropolitanos Exarchæ siue primates, vtpotè pluribus præfecti Prouincijs . Denique supra Exarchos , ac primates eminebant Patriarchæ, sic tamen vt quæ inferioris gradus Episcopus in proprios subditos competebat potestas , & iurisdictionis , nihil pateretur detrimenti ex Præfulam superioris gradus autoritate, saluo tamen appellationum iure .

re . Pari ratione Hormisda Pontifex summus epistol. 1. Remigio Remensium Episcopo vices suas per vniuersum Clodouzi Regnum committens , & S. Gregorius Papa ius idem attribuens Virgilio Arelatensium Episcopo , expresse protestantur, nihil velle detractum de pristinis Metropolitanorum singulorum in suas Prouincias iuribus . Ephesinos quidem in Asiana diœcesi, Cæsariensis in Pontica, Thessalonicensis in Macedonia, & Illyrico , denique Perinthi (quam vt scribit Ammianus Marcellinus l. 27. posteritas Heracleam dixit) Exarcha Thraciæ rexit Ecclesias , antequàm hoc illi ius By. santinus præripuisset Episcopus . Tales itaque Exarchi erant in Oriente Episcopus Ephesinus , Cæsariensis . Thessalonicensis , alijque quos commemorat Gelasius Cyzicenus l. 2. cap. 27.

Notandum quoque ad hunc Canonem circa vocem Exarchi diœceseos . Hoc nomen diœceseos amplioris olim fuisse potestatis significationem , eò quòd sub se plures Prouincias complecteretur ; quemadmodum & Archiepiscopi nomen , quod ijs solis competeat Præsulibus, qui integræ alicui diœcesi, hoc est pluribus Prouincijs præessent , nimirum Patriarchis, & Exarchis; tamen si Metropolitano Episcopo nomen Archiepiscopi attributum etiam legatur in Synodo Sardicensi can. 6. Resumito quæ superius diximus ad Constantinopolitani Conc. can. 6. quo etiam decernitur , vt in Episcopi accusatione possit à Prouinciali Synodo recurri ad Diœcesis Synodum, vtpotè maiorem. Simile planè sanxit Pelagius I. epist. 21. vt à Metropolitana Sede , vel à Prouinciali Synodo recurrendi potestas sit ad maiorem sedem, aut Synodum, ita tamen vt maiores semper quæstiones ad Apostolicam Sedem referantur .

Can. 10. prohibet, Clericum ordinari in duabus simul Ecclesijs, aut ab vna in aliam transire: quod si fecerit per gloriæ inanis, aut auaritiæ cupiditatem, statuit esse à secunda Ecclesia remouendum, & ad priorem Eccle-

siam reducendum. Quod idem repetitur huius Synodi Can. 2. quod spectat ad prohibitionem duarum simul Ecclesiarum, seu vt vocant beneficiorum, ac præbendarum eam innouat Synodus Nicæna 2. Can. 15. quem inferius exquire, in eo enim fusiùs hanc pertracto quaestionem.

Canon. 11. cauët, ne litteras commendatitias pauperibus peregrinantibus Episcopi concedant, sed solum pacificas: reseruentque commendatitias solis honorabilibus personis, quarum virtus perspecta explorataque sit.

Can. 14. nuptias inhihet cum persona infideli, & hæretica, nisi promittat conuersionem ad Catholicam fidem. Sic etiam Synodus Laodicæna Can. 10. non oportet (inquit) eos, qui Ecclesiæ sunt, filios indiscriminatum cum hæreticis matrimonio coniungere. Eodemque can. 31. non oportet cum omni hæretico matrimonium contrahere, vel dare filios, aut filias, sed magis accipere, si se Christianos futuros polliceantur, Conc. pariter Agathense can. 67. Quoniam (ait) non oportet cum omnibus hæreticis miscere connubia, & vel filios, vel filias dare, sed potius accipere, si tamen profiteantur Christianos futuros se esse, & Catholicos. Citatur in decreto, c. non oportet cum omnibus 28. q. 1. præterea caue 28. q. 1. caue gentilem, aut Iudæam, atque alienigenam, hoc est hæreticam, & alienam à fide tua vxorem accersas tibi. Qui Canon desumptus est ex Ambrosio l. 1. de Abraham cap. 9.

Can. 15. prohibet Diaconissam ordinari *χρηρονοῦστος* ante annum quadragesimum, eandemque si post susceptam manuum impositionem *δεξιμένη τὴν χρηρονοσίαν*, se nuptijs tradat, anathematizat vñd cum eo, qui eidem copulatur. En diuersas ex antiquo manuum impositiones, ad Sacramentum Confirmationis, ad Sacramentum Ordinis, ad preces solemnes supra pœnitentes, ad absoluendos, ac reconciliandos pœnitentes, ad

ad consecrandas virgines, aut Diaconissas, & denique ab Exorcistis supra energumenos, iuxta Conc. Carthaginense 4. can. 90.

Chalcedonensis can. 16. statuit, non licere virginibus Deo consecratis, aut Monachis nuptias inire, & contravenientes excommunicat. Vide huc pertinentia 1. Timoth. 5.

Can. 19. edicit singulis annis Prouinciales Synodos bis conuocari. Vide superius Nicenum can. 5. cum ibi annotatis.

Can. 20. prohibet Episcopis alterius Episcopi clericum suscipere, aliòqui tam Episcopus suscipiens, quam susceptus clericus communione interdicuntur. Vide superius Nicenum can. 15. idem statuentem quæque ibi obseruauimus.

Can. 24. prohibet fieri deinceps sæcularia semel ab Episcopo consecrata Monasteria.

Can. 25. Episc. sancit esse intra trimestre ab electione consecrandos, citra casum inuitabilis necessitatis. Quod idem constituit pariter Conc. Trid. sess. 23. c. 2. quod inferius requirito. Vult autem can. iste Chalcedonensis prouentus Ecclesiæ viduatæ, penes æconomum eiusdem Ecclesiæ intactos, ac integros referuari. Viduatam *ἡρημένην* dicit Ecclesiam, quæ licet electum confirmatumq; nondum tamen, habet consecratum antistitem. Simili videtur locutione Pelagius Pontif. dist. 100. c. quoniam, & Innoc. III. c. inter corporalia de consecr. Illa (inquit) dicitur Ecclesia viduata, quæ licet Episcopum habeat, inutilem tamen habet: non quasi sponsum non habeat, sed quia sponsus eius nondum sit consecratus. Synodus verò Quini-sexta can. 35. relato apud Gratianum 12 q. 2. cap. non liceat, sancit, integros Ecclesiæ viduatæ fructus esse successori Episcopo statim ab ipsius ordinatione, seu consecratione persoluendos. Quod idem præscribit S. Gregorius Papa I. 2. epistol. 25. 26. & 27. & lib. 3. epistol. 11. In regno tamen Franciæ ex

vetusta consuetudine , quæ Regaliorum ius dicitur ; omnes redditus fructusque Cathedralium Ecclesiarum , & Abbatiarum , ne quidem exceptis præbendis vacantibus , quarum conferendarum plenam potestatem haberet Episcopus , ad ipsius Regis dominium transeunt , donec Episcopi , aut Abbates de nouo prouisi Regi fidelitatem iuramento obstrinxerint . Reditus istos solet Rex sacello Parisiensi donare . De præbendis autem eo tempore vacantibus , pleno iure disponere solet in fauorem cuiuscumque ipsi libuerit . Regalis huiusce iuris antiquitas liquet ex ijs diplomatis , quibus aliquot Ecclesiæ Gallicanæ ab hac seruitute eximuntur , qualia refert permulta Rhenanus Choppinus lib. 1. de sacra politia annorum 1137. 1206. 1208. aliaque .

*Diatriba de veterum Ecclesiarum situ , partibus ,
& forma .*

Chalcedonenſis Conc. a&. 1. refertur magnificos , & glorioſiſſimos Iudices , & Senatores Synodo interſuiſſe , atque in medio conſediſſe inter cancellos ſanctiſſimi altaris, vt ſuperius relatũ eſt. Ad ſiniſtram verò conſediſſe Apoſtolicos Legatos , & poſtea Anato- lium Conſtanti- nopolis Episcopum . A dextris autem Dioſcorum Alexandriæ , & Iuuenalem Ieroſolymo- rum Episcopum . Hæc nobis occaſionem ſuppeditant pertractandi de priſca tam Orientalium , quàm Occi- dentalium Eccleſiarum diſpoſitione. Illarum itaq; qua- tuor vt plurimum partes erant . Prima pars Græcis di- &α πρόμακρον , erat veſtibus arcubus , aut columnis ſuf- ſultum, quod primũ ſubeuntibus occurrebat. Hic ſta- tio erat primi Ordinis pœnitentium , qui προσηλαδόντες , hoc eſt flentes dicebantur, quique ingreſſu Eccleſiæ in- terdicti , hoc ipſo loco , & ſtatu verſabantur , qui Græ- cè

cὲ πρόσκλαυσις, id est fletus vocabatur: dicente Gregorio Neocæsariensi Can. pœnit. 11. ἡ πρόσκλαυσις ἔξω τῆς πύλης τῆς εὐκτηρίας. Fletus est extra portam Oratorij. Qui ritus seruabatur etiam, dum vel in cœmeterijs, vel in priuatis ædibus collectæ fidelium celebrabantur, desolante Gentilium persecutione. Secunda pars Ecclesiæ dicebatur ναῦς naus, seu gremium. Hæc pars muro, vel tabulato in duas per longitudinem partes secabatur vsque ad locum, qui Græcis ἄμβων, Latinis pulpitum appellabatur. Ad eam quæ ingressuris sinistra erat partem fœminæ, ad dexteram viri conueniebant. De ista sexuum seiunctione agit Clemens l. 2. constit. Apost. cap. 61.

Prima naus pars, quæ ingredientes primùm suscipiebat νάρθηξ narthex denominabatur, vbi statio assignata erat pœnitentibus secundi ordinis, qui ἀκροάμενοι audientes dicebantur: locusque ipse ἀκρόασις, auditio, eodem Neocæsariensi testificante, ἡ ἀκρόασις ἐνδοθι πύλης ἐν τῇ νάρθηκι, auditio intra ianuam in Narthece. Ista namque nomina fletus, & auditio, non solum pœnitentium ordinibus, sed etiam assignatis eis locis tribuuntur. Dein vlteriùs, sed tamen intra Narchecis spacium siti erant cathecumeni, & energumeni. Qui omnes finita ad populum homilia, quæ post lectum in missa cathecumenorum Euangelium pronounciari solebat, completisque quibusdam solemnibus super ipsos orationibus, quarum meminit Laodicænus Canon 19. foras vñ cum pœnitentibus, audientibus, & prostratis Diacono proclamante dimittebantur: non enim eis licitum erat sacris interesse mysterijs.

Nauem exinde penitus subeuntibus occurrebant hinc inde transuersi parietes, vnus ex virorum, alter ex fœminarum latere: quibus in parietibus portæ erant, quarum præfectura ex parte virorum incumberebat Clericis ostiarijs, ex parte fœminarum Diaconissis. Has ingressis portas illa pars naus occurrebat, ad

quam conueniebant pœnitentes illi, qui peculiariter ὑποπιπτόμενοι, id est prostrati vocabantur, ideoque ὑπόπτωσι, id est prostrationem collocat Gregorius Neocæsariensis, ἐσωθεν τῆς πύλης τῆς ναῦς, intra portam nauis. Vltiorem stationem occupabat alter pœnitentium ordo, qui σωισώτες consistentes dicebantur. Hi soli ex pœnitentibus diuinis mysterijs ad finem vsque assistebant, nec tamen Sacramentalis communionis participes erant. Istos omnes antecedeabant communicantes fideles: inter quos prouectiore, & intimo nauis loco versùs Sanctuarium, ex parte virorum Monachi, ex parte sceminarum sanctimoniales virgines, aut viduæ Deo dicatę locabantur, vt fidem facit in Hierarchia Ecclesiastica Dionysius. Per nauem hinc inde producebantur porticus cum arcubus, aut columnis: quod genus porticuum vocant alas. Intra porticus inferebantur cubicula ad secretius orandum destinata, vt Paulinus commemorat epistol. 12. ad Seuerum. Ista cubicula erant facella, in quibus etiam altaria erigebantur.

Tertia Ecclesię pars ambon dicebatur, seu chorum muro circumseptus, ad quem per gradus aliquot ascēdebatur. Situs erat ambon inter nauim, quę & gremium dicebatur ipsumque Sanctuarium. Suas ambon habebat hinc inde inferiùs alas. Ex ambone Clerici ordinum inferiorum psallebant, iuxta Laodicęni Conc. can. 15. & Carthaginensis 4. can. 10. & præscriptum Romani Conc. anni 595. sub S. Papa Gregorio. Ibi quoque decantabatur à Diacono solemniter in sacra missa Euangelium: proclamabantur præterea Episcoporum edicta, iussiones & censurę: hinc recitabantur ex diptychis fidelium, tum viuentium, tum defunctorum nomina: insuper à lectoribus Clericis legebantur ad plebem sacri libri, inde pariter Homilię ad populum habebantur. Superfunt Romę integri duo vetustissimi ambones: vnus in Ecclesia S. Clementis Papę, & Martyris ad amph.

phiteatrum , alter in Ecclesia sanctorum martyrum Nerei, & Achillei: prior quidem ambon duo continet, pulpita singula in utroque latere coherentia, cum tamen Sanctorum Nerei, & Achillei ambon unicum habeat pulpitem, idque à se disunctum, & muro navis coherens, sed perinde antiquum.

Quatuor ut plurimum erant in ambonibus portæ, ex quibus geminæ navium spectantes vocabantur *ωραιæ* speciosæ, aliæ geminæ aditum ex ambone ad Sanctuarium aperientes dicebantur *ἀγίαι πύλαι*, portæ sanctæ. Istarum cura, & custodia Subdiaconis incumberebat, quibus prohibent Laodiceni can. 21. & 22. ab his ianuis discedere, atque in Sanctuarium, aut diaconium ventan se ingerere.

In Ecclesijs Græcorum locus erat amboni, & Sanctuario intermedius, qui nunc *σωλήν*, nunc *σωλήν* legitur appellatus, aut *σωλήν*, eratque ipso ambone, seu choro gradibus aliquot altior. Atque eò usque procedebant ad Eucharisticam communionem illi qui Sanctuarij prohibebantur ingressu, scilicet quicumque fidelium non erant de sacro clero, vel ipsi etiam sacri Clerici, qui ob aliquam culpam redacti fuerant ad laicam communionem. Solea itaque interiacebat inter ambonem, & Sanctuarij cancellos, in quibus Cancellis apud Græcos erant sacræ portæ. Mihi quidem adhuc incompertum est, utrum tempore huius Chalcedonensis Conc. senatus, qui ante cancellos confidebat, esset intus, an extra cancellos, in Sanctuario, an in solea. Utrobique enim dici potuit, fuisse ante Sanctuarij cancellos. Ipsos verò Episcopos statim magna ex parte, quantum locus capere poterat non dubitarim confedis-
sis intra Sanctuarium.

Quarta demum Ecclesiæ pars diversimodè vocabatur: apud Latinos quidem Sanctuarium, Secretarium, Tribunal, Sancta Sanctorum: apud Græcos autem *ιερατεῖον*, *ιερόν βήμα*, *πρὸς ἁγία τῶν ἁγίων*, *ἀγιαστήριον*, *δυσίαστήριον*.

Erat

Frat verò pars Ecclesiæ sacratissima, & penitissima. Huius in medio situm erat sub Tabernaculo altare primum, in quo sacerdos sacrum faciens stabat facie ad populum conuersa. Quo etiam situ pleraque Romæ adhuc visuntur altaria præcipua, nimirum quinque singularum basilicarum præcipuarum, quæ Patriarchales nuncupantur Lateranensis. Petri in Vaticano, Pauli ad viam Ostiensem, S. Mariæ Maioris in Esquilij, & Laurentij in agro Verano; & præterea Cæcilie trans Tiberim, & Sabinæ, & Alexij, & Pancratij, & Eustachij, & Nerei, & Achillei.

Tabernaculum verò superpositum altari primario erat fornix lapidea, aut ex metallo, quatuor suffulta columnis, qualis etiam nunc visitur in altaribus iam de-
 uit misatis, cui nomen præterea ciborij Græcè, Latinè-
 que tribuebatur, vt passim legimus in libro Pontificali Anastasij. Germanus similiter Constantinopolis Episc.
κιβωτιον, istud describit, & quatuor columnis, & super-
 imposita testudine, seu laqueari constare scribit, ita vt
 quatuor columnis altare ambiretur, testudine verò su-
 perne operiretur. Quin & huic voci Græcam etymolo-
 giam assignat *κιβ*, seu *κιβωτης*, idest arca, & *ωραν*, quod
 est videre, quasi sit arca visionis, seu manifestationis
 Domini Saluatoris. Latini verò à cibo deducunt, idest
 viuifico Eucharistiæ panè, quo nutrimur ad vitam æter-
 nam. Simili modo sacri vestitus laciniam vocant ora-
 rium Græci Latinique, isti quidem ab oratione, illi ab
ωραν, quod est obseruare, vt ait Balsamon Græcus scri-
 ptor, eò quòd huius eleuatione ad Clerum seu chorum
 Diaconus Sacrificio administrans signum det eorum,
 quæ à choro, vel agenda, vel psallenda sint, ideòque
 diligenter obseruetur à choro. Atque hunc apud Græ-
 cos significandi per orarij eleuationem ritum à Diacono
 ad Chorum se vertentem perspeximus in solemnibus
 liturgijs, quæ Romæ à Græcis celebrantur in Basilica
 S. Athanasij.

Sanctuarium vndique per circuitum obsepiebant cancelli, quorum mentio est in hac Synodo Chalcedonensi. Eusebius etiam l. 10. hist. eccl. c. 4. loquens de structura basilicę Tyri à Paulino Tyrionum Episcopo dedicata. Locus (ait) Sanctuarij in speciem quadratam columnis sublimibus est vndique circumseptus, quarum media intervalla instertitijs ligno instar retis, aut transfennę cancellatis in mediocrem, & æquabilem longitudinem porrectis circumclusa. Additque altare in Sanctuarij medietullo situm esse.

Idemque scribit in primo huius templi ingressu fuisse fontes, quibus abluerent se ingressuri: additque templi portas spectasse ad orientem solem. Igitur Sacerdos ex altari facie ad populum versa, spectabat orientem. Idemque autor l. 3. vitę Constantini cap. 36. describens fundatam à Constantino Ecclesiam in ipso Dominicę resurrectionis loco, tres eius portas dicit positas ad ortum fuisse: & subinde c. 37. (ait) portis ex aduerso erat fornix orbis dimidiati, & cęli circuli speciem adumbrans in summo Sanctuario in orbem ductus, quem duodecim columnę Saluatoris Apostolorum numero pares tanquam corona cingebant. Hęc Eusebius. Templi quoque Salomonis anterior facies prospectabat orientem, vt multis locis tradit Iosephus, & ex eo Franciscus Ribera in opere suo de templo Iudaico.

In Sanctuario præter intermedium altare geminę hinc inde mensę collocatę erant, quales etiam nunc marmoreę conspiciuntur in Sanctuario commemoratę Martyrum Nerei, & Achillei Ecclesię. In ea quę ad læuam erat, reponebantur vasa sacra cum suis velis, simulque panis, partim consecrationi sacręque communioni destinatus, partim Eulogijs post Synaxim distribuendis, mensam istam Gręci πρόθεσις, idest propositionem, & δισκόνιον vocant, cuius accessum Subdiaconis interdicat, nec non sacrorum vasorum contactum Synodus Laodicęna Can. 21. In altera ad dexte-

teram erecta mensa reponebantur sacra Episcopi, aut Sacerdotis sacrificaturi vestimenta.

Per interiorum Sanctuarij circuitum dispositæ erant exhedræ pro sacerdotibus, & his sublimior Cathedra Episcopalis in medio, ac imò Sanctuarij hemicyclo ex aduerso altaris, adeò vt sedens Episcopus, & altare, & populum recta prospiceret. Huiusmodi cernitur solium in illo Sanctorum Nerei, & Achillei Sanctuario, ex quo olim S. Gregorius Papa, vt ipse de se perhibet sermonem ad populum habuit. Propter quæ venerandæ antiquitatis vestigia sedulo admonuit insculptis marmori litteris numquam satis laudatus eiusdem titularis Cardinalis Cæsar Baronius, ne quis posthac istius Ecclesiæ speciem immutaret, aut lapidem moueret: cuius etiam curam, atque ministerium sacerdotibus Oratorij Sanctæ Mariæ dictæ in Vallicellâ fecit attribui. Ista verò Pontificia sedes tribus est eleuata gradibus supra contiguas hinc inde dispositas marmoreas exhedras. De cathedra Episcopi sic scribit August. in Psalm. 126. Quomodo vinitori altior locus sit ad custodiendam vineam; sic & Episcopis altior locis factus est, & de isto alto loco periculosa redditur ratio. Liturgia quoq; Chrysostomi sedem Episc. vocat *ἀνω ἱερατικὴ θρόνος* quæ sursum est cathedram. Clemens l. 2. const. Apost. c. 61. similiter dicit in medio Sanctuarij sedere Episcopum (id est in medio penitioris parietis qui Sanctuarium à tergo ambit) & clerum sacrum ad eius vtrumque latus sedere.

Verumtamen ex ista cathedra, quæ diuinis officijs inseruiebat, non sermocinabantur Episcopi ad populum: neque ex ambone nisi minores Sacerdotes: sed quando Antistes habiturus erat sermonem ad plebem, apponebatur ei cathedra supra. celsiorem altaris gradum è regione naui. Eaque consuetudo vigeat, tum in orientalibus, tum in occidentalibus Ecclesijs. Gregorius enim Nazianzenus orat. 150. ait se concionante

ca n.

cancellos vim passos à confluente multitudine auida
verbi Dei, καὶ ἡβριζομένη κυκλῆς αὐτῇ τοῖς περὶ λόγον ᾠδίζομένοις.
Cancelli autem intra ambonem erant, Sanctuarium
circumsepientes. Et de Chrysostomo Socrates prodit
quasi rem illi à cæteris Episcopis peculiarem, quò fa-
ciliùs audiri ab vniuersa plebe posset, accedere solitum
ad ambonem, vt inde concionaretur. Prudentius verò
in carmine de Hyppolito martyre, vbi eius Basilicam
describit ita canit.

Fronte sub aduersa gradibus sublime tribunal,

Tollitur, Antistes prædicat vnde Deum.

Et Sidonius Apollinaris in carmine Eucharistico ad
Faustum Episcopum ait.

Seu te conspicuis gradibus venerabilis ara

Concionaturum plebs sedula circumfistit,

Expositæ legibus bibat auribus vt medicinam.

Supra memoratus Clemens meminit duorum, vt ap-
pellat pastophoriorum, quæ solebant intra Ecclesias
extrui, quorum pariter mentio est apud Paulinum sub
nomine Secretariorum, quæ dicit esse ad absidem in
epistol. 12. ad Seuerum. Cùm verò absis peculiariter
diceretur foruix, seu arcus ipsum sanctuarium super-
nè coronans, colligitur inde, duo illa pastophoria, seu
secretaria fuisse ad vtrumque sanctuarij latus colloca-
ta, quorum vnum inseruebat ad recondendam (vt ali-
quibus visum est) sacratissimam Eucharistiam: aut,
vt est aliorum opinio, erat ipsa quæ nunc vocatur sa-
cristia, & olim secretarium: quod nomen attribue-
batur quoque sanctuario, vt diuersis testimonijs paulò
post comprobabitur: Græcè quoque sacristia vocari
solebat σκευοφυλάκιον, & cui eius cura incumberebat Græ-
cè σκευοφυλάξ Latine sacrista custos, & ædituus. Alterum
pastophorium, ac secretarium inseruebat reconden-
dis sacris, & Ecclesiasticis libris: testatur enim Pauli-
nus se, quod ad leuam erat secretarium, hoc inscripsisse
dislicho.

Si quem sancta tenet meditandi in lege voluntas .

Hic poterit residens sacris intendere libris .

Antequàm vetus Vaticana Basilica renouaretur , qualis nunc cernitur, erat in ea iuxta sacristiam à latere confessionis Apostolorum Petri, & Pauli Bibliotheca ipsius Basilicæ, vt constat tum ex ipsius veteris Ecclesiæ Ichonographia æri incisa , tum ex libro Ioannis Scuerani de septem vrbis Ecclesijs. Idemque Paulinus de altero secretario ad templi dexteram à se descripti sito, testatur à se positum in eo aliud distichum .

Hic locus est veneranda penus quo conditur , & quo

Promitur alma sacri pompa ministerij .

Locus itaque , quo sacra recondebatur Eucharistia, solebat antiquitus , vt plurimum, esse armarium ad latus Sanctuar. j , vt colligi potest ex prædicta mensione pastophoriorum , & sacrariorum , seu secretariorum, apud Clementem, & Paulinum. Conc. Turonense 2. can. 3. prohibet in imaginatio ordine componi Corpus Domini , sed constituit in altari reponi sub crucis titulo . Poterat esse loculus aptè dispositus in illa crucis mediana parte qua se duo ligna committebant , vt ita verum Christi corpus esset loco imaginis crucifixi . Aut certè titulus crucis pro ipsamet cruce hoc loco vsurpatur , vt velit Synodus Eucharistiam recondi intra loculum in altaris medio sub cruce ipsa .

Alibi Sacramentum reponi , & asseruari solebat intra suspensam supra sacrum altare columbam ex auro, vel argento , vt colligitur ex supplici libello quem , Oecumenicæ Synodo quintę obtulerunt Clerici , & Monachi Antiocheni act. 1. querentes de Seuero pseudo-Patriarcha hæretico, eumque accusantes, quòd aureas columnas super altaria suspensas , & alias argenteas super baptisteriorum fontes ausu sacrilego diripuisset. Legimus in Basilij vita, quæ Amphilochio falso attribuitur , columbis argenteis includi solitam fuisse in templis, atque asseruari Eucharistiam . Qui ritus suspen-

spendendi vasculo diuinam inclusam Eucharistiam, quæ serico funiculo nunc eleuabatur, nunc demittebatur ad populum communicandum, in aliquibus primarijs Galliarum Ecclesijs ad nostram perdurauit ætatem, sed iam inoleuit. Extat Venantij Fortunati carmen de turri, quam Felix Bituricensis præsul ex auro fabricari curauerat, ad condendū in ea diuinum Sacramentum. Is verò Felix Synodo isti Turonensi secundæ legitur subscriptus. Afferuatæ in templis Eucharistiæ suppeditat exemplum (vt alia omittam) Optatus Mileuicanus lib. 2. contra Parmenianum in illo Donatistarum scelere, qui facta in Catholicorum Ecclesiam irruptione, depromptum inde Sacratissimi Dominici Corporis Sacramentum canibus deuorandum proiecerunt, sed canes vtrici dente atque efferata rabie non Eucharistiam, sed sacrilegos dilaniarunt. Clemens Papa epist. ad Iacobum fratrem Domini meminit pariter afferuationis fragmentorum diuini Sacramenti intra Sacrarium.

Vt vnde digressi sumus, regrediamur ad secretarium, ea quidem voce res diuersæ significantur. Primum enim apud Iurisperitos vsurpatur pro secreto iudicis auditorio, vbi seorsim, tum partes, tum testes audiebantur, & his seu causa occultè instruebatur, ac discutebatur. Apud Ecclesiasticos verò scriptores diuersa connotat: nunc ipsum conclaue in quo vasa sacra, & alia ad sacrificium spectantia, omnisque ad templi cultum, & ornatum pertinens supellex afferuatur. Nunc etiam illam Sanctuarij partem in qua vasa, velaque, & indumenta sacra ad sacrificium decenter apparabantur. Nunc denum pro toto ipso sanctuario vsurpatur. Nam vt ordiar ab hac ipsa Synodo Chalcedonenſi, Liberatus Diaconus in breuiario c. 13. vocat secretarium Ecclesiæ S. Euphemie, locum in quo Synodus ista congregata fuit. Gregorius Papa l. 2. ep. 54. Ecclesiæ Sanctuarium similiter secretarij nomine designat. Quod

idem

idem exprimunt complurium Conciliorum priscorum acta, 3. enim Carthagine habitum initio inscribitur in secretario Basilicę restitutę. Et 4. Carthaginense similiter in secretario. Et 6. Carthaginense in secretario Basilicę Fauſti. Et 7. Carthaginense in secretario quoque Basilicę restitutę. Et Milevitanum in secretario Basilicę. Et Africanum plenarium in secretario Basilicę. Cęsaraugustanum in secretario. Arelatenſe 2. can. 15. dilertę secretarium nominat ipsum sanctuarium.

Similiter vox βήμα duplicem habet Ecclesiasticam, significationem, seclufis eius alijs apud profanos significatis. Nam præterquã quod sanctuarium communius significat, vsurpatam lego & pro ambone: vocis quippe origo acetymon locum denotat, ad quem per ascensum pertingitur παρά τῷ βαίνειν, atqui, & ad ambonem, & ad sanctuarium gradibus conscendebatur, unde ambon παρά τῷ ἀναβαίνειν, ab ascendendo. Ideoque Gregorius Nazianz. inuectiua 1. in Iulianum, postquã meminit hunc Apostatam, ac militię Christianę desertorem, fuisse olim in Ecclesia clericum lectorem subiungit, καὶ τῷ μεγάλῃ βήματι ἡγούμενον τιμῆς, loquens de ambone ex quo intra Ecclesiam legerat. Et forsã μέγα βήμα, vt hic loquitur Nazianz. ambonem proprię denotabat, sicut ἄγιον βήμα soli quadrat sanctuario, quò nullatenus lectoribus, aut Clericis necdum sacris, licebat tempore diuinorum officiorum accedere.

Quam rem perspicuè docet Laodicęnz Synodi canon. 19. quo solis permittitur sacris clericis Sanctuarium ingredi, & ibi communicare. Quę vtique ne ipsis quidem Subdiaconis licere declarat eadem Synodus can. 21. & 22. Concilium vērò Bracarenſe primum can. 1. placuit, vt intra Sanctuarium altaris ingredi ad communicandum non liceat laicis viris, aut mulieribus, nisi tantum Clericis, sicut antiquis Canonibus statutum est. Ex isto Concilio Bracarenſi, & ex secundo Turonensi can. 4. apparet aliquid in occiden-

dentalibus Ecclesijs remissum de illa veteri oriētaliū disciplina, cū hi Canones occidentales à Sanctuario solos laicos arceant, & Clericos indiscriminatim admittant. Porro præfatus can. 4. Turonensis secundę Synodi sancit, *vt laici secus altare in quo sacra mysteria celebrantur, inter Clericos, tam ad vigiliās, quā ad missas stare penitus non præsumant, sed pars illa quę à cancellis versus Altare diuiditur, choris tantū psallentium pateat Clericorum. Ad orandum verò, & communicandum laicis, & fœminis sicut mos est pateant Sancta Sanctorum.* Hęc tamen postrema Canonibus verba prioribus apertè contradicerent, nisi hoc sensu exponas patere laicis, & fœminis Sancta sanctorum reductis ad prospectum velis temporibus orationi, aut mysticę communioni destinatis, sed non ad introgrediendum.

Baptisterium solebat esse non intra, sed extra Ecclesiam, vt fidem facit Paulinus, qui præfata sæpius epistola 12. refert baptisterium à se inter duas Basilicas extructum. Cyrillus pariter Cathęc. mystag. 1. solitum construi testatur baptisterium extra Basilicas ad vicina ipsis atria *ἐξ προαύλων οἴκων*, & sanè ipsi baptismatum ritus quos ibid. describit illud necessariò præsupponunt. Horum prisca monumenta quibusdam supersunt locis: vt Romę ad Lateranensem Basilicam baptisterium Constantinianum, & in primarijs Tuscię ciuitatibus Pisis, & Florentia Metropolitanarum Ecclesiarum baptisteria seiuncta nunc quoque cernuntur ab ipsis Ecclesijs.

Serius in Ecclesiarum vsum receptum fuit, vt fidelium cadauera intra templorum ambitum sepelirentur, præterquā eorum quos Ecclesia publico cultu veneratur. Reliquorum autem fidelium in publicis cœmeterijs, aut atrijs templi condebantur: Episcopos tamen in ipsis Ecclesijs tumulari mos fuit, vt testatur Sozomenus lib. secundo, cap. vlt. in quo scribit quoque magnum Constantinum fuisse in Ecclesia Constantino.

tinopolis sepulcro conditum , quam ipse idem in memoriam , & cultum sanctorum Apostolorum extruxerat. Verum non in alia templi parte sepultus est Constantinus, quàm in vestibulo, quod idem censendum pariter existimo de Episcopis. Liquet verò ex Chrysostomi Hom. 26. in 2. Corinth. sic loquente, Constantius Augustus Constantium magnum ingenti honore se affecturum existimavit , si in vestibulis collocaret Piscatoris ; quod enim in Regijs ianitores sunt regibus , id in sepulcro Reges sunt piscatoribus, & præclare secum agi putant, si ianua ipsis assignetur vestibularis. Concilium Bracarense primum anni 572. can. 36. prohibet, intra Basilicas sepeliri fidelium cadauera . Insuper Conc. Varense citatum in decreto cap. præcipiendum 13. q. 2. jubet extra Ecclesias sepulturæ mandari fideles defunctos, sed vel in porticu , vel in atrio, vel exhedris: quo nomine hic intelligito loca illa, quæ vulgò claustra dicuntur . Simile iniungit Conc. Tiburienſe can. 17. allegato à Gratiano c. nullus laicus de consecrat. dist. 2. Idem ius edicitur pariter l. 2. c. de Sacros Eccles. Scriptum tamèn ad Paulinum Nolanum Episcopum Augustinus libellum de cura pro mortuis gerenda , ab ipso Paulino interpellatus, à quo petierat pia quædam matrona, vt permetteret defuncti filij corpus in sancti confessoris Felicis Basilica deponi , sic autem respondet Augustinus : *Quod verò quisque apud memoriam martyrum sepelitur, hoc tantum mihi videtur prodesse defuncto, vt commendans eum etiam martyrum patrocinio, affectus pro illo supplicationis augeatur.* Nullum tamen de huiuscemodi sepultura Conc. Paulino suggerit Augustinus. Gregorij Papæ sæculo iam inualuerat consuetudo intra Ecclesiam sepeliendi, vt constat ex l. 2. Dial. cap. 23. & l. 4. cap. 51. 52. 53. & 54. Perhibet Gregorius Turonensis Chlodoucum I. Christianum Francorum Regem (qui anno Chr. 511. obiit) sepultum fuisse in sanctorum Apostolorum à se fundata Basilica: fortasse verò id

attributum fuit prærogatiuæ regalis dignitatis.

Denique fontes etiam pro foribus Ecclesiarum extruï solitos, in quibus ingressuri fideles faciem manusque abluerant, fidem faciunt antiqui Patres Clemens Papa l. 8. constit. Apost. c. 58. Tertullianus de oratione cap. 11. Eusebius l. 10. Hist. Eccl. cap. 4. Paulinus epist. 12. ad Seuerum. Chrysostomus Homil. 72. in Ioan. & alibi. Quorum fontium vice nunc apponuntur in ipso Ecclesiæ aditu vasa benedictæ aquæ, sicut in templis Gentilium ingredientibus lustrales aquæ aspergebantur, ut (ne extra Ecclesiasticos libros pedem efferamus, nec testimonia conquiramus ethnicorum) refert Theodorus l. 3. Eccl. hist. cap. 5. & Sozomenus l. 6. cap. 6. dum præclaram Valentiniani (qui postea Romano potitus est Imperio) confessionem sub Iuliano factam referunt. Opportuni præsertim erant illi, pro foribus Ecclesiarum constituti fontes præsertim viris communicaturis, ut manus lauarent, quibus Sacramentum excepturi erant. Ideo enim admonet Augustinus serm. 252. de Temp. ut viri manus abluant priusquam ad sacram communionem accedant. Illam enim sceminæ non nuda manu, sed linteo quod Dominicale dicebatur excipiebant, ideoque non ei necesse erat manus abluere.

CONC. ARELATENSE III.

Quarto à Synodo Chalcedonensi anno, & Christi Epochæ 455. sub Leone primo Papa coegit Arelatensem Concilium Rauennius Arelates Episcopus in causa Theodori Episcopi, qui dum iurisdictionem, & visitandi ius in Lirinense Monasterium exequi vellet, obstitente Abbate Fausto repulsus est, qui ut dicit Sidonius Apollinaris carmine ad ipsum Faustum Ma-

ximi successor bis fuit, primum in Abbatia Lirinensi, postremò in Episcopatu Regiensi prouinciæ Narbonensis secundæ, quique Semipelagiani dogmatis præcipuus propugnator extitit; cuius ob eam causam liberos damnauit Romana Synodus sub Gelasio primo. Graue scandalum ex illo Monachorum cum Episcopo conflictu obortum est. Rogatur à Consilio Theodorus, ut hanc offensam Fausto condonet: deinde hic sapienter ab Episcopi iuribus discernuntur Abbatis iura.

Statuitur igitur ut Clerici Monachi à nullo quam à Theodoro eiusque successoribus ordinari valeant. Atque ab eo solo Chrisma requirant. Confirmationis Sacramentum ab eo solo suscipiant, Peregrini Clerici nulli citra eius arbitrium ad communionem, & Ecclesiasticum ministerium admittantur. Laici porro Monachi ad solam Abbatis directionem, regimenque pertineant. Nec eorum quemquam Episcopus in clerum, vel ad ordines promoueant, nisi Abbate id postulante. Require superius can. 4. Chalcedonensem cum ibi annotatis, quibus & ista, quæ sequuntur adijcimus.

Veterum etiam Monachorum sub Episcopis subiectio, non tantum astruitur Canone Chalcedonensi alijsque testimonijs, quæ illuc congeffi, ut Dionysij Eccles. Hierar. cap. 6. Bernardi Abbatis, alijsque, sed etiam Papæ Adriani secundi epistol. 27. ad Carolum Caluum Francorum Regem his verbis: *Omne Monasterium in potestate Episcopi consistere debet, iuxta Canonicam auctoritatem. Et quia hoc transgressum, idè plurima monasteria habentur destructa.* Quod idem verbis eisdem repetitur eiusdem Papæ ad eundem Regem epistol. 30. Concilij quoque Aurelianensis primi Canon 21. statuit *Abbatibus subesse Episcoporum auctoritati, ac potestati, & ab ijs si deliquerint esse corrigendas.* Hæc verò non à me idè adducuntur, ut exemptionibus obsistam, quas posterioribus sæculis regulares à suprema sede impetrauerunt, sed ut meum

meum prosequar toto hoc opere institutum veteres Ecclesiæ ritus, Canones, & instituta indagandi, vt dignoscant lectores qualis fuerit prior, aut posterior Ecclesiæ multis in rebus disciplina. Quia tamen grauissimè disceptabatur quatenus pertingeret regularium immunitates, cum isti eas vltra præscriptos limites proferrent, has singillatim controuersias diremit, deffiniuitque accuratissimè Gregorij Papæ XV. constitutio, quæ incipit, *Inscrutabili*. Ad quam vt normam inuiolabilem subsequentes Summi Pontifices Vrbanus VIII. Innocentius X. Alexander VII. & Cardinalium Congregationes de regularibus cum eadem concertationes recrudescerent, suas omnes constitutiones, decreta, & iudicia conformarunt. Circa hæc quoque prouidè sanxerunt Patres Trid. sess. 5. de refor. c. 2. item sess. 23. cap. 15. præterea sess. 24. c. 4. nec non sess. 25. c. 3. in fine, & c. 5. insuper c. 7. & septem sequentibus capitibus.

CONCILIVM AGATENSE.

Celebratum Agathense Concilium fuit Chr. anno 506. sub Papa Symmacho. Est verò Agatha Prouinciæ primæ Narbonensis vetus oppidum, colonia Massiliensium. Congregatum est Concilium, & venia Visigottorum Regis Alarici secta Ariani, qui non solum Hispaniæ, sed etiam prouincijs Galliæ Aquitanicæ, & Narbonensi dominabatur, quas pater eius Euaricus vi armorum inuaserat. Tametsi verò & pater, & filius hæretici, & Catholicæ Religioni insensi erant, hæc tamen non obstitērunt quin illarum partium Episcopi dominationis iniustæ, & tyrannicæ iugo ceruices submiserint, vt videri potest apud Sydonium, qui sub Euarico Aruenorum Episcopus fuit, lib. 7.

epist. 6. ad Basilium, quem Sirmundus fuisse probat Aqueensem in secunda Narbonensi Episcopum: & apud Gregorium Turonensem lib. 2. hist. Franc. cap. 25. sub filio autem illius inuasoris, & hæretici Alarico pariter Ariano videmus sanctissimum præfulem Cæsarium Arelatensem, qui huic Agathensi Concilio præfuit, aliosque qui huc conuenerunt Episcopos his verbis Synodum aperire: *Cum in Dei nomine, & permisso Regis (Alarici) in Agathensem ciuitatem sancta Synodus conuenisset, & in sancti Andrea Basilica consedissemus, ibique flexis genibus in terra pro regno eius, & pro longæuitate populi Dominum deprecaremur, ut qui nobis congregationis permiserat potestatem, regnum eius Dominus felicitate extenderet, iustitia gubernaret, virtute protegeret, &c.* Similiter postquam Maximus tyrannus aduersus religiosissimum, & optimum Imperatorem Gratianum rebellasset, Gallis per vim occupatis, Episcopi Gallicani pacem cum illo coluerunt: Sanctusque Martinus Turonum antistes ad ipsum, ut Imperatorem recurrit, neque etus mensam, & conuictum recusauit. Sed ipsi etiam Summi Pontifices subiectionem, & pacem coluerunt sub Principibus hæreticis simul, & Italix inuasoribus Odoacro, Theodorico, & huius successoribus Arianis, quam rem nemo in dubium reuocaverit.

Profeitor quidem haud licuisse his se spontè subijcere, si non vis maior adegisset, sed post impositum huiusmodi tyrannicum iugum, proposita docent sanctorum Episcoporum exempla, satius esse cum huiusmodi tyrannis, ac inuasoribus violentis etiam hæreticis pacem civilem salua semper religione conseruare, subiectionemque politicam profiteri, (modo ne quis per adulationem, aut metum Dei mandata transgrediatur) quam aut solum vertendo proprias Ecclesias deserre, aut rebellando, vel imprudenter obsistendo animum præpotentis tyranni exacerbare, atque in deterius præcipitem agere.

Sed

Sed ut Alaricum reuertamur, refert Isidorus Hispalensis, ipsum feliciter regnasse subnixum orationibus quas Cæsarius Arelatensis, & Quintianus Rutenensis Episcopi ambo sanctissimi pro ejus salute, & felici regno ad Deum fundebant: sed ex quo maleuolorum mendacijs, & calumnijs fidem adhibens ambo in exilium relegauit, tum demum fuisse à Clodouzo Francorum Rego victum, & occisum. Calumniam contra Cæsarium confictam refert ejus discipulus Cyprianus Tolonensis Episcopus fuisse à maleuolis accusatum perduellionis, quasi conspirasset transferre Arelatensem urbem in ditionem, & potestatem Regis Burgundionum pariter Arriani. Sed meram fuisse calumniam, subsequuta Cæsarij exulis miracula, ejusque in propriam Ecclesiam reuocatio, coarguerunt. Idem postmodum simili calumnia confictatus est, attentasse ipsum prodere Arelatem Francorum Regi Clodouzo iam Catholico, dum post denictum, & cæsum in acie Alaricum Franci urbem illam obsidione premebant: adeò ut Gothi, qui urbem occupabant, victum miserint ad Theodoricum Italiæ Regem, tunc Rauennæ, quam regni sui caput constituerat, residentem. Sed illum Theodoricus licet Arianus, honoribus, & laudibus cumulatam remisit Arelatem liberum, in ejus accusatores indignatus: quam latius prosequitur historiam Cyprianus in vita Cæsarij.

Agathensis Can. 2. contumacibus Clericis qui prioris gradus (nimirum ut exponendum autumo, Sacerdotij quod anteriore dignitatis gradu præcellit reliquis ordinibus) elati superbia, communionem fortassis contempserint, aut Ecclesiam frequentare, vel officium suum implere neglexerint, peregrina communio tribuatur: ita ut, cum eos pœnitentia correxerit, rescripti in matricula gradum suum, dignitatemque recipiant. Matriculam intelligito catalogum ministrantium clericorum, qui alio nomine Canon dicitur. Obseruandum

hic est non omnes Sacerdotes quotidie missam celebrasse, sed tantum per vices. Qui porro Sacerdotes non sacrificabant, iidem tamen diuinis officijs intra Ecclesiam cuius ministerio addicti erant, assistere, atque intra Sanctuarium de manu eius qui missam celebrabat communicare debebant. Quia verò eueniebat aliquoties, vt Sacerdotes quibus diebus non ipsis obtingebant sacrificandi vices, vel ex superbia, vel ex tepiditate animi indeuoti refugerent de alterius manu communicare, seque diuinis officijs subtraherent, ita se gerentibus hæc pœna indicitur, vt reducantur ad Peregrinam communionem. Cuius pœnæ mentio quoque paulò infrà fit can. 5. quò præfigitur communio peregrina Clerico illi, qui aliquid fuerit de Ecclesiæ rebus suffuratus.

Dissertatio de Laica, & de Peregrina communionem.

Peregrinam communionem plerique cum laica confundunt. Sanè id commune habent, vt quoties Clericis indicuntur, intelligantur esse pœnales. In primis communio laica clericis maioribus siue sacris initiatis decernebatur ne intra Sanctuarium communicarent. Statuit enim Laodicænus canon. 19. *μόνοις ἱερατικῶς ἐξόν εἶναι εἰς τὸν θυσιαστήριον εἰσελθεῖν, καὶ κοινωνεῖν*. Solis licet (non quidem Sacerdotibus, vt minus peritè aliqui transulerunt, sed vt exactiùs vertit Dionysius Abbas cognomento exiguus) sacro ministerio dedicatis, ingredi Sanctuarium, ibique communicare. Verùm tamen in alicuius delicti pœnam sacri clerici quandoque isto excidebant priuilegio, nec nisi cum promiscua turba licebat eis communionem sacra refici. Istud enim Aga-

thense Conc. decernit can. 32. *Si Episcopus, aut Presbyter, aut capitale Diaconus capitale crimen commiserit, aut chartam falsa-*

ne-

merit, aut falsum testimonium dixerit, ab officij honore depositus in Monasterium detrudatur, & ibi quamdiu vixerit laicam tantum communionem accipiat. Quem Canonem inserit Gratianus dist. 50. c. si quis Episcopus. Præterea Canon Apostolorum 15. vagos clericos ad laicam reducit communionem. Cyprianus ep. 52. ad Antonianum ita scribit de Trophino Sacerdote in persecutione lapsus: *sic tamen admissus est Trophimus, ut laicus communicet.* Hoc pœnæ genus propriè depositio erat, hoc est de gradu Episcopatus, Sacerdotij, vel Diaconatus dimotio: se iuncta procul ab excommunicatione quæ prorsus à divinis Sacramentis excludebat, necnon à communibus fidelium orationibus, & aliter dicebatur segregatio. Id comprobatur Canone Apost. 25. *Episcopus, vel Presbyter, vel Diaconus fornicationis, vel periurij, vel furti convictus deponatur, & non segregetur,* (vbi græcum exemplar ait) *καὶ μὴ ἀπορρίψῃτο.* Dicit enim scriptura, non vindicabis bis in idipsum: similiter reliqui quoque clerici, &c. Supponit ergo duplicem accessuram pœnam, si ad depositionem adderetur excommunicatio. Quam eandem rationem Basilus ad Amphilochem Can. 32. pariter adducit. Ideoque ad Patres quàm sepius crimem idem in clericis depositione, in laicis excommunicatione plectunt. Idemque Basilus ad Amphilochem canon 3. sic habet: *Diaconus post Diaconatum fornicatus, à Diaconatu quidem eiicietur, in laicorum autem locum extrusus à communionem non arcebitur: quoniam antiquus est Canon, ut qui à gradu exciderunt, hoc solo punitiois modo plectantur.* In hoc ergo sita est laica communio.

Quia verò clericis depositis solitæ (vti eas vocat Cyprianus) sportulæ minimè præstabantur, sed ut plurimum ex aliorum liberalitate, aut ex proprio labore, ac industria victum sibi querere compellebantur, exclusi scilicet à decimis, & oblationibus Ecclesiasticis contigebat aliquando ut ex commiseratione ipsis Ecclesia præstaret alimoniam, aliter tamen quam sportu.

tulantibus, & immatriculatis clericis, nullus quippè la illis suppeditabat annos, aut menstrosos redditus, nullamque ex oblationibus sortitionem, sed vtrumque præstabat illis in dies alimenta, mensamque illis providebat eandem cum Peregrinis fidelibus, qui à proprio fuerant Episcopo per formatas litteras Ecclesijs commendati, ad quas peregrè ibant. Atque hæc est meo quidem iudicio communio peregrina, quæ quandoque motis ab officio, & gradu clericis indulgebatur, vt essent Ecclesiæ simul cum peregrinis fidelibus alumni. Quemadmodum factum à se ipso erga Basianopolis Episcopum Alexandrum, residere in sua Ecclesia recusantem, scribit ad Theophilum Alexandrinum Synesius epist. 66. *In Ecclesiam quidem (inquit) admittere illum nolui, nec sacram cum illo mensam communem habui: domi vero peraque, ac innocentes honoravi.*

Cuius humanitatis exempla suppeditat Conc. Chalcodonense act. 7. providens vt ipsius Ecclesiæ Antiochenæ sumptibus alatur Dominus Antiocheno Patriarchatu exauthoratus. Et simili modo sustentationi prouidet Bassiani, & Stephani, postquam illos Episcopatu submouit act. 12.

Ad exemplum, & similitudinem huius pœnalis peregrinæ in clericis communionis, alia vocabatur minùs propriè peregrina communio, qua Episcopi aliique, inter Sacerdotes primarij, seu præfecturam habentes non deponebantur prorsus à clero, sed tantùm à digniori, & sublimiori pristino gradu, vt tamen in gradu inferiori clericorum consisterent, vt Episcopi redigerentur ad Sacerdotum ordinem, isti ad Diaconorum, & Diaconi ad minorum clericorum stationem, & classem. Sic enim depositis Episcopis subtrahebatur illa, reddituum Ecclesiæ quarta pars, quam Episcopis sacri Canones reseruabant, vt deinceps minora cum Sacerdotibus stipendia reciperent. Sacerdotes quoque illi qui præsunt, & quos Apostolus indicat duplici hono-

re, hoc est stipendio prouidendos, ad hoc excidentes honore, minus stipendium inter Diaconos nanciscebantur. Isti quoque, sed magis impropria locutione dicebantur sustentari peregrina communione, tamen si victum, & stipendia cum inferioribus clericis ex Ecclesiæ distributionibus reciperent.

Huiusce pœnalis quidem, sed tamen mitioris disciplinæ legimus exempla, primum in Nicæna Synodo can. 8. qui Nouatianos dudum Episcopos ad Ecclesiasticam vnitatem redeuntes, si eorum loco iam fuerat aliquis orthodoxus Episcopus constitutus, edicit potiri Sacerdotis, aut Chorepiscopi gradu, ac ministerio. Conc. similiter Toletanum primum can. 4. sic decernit: *Subdiaconus defunctæ uxore si aliam duxerit, ab officio in quo ordinatus fuerat, remoueatur, & habeatur inter ostiarios, & lectores.* His accedit Conc. Regiense, quod habitum est in Galliæ prouincia Narbonensi secunda, quodque disertè meminit istius peregrinæ communionis. Armentarius per ambitionem se in Ebrodunensem Episcopum fecerat ordinari à duobus tantum Episcopis, inuito etiam Metropolitano, qualem se prætendebat eo tempore Arelatensis Episcopus, cuius cura, & sollicitudine, conuocata hæc synodus fuit anno 439. huius ergo 3. Canone sic statuitur: *Liceat ei (Armentario) in vnam suarum parochiarum Ecclesiam concedere, in qua aut Chorepiscopi munere, aut peregrina communione foueatur: Nec quidquam ipsi de Episcopalibus officiis vsquam usurpare liceat, præterquam in Ecclesia, quam cuiusquam misericordia fuerit indeptus, in qua ei solum Neophytos confirmare, & ante Presbyteros offerre conceditur.* Quæ sanè verba dignissima obleruata sunt, sic enim synodus Armentarium deponit, & exauthorat Episcopali gradu, vt non solum salua ei supersint Sacerdoti iura, sed nonnullis etiam Pontificalibus nimirum confirmationis collatione, & reliquorum Presbyterorum præcessionem potiatur, Et tamen prouidetur ei, vt peregrina com.

communione foueatur. Non est ergo ea communio
laica, cum liceat Armentario etiam præ reliquis Pres-
byteris sacrificium offerre, sed est communio non sa-
cra, sed tantummodò corporalis ad victum, & alimo-
niam, quod etiam arguit vox illa foueatur.

Prosecutio Canonum Agathensium.

Agathensis Can. 8. *Placuit ut si clericus relicto officio suo propter distractionem, ad iudicem sæcularem for-
tasse confugerit, & is ad quem recurrit solatium ei defensio-
nis impenderit, cum eodem de Ecclesiæ communione pellatur.*
Itaque tam iudicem sæcularem, quam clericum ad
eum recurrentem excommunicat. Habetur in decreto
2. q. 3. Can. placuit, ut clericus. Edicit quoque c. cleri-
ci de iudicijs, clericos de omni crimine sistendos Ec-
clesiastico iudici: nec valere quamcumque consuetu-
dinem in contrarium. His aliæ consonant Synodi ve-
teres: Chalcedonenſis Oecumenica Can. 9. iuber
clericorum lites non apud iudices laicos, sed apud Epi-
scopos agitari. Et Matisconensis primæ Synodi anni
576. Can. hoc idem ius renouat sub pœna excommuni-
cationis in iudice laico, & fustigationis, aut carceris in
clerico. Idem tamen permittit laicis iudicium clero-
rum in causis grauium delictorum, homicidij, furti ma-
leficij. Quæ Canonis permissio videtur arguere prohi-
bitionem oppositam esse tantum humani, & Ecclesia-
stici iuris, non diuini quod est immutabile, & indispen-
sabile. Iustinianus in auth. ut clerici apud proprios Epi-
scopos. §. penult. colla. 6. seu nouella 83. statuit in omni-
bus criminibus alijs quam Ecclesiasticis conueniendos
esse clericos coram sæcularibus iudicibus. Consulito in-
feriis Cabilonenſis Conc. Can. 11.

Canon Agathensis 18. sæculares, qui in Natali Do-
mini, Pascha, & Pentecoste non communicauerint, Ca-
tho-

tholici non credantur, nec inter Catholicos habeantur. Conformatur decreto Fabiani Papæ, & martyr. c. & si non frequentius, de consecr. dist. 2. Vide superius ad Antiochenum canon. 2.

Can. Agathensis 20. Clerici qui comam nutriunt ab Archidiacono etiam si uoluerint inuiti detondeantur. Vestimenta etiam, vel calceamenta eis nisi, quæ Religionem deceant, uti aut habere non liceat. Legitur in dist. 2. c. clerici qui comam. Huc spectant Cart. quarti Conc. can. 44. & 45. quos superius require.

Can. 28. Monasteria Monachorum à Monasterijs puellarum sancit esse longè remota, tum ob cauendas infidias diaboli, tum propter hominum obloquutiones. Citatur 18. q. 2. c. Monasteria puellarum. Eandem præcipit adhiberi cautelam Concilium Hispalense secundum c. 11. & Synodus Oecumenica septima canon. 20. τὰ δὲ διακρίματα μοναστηρίων, duplicia monasteria virorum, & Monasteriorum interdicat. Similiter prouidet Innocentius Papa III. in regesto 15. ep. 80. ad Helenensem Episcopum, & lex sanctissimarum 44. c. de Episc. & Cler.

Can. 38. Clericos, & Monachos contumaces iubet verberibus coerceri. Penæ Ecclesiasticæ non omnes spirituales sunt, ut censuræ, depositiones, irregularitates ex delicto, sunt præterea quædam corporales, ut carcer, ieiunia in pane, & aqua, verberum inflictio, quibus sub custodia caduntur grauioris culpæ conuicti Clerici, aut Monachi. Id fieri solitum præter canonem istum fidem facit Cyprianus in vita Cæsarij Arelatensis, necnon alius Canon Agathensis 41. his verbis: *Clericus quem ebrium fuisse constiterit, aut triginta dies sit excommunicatus, aut corporali supplicio subditus sit.* Qui Canon legitur pariter in Concilio Venerico (Gallicè de Vannes) numero decimus tertius. His accedit Concilij Liptinensis sub Papa Zacharia II. & Childeberto III. Franciæ Rege anno 743. in Hannonia celebrati. canon 6. Clerici (inquit) &

Mona.

Monachi, & Moniales fornicantes carcere, ieiunio in pane & aqua, & flagellationibus plectantur. Denique Cassianus lib. 4. de institutis Cœnobiorum cap. 16. post dinumeratas gratiores aliquas Monachorum culpas, ita subiungit, hæc vel plagis emendantur, vel expulsiōe purgantur.

Canon. 44. Benedictionem super plebem in Ecclesia fundere, aut pœnitentem in Ecclesia benedicere Presbytero pœnitus non licebit. His tamen posteriores regulæ Ecclesiasticæ derogarunt, præsertim in missis Sacerdotum, adiectis ad populi dimissionem benedictione populi, & ultimo Euangelio ex decreto Pij V. Carthusienses veterem ritum sequuntur, & dicta populi dimissione missam concludunt.

Canon 45. Terrulas, aut vinculas exiguas, & Ecclesiæ minus vtilis, longè positas paruas Episcopus sine concilio fratrum si necessitas fuerit, distrahendi habeat potestatem. Inferitur in decreto 12. quæst. 2. cap. Terrulas. Alioqui hoc ipsum Agathense Concilium Canon. 7. prohibet Episcopo alienare quidquam, aut distrahere de rebus Ecclesiæ sine consultatione, & consensu etiam Comprovincialium Episcoporum. Vide in decreto 10. q. 2. per totam, & in Decretalibus de rebus Eccles. alien. vel non.

Canon. 48. Episcopi de rebus proprijs, & acquisitis, vel quidquid de proprio habent, hæredibus suis si voluerint, derelinquant. Quidquid verò de prouisione Ecclesiæ suæ fuerit, siue de agris, siue de fructibus, siue de oblationibus, omnia in iure Ecclesiæ reservari censuimus. Simile dudum legitur sancitum in Apostol. canon. 39. & 40. Idemque decernitur ab Antiochena Synodo canon. 24. & à primo Concilio Hispalensi, cui præfedit S. Leander, & approbavit Pelagius II. Papa. Necnon à Magno Gregorio Papa lib. 10. epistol. 42. ad Deusedit Mediolani Episcopum. Concil. Lateranum generale sub Alexandro III. Can. 15. generaliter de clericis edicit non posse testari, aut quomodolibet inter viuos disponere

de

de bonis per Ecclesiam acquisitis, sed in hæc Ecclesiam succedere. Vide cap. quia nos cap. relatum est auribus, de testam. horum ratio fundatur in destinatione facultatum Ecclesiæ: de quibus ita iudicat Urbanus Papa, & Mart. *Ipsæ res fidelium, quæ Domino offeruntur, non possunt alijs quàm Ecclesiæ, & fidelium indigentibus applicari: quia vota sunt fidelium præiudicia peccatorum, patrimonium pauperum.* His Bernardus suffragatur sermon. 23. in Cantic. dicens: *Ministri Ecclesiæ, qui stipendiorum superflua, quibus egeni sustentandi forent, impiè sacrilegèque sibi retinent, duplici profectò peccant iniquitate, quod & aliena diripiunt, & sacris in suis vanitatibus, & turpitudinibus abutuntur.* Idemque epistol. 2. ad Canonicum Lugdunensem. *Quidquid præter necessarium victum, & vestitum de altari retines, tuum non est, rapina est, sacrilegium est.* Idem similia iterat epistol. 42. Aduertant Clerici, quanta se damnatione altringant, qui fructus Ecclesiæ conferunt ad proprium luxum, vel augendas cognatorum opes. Require superius circa hæc Concilij Antiocheni canon. 24. cum ibi annotatis.

Canon. 52. *Presbytero, aut Diacono, aut Clerico sine antistitis sui litteris ambulanti, communionem nullus impendat.* Vide Apost. canon. 15. 16. & 32 Et Chalcedonensem canon. 13. & quæ congesti de litteris formatis, & dimissorijs ad Concilium Carthaginensis, quinti canon. 7. Vide præterea Conc. Trid. sess. 23. cap. 13.

Agathensis canon. 53. *Episcopis, Presbyteris, Diaconibus canes ad venandum, aut accipitres habere non liceat.* Idem statuit Concilium Epaunense canon. 3. sub Sigismundo Burgundiorum Rege, præside Alcimo Auito Viennensi Episcopo anno 518 & præterea Canon. 13. Matisconensis secundi Concilij 55 Et obiter antiquitatem obserua venationis per accipitres.

Agathensis canon. 64. Triennio suspendit à communionem primùm Clericos, qui à propria Ecclesiā citrà iustam

iustam causam die aliquo ex solemnioribus pura Natiuitatis Domini, Epiphanię, Paschę vel Pentecostes abfuerint, Deinde Presbyteros, aut Diaconos, qui quocumque anni tempore tres hebdomadas extra propriam Ecclesiam exegerint. Citatur c. si quis 7. q. 1.

CONC. AVRELIANENSE I.

QUæ ad Ligerim amnem sita ciuitas vocatur à Iulio Cæsare alijsque priscis Scriptoribus Genabum, nomen postea sumpsit Aureliani. Ex quo autem Francorum Rex Clodouæus eiurato falsorum Deorum cultu, per Remigium Episcopum sacro fonte ablutus victoriam subinde illustrem de Alarico Visigottorum Rege, quem in acie suapte peremit manu, retulit; nihil antiquius habuit, quàm vt sacram, quàm fuerat amplexus religionem propagaret, disciplinamque Ecclesiasticam per Episcoporum comitia instauraret. Hoc fine Aurelianum conuenere triginta tres Episcopi Symmacho clauum moderante vniuersalis Ecclesię, anno à Christo 508. quamvis Baronius id referat ad annum præcedentem, atque etiam ante Vocladensem cum Alarico conflictum. Huic interfuere Synodo Remigius Remensis, Ildardus Rotomagensis, Lupus Suesfionensis, Melanius Redonensis, Quintianus Rutenensis, & Theodosius Antisiodorensis, eximie sanctitatis Episcopi, quos omnes cultu publico vniuersa veneratur Ecclesia.

Canon 1. immunitatem sanxit Ecclesiarum, vt qui ad eas confugerint, extrahi inde non possent. Hoc ius asyli iam superius assertum vidimus altero Gallicano Conc. Arausicano 1. Can. 1. vbi plura reperies in hanc rem congesta.

Canon 4. ita concipitur: *De ordinationibus Clericorum*

corum

eorum id obseruandum esse decreuimus, vt nullus secularium ad clericatus officium presumatur, nisi aut cum Regis iussione, aut cum iudicis voluntate. Similis est Sanctio l. 8. Capitular. Caroli Magni cap. 120. de Clericis hominibus, qui ad seruitium Dei se tradere volunt, vt prius hoc non faciant, quàm à nobis licentiam postulent: hoc ideo quia audiuimus aliquos ex illis non tam causa deuotionis hoc fecisse, quàm pro exercitu seu alia functione regali fugienda, quosdā verò cupiditatis causa ab his, qui res illorū concupiscunt circumuentos audiuius, & ideo hæc fieri prohibemus. Cum legem tulisset Mauricius Imperator, qua & eos qui publicis administrationibus vacassent ad Ecclesiasticum officium recipi, & milites non expletis stipendijs in monasterijs admitti prohibebat, priorem quidem huius legis partem non improbauit, sed potius laudauit, posteriori verò acriter restitit S. Gregorius Papa l. 2. ep. 62. ad Mauriciū.

Can. 21. statuit Abbates subesse Episcopis, & ab his, si deliquerint esse corrigendos. Require superius can. 4. Chalcedonensem, & Conc. Arelatense tertium cum annotatis.

Can. 26. Id Sacerdotibus omnibus est decretum, vt ante Pascha solemnitate non quinquagesima, sed quadragesima teneatur. Obseruandum est Telephori decreto, qui sextus à Petro Pontificatum gessit, Clericis omnibus iniunctam fuisse abstinentiam septem plenarum hebdomadarum ante Pascha, Quia (inquit) discreta esse debet vita Clericorum, & Laicorum. Legitur hoc in decreto c. statuimus dist. 4. Id verò quia fortasse iam obsoletum, & antiquatum erat, reducitur hic ad communem populi vsum.

Inchoatio verò ieiunij à feria quarta post quinquagesimam necdum fuerat introducta: quin imò nec dum inualuerat sub Gregorij Papæ I. Pontificatus exordijs, quibus certum est adhuc ieiunium inchoari solitum à feria secunda post Quadragesimæ Dominicam, vt fidei facit eiusdem Homilia 4. in Euangel. quam etiam

lib. 1. de officijs cap. 7. Non est tamen improbable magnum Gregorium sub vitæ suæ finem constituissè demum, vt à quarta post quinquagesimam feria, vt nunc inualuit consuetudo, ieiunium aperiretur: cum Gregorij ipsius Sacramentarium quartam illam feriam caput, ac initium ieiunij esse affirmet: etsi aliqui suspicentur esse laciniam sacramentario Gregorij assuetam.

Can. 29. *Rogationes, seu Litanias ante Ascensum Domini placuit celebrari, ita vt præmissum Triduanum ieiunium in Ascensionis Dominica solemnitate solvatur: per quod triduum serui, & ancilla ab opere relaxentur, quo magis plebs vniuersa conueniat. Quo triduo omnes abstineant, & quadragesimalibus cibis vtantur.* Sidonius Apollinaris l. 7. epist. 1. ad Mamercum Viennensem Episcopum, hunc ipsum prædicat authorem Rogationum, quarum præsidio, cinium suorum, quorum exitium & multa de cælo prodigia, & barbararum gentium incursiones interminabantur, saluti consuluerit. Hæc porro contigerunt circa Chr. annum 474. Post Mamercum Erychius Ecclesiæ Viennæ gubernacula suscepit, cui successit Auitus, qui homil. in Rogationes, sic ait: *Currit tramite viali non per Gallias modò, sed per orbem totum Rogationis obseruantia flumen irriguum.*

CONC. ARAVSICANVM II.

A Raufione conuenit hæc Synodus secunda Chr. anno 529. vt Iacobus Sirmundus obseruat sub Felice Papa I V. regnante in Italia Athalarico Amalasuntæ filio; in Gallia verò liberis Clodouæi. Concilio præfedit Cæsarius Arelatensis, quod approbauit Bonifacius II. Pont. in sua ad Cæsarium ipsum epist. quam ex antiquis manuscriptis Sirmundus in lucem protulit. Hæc Synodo

nodo contra Semipelagianos, qui in Gallia maximè in secunda Narbonensi prouincia per huius hæresis præcipuos assertores eximij ingenij viros Cassianum, & Faustum percrebuerant, Christi gratiæ necessitas commendata est. Cassiani scripta solidè impugnaverant. Prosper edito aduersus collatorem lib. Fausti verò li. 2. de libero arbitrio, & de præscientia, ac prædestinatione oppositis, & sincerioribus libris oppugnarunt 3. sancti Episcopi Auitus Viennensis, Fulgentius Ruspensis, & Cæsarius Arelatensis.

Canon 3. *Si quis ad humanam inuocationem gratiam Dei dicit conferri, non autem ipsam gratiam facere, vt inuocetur à nobis, contradicit Iſaia Propheta, vel Apostolo dicenti: inuentus sum à non querentibus me, palàm apparui his, qui me non interrogabant.* Semipelagiani, seu Massilienses, quamvis contra Pelagium gratiam Dei ad salutem necessariam assererent, attamen in hominis arbitrio eius semina, & dispositiones collocabant, scilicet in desiderio salutis, ac fidei, aut in oratione: quibus rebus hominem proprijs, & naturalibus relictum viribus gratiam mereri, & ad se attrahere dicebant, vt constat ex epistolis Prosperi, & Hilarij, quibus Augustinum admonent insurgentis illius in Gallia hæresis.

Can. 4. *Si quis, vt à peccato purgemur voluntatem nostram Deum expectare contendit, non autem etiam vt purgari velimus per Spiritus sancti infusionem, & operationem in nos fieri confitetur, resistit Spiritui sancto per Salomonem dicenti: præparatur voluntas à Domino: & Apostolo salubriter prædicanti: Deus est qui operatur in nobis velle, & perficere pro bona voluntate.* Sanctissimus Ecclesiæ doctor, & diuinæ gratiæ propugnator insignis Augustinus gratiæ Christi vim, & efficaciam his verbis describit in lib. de gratia Christi cap. 10. *Sed nos eam gratiam volumus isti fateantur, qua futura gloriæ magnitudo non solum promittitur, sed etiam creditur, & speratur: nec solum reuelatur sapientia, sed etiam amatur: nec solum suadetur omne quod bonum est: verum &*

persuadetur. Hanc debet Pelagius gratiam confiteri, si vult non solum vocari, sed etiam esse Christianus. Vis illa quidem à Luthero inuecta, quæ humanam voluntatem necessitate adigat, arcenda procul à gratia est, solaque illi tribuenda virtus, & efficacia, cui possit humana libertas dissentire si velit, ut definit Synodus Tridentina sess. 6. Canon. 4. idemque Augustinus, qui memorato superius loco, alijsque permultis asseruit gratiam victicentem, suum semper sortiri effectum, ideo ut in libro de prædest. Sanct. cap. 8. hæc asseueret: Gratia quæ Dei benignitate humano cordi infunditur, à nullo duro corde respuitur; cum ad hoc detur, ut duritiem auferat cordis. Idem inquam lib. de spiritu, & littera. cap. 33. luculenter docet integram sub gratiæ ductu seruari hominis libertatem, his verbis: Profectò, & ipsum bonum velle Deus operatur in homine, & in omnibus misericordia eius præuenit nos: consentire autem vocationi Dei, vel ab ea dissetire, sicut dixi, propriæ voluntatis est. Hactenus S. Doctor: nos verò errorem illum prorsus auersamur, qui volūtarium cum libero ita confundit, ut ipsam etiam necessitatem cum libertate conciliet.

Canon 12. Tales nos Deus amat, quales futuri sumus ipsius dono, non quales sumus nostro merito. Desumptus est ex Augustini epistol. 105. docet hæc Synodus neminem quantumvis iustum promereri posse suam ad æternam vitam prædestinationem, seu quod eodem recidit, finalis perseuerantiæ donum. Et fulcitur etiam isto Canone merè gratuita in Dei proposito æterno prædestinatio, hinc enim dependet series omnis gratiæ, bonorumque operum quibus æterna vita paratur. Prius enim finis intenditur, deinde media eliguntur fini acquirendo conuenientia. Itaque prædestinationis effectus, non verò causa sunt gratiæ efficaces, & ex his procedentia bona opera, & quod non cadit sub meritum perseuerantiæ donum. Unde Apostolus Roman. 9. Non est videntis, neque currentis, sed misereantis Dei. Idemque Apostolus Rom. 8. Di-
li-

ligentibus Deum omnia cooperantur in bonum his qui secundum propositum (scilicet Dei, quod Dei propositum, ut obseruat Augustinus, Apostolus opponit voluntati, & operibus hominis) vocati sunt sancti: quos enim præsciuit, illos & prædestinavit conformes fieri imaginis filij sui, ut sit ipse primogenitus in multis fratribus. Hinc optimum depro-
mit argumentum gratuitæ hominum prædestinationis
Augustinus libr. de prædestinat. Sanctorum cap. 15. & de bono perseverantiæ cap. ult. ut cum prædestinatio Christi sit exemplar, & origo prædestinationis Sanctorum, sicut *Christus prædestinatus est Filius Dei in virtute*, ut loquitur Paulus Roman. 1. ita ut gratuita prorsus fuerit eius prædestinatio ex mero, æternoque Dei proposito, nullis eius præcedentibus meritis, aut præiudiciis. Non enim Christum Maria peperit merum hominem, qui postea meritis accedentibus assumeretur ad unionem hypostaticam Verbi, sed simul & homo, & Deus esse cepit. Itaque Christus, & ad eius exemplar Sancti per æternum Dei propositum prædestinati sunt nullis præiudiciis, aut causantibus meritis; sed quia prædestinati sunt, ideò datum illis fuit, ut mererentur divinæ gratiæ auxilijs vitam æternam. Prosequitur deinde Apostolus: *Quos autem prædestinavit* (nimirum quod præmi-
sit Apostolus secundum propositum) *illos, & vocavit* (secundum propositum) *quos autem iustificavit* (secundum propositum) *illos & glorificavit* (secundum propositum.) Denique istum omnem de æterna, apud Deum prædestinatione sermonem Apostolus hac exclamatione concludit, quæ inepta esset, atque impertinens, si omnia essent ad præiudicia hominum merita, & liberam oblatae gratiæ acceptionem, aut reiectionem refundenda. *O altitudo divitiarum sapientiæ, & scientiæ Dei! quàm incomprehensibilia sunt iudicia eius, & inuestigabiles viæ eius! quis enim cognovit sensum Domini? aut quis consiliarius eius fuit? aut quis prior dedit illi, & retribuetur ei?* Roman. 11. quibus postremis verbis

ostendit rursus, & instat, Deum præuenire omnia hominum merita omnemque bonum vsum liberi arbitrii: & idcirco iure admirandum, atque inter arcana inscrutabilia Dei habendum, cur huius misereatur, illius non misereatur.

Canon 14. *Nullus miser de quacumque miseria liberatur nisi per Dei misericordiam præueniatur, sicut Psalmista dicit, Misericordia eius præueniet me. Et, citò anticipet nos misericordia tua Domine.*

Can. 17. *Fortitudinem gentilium mondana cupiditas facit, fortitudinem Christianorum Dei charitas facit, quæ diffusa est in cordibus nostris, non per voluntatis arbitrium, sed per Spiritum sanctum, qui datus est nobis, nullis meritis gratiam præuenientibus.* Desumptus est ex Augustini opere perfecto contra Iulianum lib. 1. num. 83. Et ex eiusdem libro de patientia cap. 17.

Can. 18. *Debetur merces bonis operibus si fiant, sed gratia quæ non debetur præcedit ut fiant.* Hic igitur copulantur gratuitum, & meritorium, quia hominis meritum gratiam præcedit Christi.

Can. 19. *Natura humana etsi in illa integritate in qua condita est permaneret, nullo modo se ipsam creatore suo non adiuuante seruaret. Vnde cum sine gratia Dei salutem non possit custodire quam accepit, quomodo sine gratia Dei poterit reparare quod perdidit?* Decerptus Can. ex Augustini ep. 106.

Can. 20. *Multa in homine bona fiunt, quæ non facit homo (ut sunt gratiæ omnes præueniētes de quibus sup. diximus) nulla autē bona facit homo, quæ Deus nō præstet ut faciat homo.* Depromitur ex August. lib. contra duas ep. Pelagij c. 8.

Can. 22. *Nemo de suo habet nisi peccatum, & mendacium.* Ex August. tract. 5. in Ioan.

Can. 25. *Aliquot diuina potestate ad malum prædestinatos esse non solum non credimus, sed etiam si sint qui tantum malum credere velint, cum omni detestatione illis anathema dicimus.* Hereticis consuetum est falsa dogmata Catholicis affingere, ut sanam eorum doctrinam in odium,

aut

ant contemptum adducant . Sic Nestoriani Cyrillum calumniabantur esse Apollinaristam hæreticum . Et Eutychiani Orthodoxos , qui distinctas , & inconfusas in Christo naturas propugnabant Nestorianæ hæresis insimulabant . Ita etiam Faustus eique coetaneus Genadius ex inconcussa S. Augustini doctrina , falsas , & malè cohærentes conclusiones eliciebant , quas Augustini discipulis falsò ascribebant , eosdemque hæresis insimulante dicebant prædestinatianos : quam calumniam ut amolirentur Arausici patres , hunc canonem ad præcedentes addiderunt . Florus Hincmari ætati suppar , nomine Lugdunensis Ecclesiæ librum pereruditum edidit in defensionem Augustinianæ doctrinæ , in quo fictitium illud monstrum hæresis Prædestinatianorum à vaferrimo Fausto excogitatum , & commentitij Arelatensi , & Lugdunensi Concilijs proscriptum ut Faustus comminiscitur , & ab Hincmaro Remensi post ducentos circiter & sexaginta ab ætate Fausti annos resuscitatum affirmat esse meram fabulam , nec ullam fuisse vnquam Prædestinatianorum sectam . Sed hoc nomine Augustini defensores , & discipulos fuisse à Semi-pelagianis notatos affingentibus eis falsa , & hæretica dogmata .

CONC. LVGDVNENSE I.

I Stud ex antiquis manuscriptis restituit in lucem Iacobus Sirmundus summi vir ingenij , eximieque de sacris litteris meritis . Habitum fuit regnante in Burgundia Sigismundo , in Francia verò quatuor Clodovizi I. liberis annis Christ. 517. huic præsedit Lugduni Episcopus Viuentiolus . Huius canon 2. speciali nota dignus est : *Id quoque adiecitimus , ut quicumque nostram tribulationem quamcumque , vel amaritudinem , aut*

commotionem fortasse potestatis necesse habuerit tolerare, omnes una cum eodem animo compatiuntur: & quidquid vel dispendiorum obtentu causa unus susceperit, consolatio fraternæ anxietatis releuet tribulatos. Sapienter hoc decretum est, quia facile contingit, ut Episcopus ex officio agens per æmuloꝝ, aut maleuolorum suggestiones cadat in principis offensam, utque reliqui Episcopi siue metu displicendi, siue ambitione, siue alia cupiditate adducti Principis iniquo affectui famulentur. Ut enim sileam, exemplum Ioannis Chrysostomi, qui Eudoxia Augusta illum insectante, fuit Orthodoxorum etiam Episcoporum Synodo depositus, aliaq; huiusmodi vetera exempla, nec extra Gallicanum regnum digrediar, in primis sub regia Merouæi progenie in Synodo Parisiensi oppressus est à Chilperico Rege, hucusque coniuge Fredegundæ Prætextatus Rotomagorum Episcopus, ut refert Gregorius Turonensis l. 5. hist. Francorum cap. 1. Sub secunda verò, id est Caroli Magni stirpe Carolo Caluo regnante, Hincmarus Remensium antistes potestate, & gratia qua valebat apud Regem abutens, Syluaneſensem Episcoporum aulicis artibus corruptorum Synodum coegit, qua Rotaldum Sueſſionum Episcopum, cui erat infensus, iustum, & integerrimæ vitæ præfulem Episcopatu deiecit, & sedem Apostolicam frustra appellantem retrusit in monasterium. Idemque Remensis Hincmarus proprium nepotem suis iniustis desideriis non obtemperantem, cognominem Hincmarum Laudunensem Episcopum in altero Episcoporum malignantium Conc. Duziacensi deturbauit Episcopali sede, carcere inclusit quantumvis pronocantem ad Romanum Pontificem, eique Barbarica immanitate oculos effodit, ut fidem faciunt eorundem temporum Conc. Gallicana. Sub tertia denique Franciæ Regum stirpe Hugo Capetus Rex suspectum sibi Arnulfum Remorum Pontificem, eò quòd esset æmuli sui Lotaringiæ ducis Caroli ex magni Caroli Augusti pro-

profapia confanguineis, per adulatorum, & aule man-
cipiorum Episcoporum Synodum Remis habitam,
fede dimouit, & vinculis addixit, suffecto eius in locum
Gerberto. Quam indignitatem, vt rescinit Ioannes Pa-
pa XV. rem totam misso in Galliam Legato Apostoli-
co reuifit, & causa cognita libertati, pristinaque digni-
tati Arnulfum restituit. Gerbertus itaque Gallia exce-
dens ad Imperatorem Othonem III. se contulit, cuius
opera promotus primum ad Archiepiscopatum Ra-
uennensem : & postmodum defuncto Papa Gregorio
VI. ad Romanæ Ecclesiæ thronum conscendit, nomen-
que Syluestri II. sortitus est.

CONC. TVRONICVM II.

H Abitum fuit regnante Lutetia Chariberto anno
Chr. 570. huius exordio Patres ita pronunciant:
*Ecclesiastica disciplina debet esse suffragium congregatio Sa-
cerdotum.*

Can. 1. conuocari iubet Synodum Metropolitani,
suorumque Comprovincialium bis singulis annis, aut
si necessitas inuitabilis hoc impedierit, saltem semel
in anno, Mandatque singulis Episcopis, vt ad Synodum
conueniant sub excommunicationis pœna, a qua sola
dispenset certissima infirmitas, nullatenus autem Re-
gis obsequium, aut Regis ordinatio: *non enim (ait) spiri-
tuali operi debet præferri regalis præceptio.*

Can. 3. de loco vbi recondendum est admirabile Sa-
cramentum, & can. 4. de loco Sanctuarij, & quinam ab
eius ingressu arceantur, iam retulimus in diatriba,
quam Synodo Chalcedonensi subiecimus.

Can. 5. Itatuit *vt qualibet Cinitas pauperes suos incolas
pascat, ne alijs locis diuagentur.*

Can.

Canon. 10. statuit, ut Clerici victum sibi vestitumque artificiolò comparent, & ut iidem sibi proprijs manibus præparent refectionem; & ita prætextu careant in suas ædes mulierem famulitij causa introducendi. De his actum diffusius ad Canones 51. & 52. Conc. Carthaginensis quarti.

Can. 18. assignat Monachorum ieiunia per annum. Quia verò ieiuniorum diebus non prandebatur, sed solum cenebatur, idcirco sic ait: *De ieiunijs antiqua à Monachis instituta conseruentur, ut de Pascha vsque ad quinquagesimam (id est Pentecosten) exceptis Rogationibus, omni die prandium fratribus præparetur. Post quinquagesimam tota hebdomada exactè ieiument. Postea vsque ad Kalendas Augusti ter in septimana ieiument. secunda, & quarta, & sexta feria, exceptis his qui aliqua infirmitate constricti sunt. In Augusto, quia quotidie missa Sanctorum sunt, prandium habeant. In Septembri toto & Octobri, & Nouembri, sicut dictum est ter in septimana. De Decembri vsque ad Natalem Domini omni die ieiument. Et quia inter Natalem Domini, & Epiphaniam omni die festiuitates sunt, itemque prandebunt. Excipitur eriduum quod ad calcandum gentilium consuetudinem Patres nostri statuerunt priuatas in Kalendis Ianuarij fieri Litanias, ut in Ecclesijs psallatur, & hora octaua in Kalendis ipsius Circumcisionis Missa Deo propitio celebretur. Post Epiphaniam verò vsque ad quadragesimam, ter in septimana ieiument. In isto Canone primùm obserua per triduum à Kalendis Ianuarij fuisse consuetudinem veterem Litaniarum, & ieiuniorum, ne fidelis populus communicaret sacrilegis dissolutionibus quibus indulgebant gentiles iisdem diebus in honorem Iani: quemadmodum multis in Ecclesijs sacros celebrari conuentus cernimus cum orationibus, & concionibus triduo profanorum Bacchanalium à quinquagesima.*

Obserua secundò diebus ieiuniorum Missam differri solitam ad horam octauam: quia hora nona, & non ante licebat in ieiunijs extra quadragesimam cibum capere

capere. Incidebat autem nona in tertiam post meridiem horam. Quod verò attinet ad horam refectionis, seu cœnæ per quadragesimam, ea differebatur in vespërâ, quæ in horam à meridie sextam incurrit. Meridies verò incurrebat in horam sextam veterum. Quo factum est, vt quamuis hora cœnæ ieiuniorum hodiernorum multum præ illo veteri ritu soleat anticipari, decantentur nihilominus vespertinæ preces per quadragesimam ante refectionem, atque adeò ante meridiem, non autem in reliquis per annum ieiunijs. Nam veteres hora quæ nobis est post meridiem sexta vespèras decantabant, indèque quadragesimalibus ieiunijs ad refectionem hoc est cœnam prodibant. In reliquis autem per annum ieiunijs. Canon iste 18. edicit, vt hora octaua celebretur Missa, nimirum hora post meridiem secunda. Post Missam enim preces horæ nonæ concinebantur, quibus exactis occurrebat hora de meridie tertia, qua ibatur ad cœnam. Tertullianus contra Psychicos cap. 10. scribit Psychicos (ita per contumeliam ipsos appellat. Catholicos superbus, & proteruus hæreticus) solitos non vltra nonam sua omnia ieiunia protrahere, suos verò hoc est hæreticos Montanistas, vsque ad vespèrum. Id tamen apertè falsum, & calumniosum est quoad ieiunia Catholicorum quadragesimalia, vt ex testimonijs sequentibus liquet. Basilii magni homil. 1. de ieiun. loquens de quadragesima. *Expecta* (inquit) *vesperam vt cibum capias*. Chrysostomus homil. 4. in Genes. de quadragesima pariter sic dicit: *Non existimemus in ediam. vsque ad vespèram ad salutem nobis sufficere*. Paulinus epist. 6. ad Amandum. *Quotidiana, inquit, ieiunia non refugit, & pauperem mensam vespertinus conuiua non horruit*. Hieronymus epist. ad Eustochium. refert de quibusdam Monachis solitos fuisse post horam nonam cibum sumere, & apud eos ieiunium totius anni æquale esse, excepta quadragesima, in qua distriktius viuunt, atque ad pœnitentiam vela laxantur.

Huc

Canon. 10. statuit, ut Clerici victum sibi vestitumque artificioso comparent, & ut iidem sibi proprijs manibus præparent refectiorem; & ita prætextu careant in suas ædes mulierem famulitij causa introducendi. De his actum diffusius ad Canones 51. & 52. Conc. Carthaginensis quarti.

Can. 18. assignat Monachorum ieiunia per annum. Quia verò ieiuniorum diebus non prandebatur, sed solum cenebatur, idcirco sic ait: *De ieiunijs antiqua à Monachis instituta conseruentur, ut de Pascha vsque ad quinquagesimam (id est Pentecosten) exceptis Rogationibus, omni die prandium fratribus præparetur. Post quinquagesimam tota hebdomada exactè ieiuent. Postea vsque ad Kalendas Augusti ter in septimana ieiuent. secunda, & quarta, & sexta feria, exceptis his qui aliqua infirmitate constricti sunt. In Augusto, quia quotidie missa Sanctorum sunt, prandium habeant. In Septembri toto & Octobri, & Nouembri, sicut dictum est ter in septimana. De Decembri vsque ad Natalem Domini omni die ieiuent. Et quia inter Natalem Domini, & Epiphaniam omni die festiuitates sunt, itemque prandebunt. Excipitur triduum quod ad calcandum gentilium consuetudinem Patres nostri statuerunt priuatas in Kalendis Ianuarij fieri Litanias, ut in Ecclesijs psallatur, & hora octaua in Kalendis ipsius Circumcisionis Missa Deo propitio celebretur. Post Epiphaniam verò vsque ad quadragesimam, ter in septimana ieiuent.* In isto Canone primùm obserua per triduum à Kalendis Ianuarij fuisse consuetudinem veterem Litaniarum, & ieiuniorum, ne fidelis populus communicaret sacrilegis dissolutionibus quibus indulgebant gentiles iisdem diebus in honorem Iani: quemadmodum multis in Ecclesijs sacros celebrari conuentus cernimus cum orationibus, & concionibus triduo profanorum Bacchanalium à quinquagesima.

Obserua secundò diebus ieiuniorum Missam differri solitam ad horam octauam: quia hora nona, & non ante licebat in ieiunijs extra quadragesimam cibum capere

capere. Incidebat autem nona in tertiam post meridiem horam. Quod verò attinet ad horam refectio-
 nis, seu cœnæ per quadragesimam, ea differebatur in ves-
 peram, quæ in horam à meridie sextam incurrit. Meri-
 dies verò incurtebat in horam sextam veterum. Quo
 factum est, ut quamvis hora cœnæ ieiuniorum hodie-
 norum multum præ illo veteri ritu soleat anticipari,
 decantentur nihilominus vespertinæ preces per qua-
 dragesimam ante refectio- nem, atque adeò ante meri-
 diem, non autem in reliquis per annum ieiunijs. Nam
 veteres hora quæ nobis est post meridiem sexta vespe-
 ras decantabant, indeque quadragesimalibus ieiunijs
 ad refectio- nem hoc est cœnam prodibant. In reliquis
 autem per annum ieiunijs. Canon iste 18. edicit, ut ho-
 ra octaua celebretur Missa, nimirum hora post meri-
 diem secunda. Post Missam enim preces horæ nonæ
 concinebantur, quibus exactis occurrebat hora de me-
 ridie tertia, qua ibatur ad cœnam. Tertullianus contra
 Psychicos cap. 10. scribit Psychicos (ita per contume-
 liam ipsos appellat. Catholicos superbus, & proteruus
 hæreticus) solitos non ultra nonam sua omnia ieiunia
 protrahere, suos verò hoc est hæreticos Montanistas,
 usque ad vesperum. Id tamen apertè falsum, & calum-
 niosum est quoad ieiunia Catholicorum quadragesi-
 malia, ut ex testimonijs sequentibus liquet. Basilius
 magnus homil. 1. de ieiun. loquens de quadragesima.
Expecta (inquit) vesperam ut cibum capias. Chrysostomus
 homil. 4. in Genes. de quadragesima pariter sic dicit:
*Non existimemus inedia- m usque ad vesperam ad salutem no-
 bis sufficere.* Paulinus epist. 6. ad Amandum. *Quotidiana,*
inquit, ieiunia non refugit, & pauperem mensam vespertinus
conuiuia non borruit. Hieronymus epist. ad Eustochium
 refert de quibusdam Monachis solitos fuisse post ho-
 ram nonam cibum sumere, & apud eos ieiunium totius
 anni æquale esse, excepta quadragesima, in qua distri-
 ctius viuatur, atque ad pœnitentiam vela laxantur.

Huc

Huc accedit etiam Conc. Cabilonenſe dicens : *Solent plures qui ieiunare ſe putant in quadrageſima mox , ut audierint ſignum ad horam 9. manducare , qui nullatenus ieiunare credendi ſunt , ſi ante manducauerint quam veſperinum celebretur officium .* Citatur de conſecr. diſt. 1. Ille quoque Turonenſis canon hoc idem perſpicuè decernit . Sic etiam teſtatur Micrologus lib. de Eccleſiaſt. obſervationib. c. 49. *In hoc differt quadrageſimale ieiunium ab alijs , quod in alijs poſt 9. in hoc autem poſt veſperam reficere nos debemus : nec iuxta Can. quadrageſimaliter ieiunare conſemur , ſi ante veſperam reficimur .* Benediſtus Monachorum pater in Regula c. 41. *Quarta, & 6. feria ieiunent uſque ad nonam .* Et ſubindè : *ab initio quadrageſimæ uſque ad Paſcha ad veſperam reficiantur .* Nec verò Monachis id peculiare credas, ſic teſtatur Bernardus ſerm. 3. de quadrag. *Hætenus uſque ad 9. ieiunauimus ſoli : nunc uſque ad veſperam ieiunabunt nobiſcum ſimul vniuerſi Reges , & Principes, Clerus , & populus, nobiles, & ignobiles, ſimul in vnum diues, & pauper .* Denique Auguſt. ep. 118. ad Ianuarium, ubi dicit horam ſoluendi ieiunij eſſe nonam non de alijs ibi ieiunijs loquitur quàm Sabbathorum per annum . Id ſanè fatendum, ab aliquot ſæculis feruorem Chriſtianorum multum deferuiſſe , ideòque Eccleſiam de priſtinæ diſciplinæ ſeueritate plurimum remiſiſſe , quatenus fideles in deteriora lapſi eius diſtinctionis iugum è proprijs ceruicibus excuſiſſent, ſi pia mater eos voluiſſet ad hoc adigere quod melius , & animabus curandis ſalubrius fuiſſet . Hinc peſſum iuerunt publicæ antiquorum pœnitentiæ , & canonum aduerſus peccatores præſcripta pœnalia, hinc ieiuniorum miræ relaxatione tum horam præſcriptam longè anticipando , tum comeſtationem antea prohibitam ieiunijs interſerendo, tum Xerophagias, de quibus ſuperius ad Laodicenum canonem tractauimus circa ciborum, & potus ſubſtantiam ferè omnino abolendo .

CONCIL. TOLETANVM III.

V Aldè memorabile istud Concilium est , vtpotè conuocatum felicissimis auspicijs cùm primùm Catholica fides , quæ priùs sub Visigottis Arianis oppressa in Hispanijs ingemuerat , & quam paulò antè Rex Leouigildus atrociter fuerat infectatus , adeò vt primogenitum suum Hermenegildum ab Arianismo ad Catholicam fidem opera S. Leandri Hispalensis Episcopi conuersum præcellenti virtutem principem in vincula coniecerit , & ad vltimum capite truncauerit . At huius frater minor natus Recaredus fraternæ pietatis se præstitit imitatore . Hic mortuo parente Leuigildo Regnum capessuit , simulque religionem Orthodoxam non modò professus est , sed etiam quanto potuit studio fouisit , & propagauit . Ea de causa ipso Regni sui exordio hanc Synodum curauit celebrari Pelagio II. Romæ Pontifice , anno Chr. 589. & Hispaniæ ære anno 627. hoc enim obiter discendum Hispanicam æram annis 38. anteriorem esse Christiana epocha , eiusque initium desumi à Consulatu Appij Claudij , & Norbani Flacci , quo factam inter triumviros Octavianum Antonium , & Lepidum Imperij partitionem Senatus approbauit .

Subscripsere Conc. antistites ex omni Hispania congregati , necnon ex ea Galliæ parte , quæ tunc Visigottorum Regibus parebat , Metropolitæ Narbonensis , alijsq; Gallicani Episc. per se aut delegatos à se Vicarios .

Sub eodem Rege Recaredo haud multò post hanc Toletanam Synodum , altera Narbone habita est Episcoporum Synodus , qui iidem ferè subscripti leguntur in hac Toletana Migerius Narbonensis Prouinciæ Metropolitanus , & Episcopi Sedatius Biterrensis , Boetius , aut Poetius Magalonensis , (quæ postea sedes

sedes Monspelium translata fuit) Pelagius Nemanensis, Tigridius Agathensis, Sergius Carcaſſonenſis, & Agrippinus de ciuitate Loteba, ea nunc Lodeua dicitur.

Obſeruatu digniſſimus eſt canon 7. *Pro reuerentia Dei Sacerdotum id vn'uerſa ſancta conſtituit Synodus, vt quia ſolent crebrò menſis otioſa fabulæ interponi, in omni Sacerdotali conuiuiſio lectio ſcripturarum diuinarum miſceatur: per hoc enim & animæ ædificantur in bonum, & fabulæ non neceſſariæ prohibentur.* Citatur apud Gratianum diſt. 44. c. pro reuerentia. Eadem pariter regula præſcribitur c. in omnibus de conſecr. diſt. 5.

CONC. MATISCONENSE II.

Matiſcona oppidū eſt Æduorum amni Arari adiacens. Sedem habet Epiſcopalem Lugdunenſi Metropoli ſubiectam. Primum ibi Conc. celebratum fuerat an. Chr. 582. Pelagio II. Pontifice, atque in iſta Galliæ parte, quæ Burgundia eſt, regnante Guntrano vno ex quatuor Clotarij liberis, qui regnum paternum in totidem partes, ſeu tetrarchias partiti fuerant, Chariberto Lutetiæ ſedem ſui regni collocante, Guntrano Auraliani, Chilperico Sueſſionibus, & Sigiberto Metis. Poſt ſexennium ſub iſdem Pelagio Papa, & Guntrano Rege, celebratum maiori frequentia fuit ſecundum. Matisconæ Conc. ann. 588. cui præſedit Priſcus Lugdunenſis, & cum eo ſederunt alij 60. Epiſcopi.

Huius can. 4. præſcribitur, *vt omnes fideles diebus Dominicis viri, & mulieres altaris oblationem faciant in pane, & vino ſub anathematis pœna.* Vide quæ annotaui ad Laodiceum can. 14.

Can. 6. *Quacumque reliquiæ ſacrificiorum poſt peractam miſſam in ſacrario ſuperſederint quarta, vel ſexta feria inno-*
cen-

centes ab illo cuius interest in Ecclesiam adducantur, & indicto ei ieiunio, easdem reliquias conspersas vino percipiant. Huc pertinet narratio Euagrii l. 4. Hist. Eccl. c. 36. Verus (ait) consuetudo Constantinopoli fuit, ut si quando multæ particule sacratissimæ Eucharistiæ superessent, pueri impuberes, qui scholas frequentabant accerferentur, qui eas manducarent. Contigit ut puer quidam Iudei opificis vitrarij cum condiscipulis admittus his reliquijs Sacramentorum participauerit. Hic domum regressus patri causam moræ sciscitanti puer simplex, & innocens rem uti erat significavit. At ille furore excaecatus arreptum puerum in vitrariam fornacem coniecit accensam, mater inscia rei puerum toto triduo conquistum flebiliter in mariti officina compellat, cui puer de fornace respondit: Tum mater ad ostium cli-bani accurrens puerum inter flammarum vortices illegitimum conspicit, qui se à quadam eximij decoris muliere servatum asseruit, quæ ad eum crebrò veniens etiam cibum quoties esuriebat, allatum erogabat. Id miraculum protinus Iustiniano Imperatori perlatum est, qui puerum, & matrem sacro baptismo lubentes ablui curavit. Patrem autem in sua impietate pertinacem crucis suspendio damnavit.

Can. 15. iniungit laicis, ut occurrentibus in itinere Sacerdotibus se venerantier inclinent, & si ambo equestrant, laicus de suo capite galerum auferat in Sacerdotis honorem. Sed si Sacerdos pedes incedat, & laicus equo vehatur, descendat in terram laicus in venerationis debita significationem. Contra-uenientes statuit ad tempus ab Episcopo præfiniendum, esse ab Ecclesia, quam inhonorat, suspensos, ac interdictos.

Can. 19. clericis vetat forum ingredi criminale in quo examinantur criminum rei, aut damnatorum supplicio spectatores interesse.

CONCILIVM CONSTANTIN. II. & inter Oecumenica quintum.

Nestorianam perfidiam, & Eutychianam impietatem Synodi Ephesina, & Chalcedonensis prostrauerant, non tamen extinxerant. Pertinax enim malitia in multorum animis, & virus hæreseos, & noua factionum molimina in dies alebat, & accendebat. Dudum etiam exoleti errores Origenis multis locis recrudescabant, vnde innumera dissidia per Orientem nascebantur. In hac tamen multiplici hæresum colluie perfidia Eutychiana, quæ regnante religiosissimo Principe Marciano in multorum animis metu potius quam voluntate repressa latebat, post illius obitum in tantam prorupit audaciam, vt per omnem Asiam, & vicinas Europæ regiones omni furore, & strage grassata sit; & tres orientis Patriarchias Alexandrinam, Antiochenam, & Constantinopolitanam scdè concusserit, de quibus singulis pauca hic perstringenda.

In primis Alexandriæ audito statim Marciani Augusti interitu, qui dum superstes fuit Chalcedonensem fidem strenuè tutatus fuerat, ea soluti formidine quicumque Dioscoro fauebant, caput sacrilegum extulerunt. Præcipui horum duces fuisse Timotheus Ælurus, & Petrus Moggus. Hi primum, vt refert Liberatus cap. 15. ceteris hæreticorum stipati, Proteorium adoriuntur Alexandrinum Episcopum, ex Chalcedonensi decreto, in locum deturbati. ea sede Dioscori subrogatum, eumque in baptisterio, quò confugerat latitantem iugulant, & flammis iniec tum in cineres redigunt, quos in ventum dissipant. Egerrimè hoc tulit qui Marciano successerat Leo Augustus. Nec minùs tamen bacchantur Alexandriæ Eutychiani hortante Timotheo Æluro, qui per vim, & Orthodoxorum

rum cædes Patriarchicum Thronum deiecto inde Proterio inuaserat. Quin etiam post huius inuasoris interitum per nouam obsistentium Catholicorum stragem, & internecionem horrendam, proiectissimæ nequitiz hæreticum Petrum Moggum in ea sede collocant.

Antiochiæ verò non segnius insolescebant eiusdem sectæ hæretici authore præsertim Petro Cnapheo, seu Fullone, qui ad Eutychetis dogma heresin adiunxit Theopaschitarum, vocesque trifragio addit: *qui passus es pro nobis*: Iste concitata aduersus Martyrium Episcopum Antiochenum multitudinem, illam violentus sedem occupauit. Quam eandem decursis aliquot annis alter Eutychianæ sectæ propagator insignis Seuerus inuasit, depulso Flauiano Catholico præfule, fauore subnixus, & gratiam Imperatoris Anastasij, qui sublato è uiuis successore Leonis Zenone Romanum regebat Imperium. Seuerus ex ista sic occupata sede sanctam Chalcedonensem Synodum publicè anathematizauit, Ecclesias depopulatus est, piosque omnes direptionibus, verberibus, carceribus, exilijs, cædibus atrociter diuexauit, & in his 300. Monachos immaniter excruciatos trucidauit, omniaque luctu cruore, & cadaueribus funestauit.

Nec minùs infestas Eutyehianorum furias passa est Constantinopolis Ecclesia. Primum quidem sub Acacio, qui Petrum Moggum in Alexandrino Episcopatu retinendo omni præsidio, & industria tutatus est, quique Chalcedonensis fidei proditor diu fallacibus artibus diligentiam Romanorum Pontificum elusit. Deinde sub Antimo, qui abdicato Trapezuntis Episcopatu in sedem Constantinopolitanam inuolauit, & primum vacare cœpit obitu Epiphanijs Catholici Episcopi, quam ille non destitit sua deinceps hæresi contaminare. Quæ cum graueret Romanus Episcopus Agapitus, qui per id tempus Theodati Gottorum Regis causa Constantinopolim ad Iustinianum

num Augustum concesserat, non modò Antimi consalutatione omnique communione abstinuit, sed & ipsum obsistente licèt Theodora Imperatrice Patriarchatu dimouit, Mæna spectatæ Religionis viro in illius locum suffecto, quem sua ipse manu sacrauit applaudente Senatu, & populo, suaque sanctione id omne comprobante Iustiniano. Et ita repressa illic hæreticorum vesania tantisper conqueuit.

Sed & Orientem infestabat præterea hæresis Nestoriana, quam valdè fouebant libelli quidam à tribus authoribus editi. Quorum primus Theodorus Mopsuestiæ Episcopus, qui ante Synodum Ephesinam aduersus hæreticos Eunomium, & Apollinarem ita scripserat, vt vnã tamen Christi personam, & Deum carne indutum, & Mariam fuisse Dei matrem palàm inficiaretur. Igitur Nestoriani interdictis per edicta Imperialia Nestorij libris, ne deesset vnde populi virus Nestorianum haurirent, scripta Theodori studiosè vulgarunt non græco tantum idiomate, sed conuersa etiam in Syrorum, Persarum, atque Armenorum sermonem. Alter fuit Theodoritus Cyri Episcopus, qui duodecim Ephesinæ fidei capitibus à Cyrillo Alexandrino conscriptis, totidem opposuerat, & cuderat acres, aculeatasq; censuras. Tertius Ibas Edeffenæ ciuitatis Episcopus, qui scripta ad Marin Persam epistola coarguit Rabulam decessorem suum, quod immeritò Mopsuestenum quẽ optimè de Ecclesia meritum, & strenuissimum hæreticorum debellatorem asserit, anathemate damnasset. Postmodum Dioscorus eiusque in Ephesino Concilio affecle Edeffenum Ibam duas Christi naturas prædicantem aduersus Eutychen crudeliter infectati sunt, tamquam ab Ephesina Synodo, & à Cyrillo dissidentem, eumque sæpiùs in vincula redactum, & condemnatum deposuerunt. Ab his prouocauit Ibas ad Synodum Chalcedonensem, quæ Ibam Nestorij dogma damnantem, & anathematizantem communioni, & pristinæ digni-

gnitati restituendum duxit; de ipsius tamen ad Marin epist. nihil definiuit.

Ad Nestorianam, & Eutychianam luem 3. pestis, & calamitas accessit ex duobus monachis nouæ Lauræ, (id erat S. Sabæ in Palæstina Monasterium) Nonno, & Leontio Bylantino. Isti collectos ex Origenis voluminibus maximos quosq; errores in omnes orientis plagas disperferunt: quorum summa erat ante corpus anima extitisse in cœlo, ubi varia peccata commiserit. Cælum solemque lunam, & quæ cœlis supernatant, aquas esse quasdam animatas, & rationabiles virtutes. In resurrectione corpora hominum rotunda, & orbiculata excitatum iri. Omnium damnatorum, & dæmonum, & hominū tormenta finem habitura. Impios homines, dæmonesque in priorem suum à creatione statum esse restituendos. Pro dæmonum salute Christum denuò crucifigendum, atque idipsum patiendum esse à malignis, qui in cœlo sunt spiritibus. Horum amentia ne latius in dies serperet, suppliciter id postulantibus Monachis quibusdam Ierosolymitanis, atque Pelagio Diacono Vigilij Papæ apocrifario, & Menna Constâtinopolis Patriarcha, Iustinianus Imperator non tantum Eutychianos, sed insuper Origenistas seuero coercuit edicto quod postea trium orientis Patriarcharum, sed & Vigilij potissimum suffragio comprobatum est. In quo illud asseritur ex Origenis libris Ariū Manetem, ac ferè omnes reliquos hereticos tamquam immanes feras ex antris, & caueis profilientes, gregem dominicum deuastasse. Istiusmodi condemnationem iniquo admodum tulit animo Cæsareæ Cappadocum antistes Theodorus Origeni addictissimus, scætaque Acephalus, quæ ramus, & propago quædam erat heresis Eutychianæ, prætereaque Pelagio Diacono summopere infensus.

Vt igitur quascumque poterat Origeni, & Acephalīs ferret suppetias, Iustiniano principi, cuius gratia pollebat suadet, ac se tot curis, & laboribus confice-

ret in Acephalis insectandis, & Chalcedonenſi tuenda Synodo; facili quippè negotio totum poſſe componi, ſi Mopſueſteni Theodori libros, lbę epistolam, & Theodorigi capitula publico ediſto damnaret. Nec enim aliam ob cauſam quicumque cum Eutyche ſentiunt licet in varias diſſecti partes, à Chalcedonenſi Concilio decebat abhorrere, niſi quod Theodorigum, & Ibam iuſtè ob hæreſim ſuis dudum ſedibus eiectos reſtituiſſet, atque in Synodi conſeſſum admiſiſſet. Deinde quòd Ibę relinquendo intaſtam epistolam eiufque authorem honorificè reſtituendo, videretur hoc ipſo Theodorigo doctrinam tantoperè in ea epistola collaudatam approbaſſe. His verò deterſis tribus maculis fore tandem, vt alioqui grauiffima Synodus nemine diſcrepante vbique recipiatur.

Iſta Theodorus Cæſarienſis Iuſtiniano vaſerrimè ſimul, & mendaciſſimè ſuggeſſit. Non enim ſacra Synodus Theodorigum, & Ibam in communionem, & priſtinam ſedem, & ſacrum conſeſſum recepit, niſi poſt teſtimonia pœnitentię, & publicam ſincerę fidei profeſſionem. Nec vllum Theodoro Mopſueſteno haberi honorem voluit, cùm nihil de illo propoſitum aut definitum in ea Synodo fuerit, ſed ſi qua eius mentio fuit in his quę ſcripſit Ibas, ea dumtaxat historicè recitata ſint, quomodo multę in Conc. proferri aliquando ſolent priuatorum ſcriptiones pro rerum occurrentium varietate. Longè quippe diſtant Synodica inquiſitio, & ſimplex recitatio. Si enim de ſingulis quę recitantur definiendum eſſet, res in immenſum abirent, & Synodi ſcopus cui ſedulè intendendum eſt in diuerticula innumera moleſtiarum, & confuſionum plena diſtraheretur. At Theodorus ipſe in vnum illum ſcopum collimabat, vt Chalcedonenſi Conc. fidem abrogaret, omnemque procellam in Eutychanos incumbentem in hõrum aduerſarios Neſtorianos conuerteret, Catholicos verò inter ſe committeret, ac ſchiſmate ab inuicem diuelleret,

vnde ipsi debiliores euaderent, & studia sua aliò diuerterent, Eutychianis verò, & robur, & securitas accresceret. Hec sapienter penetrans Vigilius Pontifex Theodorum ista molientem scriptis litteris grauitè coarguit: Iustinianus tamen Theodoro morem gerens missis in omnem partem litteris Episcopos ad trium præfatorum capitum damnationem instanter vrget. Horum pars quidem acquiescit, pars verò metuens ne Chalcedonenſi Conc. frâus fieret moras neſcit, & rem non aliter, quam totius orbis deliberatione respondet esse dijudicandam, non verò priuatorum aliquorum studijs. Itaque rem eò eamdem Iustinianus deduxit, vt capitula tria simulque Origenistarum causa ad Occumenicæ disquisitionem referrentur.

Anno igitur Christi 553. Constantinopolitana Synodus secunda, & inter Oecumenicas quinta indicitur. Interfuerunt Eutychius Regiæ vrbis Episcopus, qui Menne successerat, Apollinaris Alexandrinus, Domnus Antiochenus, tres quoque qui absentis Eustochij Ierosolymitani Episcopi vices agebant, omnesque simul fuere centum sexaginta Episcopi. Vigilius verò Papa, qui non abs re multum in vniuersam Ecclesiam discriminis ex ista machinatione, quam Theodori Cæsariensis fraudulenta mens pepererat, suspicabatur, & pertimescebat, neque aliter in istam conuocationem consenserat, quam quia Iustiniani potentia, seu potius impotentia obſistere citra ipsius Ecclesiæ graue aliud periculum, & damnum minimè poterat, non indicauit per se, aut suos legatos huic assistere Synodo, licet tùm temporis ab ipso Iustiniano accitus Constantinopoli versaretur, ne sua præsentia per sæcularem potestatem adigeretur (sicut pluries in alijs Concilijs per Imperatores conuocatis contigerat ipsis orthodoxi Episcopis, atque aliquando ipsi Liberio Pontifici) ad quidquam quod ipsi Ecclesiæ dedecori, ac detrimento verte-

ret: sed sibi sine cuius approbatione Synodus nihil ratum, ac validum poterat decernere, expectandum esse totius rei exitum, maxime cum abesset Occidentis Episcopi, à quibus sinceriores poterat sibi fidem polliceri, & certiores in eorum animis fiduciam collocare. Sic namque integrum sibi fore approbare, aut reprobare quæcumque tandem Synodus decreuisset. Hanc Vigilij tanto in discrimine prudentiam magnopere commendat illustrissimus annalium scriptor.

Vigilius tamen ut ad Concil. accederet, eique præficeret etiam atque etiam rogatus fuit, primum quidem à tribus Patriarchis, & septemdecim Episcopis, qui honorifica penes eum legatione Concilij nomine functi sunt: Deinde à tribus Patricijs cum pluribus simul Episcopis ab Imperatore missis: nullis tamen precibus adduci potuit, ut à Præcessorum suorum (hanc enim obtendit excusationem) consuetudine recederet, qui numquam in Oecumenicis Synodis confederant. Prolixè tamen suam voluntatem, & consensum pollicitus est, in his rebus, quæ sacro approbante Concilio pro Ecclesiæ dignitate decernendæ erant.

Patres in secretario Concilium auspicantur. Actum est in primis de Theodoro Mopsuesteno, cuius productis, & examinatis libris anathema in eum, eiusque doctrinam conclamatum est: definitumque productio in hanc rem Augustini testimonio hæreticos etiam post mortem condemnari posset. Itum hinc est in epistolam Iba, quam ut à recta deflecentem fide Patres censura notarunt, & ultra legi prohibuerunt. Idemque decretum in capitula Theodoriti.

Quibus peractis editi sunt can. 14. quibus Catholica fides aduersus Nestorium, Acephalos, aliosque Euty-chis, & Seueri sectarios explicata est.

Actum hic pariter de Origenis Didyimi, & Euagrij erroribus, quos vno quasi ore Patres omnes detestati sunt. Operæ pretium erit omnem damnationis scripto:

ptorum Origenis historiam ab ipsis primis exordijs contexere. Primus Origenis viuentis libros damnauerat eius Episcopus Demetrius Alexandrinus Patriarcha, eumque vt hæreticum anathematis sententia perculerat, vt scribit Hieronymus lib. 2. aduersus Rufinum. Pro sui verò defensione litteras Apologeticas ad omnes Ecclesias scripsit Origenes, quibus erroneorum dogmatum crimen à se amoliri studet, refundens illa in quemdam æmulum, & hæreticum librorum Origenis exscriptorem, qui ad sanam Origenis doctrinam sua zizania superseminauerit. Caterum ex officio fecisset Origenes si sufficienter prouidisset, ne (quod postea contigit) fraus aliqua vlli ex suis libris fieret, illiq; sibi ascripti errores latius serperent. Colligendi ergo fuerant ab ipso singillatim in vnum quasi fasciculum, & deinde ab ipso refellendi, & anathematizandi. Præterea non in vno alteroue codice, sed vti obseruat præfatus Hieronymus, in omnibus ferè libris, quos innumeros edidit Origenes, eadem semper hereses inspersæ leguntur.

Contigit exindè sub ann. Christi 399. vt Theophilus Alexandriæ Episcopus collecta subditorum sibi Episcoporum Synodo libros damnaret. Origenis, eiusque fautores communione fidelium excluderet. His rebus Theophilus scriptis litteris Anastasium Roman. Pontificem fecit certiore. Quibus acceptis litteris Anastasius eodem anno, & Origenem, & Origenistes publica sententia damnauit, vt testatur Hieronymus. ep. 71. ad ipsum Theophilum, & ep. 78. ad Pàmachium, & Apolog. 1. & 2. ad Rufinum. Multitudo subinde Monachorum Ægypti à Theophilo ex tota Ægypto depellitur, conceditq; in Palæstinam, vnde pariter eiecta Constantino-polin ad Chrysostomum confugit, qui eos peregrina communione suscepit, prouidens ipsis de victu, promittitque, fore se intermedium reconciliationis ipsorum cum Theophilo conciliatorem. Quia tamen formatas ab eo nullas habebant, idcò donec plenior causæ

cognitio haberetur, vt scribit Sozomenus li. 8. cap. 13. noluit monachos ad Sacramentorum Ecclesiæ communionem admittere, preces tamen eis in Ecclesia fundere non prohibuit.

Diu obstitit Chrysostomus ne quod animo concipiebant Ægypto profugi monachi libellos accusationum aduersus Theophilum Arcadio Augusto exhiberent. At vbi nulla demum spes illis reditus & pacis affulgere visa est, non ampliùs distulere libellum Imperatori aduersus Theophilum offerre grauib. refertum accusationibus, adeò vt Theophilus in capitis discrimen adduceretur. Credidit Theophilus simulq; illius aduersus Origenistas commilito studiosissimus Epiphanius Constantiæ Cypri Episcopus hanc fuisse Chrysostomo impulsore factum accusationem & ipsum esse Origenistarum fautorem, falsa in vtroque persuasione delusi. Epiphanius Theophili suasu ad Chrysostomum scribit de cogenda Constantinopoli Synodo ad condemnandum Origenistas, sicut à Theophilo Alexandriæ factum fuerat, & ab ipso Anastasio Romæ. Cui rescripsit Chrysostomus Ægyptios monachos conqueri se falsis appeti accusationibus. Quod verò spectabat ad rem Origenistarum, cum id nulla fuisset Oecumenica Synodo definitum, consultius sibi agendum videri circa libros Origenis, ne maius ex ea concertatione dissidium, & schisma nasceretur: quandoquidem plerique sanctissimi Patres, & Ecclesiæ doctores magnam Origeni venerationem habuerunt. Epiphanius his minimè acquiescens suadente Theophilo Constantinopolim profectus est.

Aduenientem in urbem Epiphanium Chrysostomus omnibus humanitatis officijs prosequutus est, rogauitque vt vna Ecclesia, & vna domo secum vteretur. Ille, verò negauit se vllatenus cum eo communionem habiturum, donec Origenis libros apertè damnasset, monachosque Origenistas expulisset. Epiphanius post aliquot disputationes, & similtates cum clericis, Episc.

qui

qui tunc in vrbe Regia versabantur, quosq; nec à Chryso-
stomo diuellere, nec ad suas potuit trāsferre partes,
admonitus tandem sibi periculum impendere, si fortè
tumultus aliquis, aut seditio moderetur cuius ipse in-
centor esset, destitit ab inceptis, & ex vrbe directo in
Cyprū itinere nauigauit, re ob quam venerat infecta.

Digresso Constantinopoli Epiphanio Theophilus
iubente Arcadio profectus est in Regiam ciuitatem,
vt accusationibus quibus impetebatur responderet.
In hoc itinere complures collegit, secumque addu-
xit Episcopos, in animo habens quod re postea com-
pleuit, Synodum aduersus Chrysostrum in ipsius
diœcesi celebrare. Sciebat enim Eudoxiam Augustam
sanctissimo præfui, qui eam sæpius coarguerat esse in-
fensam. Quin etiam fortuitò euenit, vt cum pro con-
cione Chrysostrum alludens ad Eliæ prophetæ verba
3. Reg. 18. sic exorsus esset: Congregate ad me Sacerdo-
tes dedecoris qui comedūt mensam Iezabel &c. Quo-
quot ei aduersabantur Imperatricem acrius in ipsius
perniciem accenderint persuadentes hæc conuiciandi
studio prolata aduersus eam fuisse, simulque aduer-
sus Theophilum, Seuerianum, Acacium, Antiochum,
Episcopos, qui Eudoxiæ cura, & impensis Constanti-
nopoli alebantur. Hæc ergo impotens iratum acrius
conspirat cum eiusmodi Chrysostrum infensis Episco-
pis in ipsius exitium.

Conuenit itaque Concilium malignantium præsi-
de Theophilo ad Quercum. Sic vocabatur Chalcedo-
nis suburbium. Eò citatus Chrysostrum reus cum
non accessisset, damnatur absens, & sede, ac dignitate
deponitur. Quin etiam postulanre Pseudosynodo,
& urgente Eudoxia ab Arcadio mittitur in exilium.
Monachi verò profugi cum veniam supplices rogas-
sent, redeunt in gratiam cum Theophilo. Hic verò
qui grauissimorum criminum accersitus reus Constan-
tinopolim iudicandus aduenerat, Urbem primū
trium-

triumphali comitatu intrauit, honoribus in aula cum-
latus est, Synodumq; in vicinia Regiæ vrbis habuit, cui
præfedit factus ex reo de repente iudex Episcopi sibi
nullatenus subditi, atque in aliena Diœcesi, cuius etiam
Antifisti ante aliquot annos totius orientis Episcopi in
secunda Oecumenica Synodo altiore dignitatis gra-
dum præ omnibus orientis Patriarchis indulserant.

Scribit Socrates. hunc ipsum Theophilum cum fre-
quenter Origenis scripta legeret, dicere solitum eius
libros similes esse prato omnibus florum herbarumque
generibus confito, vnde bona, & salubria multa decer-
peret, quæ verò mala inerant, missa faceret. Gelasius
etiam Papa præcessoris sui Anastasij vestigijs insistent,
in Concilio Romano de Origene sic pronunciat: Ori-
genis nonnulla opuscula quæ vir beatissimus Hierony-
mus non repudiat, legenda suscipimus, reliqua autem
omnia cum authore suo dicimus esse renuenda.
Ita Gelasius qui anno 492. Pontificatum inijt annis cir-
citer 60. ante istam Oecumenicam Synodum quintam.

Quam demùm Synodum vt propiùs attingamus,
compertum est, ipsam multarum etiam inter Catho-
licos dissensionum seminarium fuisse. Quamvis enim
circa fidei definitiones quas edidit, omnes Catholici
conuenirent; attamen in his quæ circa facta, & per-
sonas versabantur dissensiones acerrimæ, atque diu-
turnæ succensæ sunt. Receptissimam, & inconcussam
totius Ecclesiæ doctrinam his ipsis verbis tradit sa-
pientissimus Cardinalis Bellarminus libr. 3. de Rom.
Pontif. cap. 2. Primò posse summum Pontificem cum
suo cœtu consiliariorum, vel cum generali Concilio
errare in controuersijs facti particularibus, quæ ex
informatione, testimonijsque hominum pendent.
Secundò posse summum Pontificem vt priuatum do-
ctorem errare etiam in quæstionibus iuris vniuer-
salibus, tam fidei, quàm morum, idque ex ignoran-
tia vt alijs doctoribus contingit interdum. Verum-
tamen

tamen quicumque hoc prætextu Schismata in Ecclesiam inuherent, aut etiam Pontificem ipsum, vel Synodum peruicaciter despicerent, quibus ob dignitatem debetur semper à fidelibus veneratio, illi proculdubio Deum offenderent, & scandalum fidelibus obijcerent.

Cæterum ex ijs qui tribus capitulis non acquieuerunt persuasi damnationem illorum, vel non esse verò consentaneam, vel etiam Synodo Chalcedonensi (qui fuerat Theodori Cæsariensis scopus) iniuriosam, quidam eò progressi sunt, vt seipso à reliquis fidelibus diuellerent, eorum communionem, & societatem omnem auersantes, & schisma spontè inducentes. Huiusmodi fuerunt Istriae complures Episcopi, & Venetorum, & Liguriæ, Insubriæque, atque in primis Paulinus Aquileiæ, & Honoratus Mediolani antistes. Hi namque Synodum istam tametsi authoritate iam Apostolica, roboratam non sunt veriti reprobare, in Pseudosynodo à se coacta non modo inconsulto, sed etiam palam aduersante Romano Pontif. Pelagio II. vt patet ex huius ad ipsos epistolis. Atque hoc esse exordium Patriarchatus Aquileiensis per schisma vsurpati Baronius autumat. Coactus igitur fuit Pelagius agere cum Narsete Patricio, & Exarcha Italiæ sub Iustiniano Principe, vt tantam proteruiam sua potèntia, & armis compesceret. Paulinum autem, & Honoratum vt nefarij schismatis authores militum custodiæ traditos Constantino-polin ad Imperatorem traduceret. Quamquam causa etiam reformidandi magna erat Pelagio ipsi diram, & sacrilegam Imperatoris tyrannidem, quæ paulò antè desauierat cum horrendo vniuersæ Ecclesiæ despectu, & scandalo contra Vigilium Papam, Synodum istam approbare renitentem.

Istæ quidem per Iustinianum eiusque in Italia Ducem Narseten vexationes, excitarunt graues rerum turbas tota præsertim Italia, donec postremo Sancti Gre.

Gregorij, & Sergij Pontif. monitis, & insigni prudentia extinctum est istud dicendum, se datæque perturbationes Ecclesiarum, ita vt Synodum 5. iidem tandem complecterentur, qui fuerant ei paulo antè infensiores.

Alij verò trium quidē capitulorum damnationi minimè acquiescentes, non ideò tamen à communione se subtrahebant eorum qui damnabant. In primis enim perspicuum est Vigilium Papam huiusmodi damnationi capitulorum, quæ ab eo enixè postulabatur diù, & constanter restitisse, nec eam potuisse Iustinianum ab ipso extorquere, nisi postquam ægritudine, senioque confectum Pontificem in tetrum carcerem alligato ad collum fune detruxit, in quo dies multos elanguit, modico tantum pane, & aqua pastus. Comites autem Vigilij Romano Clericos, seu vilia mancipia Iustinianus ad metalla damnauit omni calamitate mactandos. Vigilius verò ærumnis confectus postquam ereptus è carcere Romam regreditur in Sicilia interiit. Scripsere de his Paulus Diaconus lib. 3. c. 12. & lib. 4. cap. 4. Beda lib. de sex ætatibus. Liberatus in Breuiario, addens Vigilium fuisse quidem ab heresi afflictum, sed non coronatum, eò quòd non aliter fuerit liber dimissus quam trium capitulorum diu recusatam damnationem relaxando. Hæresin verò Liberatus non aliam dicit quam Eutychianorum; qui hanc condemnationem fieri satagerant. Quamquam reuerà illa condemnatio nullatenus fidem catholicam lædebat, sed tantum Nestorianum dogma. Hoc etiam refert Liberatus, eos qui consensiebant huic damnationi trium capitum fuisse à Iustiniano muneribus donatos, & honoribus auctos, dissentientes verò sedibus, dignitatibus, & opibus spoliatos in ærumnosa exilia relegatos fuisse, aliosque fugatitantes in angustiis felicem (sic loquitur Liberatus) exitum suscepisse. Isidorus quoque de viris illust. cap. 25. victorem perhibet Episcopum Africanum fuisse pro trium capitulorum defensione multatum exilio, de.

deinde in carcere mortuum sub Iustiniano . Facundus quoque Hermianensis alter Episcopus Africanus eandem ob causam deportatus in ærumnosum exilium fuit. Theodorus pariter Africanus Episcopus cum tria capitula reprobare nollit, relegatus ab eodem Iustiniano fuit, quo in exilio vitam finiuit, sed honorificè tumulatus fuit iuxta Confessorum Africanorum sacra pignora, quibus Hannericus Vandalorum Rex linguas ob fidei constantem professionem exciderat. Hæc in suo Chronico scribit Victor Tununensis, qui temporibus illis Constantinopoli versabatur .

Cassiodorū quoq. hanc Synodum non probasse inde colligit Baronius ad ann. 556. n. 2. quod cum cæteras recenset Oecumenicas, nullā huius habeat mentionē: sicut ipse S. Gregorius Papa fecisse aliquando visus est, dicendo se quatuor Oecumenicis Concilijs parem cū quatuor Euangelijz venerationem deferre. In quinto enim Concil. (vt ipse attestatur) non de fide, sed de personis tractatum fuit. De Felice verò trium capitulorum defensore ita scribit lib. 3. epist. 14. *Felix præsentium lator cum nullatenus in hæreticorum dogmata lapsus sic, nec à Catholica fide discesserit, &c.* Idemque lib. 3. epistol. 37. ad Constantium Episcopum Mediolanensem. *Quod autem scripsistis, quod epistolam meam Regina (Longobardorum) Theodolindæ transmittere minimè voluistis pro eo quodd quinta Synodus in ea nominabatur, si eam exinde scandalizari posse credidistis, rectè factum est, vt minimè transmutaretis: Vnde nunc ista facimus vt vobis placuit vt quatuor Synodos solummodò lauderemus. De illa autem Synodo, quæ postmodum Constantinopoli facta est, quæ à multis quinta nominatur, scire vos volo, quia nihil contra sanctissimas Synodos constituerit, vel senserit, quippe quia in ea de personis tantummodo, non autem de fide aliquid gestum est. Et de his personis de quibus in Chalcedonensi Synodo nihil continetur: sed post expressas Synodos, seu Canones facta contentio, & extrema actio de personis*

ventilata est, Nos tamen sicut voluistis ita fecimus, ut eiusdem Synodi nullam memoriam faceremus. Hæc sanctus Gregorius: & ita se ille gessit circa personas, quæ Schismate se ab approbatoribus huiusce Concilij non discindebant, Quin etiam approbatissimum Concilium Toletanum decimum quartum receptis Leonis Papæ secundi literis una cum actis sextæ Synodi constituit, ut post quartas Occumenicas Synodos, hæc à Leone transmissa, qua Monothelita damnantur, quinto loco poneretur: Vnde ex consequenti quintam istam excludebant sub Iustiniano aduersus tria capitula conuocatam.

Admonet sapienter Baronius, quintam Synodum malis initijs, & mala intentione auspiciatam nihil Ecclesiæ contulisse præter innumeras dissensiones, clades, vexationes, schismata, & sæcularis Imperij aduersus sacros Pontifices, aliasque Ecclesiasticas personas diram horrendamque tyrannidem: nec per eam fuisse conuersos, quinimò inualuisse magis hæreticos. Et cum contra summi Pontificis mentem, per sæcularem potestatem hæreticorum prauis suasionibus excitatam, coactum habitumque fuerit istud Concilium, nullo præsentè Apostolico Legato, primusque subscripserit, qui eidem propria præfedit auctoritate Euthychius Constantinopolis Episcopus, fuisse manifestè illegitimum, & Schismaticum Conciliabulum, nullo modo censendum inter Ecclesiæ Concilia, nisi ex solo tempore, quo robur eidem accessit ex approbatione Apostolica, siue postquam Vigilius Papa carcere, & fame, suorumque miserabili clade diu mactatus, ut ad hoc approbandum adigeretur: tandem approbavit, ut fidem facit sexta Synodus. A. 18. idque colligitur ex adducto superius Liaerati testimonio. Siue etiam ex decreto Pelagij Papæ, qui scripsit pro quinta Synodo memoratam superius epistolam ad Narsetem, quamuis etiam tunc perduraret tyrannidis violentia, fremeretque adhuc Iustinianus, siue

(quan-

(quando iam Ecclesia maiori securitate, & pace fruebatur) ex approbatione S. Papæ Gregorij l. 1. ep. 24. l. 2. ep. 10. & 36. siue ex approbatione Nicolai I. epist. ad Michaellem Imperatorem. Quibus omnibus adiungenda quoque approbatio Synodorum Oecumenicarum 6. & 7. Quinetiam urgente ipsa Iustiniani tyrannide, nihil facere consultius poterant Romani Pontifices, quam ut cederent illius voluntati, quia sic erat occurrendum certissimo, & ineuitabili totius Orientis aduersus Romanam Ecclesiam schismati.

Acta, decretaque Synodi 5. Latine tantum supersunt, in quibus etiam haud pauca supposititia Baronius agnoscit. Illa sanè Theodorici ad Ioannem Antiochenum epistola his inserta de obitu Cyrilli Alexandrini, cuius memoriam probris, & conuicijs proscindit, mera impostura est, cum Cyrillus ipse litteras scripserit ad Domnum Antiochenum Episcopum Ioannis successorem, quæ extant inter Cyrilli opera. Nicephorus etiam scribit in Chronico Cyrillum Ioanni superuixisse. Imò in sexta Oecumenica Synodo Act. 3. euidenter demonstratum est, insertos fraudulenter in actis huius Synodi fuisse duos Vigilij Papæ ad Iustinianum libros, & præterea Mennæ confictum sermonem ad Vigilium: ex quibus arguitur illius ætatis Orientalium profusa ad contexendas imposturas licentia.

CONC. TOLETANVM IV.

Quartæ Toletana Synodus coacta sub Honorio I. Pontifice fuit, regnante in Hispania, & in Narbonensi Gallia Sisenando æræ Hispanicæ anno 671. epochæ verò Christi 633. in Basilica sanctæ virginis, & martyris Leocadiæ. Interfuit Rex Sisenandus, & ex omnibus Hispaniæ Prouincijs, atque ex Narbonensi sub.

subscribere 62. Episcopi propria manu, & alij septem per procuratores. Inter quos eximia sanctitate insignes extiterunt, qui primus subscripserit Isidorus Hispalensis, scriptis libris, & publico Ecclesiæ cultu celeberrimus, alterum Ecclesiæ Hispalensis sydus post præcessorem suum Leandrum Hispalensem Visigottorum Apostolum: præterea qui ordine quintus subscripsit Iustus Toletanus Episcopus, Stephanus Emeritenfis, Nonnitus Gerundenfis, Conantius Palentinus, Braulio Cæsaraugustanus factis omnes sanctorum ascripti.

Can. 24. constituit, *ut puberes omnes, & adolescentes clerici in uno atrij Conclavi simul habitent disciplina Ecclesiasticis instituendi sub senioris magistri probatissimi cura*. Similiter Concilij 2. Toletani can. 1. decreuerat iuvenes clericos in domo Ecclesiæ sub Episcopi præsentia per sibi præpositum erudiri. Ambo hi canones inseruntur in decreto dist. 28. c. de his, & 12. 8. 1. c. omnis ætas. Concilium Moguntinum sub Carolo magno statuit communem etiam conuictum Canonicorum. Et Aurelianense 2. can. 9. providet ne clerici cum sæcularibus habitent. Aquisgranense sub Ludouico Pio can. 121. & can. 122. sancit cunctis clericis æqualiter cibos distribui ad mensam. Idemque can. 134. modum, & formam præscribit correctionis clericorum in commune viuendum. Et subinde can. 135. præcipit regulam, & modum educationis, & conuictus puerorum clericorum. Similiter edicit Conc. Parisiense l. 1. cap. 30. denique Trid. Concilium sess. 23. cap. 18. de refor. provideri iubet in singulis Diocæsesibus seminaria, & scholas clericorum pro eorundem institutione. De his plenius Concilia, & acta Mediolanensis Ecclesiæ sub sanctissimo præfule Carolo Borromæo. His adiungito S. Augustini exemplum, & disciplinam, de quo in eius vita cap. 5. ita perhibet Possidonius: *Cum ipso semper clerici una etiam domo, & mensa sumptibusque communibus alebantur, & vestiebantur*.

Can. 25. *Vt Presbyteri quando in paræcijs ordinantur, libellum officialem (vulgo Rituale) à Sacerdote accipiant, vt ad Ecclesias sibi deputatas instructi accédant.*

Can. 31. *Episcopi in protegendis populis, ac defendendis iniunctam sibi à Deo curam non abigant, Ideòque dum conspiciunt iudices, aut potentes pauperum oppressores existere, prius eos Sacerdotali admonitione redarguant: & si contempserint emendari, eorum licentiam Regis auribus intiment, vt quos Sacerdotalis admonitio non flectit ad iustitiam, regalis potestas ab impietate coerceat. Si quis autem Episcopus id neglexerit Concilio erit reus. Episcopalis constantia erga magnatum violentiam, & iniustitiam illustra suppeditant exempla S. Nicolaus Myræ antistes in Eustachium Asiæ proconsulem, vt in ipsius actis legitur. Sanctus Athanasius in præfectum Lybiæ ex Cappadocia oriundum: quem etiam ab eodem communione fidelium præcisum S. Basilius Cappadociæ Metropolitæ declarauit à fidelium consortio extorrem epistol. 47. ad Athanas. Idemque Basilius pari virtutis laude Modestum præsidem coercuit. Et Chrysostomus Eudoxiam Augustam, quæ viduæ agrum inuaserat ingressu Ecclesiæ prohibuit. Parem exercuit coercionem Ambrosius in Theodosium Imperatorem ob Thessalonicensium promiscuam cædem. Synesius etiam Ptolemaidis Episcopus Andronicum Prouinciæ Pentapolis præfectum virum crudelissimum, & rapacem, simulque scelerum eius conscium, & administrum Thoantem frustra præmonitos, & in flagitijs obstinatos à cœtu fidelium exclusit, atque ad pœnitentiam demum adegit, vt in suis ipse refert ep. 57. 58. 72. 89. Nec prætermittendus Sanctus Augustinus, qui præpotentem Africæ comitem, ubique singulari necessitudine deuinctum Bonifacium excommunicauit, eò quòd hominem, qui ad Ecclesiā confugerat sceleratum quidem, & morte dignum abstrahi iussisset, vt constat ex append. ep. 6. & 7. Idemque Augustinus epistol. 159. Marcellinum Africæ præ-*

secum ita compellat: quoniam Christiano loquor maximè in tali causa, non arroganter dixerim, audire te Episcopum iubentem conuenit domine eximie, & meritò insignis, atque charissime fili.

Can. 40. *Omnes clerici, vel lectores sicut Sacerdotes, & Leuitæ de tonsura superius capite, inferius solam circuli coronam relinquant: non sicut hucusque in Galicia partibus lectores faciunt, qui prolixis, & laici comis in solo capitis apice medium circumulum tondent. Ritus enim iste in Hispanijs hucusque hæreticorum fuit, unde oportet, ut pro amputando ab Ecclesijs scandalo, hoc signum dedecoris auferatur.* En ut comam in quocumque clerico scandalum, & dedecoris signum sanctissimi, & sapientissimi patres vocant. Anicetus Papa epist. ad cler. Gall. sic ait: *Clerici comam non nutriant, sed desuper caput in modum spheræ radant.* Citatur c. prohibet, dist. 23. Concilium Carthaginense quartum Canon. 44. *Clericus neque comam alat, neque barbam.* Citatur cap. clericus dist. 42. Isidorus lib. 2. diuin. offic. cap. 4. institutam ab ipsis Apostolis docet clericorum tonsuram, & coronam ad Nazæzorū imitationem, tanquam indicium, & professionem peculiaris additionis ad cultum Dei: quorum etiam ritu Paulus Ierosolymis comam attondit, & purificatus in templo fuit. Act. Apost. 21. Rem scribit mirificam Gregorius Turonensis in vit. SS. Patrum cap. 17. *Sanctus, inquit, Nicetius Episcopus ab ipso ortus sui tempore designatus est clericus, nam cum partu fuisset effusus omne caput eius, ut est consuetudo nascentium infantium, à capillis quidem nudum cernebatur, in circuitu verò modicorum capillorum ordo apparuit, ut putares ab iisdem coronam clerici fuisse signatam.* Ex tonsura quoque ortum habuit consuetudo rogandi, & obtestandi Episcopum per ipsius coronam. Hieronymus namque ad Augustinum epistol. quæ est apud Augustinum 26. sic dicit: *Frater tuos Dominum meum Alipium, & Dominum meum Euodium, ut nomine meo salutes precor coronam tuam.* Ipseque Augustinus ad Proculianum Episcopum

scopum epistol. 147. *Per coronam inquit nostram nos adiurant vestri, & per coronam vestram vos adiurant nostri.*

Canon. 62. *Iudæi qui Christianas mulieres in coniugio habent admoneantur ab Episcopo, ut si cum eis permanere cupiunt, Christiani efficiantur. Quod si admoniti noluerint, separentur: quia non potest infidelis in eius permanere coniunctione, quæ iam in Christianam translata est fides. Filij autem, qui ex talibus nati existunt fidem, atque conditionem matris sequantur. Similiter autem, & qui procreati sunt de infidelibus mulieribus, & fidelibus viris Christianam Religionem sequantur non Iudaicam superstitionem.* Citatur cap. Iudæi, quæ Christianas 28. 81. Canonem istum Toletanum restrinxit deinde Innocentius III. ad duos casus, nimirum si velit coniux infidelis ab eo diuertere, qui fidem suscepit. Item si velit quidem cohabitare, sed non citra iniuriam, & offensam Dei cap. quanto, & cap. gaudemus, de diuort. His suffragatur Apostolus 1. Corinth. 7. *Si quis frater habet uxorem infidelem, & hæc consentit habitare cum illo non dimittat illam. Quod si infidelis discedit, discedat, non enim seruituti subiectus est frater, vel soror in huiusmodi.* Satis innuens eo casu posse fidelem progredi ad alias nuptias, ex coniugis infidelis discessione. Cæterum in terris Pontificiæ ditionis ex quo vna seorsim regione concludi cœperunt Iudæi, renouari cœpit Canon hic Toletanus, nec licet conuerso Iudæo simul conuiuere cum coniuge non conuersa, quia nec isti permittitur inter Christianos habitare, neque illi inter Hebræos. Quo circa Sanchez cum quibusdam alijs obnixè contendit non posse conuersum ex Paganismo, vel Iudaismo cohabitare deinceps cum priore coniuge nisi conuertatur, quamvis spondeat nullatenus obistere professioni, ac Religioni conuersi coniugis. Obseruandum verò est impedimentum disparitatis cultus, quo matrimonium dirimitur haud esse diuini, sed Ecclesiastici iu-

ris, neque primæ antiquitatis. Licitum enim affirmat Augustinus lib. de fide, & operib. c. 19. fidelis cum infideli connubium. Quin etiam Monicam matrem suam ab infantia Christianam nupsisse viro ethnico ipse testis est l. 9. Confess. cap. 9.

Can. ult. Conc. Anathemate percellit subditos in Regem perduelles, & quoscumque vitæ Regis insidiantes. Simili ferit anathemate Conc. Constantiense quoscumque Regum parricidas.

Ibidem decernunt Toletani patres, vt defuncto in pace Principe primates totius regni vna cum Sacerdotibus regni communi consilio successorem Regem pronuncient. Deinde præsentem Sisenandum Regem, eiusque regni futuros successores admonent, rogant, & enixè hortantur ad mansuetudinem, & charitatem erga subditos, & insuper ad Religionem, Deique venerationem, ad iustitiam, & moderationem, vt ei placeant, qui eos populis præfecit, & cui rationem administrationis reddituri sunt exactissimam. Denique anathema pronunciant in flagitiosos, & impios, si qui futuri sunt Reges, & fausta omnia Sisenando adprecantur.

Synodus Cabilonensis !

CAbilo Lugdunensis primæ Prouinciæ vrbs Arari fluuio adiacens Episcopum habet Metropolitæ Lugdunensi suffraganeum. In hac celebratum quatuor, & quadraginta Episcoporum Concilium fuit, cui præsedit Lugdunensis præsul Gandericus regnante in Gallia Clodoueo secundo, vt testatur Synodi huius epist. ad Theodosium Episcopum Arelatensem multis nominibus accusatum, qui huc vocatus accedere recusauit, quemque Patres Episcopatus ad alteram vsque Synodum suspendunt.

Can. 8. *De pœnitentia peccatorum quæ est medela animæ*

vti-

utilem esse omnibus censemus: & ut pœnitentibus facta confessione à Sacerdotibus indicatur pœnitentia vniuersitas Patrum noscitur consentire . Eadem prorsus sanxerat dudum Synodus Laodicœna can. 9. quem require superius. His enim antiquis Conciliorum sanctionibus refelluntur heretici nouatores .

Can. 11. Peruenit ad sanctam Synodum, quod indices publici contra veteranam consuetudinem per omnes Parochias, vel Monasteria, quæ mos est Episcopis circuire, ipsi illicita præsumptione videantur discurrere: etiam vel Clericos, vel Abbates, ut coram eis compareant inuitos, ac districtos ante se faciant exhiberi: quod omnimodis religioni non conuenit, neque Canonum permittit authoritas. Vnde omnes unanimiter censuimus sententiantes, ut deinceps ista debeant emendare . Et si præsumptione, vel potestate qua pollent, excepta inuitatione Abbatis, vel Archipresbyteri in ipsas Parochias, vel Monasteria aliquid præsumpserint, à communione omnium Sacerdotum eos conuenit sequestrari. Ex isto canone, cuius etiam initium de veteri clericorum à sæcularibus iudicijs immunitate fidem facit: itemque ex Agathensis Conc. can. 8. quo simul excommunicantur, & clericus recurrens ad iudicem sæcularem, & iudex huiusmodi causæ cognitionem suscipiens: qui canon citatur c. placuit 21. q. 3. simulque ex Conc. Matisconensis can. 7. & 8. anni 582. quibus & iudex communione fidelium excluditur, & clericus ei se submittens carere, & fustigatione punitur, commonstratur apertè quænam sit vera libertas, & priuilegium Ecclesiæ Gallicanæ, cuius nunc seruitus, & oppressio falsis ementitisq; libertatis, & priuilegiorum nominibus solet per antiphrasin exprimi. Nulla quæstio grauiori partium contentione disceptatur, quàm quæ versatur circa conflictum iurisdictionum Ecclesiasticæ, & sæcularis. Meum hac de re iudicium ingerere non est animus, sed solum præcipua firmamenta, præsidiaque vtriusq; seorsim partis hic proferam diligenter conquisita .

Primum quidem Episcopalem iurisdictionem in vniuersos sine vlla exceptione clericos , at verò in laicos vbicumque de rebus Ecclesiæ, vel Religionis agitur, diuino , arque immutabili iure asseuerant introductam. Theologi penè vniuersi, & canonum doctores, vt nulla ei possit humana introductio derogare .

Horum fundatur ratio in tribus propositionibus inconcussis, quas asserunt, & commonstrant ad fidem Catholicam pertinere. Harum prior est ordinem, dignitatemque Episcopalem non esse humane, vel Ecclesiasticæ institutionis , sed immediatè à Christo ipso dimanasse, qui omnes affatur Ecclesiæ suę Episcopos in Apostolorum persona : sicut misit me Pater , & ego mitto vos, Ioan. 20. v. 21. Et inter fidei canones refertur canon 6. sess. 23. Trid. Conc. de Sacram. ord. Si quis dixerit in Ecclesia Catholica non esse Hierarchiam diuina institutione ordinatam, quæ constat ex Episcopis , & Presbyteris, & Ministris anathema sit . Ibidemque cap. 4. dicit Episcopos in Apostolorum locum successisse . Secunda propositio ista est Deum , qui Episcoporum ordinem instituit, non alio fine instituisse, quam vt suam regant Ecclesiam. Ac per consequens id voluisse, vt omni iurisdictione, & potestate instructi sint, quæ ad istud quorumcumque fidelium siue magistratura, siue regali, aut imperiali potestate præfulgeant, exigitur . Quatenus enim mystici Corporis Christi membra sunt, cætenus à capite dependent Ecclesiastici regiminis , qui est Episcopus: dicente Apostolo Act. 20. Attendite vobis , & vniuerso gregi , in quo vos Spiritus Sanctus posuit Episcopos regere Ecclesiam Dei. Necessè est igitur Episcopos ex parte Spiritus Sancti esse conuenienti potestate instructos ad totum hoc exercendum regimen, quod eis contulit , & ita à subiectis sibi ouiculis præsertim verò laicis independenti. Quod & ipsa naturalis suadet ratio, secundùm quam is, qui finem intendit debet quoq; media prouidere, & suppeditare ad finem

requisita. Nec verò minùs est diuinæ certitudinis tertia propositio, quæ ex duabus etiam præcedentibus necessaria illatione colligi potest: Quoscunque fideles siue clericos, siue laicos, cuiuscumque sint status, & conditionis, teneri si æternam salutem adipisci velint, subijci, & obtemperare Episcopis, ab ijsque dependere in cunctis ad regimen ipsis à Deo commissum pertinentibus: cuiusmodi sùnt omnia ad ordinem, & disciplinam Ecclesiæ, ad publicum Dei cultum, aut ad salutem animarum spectantia: quod hisce verbis Deus iubet Hebr. 13. Obedite præpositis vestris, & subiaceite eis, ipsi enim pervigilant quasi rationem pro animabus vestris reddituri. Quia ad ista responderi possit ex parte officialium, & principum huius sæculi non video. Et cum tres illæ propositiones diuinæ sint veritatis, iure merito martyrij coronam, miraculorum gloriam, & publicum totius Ecclesiæ cultum commeruit sanctus ille Thomas ex Angliæ Cancellario Cantuariensis Episcopus, & primas, dum Henrici II. Anglorum Regis edictis obstitit in eisdem contra Ecclesiæ iura rebus, quas nunc iudices Gallicani asserere, & agere non reformidant. Ipsi tamen viderint si iustum sit ordinem à Deo constabilitum subuerti, ouesque pastoribus sibi à Deo præfectis non obtemperare, non subiacere; imò verò pastores à Deo præpositos subijci proprijs ouibus, ab earum arbitrio dependere, legesque ab eis circa regimen Ecclesiæ sub grauib. interminationibus accipere. Prospiciant si æquum, & ritè ordinatum sit Ecclesiam Domini similem fieri ridiculæ illi, & scurrili mulierculæ, cuius mentio est apud Epiphanium ad hæc. 59. quæ capitium pedibus, calceos autem capiti suo aptabat: Hoc enim fiet, si pars Ecclesiæ, quæ præesse debet subijciatur, pars verò quæ subijci debet imperet. Meminerint Osam repentinò interitu fuisse correptum, eò quòd manum ad arcam Dei licet vacillantem ausus fuerit admoovere 2. Reg. 6. Osam verò Regem Iuda fuisse lepra castigatum,

& ab hominū cōsortio, regniq; administratione deiectū Sacerd. munia vsurpat, Deoue incēsū adolet. 2. Paral. 26.

Quos autem præfiximus Canones Gallicanarum synodorum Agathensis, Cabilonenfis, Matisconensis, nihil diuersum statuunt ab aliarum gentium Ecclesiasticis regulis: Concilium namque Romanum sub Syluestro Pontifice prohibet, *ne clericus coram laico iudice causam dicat*. Oecumenicum verò Chalcedonense Concilium Can. 9. vetat iudicibus laicis de causis clericorum cognoscere, iubetque penes solos Episcopos agitari: nec vllatenus reclamauit supremus Senatus, qui omnibus Concilij actis vnā cum Martiano Augusto interfuit, eaque omnia sæcularis brachij potestate roborauit. Concilium Carthaginense tertium can. 9. sic edicit: *Placuit, ut quisque Episcoporum, Presbyterorum, Diaconorum, seu Clericorum, cum in Ecclesia crimen ei fuerit intentatum, vel ciuilis causa commota, si derelicto Ecclesiastico iudicio, publicis iudicibus purgari voluerit, etiamsi pro ipso fuerit prolata sententia, locum suum amittat. Et hoc in criminali actione. In ciuili verò perdat, quod emicit, si locum suum obtinere maluerit. Siquidem ad eligendos iudices iniquè de Ecclesiæ consortio iudicat, qui de vniuersa Ecclesia malè sentiendo, de iudicio sæculari poscit auxilium: cum priuatorum Christianorum causas Apostolus etiam ad Ecclesiam deferri, atque ibi terminari præcipiat, 1. Cor. 6. Concilium etiam Toletanum tertium can. 13. inolita (inquit) præsumptio vsque adeò illicitis ansibus aditum patefecit, ut clerici conclericos suos relicto Pontifice suo ad iudicia publica pertrahant. Proinde statuimus, hoc de cætero non præsumi. Si quis hoc præsumpserit facere, et causam perdat, et à communione efficiatur extraneus. Hi Canones inferuntur 11. quæst. 1. cap. inolita, & cap. placuit. Recentiores missos facio Canones cap. clerici de iudic. cap. si diligenti, de foro compet. necnon Bullæ Cœnæ Domini art. 13. 14. 15. 16 cum anathematibus in eos, qui iurisdictionem sæcularem extendunt ad Clericos*

ricos, aut ad res Eccleſiæ, atque in quoscumque horum fautores.

Hinc faciendus gradus ad Imperialia ediſta. Proferimus in primis Conſtantini Magni celebre illud reſcriptum ad Ablauium præfectum prætorio, decernens quamcumque cauſam in iudicium ſæculare deductam debere etiam poſt litem conteſtatam ad iudicium Episcopale deuolui, ſi pars litigans hoc requirat, altera etiam inuita parte. Et vt vniuerſi iudices, quidquid ab Episcopo decretum fuerit ratum habeant leg. prima. Cod. Theod. de Episc. iudic. Prætereà Imperatores Valentinianus, Valens, & Gratianus ad Claudum præfectum vrbiſ ſic reſcribunt: *Quod Chronopius ex Antiſti- te idem fuit qui fuerat in 70. Episcoporum iudicio antea dam- natus, & eam ſententiam prouocatione ſuſpenderit à qua non oportuit prouocare: argentariam multam, quam huius- modi ſanctio generalis imponit cogatur expendere. Hoc au- tem fiſco noſtro nolumus accedere, ſed hiſ qui indigent, fideliter erogari.* leg. quoniam 20. Theod. quorum appellat. non recip. Porro ſanctio illa generalis cuius eſt in lege mentio interdicit, partem tamen illius ad nos tranſmiſit Sanctus Doctor Ambroſius epistol. 13. ad Valentinianum iuniorem Auguſtum: *Nec quiſquam (inquit) contumacem iudicare me debet, hoc aſſeram, quod Auguſtæ memoriæ pater tuus non ſolum ſermone reſpondit, ſed etiam legibus ſuis ſanxit: in cau- ſa fidei, vel alicuius Eccleſiaſtici ordinis eum iudicare debere, qui nec munere impar ſit, nec iure diſſimilis: hac enim verba reſcripti ſunt: hoc eſt Sacerdotes de Sacerdotibus voluit iudi- care.* Haſtenùs Ambroſ. Item lege Clericos 41. Cod. Theod. de epistol. & Cler. inhibet clericos apud alios iudices quam Episcopos iudicari, vel accusari. Præ- terea leg. vt veneratio ſecunda. Cod. Theod. de Epi- scop. iud. & leg. quicumq; reſidentibus 35. Cod. Theod. de Episc. & Cler. decernunt Clericos, quos Episcopi ſententia damnauerit, nullatenùs eſſe principis autho-
rita-

ritate, vel rescripto restituendos. Item Imperatores Valentinianus, & Theodosius: *Clericos quos indiscretim ad sæculare iudicium deduci debere infaustus præsumptor edixerat, Episcopali audientiæ referuamus.* leg. vlt. Cod. Theod. de epist. & cler. Is verò præsumptor infaustus cuius lex meminit Maximus tyrannus fuit Gratiani Imperatoris parricidio infamis, qui nouis etiam edictis cultum restituerat idolorum, quem religiosissimi Valentinianus, & Gratianus suis edictis cœperant abolere. Denique Imperatores Valentinianus, Theodosius, & Arcadius in leg. grauius 3. Cod. Theod. de Episc. iud. sanciunt Episcoporum, & Sacerdotum iudicia nonnisi coram Episcopis agitanda quantum ad causas Ecclesiasticas pertinet, cætera verò negotia esse penes iudices publicos terminanda.

Alia tribunalis Ecclesiastici ex Imperatorum declarationibus munimina, & præsidia suppeditat in sua Ecclesiastica Historia Ruffinus lib. 1. cap. 2. & Sozomenus lib. 6. cap. 7. Ipsaque Theodosij, & Valentiniani Principum epist. ad Synodum Ephesinam, quæ legitur in eiusdem Synodi actis. Carolus ille Francorum Rex, & Imperator, qui tertius à Constantino, & Theodosio Ecclesiasticæ, vt vidimus iurisdictionis præcipuis assertoribus nomen Magni commuerit, luculenter, exprimit in suo capitulari lib. 6. cap. 98. & 301. & 313. vsquequo protendi debeat Ecclesiastici tribunalis potestas, & quam multa postmodum à Gallicanis curijs sint ei detracta, & usurpata.

Quin etiam post sequutas illas immanes Ecclesiastici iuris diminutiones, valdè optabile esset vt regni curiæ intra ipsos regionum edictorum fines se continerent. Edicta quippe Francisci I. anni 539. artic. 5. renouant quæ iure communi, & antiquo statuta fuerant, non esse recipiendam appellationem à Canonica prælati correctione. Et sententiam pœnalis censuræ nullatenus suspendi, sed tantum deuolui per

appellationem. Eadem post Franciscum I. sanxerunt Carolus IX. per edictum anni 1581. art. 5. & Henricus III. in comitijs Blesensibus art. 59. Quibus ambo edictis hoc pariter iubent, ne à curijs regni ullæ admittantur appellationes tanquam ab abusu, nisi in solo casu infractionis legum Regni. Subinde Henricus IV. edicto an. 1606. art. 2. prohibet in casu appellationum à prælatorum sententijs, ne curiæ regni umquam pronuncient per dimissionem partium ab omni lite, *les mettent hors de cour, & de proces*, sed nonnisi per benè, aut malè iudicatum, benè, aut temerè appellatum: atque in casibus temerariæ appellationis, hoc est quoties curia non pronuntiabit fuisse malè, hoc est contra leges regni iudicatum, condemnetur indispensabiliter ad multam 120. librarum qui appellauit. Nec possint regiæ curiæ multam istam suppressere, aut minuere. Ibidem quoq; ar. 12. statuitur causas matrimoniorum pertinere dumtaxat ad Ecclesiasticum tribunal, modò sequuta inde prælatorum iudicia legibus regni non contradicant.

Et quoniam Gallicano iure delicta clericorum distinguuntur in communia, circa quæ solis prælatis Ecclesiæ iudicium competit, & priuilegiata quorum cognitio ad regni curias pertinet, ea scilicet quibus directè, & immediatè publicus status læditur, & offenditur, ut sunt crimina vis armatæ publicæ, item falsæ monetæ, itemque maiestatis, ac alia similia, Carolus IX. edicto Molinensi art. 39. prohibet curijs regijs retinere sibi cognitionem delictorum communium à clericis admissorum, cum id iudicium spectet ad Episcopum. Quod si Clericus reus comperiatur, tam communis, quam priuilegiati delicti, iubet eo casu remitti clericum ad Ecclesiæ tribunal pro communi delicto, sic tamen ut regia curia sibi iudicium reseruet priuilegiati criminis. Quinimò in causis etiam priuilegiati delicti sanxit Henricus III. edicto Melodunensi art. 22. processum coniunctim faciendum, ac instruendum per

per Iudicem Ecclesiasticum, & regios officiales, vt teneantur Curia regni commissarios deputare, qui ad hunc effectum instruendi processus contra Clericum priuilegiati criminis reum, transferat se ad locum Ecclesiastici auditorij. Et tamen passim videmus hæc regia edicta plerumque à curijs regni despici, & infringi.

Effet hic supradictis autoritatibus adiungendum Lateranens. Conc. sub Leone X. iudicium in violatores Ecclesiasticæ Iurisdictionis, in causa Senatus Aquissertensis. Sed cum multa de eo iudicio Concilij scripta sint, remitto lectorem ad sess. 8. eiusdem Concilij Lateranens. quinti, vbi Historia huius Iudicij fusè tractatur.

Vt verò iam productis Ecclesiastici fori præsidij ad illa progrediamur, quæ iudicibus sæcularibus in istis controuersijs fauere videntur: occurrit in primis Roberti Bellarmini doctrina, Cardinalis vtique Doctissimi rerumque Ecclesiæ acerrimi propugnatoris. Eius ipsa hæc verba sunt to. 1. tract. de cler. cap. 28. *Exemptio Clericorum in rebus politicis. tam quoad personas, quàm quoad bona, iure humano introducta est non diuino.* Seque ibidem dissentire à Bonifacio Papa VIII. profitetur in cap. quanto, de censib. in 6. *iure diuino immunes esse Clericos:* Additque, ipsum ita loqui, vt particularem Doctorem Canonistam, non vt definitorem circa res fidei. Quò autem vt propriæ causæ ista confessione labefactatæ fulcimentum adhibeat, adiungit Bellarminus ex quo priuilegia illa Ecclesiæ quantumuis humano iure introducta confirmationem ab Oecumenicis Concilijs receperunt; nò posse deinceps conuelli, aut infirmari citra graue delictum. Hoc sanè multi negauerint si aduersus illa Concilia longi deinceps temporis vsus, ac consuetudo præualuerit. Certum enim est, quæcumque Concilijs quibuscumque constituta sunt, si non sint diuini iuris, posse contrario vsu abrogari, & legitima submoueri præscriptione. Et pleraq; Oecumenicis olim Synodis constituta, neq; ad fidem pertinentia, nec Romæ quidē, aut
in

in vlla Italię parte seruantur: quod ita perspicuum est, vt sexcentis exemplis possit euidenter commonstrari.

His accedit eiusmodi nonnullis curiarum sæcularium vsibus fauere videri vetustissimos aliquot Synodorum Can. quibus sanctissimos, & sapientissimos antistites interfuisse liquet. Etenim Matifconensis Conc. can. 7. officialibus publicis permittit indicia de Clericis postulatis grauium criminum reis homicidij, furti, maleficij. Iustinianus autem Imperator etiam Episcopis criminalia Clericorum iudicia subtraxit nouel. 83. Conc. insuper Epaunenſe ann. 517. can. 11. ita decernit iuxta receptam Sirmundi editionem: *Clerici sine ordinatione Episcopi sui adire, vel interpellare publicum non præsumant: Sed si pulsati (hoc est in ius vocati) fuerint, sequi ad sæculare iudicium non morentur.* Concilium Aurelianense primum, cui præter Remigium Francorum Apostolum alij etiam plures, quos suo loco memorauimus interfuere præsules, Sanctorum fastis adscripti, prohibet can. 4. quemquam ordinari Clericum citra consensum Regis, aut regionum iudicum. Conc. insuper Toletanum à Gratiano relatum 16. q. 7. Can. filijs, vel nepotibus decernit Regem adiri posse, vt negligentiam suppleat Episcopi non coercentis Rectores facultatibus Ecclesię abutentes. Martinus Papa V. diplomate ann. 1429. indulſit Curijs Regni Franciæ iudicia de beneficiorum possessorio. Istud integrum exſcripſit Guido Papæ q. 1. Quæ verò de iurisdictione Episcopali ex Valentiniani legibus prolata sunt parum iuuant, cū idem posteriori lege Clericos omnes ad forum traxerit sæculare. Nouella n. 12. Valentiniani, tam clericos, quàm laicos adire vetat iudicium Episcopale, nisi per vinculum cōpromissi. Etsi laicus clericum siue in ciuili, siue in criminali negotio ad publicum iudicē vocauerit, pulsatus sine dilatione respondeat. Etsi clericus laicam lite pulsauerit, experiatur coram iudice laici. Eandemque nouella disertè hoc addit, quod in Gallicanis
cu.

curijs tamquam iuris regula circumfertur: Episcopos, & Sacerdotes forum legibus non habere: nec potie de alijs præter religionem causis cognoscere.

Licet autem in Hispanijs latius protendatur, quàm in Gallis Episcoporum iurisdicção, multam tamen etiam illic diminutionem patitur per recursum quem vocant ad regiam protectionem, hoc est tribunalia Regni, sicut in Gallijs per appellationes quas vocant ab abusu. De illo recurſu fuse pertractat in eius fauorem, & patrocinium Hispaniarum decus Didacus Couarruias. Episcopus Segobienſis præſt. q. c. 35. allegans exemplũ vsus illius fauorabile, contra Episcopos edictis Rom. Pontificis obſiſtentes: ſilentio verò tegens reliquos odioſos vsus Regiæ protectionis. Fuſiſſimè autem hanc pertractat materiam Salgado. Addit porrò, & approbat Couarruias in multis caſibus pro negotiorum Eccleſiæ expeditione adiri immediatè ſolere auditoria Regia, ex antiquæ conſuetudinis iure, quod proprijs firmavit edictis Imperator Carolus V. Hispaniarum Rex: tametſi videatur indignum ſacra tribunalia ſæcularibus, & inferioris dignitatis tribunalibus ſaſces ſubmittere in cauſis etiam Eccleſiaſticis, & religioſis.

De Bulla verò Cænæ Domini aduerſum uſurpatores Eccleſiaſticæ iurisdicçãois, hoc apertè ſcribunt Doctores, & Summiſtæ Romana in vrbe probatiſſimi Franciſcus Suar. Gabriel Vaſq. Reginal. Bonac. & alij nullam prorsùs habere vim, aut effectum in quibuſdam articulis, qui neque diuini iuris, neque naturalis ſunt, vt aduerſus Hispaniæ Regem Siciliæ, Sardiniaq; poſſeſſorem, aut aduerſus Rempublicam Genuenſem, quæ Corſicæ dominatur: tametſi hac Bulla ſpeciatim declarentur excommunicati detentores harum trium inſularum, & quicumque detentorum fautores. Summus autem Pontifex nullam tam ſolemnis cenſuræ ſuæ videtur habere rationem. Cùm enim diuino ipſo prorsuſque indiſpenſabili iure illos quos publica, & notoria aſtringit

excommunicatio, si non refipifcant, fi facrilègè detenta non reftituant, fi non conuertantur, & pœnitentiam agant, admittere ad fidelium confortium, atque ad diuina Sacramenta non liceat, ipfe tamen Pontifex fciens Hifpaniæ Regem, & Genuenfem Rempublicam nihil de hac reftitutione cogitare, horum tamen Legatos, oratores, & officiales in curia Romana residentes, quin etiam ipfos Proreges, & gubernatores memoratarum infularum quando tunc Romę verſari contigit, poſt triduum huiufce publicationis admittit ad Paſchalia Sacramenta. Eſt verò iuris regula, & conſtans effatum, optimam eſſe legum interpretem conſuetudinem, leg. ſi de interpretatione, ff. de legib. & c. cùm dilectus de conſuetudo. Sed hac de re in vtramque partem ſatis hætenus diſputatum ſit.

Can. Cabilonenſis 16. *Vt nullus Epifcopus, neque Presbyter, neque Abbas, neque Diaconus per præmium ad ſacrum ordinem accedat: quod qui fecerit ipſo honore, quem præmijs comparare præſumpſerit omnino priuetur.* Synodus Occuménica Chalcedonenſis act. 15. can. 2. Epifcopum pretio, vel ordinantem, vel Eccleſiam alicui conferentem, ſimulque eum, qui talia ſuſcepit, de gradu deiſci iubet, nec non illum, qui horum mediator interuenit ſi ſit Clericus. Si verò Laicus exiſtat, aut Monachus ſancit eſſe à communione extorrem. Bracarenſe Concilium ſecundum can. 3. teſtatur circa munera pro Clericorum ordinationibus, hanc eſſe antiquam ſanctorum Patrum conſuetudinem, & definitionem, vt anathemate ſimul inuoluantur, & qui dat, & qui recipit. Huc collimat Lateranenſis Concilij generalis ſub Innocentio III. canon 63. qui eſt in decretalibus c. ſicut pro certo, de Simon. Concilium deniq; Trid. ſeſſ. 21. c. 1. his caſibus indicit inſiſctas à iure pœnas ipſo incurri factò à quibuſcumque dantibus, & accipientibus. Et abſolutè vetat quidquam pro quorumcumque ordinum collatione, aut pro Clericali tonsura, aut pro dimiſſorijs, aut pro teſtimonialibus

bus litteris , nec pro sigillo quidem, vel alia quacumque ex causa etiam spontè oblatum accipi ab Episcopis, eorumque ministris . Permittit verò notarijs pro singulis dimissorijs , aut testimonialibus litteris decimam ad summum vnius aurei partem recipere, modò non sit eis aliundè constitutum salarium . Tota hæc Tridentina sanctio stabilita in Gallis fuit , insertaque in edictis comitiorum Blesensium art. 20. Cæterùm pro beneficiarijs prouisionibus, quæ vocantur Forma dignum, aut visa, aut litteræ beneficiales, eadem Blesensia comitia art. 12. permittunt ordinarijs , vt aureum vnum, nihilque amplius accipiant .

Synodus VI. Oecumenica .

HÆresis Eutychiana sub Marciano Augusto repressa , & per Synodum Chalcedonensem prostrata, postmodum imperantibus Zenone , & Anastasio principibus hæreticis vires resumpsit, & quasi Lernæa hydra in noua capita pullulauit. Sedem vrbs Regiæ tenebat homo vafer mirusque simulandi artifex Acacius . Huius hortatu Zeno Imperator Ioannem Talaidam Episcopatu Alexandriæ deiecit, eiusque in locum restituit, promouitque Petrum Moggum insignem sectæ illius hæreticum, quem idem antea miterat in exilium . Idemque Acacij suasu nouam edixit fidei formulam anno quadringentesimo octogesimo secundo ea calliditate conceptam, vt in eam Catholici simul, & hæretici omnibus suppressis verbis, quæ fidei controuersiam respiciebant , consentire possent : quam henoticon , hoc est reconciliatorium edictum specioso nomine appellauit. Sed in eo tacita erat Cōcil. Chalcedonensis abrogatio. Huic se opposuit pesti qua par erat constantia Felix Papa III. coacto Romæ Conc. simulq; missis Constantinopolin Legatis tribus

Vitali, & Miseno Episcopis, atque Felice Romanæ Ecclesiæ defensore, cum hoc mandato, & commonitorio, ut Acacium citarent ad Romani Pontificis Tribunal, & Moggum Alexandria pellendum sedulo curarent. Ex his duo quidem Episcopi Vitalis, & Misenus artibus Acacij seducti cum ipso Acacio, & Moggo communicarunt. Solus Felix in officio constans in vincula detrusus est. Quocirca Pontifex Romanus ambos Legatos Episcopos exauthoravit, & Acacium anathemate perculit, qui pessimam, & temerariam rependens vicem Felicis Papæ nomen ex diptychis, hoc est Ecclesiasticis tabulis erasit. Referuntur hæc à Liberato c. 17. & 18. necnon à Synodica epist. Concilij Romani 2. sub Felice Papa.

At verò Petrus Moggus Pseudo Patriarcha Alexandrinus recepto Zenonis henotico non modò Catholicos omnes alienos à se habuit, sed etiam Eutychianos complures, qui quod neque Catholicæ partis essent, neque cum propriæ partis Episcopo conuenirent Acephali, hoc est capite destituti nuncupati sunt.

Sciendum ex impuri Eutychetis hæresi diuersas sectas, quasi surculos, & propagines, deriuasse, tum Accphalorum, tum Theopaschitarum, quorum author Petrus Cnapeus, seu Fullo extitit, is qui per seditionem eiectò Martyrio Episcopo, sedem Antiochenam inuasit sub Zenonis Imperio, quique ad trisagium Sanctus Deus, Sanctus fortis, Sanctus immortalis voces adiunxit, Qui passus est pro nobis. Pullularunt item Seueriani a Seuero dicti, qui pariter Antiochenam sedem imperante Anastasio post depulsum ex ea Flavianum in Catholica professione constantissimum inuasit: quique etiam Ierosolymitanum Episcopum aliosque plerosque Episcopos Orthodoxos suis sedibus deturbauit. Pullularunt, & Theodosiani quos commemorat Ioannes Damascenus à Theodosio Alexandrino exortos, alique variae sectæ.

Præ omnibus tamen propagauere se Iacobitæ , qui toto diffusi Oriente reliquarum sectarum maiorem partem pertraxerunt . Nomen sortiti sunt à Iacobo quodam Syro , vt Anastasius Sinaita testatur eo libro , qui Dux vitæ inscribitur . Deinde Damascenus, & ex his Nicephorus l.18. Eccles.hist. c.52. qui etiam perhibent eundem Cnaphæo, & Seuerio adhærentem omni studio Eutychis, & Dioscori hæresim apud Syros longè latèque propagasse : tanta verò fuisse animi leuitate , vt ei per ludibrium Zanzali cognomen inditum sit .

Demortui Zenonis Imperium pariter & impietatem Anastasius suscepit ex Acephalorum consortio pertinacissimus Henotici propugnator , & vna Manichæis addictus . Huic successit Iustinus, qui pro Chalcedonensi Concilio stetit, & Seuerum ab Antiochena, quam inuaserat sede repulit : qui tamen in Ægyptum profugus latiùs ibi virus erroris diffudit . Deindè sub Iustini nepote successoreque Iustiniano huius vxor Theodora Eutychetis sectam fouit, & protexit , multisque ea ex causa Romanam Ecclesiam cladibus affecit, dum Antimum hæreticum Eutychianum , quem illa in sedem Constantinopolitanam extulerat, & Papa deinde Agapitus deposuerat , promotum in eius locum Menna Orthodoxo, illa peruicaciter satagit restitui . Quin & ipse Iustinianus sub exitum vitæ in hæresim lapsus est , vt scribit Euagrius , sibi que assentiri recusantem Eutychium Constantinopolis Patriarcham sede expulit, vt in Eutychij vita legitur .

Sub Imperatoribus insequentibus Iustino II. Tiberio, Mauricio, & Phoca, sedatis hæreticorum tumultibus Ecclesia tranquilla pace potita est . Verumtamen sub Heraclio Phocæ successore noua, & horrenda procella paululùm respirantem Ecclesiam violenter concussit . Hæc fuit emergens sub infausto Heraclij patrocínio Monothelitarum Hæresis . Postquam ille felicissimè perfunctus Persico bello fuit, dum Hierapoli ver-

fatur, cum honoris, & officij gratia conuenit Athanasius Iacobitarum Patriarcha, quem hortatur Imperator, vt velit eiurato Eutychetis dogmate, Synodi Chalcedonenfis decretis obsequi: Ille se haud ægrè duas in Christo naturas respondet admissurum, nisi ea professio secum pariter inuolueret in eodem voluntatum, & operationum distinctionem, & diuersitatem. Heraclius propositam difficultatem dijudicari curat inter hunc Athanasium, & Cyrum sibi fidissimum Phasidis Lazorum Metropolitanum, qui postmodum ab eodem Heraclio promotus in Patriarcham Alexandrinum fuit, & Sergium quoque Constantinopolis Episcopum. Ab his tribus tandem vnanimi conspiratione assertum fuit, distinctas esse quidem in Christo iuxta Chalcedonense decretum naturas, sed ambarum tamen vnicam esse voluntatem, & operationem, eamque diuinam, nullatenus verò humanam: non secus de voluntate iudicantes, quàm de persona, quæ vnica, & diuina est in naturis distinctis. Heraclius huic peruersæ nouitati fidem habuit. Ac postremò edictum sub Eëthesis nomine proposuit anno 639. iubens hanc vnicæ voluntatis professionem sub grauium interminatione pœnarum à cunctis suscipi.

Mortuo Heraclio filius successit natu maior, & sincerè Catholicus Constantinus, sed 4. inde mense à nouerca Martina veneno perimitur: quo factò filiū quem ex Heraclio susceperat nomine Heracleona regium ad solium prouexit. Sed hoc breui depulso Senatus, & populus Constantem Constantini superstitem filium in Imperium assumunt. Hic auo Heraclio quàm patri similior transmisit nouum circa fidei professionem edictum ad Martinum Romæ Episcopum virum sanctissimum, vt eidem cum reliquis Episcopis subscriberet, vocauitque Typum ob annexam quam ei suggererat Paulus hæreticus fidei formulam. Hic verò Paulus, qui Sergio, & Pyrrho Monothelitis in Patriarchalem Con-

Constantinopolis sedem successerat, quorum hæresim confestabatur, iam fuerat Romanę sedis sententia excommunicatus, & depositus. Et hic vicissim Apocrisarios Apostolicos, & qui ei adhærebant virgis, carcere, exilioque multauit.

Martinus accepto Constantis Typo, quàm plurimorum Occidentis Episcoporum Conc. collegit in Basilica Saluatoris, quę & Constantiniana, & Lateranensis dicitur anno Christi 649 Ibi lectus est Typus, quo reuocatur, & aboletur Heracii E&thesis, atque specie communis pacis, & Ecclesiasticę concordię, sub ibi recensitis penis vetatur vtraque deinceps assertio, tam vnus, quàm duarum in Christo voluntatum, & actionum, vt his rescatis contentionibus, ea tantum omnes asserāt, quę Synodis œcumenicis quinq; tradita noscuntur, quibus quemquam contradicere prohibet.

Lecto Typo Synodus Lateranensis bonam, & laudabilem Principis intentionem esse dixit in conquirenda Ecclesię pace, sed propositum pacis remedium minimè probari posse, dum supprimi iubet Catholicam veritatem, & fidem duarum Christi voluntatum, ac operationum diuinę humanęque assertam, & definitam in Synodo Chalcedonensi, circa geminas, & distinctas eiusdem Christi Domini nostri naturas in vna Verbi persona radicas: vbi enim natura humana est, ibi voluntas humana comprehenditur, Neque verò iustum esse, vt fidei oracula simul cùm peruersis dogmatibus, ac indiscriminatim supprimātur, cum scriptum in Genesi sit, Numquid perdes iustum cum impio, & erit iustus sicut impius? & Sacerdotibus per Moysen præcipiat Deus Leuit. 10. vt habeant scientiam discernendi inter sanctum, & profanum, & inter pollutum, & mundum. Præsidente itaque, & approbante summo Pontifice sacra Synodus damnat Cyrum, Sergium, Pyrrhum, Paulum, Theodorum, aliosque humanam Saluatoris Christi voluntatem, & operationem respuentes, solamque

di.

diuinam afferentes. Damnata ibi quoque sunt edita hæreticorum officinis fabricata *Œtheſis Heraclij*, & *Constantis Typus*. Litteras etiam Apostolicas Martinus de his sacri Concilij decretis diuino refertas Spiritu ad omnes per orbem fideles direxit.

Hac de causa furens Imperator per delegatum à se Theodorum Calliopam abreptum sanctum Pontificem Constantinopolin ad se mandat adduci, quem deinde in Chersonesum deportari iubet: quo loco per innumeras ærumnas gloriosum Martyrium consummauit. Idemque scelestus Imperator Maximum Monachum sacre fidei defensores vitæ sanctitate, præclaraque eruditione conspicuum lingua manuque mutilauit, & in exilium relegauit. Huius supersunt præter alia scripta in Dionysij Areopagitæ libros commentarij. Cuius etiam S. Dionysij ad refellendam Monothelitarum hæresim testimonia proferuntur, tam in hac Laterana, quam in sexta Œcumenica Synodo.

Rem verò mirificam scribit Theophanes Theodorum Papam, qui Martinum habuit successorem, postquam Pyrrhus Monothelita (quem suam hæresim abiurantem ipse Romæ absoluerat) relapsus est in eandem hæresim, conuocasse Synodum ad Principis Apostolorum tumulum, & ex diuino Calice viuificum Christi sanguinem in attramentum instillasse, quo Pyrrhi excommunicationem, & depositionem propria manu scripsit. Rem similem præstitisse Patres Synodi Œcumenicæ refert in vita Ignatii Nicetas, quando Photij damnationi subscribere.

Postquam probis omnibus inuisus Constans Imperator Roma digressus, cuius opes, & præcipua ornamenta direptum venerat, in Siciliam profectus ibi tandem in balneo interemptus est: eius excepit successionem filius Constantinus cognomento Pogonatus patri suo longè dissimilis, iustitiæ religionisque amantissimus. Hic domesticam maculam insignibus

pictatis exemplis deleuit; egitque primùm cum Dono Episcopo Romano; deinde hoc mortuo cum Agathone successore, de Synodo Oecumenica Cōstantinopoli cogenda, ad refarciendas illatas Ecclesiæ per hæreses ruinas, annuit iubens Agatho, habitaque Romæ 120. Episcoporum Synodo, in qua res fidei primùm sedulò discussæ, & stabilitæ sunt, vt planior, & securior ad Oecumenicam Synodum via muniretur, misit inde Regiam in urbem Apostolicos legatos quatuor, cum literis quibus rectam fidem luculentis diuinæ Scripturæ, sanctorumque Patrum sententijs, & traditionibus Apostolicis explicabat accurratè.

Præter 4. Agathonis legatos scilicet Theodorum, & Georgium presbyteros, & Diaconum Ioannem (qui postmodum ad summam Pontificis Romani euectus est dignitatem) & Constantium hypodiaconum, directi pariter sunt ad Oecumenicam Synodum totidem eiusdem Romani Conc. legati Ioan. Portuensis, Abundantius Paternensis, Ioannes alter Regiensis Episc. omnes, & 4. Theodorus Presbyter. Adfuerunt itidem Patriarchæ Georgius Cōstantinopolis, Petrus Alexandriæ, Macarius Antiochiæ, & Georgius nomine Ierosolymitanæ Ecclesiæ, cumque his complures alij Episc.

Anno itaque Chr. 680. habita est sacra Occumenica Synodus in Palatij Imperialis Secretario cui nomen erat Trullo. Quod nomen sæculis illis vsurpabatur pro fornice in sublime porrecto, & concamerato, quem vocant *Cuppulam* hodierni Itali, vt ex Codino, & Anastasio colligitur. Sacro interfuere conuentui Constantinus Imperator sanctæ Religionis columen, & palatij proceres. Macarius Antiochenus Monothelita suæ hæresi disputando patrocিনatus in Synodo fuit. Sacra verò Synodus postquam illum solidissimis argumentis ad sanam mentem reducere frustra conata est, pertinacem demùm anathemate perculit, & dignitate mouit suffecto eius in sedem Theophane spectatæ religionis

nis viro. Ipse autē Macarius Monasterio conclusus est.

Polychronius Sacerdos , & Monachus suam in tam illustri theatro dementiam propalauit . Cū enim esset Monothelita, ipsique per falsa ostenta Dēmon illuderet, vehementer expetiuit in sacram Synodum introduci:habere se dicens maximi rem momenti, quam Patribus referret . Admissus,tandem intra Synodum , professus est sibi à reuelante Deo demandatum,vt Imperatori , & Patribus fidei veritatem denunciaret , spemque salutis æternæ in hoc versari,vt singuli declarerent , & profiteantur vnicam existerē in Christo Iesu voluntatem,& actionem.Quò verò sibi plena fides habeatur , certò spondet mortuum à se in vitam reuocatum iri,vniuerso etiam spectante populo,statim atque cadaueris capiti schedulam apposuisse , in qua fidei suæ confessionem scripserat. Visum est Patribus oblatā conditionem experiri , ne hac reiecta captaret occasionem Polychronius,alijque heretici magis insolescēdi, & iactandi quòd Patres suę causę diffusi oblatā conditionem recusassent . Adducitur in forum paulò antè defuncti hominis cadauer magno plebis concursu , eò pariter conflunt plerique ex Conc. Patres:tūm Polychronius chartam cadaueri admouet, eiusque auribus insusurrat, nec tamē mouetur cadauer:instat & denuò adiurat Monachus , sed frustra : omnes circumstantes vt iussū fuerat, quiescunt, & silent,ridiculum exitum præfagientes , donec ille post inanes conatus fatetur tandem non posse à se mortuum suscitari . Miserum Polychronium Patres omni modo conati sunt ad veræ fidei agnitionem adducere, sed pertinacem postremò anathemate feriunt, & Sacerdotio deponunt .

Vnanimi Patres assensu Catholicam fidei formulam excedunt,qua geminas Christi voluntates,atque operationes, diuinam vnā , humanam alteram distinctas, & inconfusas prædicant . Humanam verò voluntatem non solum diuinæ non oblucentem, sed ei per

omnia subiectam, & obsequentem . Huic definitioni subscripserunt omnium 1 Presbyteri ab Agathone priuatim delegati, deinde Patriarchæ Orientales, 3. Legati à Romana Synodo missi, 4. reliqui Episcopi, postremò Constantinus Augustus. Hic Imperator Patribus, & Patres Imperatori pijsissimo, & optimo gratias agunt, adprecantibus cunctis fausta, & prospera omnia religiosissimo Principi. Mittunt ad Agathonem Patres, & rogant, vt Synodi sanctiones autoritate Apostolica roboret, his edictum accedit Constantini quo mandat, vt Occumenicam 6. Synodum vniuersè amplectantur, penasque in refractarios decernit. Ceterùm antequam Synodi litteræ Romam deferrentur, summum iam diem Agatho Papa obierat, cuius successor Leo II. Synodi acta, & decreta comprobauit.

Disceptatur utrùm Honorius Papa huius nominis 1. qui passim in isto, & sequentibus Concilijs, atque in ipsa S. Papæ Leonis epistola, simul cum Cyro, Sergio, Pyrrho, Petro Paulo, Macario, legitur nominatim condemnatus, cuiusmodi commeritus sit damnationem? Quæstio ista omnis de facto est eoque externo, neque enim hic agitur utrùm animo fuerit intus hereticus Honorius: etenim vt Samueli dicit Dominus 1. Reg. 16. Homo videi ea quæ patent, Deus autem intuetur cor; sed utrùm in sua illa ad Sergium epistola, externoque facto fuerit verè reprehensibilis, quemadmodum vel Pauli Apostoli testimonio Petrus ipse sanctitatis specimen, & Apostolorum vertex, & Coryphæus disertè reprehensibilis asseritur in quoddam suo circa Legales obseruationes externo facto, & quemadmodum sed longè grauiori proculdubio, quàm in Petro contigerit transgressione, consentiunt omnes rem Catholicam suo facto duos Summos Pontifices prodidisse per nimiam pusillanimitatem, Marcellinum quando thura Idolis adolenit, & Liberium quando in Concilio Sirmienti Arianorum placitis subscripsit. Honorio.

norium quidem Annalium author conatur ab omni culpa purgare. Eundem alij hæresis arguunt: mea verò sententia est nullatenus hæreticum fuisse, attamen ex pusillanimitate non leuiter peccasse, simulatione tunc temporis vtendo, quando ex officio incumbibat ei erupenti hæresi apertè obistere: ideòque causam supeditasse sextæ Synodo, & Summo Pontifici Leonis condemnationis suæ.

Præcipuæ defensionis Honorij rationes eruuntur tū ex ipsius ad Sergium hæreticum epistola ita contexta, vt quamvis in speciem videatur Monothelitarum causæ fauere, possit tamen Catholico sensu exponi: tum etiam ex illa celebri Sancti Maximi cum Pyrrhæ Monothelita disputatione, in qua Maximus hæresis crimen ab Honorio conatur amoliri, eiusque ad Sergium epistolam Catholico sensu intelligendam ex eo probat, quod post ipsius Honorij Papæ, & Heraclij Imperatoris obitum, Ioannes qui sub Honorio præfatam illam ad Sergium epistolam sua manu scripserat, Constantinum Augustum Monothelitis insensum scriptis litteris admonuerat, illam Honorij epistolam, dum vnā afferit Christi actionem, & voluntatem, id tantum ex mente authoris significare non esse in Christo contrarias voluntates, sed humanam diuinæ per omnia obtemperasse. Ioanni ipsi vitio verti poterat eiusdem tam suspectæ epistolæ scriptio, ideòque ipsius testimonium vt potè in propria causa merito haberi pro suspecto posset. Nihilominus huic etiam testimonio lubens accedo, vt Honorium ab hæresi excusem, nec ideò tamen ab omni culpa cēsendus est immunis. Hoc verò supponendum apud omnes, qui non sunt illorum temporum Ecclesiasticæ, atque vt expressius loquar etiam Baronianæ historiæ rudes, ac imperiti. Honorium Papam quo tempore ad Sergium scripsit ignorare non potuisse vigentem tunc temporis, grauesq; toto Oriente tumultus cientem Monothelitarum hæresin, quam

quam complexi Orientis Patriarchæ, atque hæretici, cui adblandiebantur Imperatoris edicto freti, Catholicos sibi obistentes crudeliter insectabantur. Iam enim Cyrus in præmium nouæ impietatis satagente Herachio ex Phasidis antislite factus erat Alexandrinus Patriarcha, iamque idem in Alexandria, & in omnibus sibi subditis Episcopalibus Ecclesijs magna contentione nouem à se edita capitula cum totidem anathematibus promulgari curauerat, in quorum septimo hanc nouam, & capitalem hæresim, quam euidentissimè proponebat, & acerrimè propugnabat.

Constantinopoli verò Pseudo-Patriarcha Sergius coacta sibi subditorum Episcoporum in ipsa Imperiali ciuitate Synodo, eandem hæresim omni ope stabiliebat, & Heraclij Ecthesin Græcorum præsulum subscriptione firmatam, toto inspectante populo pro foribus templi Sophiæ affixerat. Tantos rerum motus, vel sola vulgi fama in barbaras, & remotissimas gentes diffeminabat, quantò magis ad aures Romani Pontificis ad quem spectat, vt cum Paulo dicam quotidiana instantia, & sollicitudo omnium Ecclesiarum, ad quem omnes de fide controuersie referri solebant, maximè quando Imperator ipse (cuius tunc temporis ditioni, ac Imperio Roma cum Italia subiecta erat) illas excitabat? Quis insuper nesciat summorum Pontificum consuetudinem perpetuam fuisse, vt suos Constantinopoli haberent Apocrisarios, quamdiù ibi sedes Imperij fuit, qui omnia ipsis notificarent? nihil hic immoror circa Prouincias illas Orientis, quas Romani Pontifices olim per suos vicarios regere solebant, puta vtramque Epirum veterem, & nouam, Illyricum, Macedoniam, Thessaliam. Achaiam, vtramque Daciam, tam Ripensem, quam Mediterraneam, Mysiamque, Dardaniam, & Præualim, quarum meminit in suis ad Michaellem Imperatorem litteris Nicolaus Papa I. An ex tot Ecclesijs aliquis saltem Orthodoxus, siue Præla-

tus,

tus, siue priuatus Sacerdos exstitit ullus, qui tantarum rerum, & motuum Pontificem moneret? His Patriarcharum Orientis sacrilegis nouitatibus magna iam constantia, fideique ardore quasi Ecclesiæ sanctæ murrum, & propugnaculum opposuerat sese Monachus Sophronius, qui postmodum præualentibus in Palæstina Catholicis creatus Ierosolymorum Episcopus Synodum Orthodoxam in ijs partibus procurauit, in qua damnata fuit Monothelitarum hæresis. Antequam verò ad Pyrrhum Honorius rescriberet, adhuc priuatus Monachus Sophronius contra insurgentem hæresim ad Cyrum scripserat: & ad Sergium ex remotiore Palæstina profectus Constantinopolin fuerat, postquam scriptis ad eum litteris nihil valuerat obtinere. Quin etiam idem Sophronius strenuus, & indefessus fidei athleta iam antea de his rebus litteras ad Honorium ipsum transmiserat; quæ sæpius in hac ipsa sexta Synodo commemorantur, & quarum mentio quoque est apud Photium Biblioth. c. 131. sanè ista, & alia longè plura contigerant antequam Honorius Sergio rescripseret. Has in causa fidei turbas, & molimina, publicas istas circa noua dogmata, & Imperatoris edictum toto promulgatum Oriente commotiones potuerat fortassis ignorare vnus aliquis inter Sauromatas, aut inter diuisos toto orbe Britannos bubulcus, vel agricola, nullatenus verò in sublimi vniuersalis Ecclesiæ specula constitutus à Deo cultos, & vigil Romanus Episcopus. Deinde sanctorum Patrum, & sacrorum canonum effatum dicit, Non admittitur excusatio Pastoris, si lupo dispergit oues, & Pastor nescit. Sed quia res erat vehementis, & vrgentis periculi resistere necessario Principis edicto, cui Roma cum magna Italiæ parte obtemperabat, siluit & mali grauitatem dissimulauit Honorius, verbis vsus ambiguus, sed tamen in speciem impietati Heraclianæ astipulantibus. Desuit ille officio suo, & vt cum Ezechiele loquar non ascendit

ex aduerso, neq; opposuit murum pro domo Domini, vt staret in prelio in die Domini, atq; vt verbis profecuar eiusdē Prophetę, constitutus speculator vidit gladium venientem super terrā, & non insonuit buccina.

Post Sergium heresiarcham interpellantem, qui Principi flagitiosum edictum suggererat, statimq; promulgatum Episcoporum Pseudo Synodo confirmauerat; in proposito sibi ex metu silentio persistere grande Honorio discrimen creasset: Sergius quippē Imperatori astant ab assiduus, qui sua contemni edicta iniquissimo tulisset animo. Cū igitur, vt liquidō testantur author Miscellę historię Paulus Diaconus lib. 18. & Cedrenus, & Zonaras in Heraclio, inter tot tantasque orbe toto ex Monothelitarum hærēsi, quā Imperator, & maior Episcoporum orientalium pars fouebat, & promouebat, excitatas Orthodoxorum diuexationes, Sophronius animum haud desponderet, seque belli sacri quasi Mathathias alter strenuum, atque intrepidum ducem, exhiberet, tum demū Sergius Constantinopolitanus, cui perspecta dudum erat Honorij pusillanimitas, hunc interpellat, & apud eum conqueritur de Sophronio, quod duarum in Christo voluntatum, & operationum asseueratione totum orbem perturbaret.

Hic iam quæro, quid respondere debuerit Honorius sceleratissimo, totique orbi notissimo heresiarchę, qui sanctissimum virum eo solo nomine deferebat, quod inconcussam Ecclesię fidem circa distinctas Christi voluntates diuinam vnā, humanam alterā intrepidē tueretur, & propugnaret aduersus nouum, & profanū, quod Sergius ipse inuexerat, & vndequaque propagabat Monothelitarum dogma? Ille verō tamquam mercenarius, & non pastor vidit lūpū venientem, & fugit, vt habet Euangelij comparatio. Sergio enim Roman. Pontifex hoc ipsum respondit, quod sanctissimus Papa Martinus cum Synodo Romana tantoperē execratur in laico Principe Constante, nimirum suppressas esse

esse voces vnus, aut duarum in Christo voluntatum, & operationum: subiungitque quòd ipsi per æquè Monothelitæ profitebantur duas esse in Christo distinctas, & inconfusas naturas, sed tandem vt se Monothelitarum studijs accommodet vnicam admittentium operationem in Christo, ita concludit: vnum esse Christum Dominum diuina, vel humana in vtrisque naturis operantem. Vt hac verborum elusione illorum insectationem declinaret, tametsi ipsa eadem Catholicum sensum, sed ab ista quæstione alienum exprimerent.

Ista Honorij lecta fuit epistola in istius sextæ Synodi act. 14. deinde lecta fuit Pyrrhi Constantinopolis Episcopi Monothelitæ ad Ioannem Romæ Pontificem epistola, qua ipse Pyrrhus concertationes de Christi voluntatibus vituperat. Quibus duabus perlectis epistol. sacra Synodus ambas Honorij, & Pyrrhi epistolas declarat perniciosas, & iubet igne absumi. Eadem Synodus sub finem act. 16. anathema pronunciat Theodosio Pharanitano, Cyro, Sergio, Honorio, Pyrrho, alijsque quos omnes dicit hæreticos.

Cum verò iusta condemnandi Honorium causa subsit, & ista condemnatio singulariter post lectam hac in Synodo ipsius epistolam pronuncietur, & subinde iterum cum alijs Monothelitis promiscuè: Et cum non modò Græca exemplaria, sed Latina etiam translatio, quam contextuit ipsemet Leo Papa, qui primus Synodum Apostolica auctoritate probauit, ac roborauit, quod præstare non valuerat Agathon, à quo fuerat indicta, morte præuentus. Præterea cum sanctus ipse Leo in sua, quæ Synodo isti subijcitur epistola de Honorio sic loqui non dubitet: *Honorium qui hanc Apostolicam sedem non Apostolicæ traditionis doctrina lustrauit, sed profana prodizione immaculatam fidem subvertere conatus est.* Idemque sanctissimus Leo altera epistola ad Heruigium Regem, & ad Episcopos Hispaniæ memoriam Honorij iterato damnet. Cumque
insuper

insuper hæc eadem Honorij damnatio nominatim iteretur duabus sequentibus Oecumenicis Synodis septima, & octaua, tam in Græcis, quàm in Latinis antiquissimis exemplaribus, atque adeò illis ipsis, quæ illorum temporum author Anastasius Bibliothecarius Ecclesiæ Romanæ Synodorum septimæ, & octauæ translator edidit, dedicauitque septimæ translationem Ioanni Papæ VIII. Synodi autem octauæ editionem Papæ secundo: ac idem Anastasius, qui confedit inter octauæ Synodi Patres, & ita gestorum in ea Synodo testis est oculatus, omnique exceptione maior, huius acta quibus interfuerat Latino sermone conscribens recenscat act. 10. Honorium vnà cum Cyro, Sergio alijsque à sacra Synodo damnatum, & reprobatum, nimis sanè fuerit ex partium additione pertinaciæ, tam multa, tam antiqua, tam sancta, tam ab omni suspitione aliena testimonia, toties iterata reijcere, non modò Græcorum, sed etiam Latinorum S. Leonis Papæ, atque Anastasij, quorum ille Synodum istam sextam approbavit primus, & transtulit, hic verò in vna ex ijs Synodis confedit, quæ ipso eodem teste damnauit Honorium. His adde ipsum Adrianum Papam II. & Concilium Romanum, cui ille præsidebat Adrianus, qui simul damnarunt Honorium, vt Monothelitam, & referuntur, atque approbantur in octaua Synodo act. 7.

Sanctissimus Pontifex Martinus transmissum ad se ab Imperatore Constante Typum in Lateranensi Concilio reprobauit, neque dubitauit exilium, & mortem hac de causa subire: quid verò Constantis edictum continebat? hoc vnum vt communis pacis gratia omnes à professione siue vnius, siue duarum Christi voluntatum abstinerent. Vter igitur laudandus, aut vituperandus, Honorius hoc ipsum spontè decernens quod Constantis Typus, an Martinus in Laterano Concilio, qui martyrium potius sub eundem, quàm Typum admittendum iudicauit, & reipsa perfecit? si laudandus

Mar-

Martinus , vt est citra omnem dubitationem ; ergo damnandus Honorius . Pyrrhi etiam in hac Synodo 6. fuit anathemate notata epistola , eò quòd assereret remouendas esse omnes in vtramvis partem, siue vnus , siue duarum voluntatum concertationes, vt pax seruetur : at hoc ipsum decernit Honorij epistola , & aliquid superaddit, quod in speciem propendere videtur in fauorem Principis Monothelitarum Sergij ad quem epistola dirigitur, etiamsi hoc ipsum, vt antea dixi sensu catholico possit exponi .

Similiter Imperator Zeno studio, vt prætexebat, communis Christianorum concordiae edictum promulgauit, quod idcirco vocauit Henoticon id est reconciliatorium, fanciens ne vlla deinceps assertio fieret , siue vnus, siue duarum Christi naturarum, eo quòd illa disputatio innumeras pareret toto orbe dissentiones , vt sperandum esset ea consopita reconciliatione animorum sequuturam:& tamen quantam commeruit laudē Felix Papa III. qui coacto pariter Concilio damnauit Henoticon? quantā vero nomini suo labem asperferunt Constantinopolis Acacius, Alexandriae Petrus Moggus, Antiochię Petrus Fullo, & post hunc Seuerus ceterique Episcopi quotquot in Henoticon istud consenserunt?

Quantæ item perfidię rei indicati sunt in Ecclesia Dei omnes illi sub Constātio Augusto Episcopi, qui ab Arianis elusi in Synodis Sirmiēsi, & Ariminensi formulas fidei ab Arianis profectas approbauerunt , etiamsi nihil in eis legeretur hæreticum, sed communis cōcordiæ gratia tam Arianorum voces alterius, diuersæ, aut dissimilis substantiæ, quàm Catholicorum vox consubstantialitatis supprimebatur? Est enim memorabile documentum illud Martini Pontificis in Conc. Romano, perfidam, & damnabilem esse pacis ineundæ conditionem , qua doctrina orthodoxa perindè atque hæretica supprimitur; cum Deum sic alloquatur Abraham : Num perdes iustum cum impio, & erit iustus sicut impius?

pius? cùmque in libro Levitici Sacerdotes commoneat Dominus, ut habeant scientiam discernendi inter sanctum, & profanum, inter pollutum, & mundum.

At opponet fortasse aliquis ipsius Sophronij Ierosolymitani exemplum suppressioni vnus, aut duarum voluntatum consentientis. Quisnam huius rei testis? Sergius Constantinopolitanus in sua illa ad Honorium epistola, à quo etiam eandem postulat approbari suppressionem? Dignum utique patella operculum! Testi etiam honesto in ea quam prosequitur causa, minimè creditur, infamis verò testis, aut flagitiosi quavis in causa depositio pro nulla habetur. Quis ergo fidem habeat infami hæretico excommunicato, & scelesto Sergio circa ipsam causam testificanti, quam improbo affectu complectitur, & prosequitur? At contraria proferimus omni exceptione maiora ipsius Sophronij testimonia, Synodicas ipsius ad ipsum Sergium, & Honorium epistolas, in quibus duas in Christo Iesu voluntates, ac actiones constanter prædicat. Alterum testimonium est huius sacre Synodi hanc eandem Sophronij circa distinctas in Christo voluntates fidem, & certamina non semel prædicantis.

His tamen circa Honorij lapsum opponitur à nonnullis ipsa Pontif. Agathonis ad Constantinum Augustum epist. huic Sextæ Synodo inserta aët. 4. in qua asseuerat Agatho Rom. Ecclesiam à tramite Apostolicæ traditionis numquam aberrasse, neq; hæreticis nouitatibus deprauatam succubuisse, suosque prædecessores iuxta Domini nostri ad Petrum pollicitationem numquam à fide defecisse, quin potius fratres in ea confirmasse. Verumtamen sicut illa Christi ad Petrum asseueratio, rogauit pro te Petre, ut nō deficiat fides tua, non obstat quin ipse Petrus Christum paulò post voce negauerit, ita nec Agathonis assertio circa prædecessorum fidem vllatenus obsistit, quin aliqui eorum, ut ipsi testantur Baronius, & Bellarminus, contra debitam fidei professio-

fefsionem grauter peccauerint: vt Marcellinus quando idolis thus adhibuit, & Liberius dum Arianis in Synodo Sirmiensi proprio facto & subscriptione conſenſit, & palam communicauit. Simili pariter infirmitate cecidit Honorius, non quidem vt probabile eſt ſi-
dem abdicando, ſed tamen delinquendo aduerſus of-
ficium fidei profitendæ.

Denique ne quid inta&um relinquatur, vrgent ali-
qui proſus credibile non eſſe, ſi Honorius damnatus
a Concilio fuiſſet, Legatos Romanos pro ſuo officio
in oppoſitum reclamafſe. Negamus enim proſus id
fuiſſe ipſorum officij, neque enim decebat eos contra
ius ipſum priuato affectu abreptos odioſam & ſuſpe-
ctam facere Orientalibus Romanam Eccleſiam, quo
tempore ipſi Orientales ingenuè multorum Patriar-
charum ſuorum damnationi ſuffragabantur. Quin-
etiam fieri potuit, vt Legati nonnihil reclamauerint,
ſed quia id ſpecie tenus ac dicis cauſa fecerint, & ipſa
prudencia ſuaſerit graue impendere diſcrimen, ſi vlte-
rius inſiſterent, idcirco non fuerit reclamatio vlla actis
Synodi inſerta. Proclines erant Orientales ad quan-
dam erga Romanam Eccleſiam emulationem, vt aper-
tè docet non modo ſuccedentium ſæculorum, ſed
etiam antecedentium experientia, Perſpicuum enim
eſt in præcedentibus Orientalibus Oecumenicis Syno-
dis Conſtantinopolitanis duabus, & Chalcedonenſi,
Orientales non pauca fuiſſe molitos ex æmulatione
in Latinos & Romanam ſedem: quanta igitur exarſiſ-
ſent indignatione aduerſus eodem, ſi cum ipſi tanta
facilitate tot Patriarcharum ſuorum damnationi ac-
quieſcebant, Romani peruiacius obſtiſſent, ne vnus
Papa in eadem cauſa, licet vt exiſtimo minoris culpæ
reus, merita damnatione cum alijs perſtringeretur;
Res in grauiſſimum diſcrimen acta fuiſſet, vt ex Le-
gatorum Romanorum nimia pertinacia Orientales
animis alienati recuſarent eorundem exemplo quid-

Y quam

quidquam aduersus proprios antistites decernere. Vnde contigisse vt Synodus præter humanam spem foelicissimè inchoata, exitu infœlici dirimeretur per discordiam & schismata, & ipsa hæresis maioribus viribus cresceret, ipsaque Ecclesia discinderetur.

*Appendix ad sextam Synodum, ac dissertatio de
Diptychis Ecclesiæ.*

IN præcedentis Concilij narratione retulimus Acacium Constantinopolis Episcopum, & Henotici autorem atque suasorem, cum fuisset à Felice Papa tertio damnatus, nomen ipsius Felicis ex Ecclesiarum sibi subditarum diptychis erasse, vt testatur Romani sub Felici Concilij epistola 2. Post hæc mortuo Acacio Gelasius Papa Felicis successor omnem adhibuit operam, vt ex Constantinopolitanæ Ecclesiæ diptychis nomen Acacij expungeretur, vt ex eius constat epistolis Conciliorum tom. 2. atque ex Anastasio Bibliothecario. Hanc eandem rem pari studio prosequuti sunt, qui Gelasio successerunt Anastasius & Symmachus, sed obstiterunt cum Anastasio Imperatore Episcopi Constantinopoleos. Id verò tandem obtinuit Pontifex Hormisdas imperante Iustino religioso admodum Principe, sub quo redintegrata pax est inter Orientales, & Occidentales Ecclesias, damnatis Principibus ipsis Zenone & Anastasio, & Episcopo Acacio, alijsque omnibus hæreticis ac schismaticis, quorum oblitterata sunt de tabulis Ecclesiasticis nomina, & exitiale schisma desijt, quod perdurauit ex quo Felix anathema in Acacium dixerat annos sex & triginta.

Præterea per Concilium generale sextum sub Agathone id. factum est, vt ablata sint) vt dicit Anastasius in Agathone) de dyptichis Ecclesiarum nomina Cyri, Sergij, Pyrrhi, Pauli, & Petri, per quos hæresis Mono-

the-

thelitarum vniuersum præuaserat Orientem. His occasionibus locus differendi de dyptichis aperitur, & quisnam fuerit earum antiquus ritus.

Erant dypticha tabulæ quædam in Ecclesijs nomina fidelium continentes, qui communionis Ecclesiasticæ consortes erant, quæ legi solebant inter diurna mysteria dypticha [quæ Græca vox est] Latine significant duplicata ob geminas tabulas, quarum una comprehendebat viuentium fidelium nomina, altera defunctorum: pro vtrifq; verò Sacrificia & preces in Ecclesia offerebantur; eorumque nominum lectio publicè fiebat ex ambone seu pulpito. Illorum autem nomina, debebantur, quos Ecclesia communionem ac societatem fidelium excludebat. Dyptychorum vsus iam inde à primis sæculis inualuit. Cuius meminit ritus Dionysius Eccles. Hier. cap. 3. sic dicens, & cum se mutuo omnes salutauerint, mystica sacrarum tabularum, *ἐκ τῶν πτυχῶν* recitatio fit. Huc illa spectat Cypriani querimonia circa nimis facilem quorundam lapsorum reconciliationem sic dicentis epistol. 10. ad communionem admittuntur, & offertur nomen eorum nondum pœnitentia facta. Hæc pariter visitur praxis in liturgijs Sanctorum Iacobi Apostoli, & Basilij, & Chrysostomi. Innocentius verò Papa primus epistol. ad Decentium Episcopum cap. 2. statuit vt completa fidelium oblatione recitentur in Ecclesia nomina fidelium qui oblationem fecerunt.

Præter eorum fidelium dypticha pro quibus siue viuis, siue defunctis orabat Ecclesia, erant insuper sanctorum in cœlo regnantium dypticha, vt publicè inuocarentur, & colerentur. Qui vsus in omnibus comperitur veteribus liturgijs. Et Cyrillus Ierosolymitanus quinta catech. Postea inquit mentionem facimus eorum etiam qui ante nos obdormierunt, primum Patriarcharum, Prophetarum, Apostolorum, Marty-

rum, vt Deus orationibus illorum & deprecationibus suscipiat preces nostras, Theodoritus quoque libr. 5. histor. Eccles. cap. 34. refert orientales Ecclesias non aliter cum occidentalibus pacem iniuisse, quam illæ Ioannis Chrysostomi nomen in diptycha retulissent. Et mox cap. 35. ait Alexandrum Antiochiæ præfulem eiusdem magni Ioannis nomen tabulis Ecclesiæ inscripsisse. Innumera sunt eiusmodi præcorum testimonia. Primarij quidem sancti semper & in omnibus Ecclesijs denominabantur Dei genitrix virgo, Ioannes Baptista, sancti Apostoli, & insigniores aliqui martyres. Deinde in singulis Ecclesijs peculiares ipsarum sancti commemorabantur, ijque maximè quorum reliquijs ditabantur. Cæterorū fiebat in commune memoria, tametsi eorum singula nomina in publicis tabulis censerentur.

Sed regrediamur ad eorum fidelium Diptycha, pro quibus in Ecclesia preces fundebantur S. Gregorius Papa libr. 3. epist. 37. ad Constantium Mediolani Episcopum rescribit nullam ipsi necessitatem incumbere nominandi Ioannem Rauennæ Episcopum inter missarum solemnias, cum nec Ioannes ipsum Constantium nominare soleat ad altare. In actis Chalcedonenfis continetur epistola Episcoporum Ægypti ad Anatolium Constantinopolis, qua de Timothæo Æluro Alexandrinæ sedis inuasore conqueruntur, quod etiam in venerabili Diptycho in quo piæ memoriæ transitum ad cælos habentium Episcoporum nomina continentur, quæ horis sanctorum mysteriorum secundum regulas releguntur, posuisset Dioscori nomen. Inter capita conciliandæ concordiæ inter Ecclesias Latinam & Græcam Imperante Michaelē Palæologo, primum fuit in sacris hymnodijs Pontificis Romæ veteris cum quatuor Patriarchis memoriam facere, vt refert Nicephorus Gregoras libr. 3. Et Alcuinus de celebratione missarum sic scribit: Post illa verba quibus
di-

dicatur in somno pacis, vsus fuit antiquorum sicut etiam vsque hodie Romana agit Ecclesia, vt statim re citarentur nomina defunctorum.

Quia vero in quotidianis collectis fidelium omnium nomina recenseret præ multitudine non potuissent, mox erat præcipua nomina nimirum Romani Episcopi, & Patriarcharum viuentium, tum Episcopi loci, tum Imperatoris siue Principis sæcularis, alta voce legere, vt ex multis veterum testimonijs liquet, tum eorum nomina qui oblationem ad altare fecerant, vt docet Innocentij Papæ epistola ad Decentium. Reliquorum, nominum aliqua etiam pronunciabantur, reliqua vero communi & genera memoria comprehendebantur: vt addiscimus ex liturgijs Basilij & Chrysostomi in quibus ita legimus, ὁ Διάκονος θυμὸν γύρωθεν τῶν ἁγίων ἑξάπει-
ζαν καὶ περὶ διπτύχα τῶν τε ζώντων, καὶ κεκαίμενώνων ὧν βύλεται. μνη-
μονεύει, Diaconus sacram mensam incensat per circuitum & diptycha, viuorumque & defunctorum meminit quorum vult. Et subinde. ἐν ταῦτα ὁ ἱερεὺς μνη-
μονεύει τὸν θεὸν ζώντων καὶ τεθνεώτων. Hic Sacerdos memoriam facit quorum vult viuorum & mortuorum.

Synodus Quini sexta in Trullo .

I Vstiniano secundo cui nomen Rhinotincto rerum poriente, habitus Constantinopoli fuit alter præfulum conuentus in Trullo, id est Imperialis palatij secretario supernè fornicato, vbi Canones duo supra centum conditi sunt; ann. Chr. 707. Quam Synodum Penthecten, id est Quini- sextam nuncuparunt, quasi supplementum quintæ & sextæ à quibus nulli editi sunt Canones. At Canones istos à Schismaticis profectos reiecerunt Romani Pontifices præsertim Sergius, qui tunc Ecclesiæ Romanæ Clauum regebat, vt testantur Anastasius in Sergio, & Beda lib. de sex ætatibus.

Adrianus tamen Papa in suo ad Carolum magnum libello citat ex his Canonem 82. quemadmodum etiam Synodus septima. Verum neque ex his conciliatur Synodo autoritas: Hoc enim Canone vtuntur sicut Dauid gladio Goliath Gethæi vsus fuit, vt scilicet aduersarios proprijs armis debellent. Illo namque Canone Iconoclastas adoriuntur, quo approbantur imagines Dominum Iesum humana figura referentes. Illa verò imaginum eiusdem sub agni specie abrogatio per hanc Trullanam Pseudo-synodum & scripturis diuinis contradicit, quæ plerumque sub agni tum denominatione tum effigie Saluatorem Dominum repræsentant, vt Liber Isaia & Apocalypsis, & testimonium Ioannis Baptistæ. Religiosus etiam primitiæ Ecclesiæ, vsus nihil habuit eiusmodi repræsentatione frequentius, quæ passim visitur in antiquissimis Romæ Basilicis, & subterraneis cœmeterijs, alijsque alibi vetustissimis monumentis, tum sculpto tum musico tessellatoque opere. Denique antiquus liber Ordo Romanus ex vetusto receptoque dudum vsu loquitur his verbis: *In eadem Dominica post albas intra ciuitatem Romanam dantur agni cerei ab Archidiacono in Ecclesia post missam, & communionem populo.* Quæ adhuc quotannis Romæ consuetudo seruatur.

Canon. 2. auctoritatem Canonibus Apostolorum octoginta quinque attribui: Et constitutiones Apostolicas à Clemente Papa editas testatur fuisse ab insequentium temporum hæreticis deprauatas. Simile protulit iudicium & censuram in Romana Synodo Gelasius Pontifex de Clementis libris, sed & ipsos qui circumferuntur Apostolorum Canones dicit apocryphos. Hæc habentur in decreto dist. 15. Can. sancta Romana Ecclesia.

Canon 12. Vsum coniugij Episcopis coniugatis interdicit. Canon verò 13. ex Canone Apostolorum prauè intellecto permittit coniugij vsum Presbyteris & Dia-

& Diaconis iam ante ordinationem coniugatis. Ceterum ex opposito Canon Carthaginensis continentiae Diaconorum & Sacerdotum præceptum disertè refert ad Apostolorum traditionem ipsam. Et utique in altaris ministerio, quæ totius Ecclesiæ functio sanctissima est, nihil habet minus ab Episcopo Sacerdos. Sed sacris ordinibus annexum cœlibatum in ijs qui etiam ante consecrationem iam erant matrimonio colligati plenius comprobaui ad Nicænum Can.3. Vide insuper Carthaginensis Concilij secundi Can.2.

Canon Quini sextus 32. Armenos reprobatur vinum aqua non miscentes in sacro altaris ministerio. Damnat præterea hæreticos Hydropastas seu aquarios, qui solum ad altare aquam offerebant: quos etiam perstringit scribens in Matthæum Chrysostomus. Et Concilium Carthaginense tertium eisdem damnat canon. 24. Atque his omnibus antiquior Cyprianus martyr epistol. 63. Trullanus Canon iste vino permiscendam esse in Calice aquam confirmat testimonijs liturgiarum Iacobi Apostoli & Basilij. Vide canon.2. de consecrat. dist. 1. Et vetustissimus scriptor Iustinus martyr in Apologia 2. versus finem de fidelium communione, sic ait: μεταλαβὴν ὑπὸ διχαρισθέντος ἄρτου καὶ οἴνου καὶ ὕδατος participare de pane Eucharistico & vino & aqua, scilicet qua vinum ante consecrationem dilutum fuit.

Canon 42. iubet vagos & per urbem discursantes eremitas, vel in communibus Monasterijs cum Monachis profiteri, vel ad solitudinem compelli, ut ipsa exequantur quod nomine præferunt. Vide superius circa vagos Monachos canon. 4. Chalcedonensem.

Canon. 52. In omnibus sanctæ Quadragesimæ diebus ieiunij præterquam Dominicis & Sabbatis, & sancto Annunciationis die, fiat sacrum præsanctificatorum ministerium, ἢ τῶν τροπικισμῶν λειτουργία ἱερὰ. Iste notandus Græcicæ Ecclesiæ ab antiquo ritus,

vt ferijs quadragesimæ sacra missa non celebretur, sed tantum præsanctificata offerantur, vt moris est apud nos die sancto parasceues. Balsamon ad hunc locum præsanctificatorum, inquit, liturgiam non intelligimus sacrificium incruentum, sed abductionem seu oblationem sacrificij iam antea peracti & perfecti. Atque hanc istius Canonis rationem adducit, quia per sacrificium gaudium & Ecclesiæ sollemnibus exultatio celebratur, quæ inconueniens est cum diebus pœnitentiæ & luctus. Idcirco Laodicæna Synodi Canon 49. oblationes fieri & festa martyrum celebrari prohibet iisdem diebus. Et Laodicænus pariter canon. 51. statuit, vt hæc festa & oblationes transferantur in proxima Sabbata, vel Dominicos dies quadragesimæ ipsius.

Canon Trullanus 55. Sabbatorum ieiunia etiam in diebus quadragesimæ reprobatur, vti & reliqua parte anni, damnans diuersum Romanæ Ecclesiæ vsum, cui etiam arroganter iubet vt inuiolabiliter deinceps obtemperet isti Apostolorum Canon 65. si quis clericus inuentus fuerit ieiunans in sancto die Dominico, vel Sabbato præter vnum solum Sabbatum, deponatur: si autem laicus, excommunicetur. Cæterum de ieiunijs Sabbatorum require, quæ tractaui ad canon. 50. Laodicænum.

Canon Trullanus 62. legi vetat falsas martyrum historias, sed igni tradi præcipit. Balsamon hoc loco fidem & diligentiam Simeonis Metaphrastis commendat, qui ex antiquioribus sanctorum vitis pleraque falsa, & commentitia quæ irreperant eliminauit edito hac de re castigatiore libro. Laudem quidem aliquam eo nomine meretur Metaphrastes, sed non integram. Haud enim pauca spuria, & ab antecessoribus conficta in suam congeffit sanctorum historiam spongia lituraque digna, vt aduertunt eruditi & passim Baronius admonet.

Canon. 69. Nulli hominum liceat qui sit in laicorum numero intra septa sacri altaris ingredi: nequaquam tamen prohibita ab eo potestate & auctoritate Imperiali, quandoquidem voluerit dona Deo offerre ex antiqua traditione, Balsamon priuilegij huius Imperialis causam refert ad Imperatorum vñtionem, qua dicit eos simul inaugurati Imperio & Clero. Cæterum neque ista vñtio vllatenus pertinebat ad Sacramentum, neque à Deo præcepta fuerat sicut vñtio Regum Israel ex Dei mandato, sed tantum ab hominibus instituta. Vñtionis Regum Franciæ exordium referunt Hincmarus Remensis & Flodoardus ad diuinam institutionem miraculo comprobata delatæ cœlitus ab Angelo ampullæ, quando Clodouæus baptizatus à Remigio fuit Remensi Episcopo, & Francorum Apostolo: quæ etiam nunc Remis asseruatur. Post vñtionem autem istiusmodi Reges Francorum mirifica strumas seu scrofulas solo contactu curandi potestate pollent. Mirum tamen est Gregorium Turonensem ætati Clodouæi multò viciniorem ac supparem, quique in suam historiam miracula diligenter conquisita congerere solet, nihil istius ampullæ de cœlo delatæ meminisse. Iuo Carnotensis Episcopus occasione vñtionis Regis Ludouici sexti cognomine Crassi, qui fuerat inunctus à Metropolitano Senonensi, præsentibus cum ipso Iuone, cæteris Senonensi suffraganeis Episcopis, contendit in sua epistol. 189. tum ex veteribus aliorum Franciæ Regum exemplis, tum ex alijs argumentis hanc vñtionem non esse alligatam siue Ecclesiæ Remensi siue eiusdem Episcopo, sed posse in alijs æque Diocæsisbus atque ab alijs Episcopis fieri. Vltimo sanè sæculo Henricus quartus à quo multi strumosi curati sunt, ab Archiepiscopo Turonensi fuit inunctus oleo Ampullæ Turonensis sancti Martini, necdū subditis ei Remensibus factioni contrariæ additis.

Vt

Vt verò ad Imperatorem Constantinopolis redeamus, tanta hic ambitione supra omnem sacrosanctæ Ecclesiæ dignitatem se offerebat, vt intra templum ea celsitudine solum suum eleuaret, vt Patriarchæ sedile ad eius pedes collocaretur. Qua de re Innocentius Papa tertius Constantinopolis Imperatorem admonet, & coarguit cap. solitæ. de maiorit. & obed. Nicetas Choniates in Andronico Comneno refert hunc Imperatorem pro mercede sibi concessâ à Patriarcha indebitâ circa nuptiarum ex affinitate impedimentum dispensationis permisisse, vt cleri subsellia tollerentur altius, quatenus lateri ipsius Patriarcha quodammodo assidere, totaque cleri series. Verum post solemnem eo nomine habitam Imperatori gratiarum actionem, in qua Davidicum versum Andronico applicabant: oculi mei ad fideles terræ vt sedeant mecum; ipsum paulo post cum insigni cleri totius pudore ac derisione iussisse, vt ad pristinam mensuram Patriarchæ clerique sedilia rursus deprimeretur.

Hic locus est congerendi veterum selecta testimonia circa clericorum supra quoscumque laicos etiam Imperatores orbis in loco præsertim sacro præcessionem, quæ hac sæculorum sæce tanta indignitate violantur. Scribit Theodorus lib. 5. hist. Eccles. cap. 17. magnum Theodosium cum esset Mediolani, ex medio Ecclesiæ gremio processisse ad sacrum altare offerendi causa, factaque oblatione constitisse post cleri confessum intra cancellos. Id vt aduertit Episcopus Ambrosius misso Diacono Theodosium admonuit solis licere Sacerdotibus & Diaconis in sanctuario consistere: mandauitque vt inde ad laicorum locum digrederetur, purpuram enim facere Imperatores sed non Sacerdotes. Respondit Theodosius excusando se non per ambitum intus constitisse, sed sola consuetudine adductum quam Constantinopoli didicerat:

rat : habere vero se gratiam Episcopo pro hac admonitione paterna , simulque morem gessit & exiuit. Regressus postmodum Constantinopolim , cum solitam oblationem ad altare contulisset , memor huius moniti se extra Presbyterium ad populi stationem recepit . Tum Nectarius Episcopus rogauit quorsum recederet ? At Imperator hoc demum didicit (ait) quantum inter Imperatorem intersit & Sacerdotem , & vix tandem reperi sinceri vnum veritatis magistrum Ambrosium , quem solum Episcoporum hoc dignum nomine cognoui .

Gregorius quoque Nazianzenus orat. ad ciues timore perculsos præfectum sic alloquitur : *An me libere loquentem æquo animo feretis ? nam vos quoque imperio meo ac throno lex Christi subijcit . Imperium enim nos quoque gerimus , addo etiam præstantius & perfectius : nisi verò æquum est spiritum carni fasces submittere , & cælestia terrenis cedere . Sed non dubito , quin hanc dicendi libertatem sis accepturus in optimam partem , utpotè sacri gregis mei ouis sacra magnique Pastoris alumna .*

Apostolici vir spiritus & ætatis Ignatius epistol. ad Philadelphios his etiam altiora sapit , & docet ita loquens : *Præfecti obediant Casari , præfectis autem milites , Diaconi quoque Sacerdotibus , & Sacerdotes simul , & Diaconi , & reliquus Clerus , omnisque populus , milites quoque & præfecti , & Casar obtemperet Episcopo . Episcopi vero Christo sicut & Christus obtemperauit Patri , & ita vnitas à cunctis seruabitur .*

His conuenientia prædicat Chrysostomus in Matt. Homil. 83. sacros sic alloquens Ecclesiæ ministros : *Si quis dux militiæ , si præfectus , si princeps diademate coronatus indignè accedat , prohibe : maiorem illo habes dignitatem : propterea vos Deus hoc tali honore insigniuit , ut talia discernatis .*

Carolus magnus laicos indebitum sibi locum intra Ecclesiam vindicantes mares sic reprimat lib. 6. capitula-

tularis cap. 290. *Si quis indebitum sibi locum usurpauerit, nulla se ignoratione defendat, sitque plenè sacrilegij reus qui hoc attentauerit.*

Huc pertinet præallegatum caput solitæ de maior. & obed. quo Innocentius tertius Imperatorem commonet Episcopum præesse principibus debere: utpotè altioris dignitatis, & potestatis, quanto cœlestia terrenis, spiritualia & diuina corporalibus, & humanis antecellunt. Nota est historia sancti Episcopi Martini, ut se gesserit in mensa Imperatoris Maximi. Quinetiam Valerius Maximus de Religione populi Romani, quamuis falsorum deorum cultui addicti, & præterea innumeris triumphis & amplissima dominatione superbi, sic testatur lib. 1. cap. 1. *Omnia post Religionem ponenda semper nostra ciuitas duxit, etiam in quibus summam aieſtatis decus conspici voluit: quapropter non dubitauerunt sacris imperia seruire, ita se rerum humanarum habitura regimen existimantia, si diuinæ potentie bene & constanter fuissent famulata,*

Can. 79. vulgarem illius temporis abusum reprimit, quo certis ritibus colebantur virginei partus secundinæ, declaratque virginis partum fuisse ἀλόκετον, hoc est vacuum à secundinis, addit etiam absque vlllo semine τὸ χὼν ἀπὸ πύθως συζάντα.

Can. 82. de imaginibus Christi sub agni specie. Vide in hanc rem quæ annotaui in istius Synodi exordio.

Canon. 8. notabile continet documentum. Quoties (ait) non inueniuntur testes firmi qui citra omnem dubitationem affirmant fuisse infantem baptizatum, debere citra omnem hæſitationem baptizari, idque esse veteris & canonici vsus. Hoc idem constanter definiuit Gregorius magnus lib. 12. epist. 37. his verbis. *Hocrite tenere debetis quod & nos ab antecessoribus nostris traditum accepimus, ut quoties tam de baptismo aliquorum, quam de confirmatione, quam de Ecclesiarum consecratione dubitatio habetur, & nec scriptis, nec testibus certa*

certatio habetur, ut baptizentur tales, vel confirmentur, atque Ecclesiæ canonice consecrentur, ne talis dubitatio fidelibus ruina fiat: quoniam non monstratur iteratum quod certis iudicijs non ostenditur ritè peractum: Hæc nos vobis tenere & mandare docemus, &c. Hæc notent inaniter arguti Casuistæ, qui malunt animas Christi morte redemptas in re dubia de æterna salute periclitari, quam Sacramentum etiam absolutæ necessitatis de aliqua iteratione; perinde ac si Sacramenta ipsa Deus non instituisset in subsidium & salutem animarum: cum in dubio præcipiat sapientissimus simul & sanctissimus Pontifex Gregorius administrari quoque confirmationem, quæ tamen non æquè est ut baptismus absolutæ ad æternam vitam necessitatis. Hæc eadem de baptismo pariter & Ecclesiarum consecratione, quoties dubium occurrit, resoluit præterea Concilium Carthag. quintum Canon 6. Et summistas omnino relinquamus intactos S. Raymundus libr. 3. summæ titul. de ætat. ordin. §. 1: hæc eadem extendit ad ordinationem, ita dicens: Regulariter teneas quod in huiusmodi de quibus non constat quod sint de essentia vel non, inuenitur tamen quod debent fieri, intelligas omnia esse de essentia: Vnde si aliquid tale de quo dubitatur utrum sit de substantia vel non, fuerit omissum, potest ordinatio iterari: non enim intelligitur iteratum quod nescitur esse factum, dist. 68. cap. Presbyteri. Et de consecr. dist. 1. cap. Solemnitates. Hæc aliaque Raymundus. Et tamen antiquioribus nondum in mentem venerat illa provide sequentibus excogitata sæculis, in casibus ambiguis conditio præscripta in cap. 2. de baptis. si non es baptizatus, &c. Ideoque verborum etiam absoluta forma in re dubia, conferebant Baptismum, Confirmationem, Ordinem, Ecclesiæ consecrationem.

Canon 96. Qui Christum per baptismum induerunt eius in carne vitæ agendæ rationem imitari professi sunt. Sententia hæc omnium Christianorum infixæ cordi

cordi esse debet. οἱ χριστὸν διὰ τῆ βαπτίσματος ἐνδυσάμενοι τὴν ἐν σαρκὶ αὐτῆ πολιτείαν μιμεῖσθαι καθωμολόγησαν.

Canon 100. *Picturas fieri prohibet quæ ad turpes libidines illiciunt, & facientes iubet excommunicari.* Id enim quæ hic legitur vox ἀφορίζεσθω significat, non vero vt Latinus vertit interpretes de positionem. Quam pœnam solent Græci Canones exprimere per verbum καθαιρέσθω, solosq; hac cēsura clericos plectere. Exemplū in hanc rem memorabile refert Prosper lib. de promiss. & prædict. Dei c. 6. Puellam in balneo se lauātem ex aspectu lasciuo, quæ inibi erat statutz Veneris fuisse protinus à Sathana possessam, multisque vexatam diebus, donec ad reliquias S. Stephani martyris liberata est.

Canon 101. Minimè permittit communicantes Eucharistiam aliquo vasculo excipere, sed manibus ipsis in crucis figuram conformatis. Hoc idem suadet Cyrillus Ierolosymitanus catech. magist. 5. Quem etiam veterem communicandi ritum sic exprimit Chrysostomus libr. 3. de Sacerdotio, ὁ μετὰ τῆ πατρὸς ἄνω καθήμενος ταῖς ἀπάντων κατέχευε χερσὶ, qui cum Patre sursum sedet omnium manibus continetur. Alicubi tamen mulieres sacram Eucharistiam linteamine excipiebant, vt docet Augustinus sermon. 252. Maximus martyr & Monothelitarum debellator admonet communicaturos viros vt prius manus abluant, mulieresq; vt linteamina mundissima deferant vbi Christi corpus accipiant. Denique Concilium Antisiodorense præcipit Can. 36. *Non liceat mulieribus nuda manu Eucharistiam sumere.* Vocatque idem Conc Can. 42. *Dominicale* linteum illud in quo iubet à sceminis Eucharistiam excipi.

Septima Synodus Occum enica Nicæna II.

Leo Isauricus Imper. suadentibus Constantino Episcopo Nacoliæ, & Beseræ. qui Christianis ortus patribus deinde captiuus in Syriam abductus Mahumetana in hauserat impietatem, bellum execrabile sacris ima-

imaginibus indixit, quas edicto proposito ex Ecclesijs alijsque quibuscunq; locis proscripsit. Dum vero peruerultæ Religionis imaginem Saluatoris, quæ ad æneâ vrbis portam sita erat ex edito loco vi ferroque deturbat, succensent qui aderant, totaq; hoc nuncio ciuitas percellitur: tunc armati populi concursu satellites discernuntur, & apparitores ad hoc exequendum facinus missi. Ea de re infrendet ferox & truculentus Leo, totamque vrbem rapinis, hominum raptationibus, & feralibus supplicis infestat & cruentat.

Aggreditur inter alios sapientissimum & venerandû Studitatum collegij præfectum; eiusq; duodecim conubernales diuina humanaq; sapientia instructissimos ad quos seu ad oraculum in præcipuis diuinarum humanarumq; disciplinarum ambiguitatibus recurri solebat, quos ipsi quoque Imperatores frequenter consulebant. Hos priuatis colloquijs, adhibitis nunc blanditijs nunc minis in suas partes attrahere conatus est Leo, sed eorum constantia repulsus, eosdê cum ædibus in quibus conuiuebant vna cum instructissima Bibliotheca flammis vna nocte absumpsit. Notis præterea sceleribus priora accumulans sanctorum etiam cultû abolere, eorum loculos perfodere, sacraque sedare lipsana institit. Has excitas à Leone tragedias recensent author historię miscellæ, Nicephorus Constantinopolis Patriarcha in Breuiario, Zonaras, & Cedrenus in Leone; ipsaque passim huius Synodi acta.

Dum truculenter furit Leo, Regiæ vrbis Patriarcha Germanus vir sanctissimus omni studio nascentem impietatem coercere nititur, atque fideles quos dira infectatio vrgebat aut labefactat confirmare: hunc priuatis colloquijs frustra tentatum ex sede Patriarchali & vrbe exegit: eiusque loco Anastasium iconoclastam Leo subrogauit. Ioannem quoque Damascenum piarum imaginum strenuum defensorem, transmissis ad principem Damasci confictis prodicionis literis, accusat,

fat, quasi Damascenam ciuitatem cuius custodię Ioannes præfectus erat, sibi vendere attentasset: vnde ipsi dextera manus iussu principis barbari amputatus; sed ei præcisam manum inuocata Dei genitrix insigni miraculo restituit.

Sic efferatum grassantemq; Leonem Gregorius Papa II. boni sollicitiq; pastoris pro Dominico grege munus obiens, a ceptis nefarijs per litteras reuocare conatur; verum crescente in dies illius rabie anathemate percussit, simulq; Italiam eius dominationi subtraxit, atq; illi tributa vltius pendi prohibuit: Tum ille maiori percitus rabie comparata ingenti classe, & Pontificis & Italix molitur exitium. Sed classem cum omni bellico apparatu ad Adriaticum littus exorta tempestas allisit, alijsque simul calamitatibus eius Deus ferociam reprimi, & impietatem vlciscitur vrbium vndequaque defectionibus, fame, penuriaq; pestilentijs, & horrendis terrarum motibus eoque vt Regiæ vrbis ædes pœnè omnes publicæ priuatæq; integri anni assidujs concussionibus corruerint, ipsaque vrbis mœnia solo æquata sint, ipse vero Leo diris excruciatu tormentibus infœlicem animam exhalauit.

Leonem filius excepit Constantinus, cui cognomen inditum Copronymi fuit ab excrementorum profluvio, quo dum infans baptizaretur sacrum lauacrum inquinauerat. Qui vero illum baptizabat Germanus Patriarcha vaticinatus est eius aliquando impietate sanctam Dei Ecclesiam fœdatum iri. Prædictionem euentus demum comprobauit. Hic se totum magicis flagitijs & cacodemonum animarumque execrandis euocationibus, & piorum persecutionibus, addixit. Dei genitricis aliorumque sanctorum cultum atque sacrarum imaginum inhiuit.

Tot impietatibus & coniunctis vna crudelitatibus commoti populi Cōstantino rebellant, affinemq; illius Artabasdū Curopalaten qui aduersus illum arma sum-

pserat,

pſerat, designant Imperatorem: Beresem vero tot maiorum authorem suamque obtruncant, sacrasque imagines pristinis locis reponunt. Sed comparato exercitu Copronymus Constantinopolin terra mariq; obsidet, atque ad deditionem compellit, Curopalati oculos effodit, eius liberos interficit, ne quis ex illa progenie scelerum ipsius & sacrae Religionis vindex superesset. In reliquos perduelles crudelissimè deſeuit, quāplurimos præcis ferro manibus, varijsq; supplicijs excarnificator interimit, reliquos omnibus fortunis expoliât. Quinetiam vesaniæ suæ specimen erga Pseudo-patriarcham Anastasium exhibet, quamvis eiusdem secū impietatis fautorem. Hunc enim a ſello præpoſtere impositum, & flagello per urbis compita cælum, in thronum Patriarchalem denuò collocavit.

Cū verò Romani Pontifices Concilia diuerſa in Occidente diuerſis locis cogèrent, ut malum in Religionis exitum erumpens cohiberent. Copronymus Pseudosynodum trecentorum, & triginta antistitum Constantinopoli coegit, qua in sacras imagines conclamatur. Interea Conſtātinus Monachus Pseudopatriarcha ſucceſſor Anaſtaſij, ſatellitio Imperatoris ſtipatus, per forum, per Eccleſias, per omnis ſexus Monaſteria, per priuatorum ædes concuſans, imagines quotquot ſupererāt, diripit, abradit, deiicit, & eos qui habebāt verberibus, & carceribus mancipat: Sanctorū reliquias cū venerādis imaginibus, & Catholicorum libris per fora excitatis rogis incēdit. Ipſe verò Copronymus aliquot Senatores, & clariffimos viros, eo quod prohibitas imagines coluiſſent, vel occultaſſent, duriffimis neruis in medio foro verberari ad necem iuſſit: Monachusetiam & Sanctimoniales raptari, & poſt immania ſupplicia, & ludibria trucidari. Qui verò ſuperfuerunt Monachi compulſi ſunt pallio, & cucullo depoſito inire inceſta connubia, ſordidiſque artibus victum quærere. Inter milites quoque Monaſteria diſtributa ſunt, ut omnis

instituti Monastici memoria prorsus aboleretur, Monasteriorum autem prædia, & facultates fisco addictæ.

Cōstantinū Pseudopatriarchā tot scelerum facem, ac incentorem diuina ultio prosequuta est. Cū enim detestandus Copronymus arcanū illi suum de abroganda Christo diuinitate aperuisset, nec ille rem silentio texisset, iussus est per vrbis vicos flagellari, & in sordissimo loco iugulari. Par etiam ultio in Copronymum incubuit, cui pedes ardentibus athracibus intumuerunt, tantoque æstu totum eius corpus exarsit, vt vociferaretur infelix se inextinguibili traditum igni ob violatum Deiparæ nomen, & cultum: & cū eandem iussisset honorificè coli, sera tamen eius minimè recepta est penitentia, sed acerbissimo, & horrendo interitu ad quæ migraret supplicia demonstrauit.

Successorem Copronymus habuit Leonem filium, qui Catholicum se principio simulauit: vbi verò suum stabili fundamento firmatum credidit Imperium, in apertam hæresis professionem erupit, quam & sacrilegio cumulauit. Cū enim gemmarum cupiditate carbunculis radiantem coronam, quam in maiori Basilica Mauricius olim dedicaret, detractam inde suo capiti imposuisset, eruperunt ex illius capite venerati carbunculi, ex quibus ardens exorta febris hominem breui extinxit, ut Theophanes, & Miscellæ historiæ scriptor Diaconus referunt.

Hic hæredem reliquit Cōstantinum ex Irene susceptum filium. Irene gubernacula suscepit Imperij sub Cōstantino decemni puero. Tum demum immanibus diuturnisque procellis discussis, pax, & noua lux Orientis Ecclesijs refulsit. Catholicæ namque Religionis amantissima Irene, nihil antiquius habuit quam vt illam iacentem excitaret, Regiamque ciuitatem multiplici anathemate inuolutam, & a reliqua Ecclesia diuulsam reduceret. Cūque Paulus abdicato Patriarchatu se in Monasterium conluisset ad spontaneam

neam pœnitentiam, respondit Imperatoribus causam rei sciscitantibus, quia Copronymi Conciliabulo, quo proculsum fuit aduersus venerandas imagines decretum, suam adiecerit subscriptionem, & ni pœnitentia scelus elueret, æterno foret supplicio damnandus. Quæ permoti responsione Imperatores de optimo Patriarcha eligendo solliciti Tarasium promouendum curarunt. Ille verò grauissimum onus detrectabat, nec prius vrgentibus Augustis cessit, quam fore pollicerentur, vt legitimam Synodum ex Romani Pontificis consensu indicendam, & habendam curarent.

Scriptis ergo litteras ad Adrianum Papam Tarasius, quibus de sacrarum imaginum cultu piè, doctèque differit. Scripsere pariter ad eundem Constantinus, & Irene, rogantes vt Synodum indiceret, suosque de more Legatos ad eam mitteret. Lætior Pontifici nullus afferri poterat nuncius. Itaque Petrum Archipresbyterum Ecclesiæ sancti Petri, & alterum Petrum Abbatem sancti Sabæ committit, qui suo nomine Synodo præsent. Cæterùm adeò Constantinopoli hæresis inualefcebat, vt ibi tumultus incredibiles excitarent Iconomachi, quos nec ipsi potuerunt Imperatores compescere.

Igitur Nicæa prælecta fuit in qua Synodus haberetur, quæ ciuitas Metropolis Bithyniæ est, prima Synodo Oecumenica dudum insignis. Interfuere cum Tarasio religiosissimo Constantinopolis Episcopo duo Monachi Ioannes, & Thomas sedium Orientis Patriarchalium locumtenentes, & cum his trecenti quinquaginta Episcopi multique cum delectis Monachis Archimandritæ, qui Patrum confessum sanctitatis, doctrinæque splendore decorabant, missique ab Imperatoribus aliquot Senatores. Concilio præfederunt Apostolici Legati. Gesta hæc sunt Chr. an. 787. Coacta iam Synodo multitudo Episcoporum supplices libellos obtulerunt ad veniam deprecandam, eo quòd Co-

pronymi Synodum approbassent: in primis Gregorius Neocæsariensis, qui fuerat in Pseudosynodo quasi præses, & antesignanus. Vtramque in partem agitata sententia est, sed mitior demum prævaluit, qua cunctis condonatum est, & permissum, ut suum quisque gradum, & dignitatē retineret. Lecta primum fuit Adriani epistola, cui honorificè ab omnibus acclamatum est. Placuit deinde ut ex Sanctorum Ecclesiæ doctorum libris depromptæ palam legerentur grauissimæ sententiæ, & exempla, quibus Religiosa imaginum veneratio asseritur, tamquam à Sanctissimis Patribus tradita, iam inde ab exordijs Ecclesiæ, continuoque Christianorum sæculorum usu recepta, plurimisque confirmata miraculis. Quapropter Patrum suffragijs sancitum est, ut in Ecclesijs alijsque honestis locis, Christi Domini Sanctorumque imagines collocentur ad piam memoriā, & virtutum imitationem excitandam: tum etiam ut ipsi in suis imaginibus debita sibi veneratione colantur, quandoquidem his delatus honor ad Prototypum, & exemplar refertur quod illæ repræsentant. Decretum quoque ut fideles debita veneratione Sanctorum reliquias prosequantur, & his contradicentes hæretici declarantur, & anathemate feriuntur.

His sanctissimè constitutis placuit in medium proferri Saluatoris imaginem, & ab omnibus suppliciter procumbentibus adorari. Perlecta etiam ne quid deesset examinataque sedulò fuit Copronymi Synodus, cuiusque varæ rationes verissimis alijs euerſæ, & quantum opus erat expositum diuinarum litterarum testimonia, quibus idola gentium redarguuntur nihil cum sanctis imaginibus habere commune. Proinde damnata illa Pseudo-synodus omnium cōsensu fuit, & dictum anathema in Anastasium, Constantinum, & Nicetam Pseudo-patriarchas. Postremò sancta Synodus Canones XXII. adiecit. His ritè peractis, Tarasius transmissis ad Adrianum litteris rerum in Synodo gestarum rationem

tionem reddidit. Porro Adrianus non solum Apostolica authoritate Synodum munivit, & approbavit, sed præterea conscripta ad Carolum Magnum epistola defendit ab aliorum criminationibus.

Actiōe huius Synodi quinta inter quamplurima Sanctorum testimonia locus adducitur Ioannis Thessalonicensis Episcopi, quo asseritur Sanctos Dei Angelos, Sanctorumque animas figuris corporeis sufficienter repræsentari, eo quod utrisque Catholica Ecclesia corporeas substantias attribuat, tenuissimas quidem, utpotè igneas, aut aereas. Idque author ille confirmare intendit tum Davidis, atque Apostoli testimonio isto: Qui facit Angelos suos Spiritus, & Ministros suos flammam ignis: tum etiam Athanasij, Basilij, Methodij, aliorumque Patrum authoritate. Quod ait author ille de sensu Catholicæ Ecclesiæ non sic intelligendum est, quasi Ecclesia hoc definiuisset, sed quia complures, & illustres Ecclesiæ Doctores hoc asseriebant, ita ut castum sententia prævaleret: Nec solum apud Græcos, sed & apud Latinos, ex quibus est Hilarius in Matt. S. August. innumeris penè locis, lib. 3. de Gen. ad lit. c. 10. & epist. 111. & 115. & lib. 3. de Trinit. c. 11. & in Psal. 85. & 145. & lib. 2. de Ciu. Dei c. 23. & lib. 15. c. 23. & li. de diuination. demon. & in Enchir. c. 59. & alibi, ut asserat Vasq. tract. de Angelis non dubitasse Augustinum Angelos esse corporeos, sed tantum an eorum corpora contrectari possent. Hoc idem tenuit quoque Cassianus collat. 7. cap. 13. Bernardus hoc propendet sermon. 5. in Cant. & Angelis corpus aereum assignat. libr. de considerat. His accedit Rupertus Abbas libr. 1. de Trinitat. cap. 11. Ex Græcis præter commemoratos Athanasium, Basilium, Methodum, Ioannem Thessalonicensem, idem ipsum tradit Origenes lib. 1. Periarchon in proem. Cæsarius Nazianzeni frater dialog. 1. Elias Cretensis ad orat. 1. Nazianzeni ad verba ista: nihil enim mihi. Quotquot etiam ex Græcis, Latinisque docuerunt

Angelos cum mulieribus consuetudinem habuisse, ex
 ijsque progenuisse Gigantes Iustinus, Irenæus Clemens
 Alexandrinus, Eusebius Cæsariensis, Tertullianus, La-
 ctantius, alijque, qui licet astruant in Angelis, & homi-
 num animis spirituales substantiam, id vnum volunt
 esse tenuissimam, & subtilem admodum, longèq; distā-
 tem a concretis, crassioribusq; corporibus non tamen
 omnis expertem materiæ. Olim prævaluerat apud san-
 ctos Patres Platonis Philosophia dæmones elementa-
 res constituentis, & animas igneæ substantiæ. Exortu
 postmodum Scholasticæ Theologiæ receptior euasit
 Aristotelis doctrina lib. 12. Metaph. c. 6 7. 8. asserens, &
 probans intelligentias esse ab omni materia, & quan-
 titate separatas. Idq; fortiùs apud Christianos suadet
 visio diuinæ essentiæ, quoniam videbimus Deum sicuti
 est 1. Io. 3. ad hanc verò visionem nullam habere potest
 aptitudinem nec remotam quidem aut supernaturalē
 materialis substantia. Itaq; Magister sententiarum, &
 Thomas, & alij ferè omnes scholarum Theologi oppo-
 sitam veteribus illis sententiam consecrantur: cui plus
 etiam fauent hæc Lateranensis sub Innocentio III. Cō-
 cilij verba, quæ leguntur in cap. firmiter de sum. Trinit.
*Deus utramque de nihilo condidit naturam spiritualem, & cor-
 poralem, angelicam videlicet, & mundanam: deinde humanam
 quasi communem ex Spiritu, & corpore constitutam, &c.*

Et si verò probabilius sit Lateranensis Concilij eam
 non fuisse mentem, ut res ista tamquam fidei propo-
 sitio ibi definiretur: non foret tamen temeritatis expers
 his instructioribus sæculis peruicax in contrarium opi-
 nio. Et verò sancta Dei Ecclesia temporum progressu
 nouis cognitionibus plenius illustratur: vnde scribitur
 in Cantico procedere illam instar surgentis auroræ.
 Quod exemplis sequentibus patefit.

Licuit priscis sæculis Angelos credere corporeos, &
 ex his nonnullos cum mulieribus antequam cælo exu-
 larent, corporum habuisse commercia. Licuit similiter san-

sanctis olim Doctoribus Papiæ Hierapolitano, Melitoni Sardenfi, Irenæo, Iustino, Laetantio, Seucro Sulpitio, eflechialtis, quæ nunc persuasio hæretica, & piacularis esset. Licuit initio eximijs illis viris, & S. Cypriano Carthagenfi, Dionysio Alexandrino, & Firmiano Cæsariensi, & amplissimis totius Africæ, & Alexandrinæ Diæceseos Synodis omnium indiscriminatim hæreticorum reijcere baptismum, quod siue post Stephani Papæ decretum, siue post Nicenam Synodum, pœnam mereretur anathematis. Licuit antiquis de multis Scripturæ partibus ambigere an canonicæ essent, vt obseruatum superiùs à nobis est Laodicænum canon 59. At re postmodum perspicuè definita non liceret circa huiusmodi animo esse ancipiti. *Multa nunc (scimus) ait Alfonsus de Castro lib. 1. de hæresib. c. 27. quæ à primis patribus, aut dubitata, aut prorsus ignorata fuerunt: Multa didicit Mater Ecclesia (inquit Paulus Serlogus Societ. Iesu anteloquio 3. in Cant. sess. 3. processu temporum multa stabiliiuit, declarauitq; fidei dogmata quæ licitis olim opinionibus iactabatur. Vincentius Lirinensis sic loquitur aduer. hæ. commonit. 1. c. 27. Crescat igitur oportet, & multum uebementerq; proficiat tam singulorū, quàm omnium, tam vnius hominis, quàm totius Ecclesiæ etatū, ac seculorū gradib. intelligetia, sciētia, & sapiētia.*

Canon. 14. reprobatur abusus quo pueri Clerici post tonsuram admittebantur statim ad legendum in Ecclesia pro suggestu ante susceptam Lectoris ordinationem. Permittitur deinde Abbatibus modò Sacerdotes sint & ab Episcopo benedicti, Lectores ordinare, proprios dumtaxat Monachos. Permittit Chorepiscopis idem Canon lectores ordinare, dum præcesserit Episcopi consensus, Conc. Trid. sess. 23. c. 10. Abbatib. pariter Sacerdotibus, & ab Episc. benedictis indulget, vt subditis Monachis tonsuram, & minores ordines conferant.

Can. 15. Prohibet duas cuiquam Ecclesias conferri etiam paupertatis obtentu: quo casu proponit imitandum potius Paulum in Actis Apost. protestantem se ad

fui, suorumque victumque proprijs manibus laborasse, quod in suis pariter epistolis insinuat. Hic tamen Canon vbi magna est Clericorum penuria duas permittit ab vno, & eodem Ecclesias in minoribus oppidis possideri. Refertur à Gratiano c. Clericus 21. q. 1. Idem ante sanciuerat Synodi Chalcedonensis Can. 10. interdicens ne quis Clericus duarum ciuitatum Ecclesijs ascribatur. Pari ratione cauetur in Concilio Agathensi Can. 57. & in Epaunensi Can. 9. & in Lateranensi sub Innocentio III. Can. 29. & in Tridentino sess. 7. c. 24. & sess. 14. c. 17. necnon in c. vnum Abbatem 21. q. 1. ne vnus duobus monasterijs Abbas præficiatur. Ius quoque ciuile non permittit duplicem in vno militiam, seu duobus mereri cingulis, aut stipendijs, l. his quidem, c. qui milit. non pos. lib. 12 sed hanc quæstionem paulò fusiùs, & dilucidius discutiamus.

Canonum periti duplicem norunt plurium beneficiorum incompatibilitatem primi generis, & secundi. Incompatibilitas primi generis ea est, vt secundo per pacificam possessionem obtento beneficio, primum statim vacet, c. de multa 18. de præben. & extr. execrabilis, eod. tit. & c. litteras 9. de concess. præben. & c. cum in cunctis 7. §. cum verò, de electio. Altera, seu secundi generis incompatibilitas ea est, qua simul nequeunt plura licitè beneficia simplicia teneri, nisi accedat dispensatio quæ iusta causa subnixa sit: nec ideo tamen vacant priora beneficia per posterioris adaptionem, quamuis horum singula sufficere possint ad victum. Etenim si singula uon sufficiant honestæ sustentationi, possunt duo, vel tria licitè possideri citra dispensationem iuxta Trid. Conc. decret. sess. 24. c. 17. his verbis: *Statuit sancta Synodus, vt in posterum vnum tantum beneficium Ecclesiasticum singulis conferatur; quod quidem si ad vitam honestè sustentandam non sufficiat, liceat nihilominus aliquod simplex beneficium, dummodò vtrumque personalem residentiam non requirat, eidem conferre.* At ve-

rò ad incompatibilitatem primi generis pertinent duæ simul dignitates, vt duo Episcopatus, duo decanatus, aut vnus decanatus simul cum præpositura, vel Archidiaconatu. Item plures parochiæ aliaue curata beneficia. Item plures in eadem Ecclesia personatus, aut dignitates etiam sine animarum cura. Denique plures vniformes præbendæ sub eodem tecto quamuis simplices, vt duo Canonicatus, c. litteras de concess. præben. Hæc quoque incompatibilitas extenditur ad Episcopum, qui statim atque consecratus est, & bonorum Episcopaliū fructu gaudet (non enim isthic comprehenduntur Episcopi merè titulares, aut aliorum Episcoporum suffraganei, qui licet consecrati, non tamen fruuntur Ecclesiarum Episcopaliū prouentu) aut etiam elapso tempore quod Canones Episcoporum consecrationi præfixerunt, amittit illicò iure ipso omnia quæ prius habebat beneficia, nisi Apostolicæ sedis se dispensatione præmuniuerit, c. cum in cunctis 7.6. cum verò de elect. Sed si pauper sit Episcopus, poterit adhuc ei simplex conferri beneficium: licet enim amittat anteriora, non tamen ius facit eum inhabilem ad posteriora simplicia, vt docent Martinus Nauarra, & Less. lib. 2. de iust. c. 34. dub. 27. n. 139.

Can. Nicænus 16. cauet ne Episcopi, aut Sacerdotes alijque clerici splendidis, ac insignibus indumentis, aut vnguentis odoratis vtantur, eosque puniri sancit quicumque Clericum modeste vestitum deriserint. Prohibet etiam quibusuis Ecclesiasticis deferre in vestium oris, ac marginibus lacinias versicolores. Citatur in c. omnis iactantia 2. q. 4. Require superius Concilij Carthaginensis quarti Can. 45.

Canon Nicænus 17. Personarum Monasticarum frequentem hoc sæculo abusum reprobatur, quæ cum in Monasterijs proprijs subesse nolint, noua Monasteria construere aggrediuntur quibus præficiantur. Præterea inbibet Episcopis ne nouas Ecclesias, aut oratoria

extrui permittant, nisi ea suppetant, quæ ad perfectam fundationem sufficere possint.

Can. 20. Prohibet omninò duplicia Monasteria simul coherentia, id est Monachorum hinc, & Monialium inde: huc pariter spectant ad euitanda periculosa cōsortia regulæ istæ S Basilij: non habeat Monachus aditum ad Monacham; vel Monacha ad Monachum secretò ad colloquutionem. Non cubet Monachus in muliebri Monasterio. Si contigerit, vt aliquam propinquam suam, videre velit Monachus, in præsentia Abbatisæ huic colloquatur per modica, & compendiosa verba, & in breui ab ea discedat. Hasce Basilij regulas iustaurat Canon iste. Videto superitis alia huc pertinentia ad Can. 28. Conc. Agathensis iubentem diuersorum sexuū Monasteria longè inuicem esse remota. Alia huc spectantia reuisè pariter ad Conc. Toletani primi Can. 6.

De Synodo Francofordiensi librisque Carolinis.

ANno 794. celebrata est Francofordij ad Mœnum annuam Synodus (est enim altera cognominis vrbs ad flumen Oderam) tempore Adriani Papæ primi, & Caroli magni Francorum Regis. Hæc approbata fuit quatenus hæresin damnat Elipandi Toletani Episcopi, & Felicis Episcopi Vrgelitani; qui Iesum Christū hominem negabant filium esse Dei naturalem, sed asserabant tantummodò esse adoptiuum Deique seruum. Quatenus autem damnat septimam de imaginum cultu Synodum omni caret authoritate.

Patres namque Francofordienses rei gestæ ignorance planè decepti sunt. Reijciunt enim Synodum (vt loquuntur) Græcorum adorandis imaginibus Constantinopoli in Bithynia celebratam sine consensu Romani Papæ. Quibus verbis multiplex circa factum error inuoluitur, 1. Constantinopoli Nicæa. 2. Constantino-

po.

polin esse Bithinię urbem cum sit Thraciæ. 3. fuisse Gręcorum Synodum illam sine Romani Papę consensu habitam, cum tamen constet fuisse ab Adriano Papa indictam, & approbatam, eiusque Legatos in ea præfedisſe. 4. eandem Synodum constituiſſe vt imagines eodem cum Deo cultu colerentur, cum tamen eius act. 1. Basilius Ancyraę Episcopus quondam iconomachus non aliter a Nicęna Synodo admiſſus fuerit, nisi profitendo palam sacras imagines esse venerandas, & adorandas modò ne latrię cultu, qui soli Deo debetur. Et Act. 3. Constantius Constantiæ Cypri Episcopus: actionibus 4 & 7. alijque similiter Ecclesię reconciliati fuerint, & vnitati fidelium redintegrati cum eadem fidei protestatione, modò ne latrię cultu soli Deo competenti sacraę imagines adorentur.

Porro vt omnis verborum tollatur ambiguitas, latrię cultum hic intelligunt Nicęni patres absolutum illum cultum, qualis a Gentilibus deferbatur idolis, quæ absolute ab iisdem vt dii colebantur, existimantibus numen in illis statuis residere: cum tamen fidelium cultus erga imagines sit respectiuus ad Deum, vel Sanctos per imagines representatos, vt possit eiusmodi cultus pro exemplariũ dignitate coram imaginibus delatus, dici latrię, vel hyperdulię, vel dulię cultus respectiuus quidẽ quoad imaginem, absolutus autem quod attinet ad exemplar, seu prototypum per imaginẽ representatũ.

Anterioris sæculi ann. 1549. prodijt in publicum ignotus antea liber Carolo magno ascriptus, & ab eodẽ ad Adrianum Pontif. directus contra imaginum venerationem, absque vlla siue loci, siue Typographi nota.

Si liber non est ab iisdem qui publicarunt hæreticis confictus, non alium habet authorem quàm eiusdem cum Carolo sæculi iconoclastam, non ipsum Carolum, a quo tamen transmissus ad Adrianum fuit: vt suo nomine, censuraque Apostolica illum perstringeret, aut refelleret. Extat vtique Adriani Papę ad Carolum liber,

ber, quo prior ille liber sacras oppugnans imagines, accuratè refellitur. Ex quo Adriani libro Iuo Carnotensis pleraque desumpta inserit in quarta decreti sui parte. Constat certè ex Anastasij præfatione ad septimam Synodum Gallos nonnullos imaginum venerationem respuisse.

CONCIL. VORMATIENSE.

SVb Adriano Papa II. & Imperatore Ludouico II. an. Domini 868. habitum est Concilium Vormatiense, huius Canon 22 ita decernit: *Si pater, vel mater filium, filiamque intra septa Monasterij in infantia annis sub regulari tradiderit disciplina, non liceat eis postquam ad annos pubertatis peruenerint, egredi, & matrimonio copulari: hoc ergo omnibus denitandum est, quia nefas est vt oblati Deo à parentibus filijs voluptatis fræna laxentur: igitur vt prædiximus non liceat eis susceptum habitum vnquam dimittere, sed conuicti quod tonsuram, aut Religiosam vestem aliquando habuerint, in Religionis cultu habituque velint nolique permanere cogantur.* Adeò perspicuæ sunt istius Canonis, & plurimorum aliorum conformium Canonum expressiones, vt pudor omnis animique sinceritas prorsus ei ableganda sit, qui per multiplices alienarum, & violentarum glossarum inuectiones in oppositum sensum hæc detorquere obnitatur, quem voces ipsæ & vtrò, & iteratò præ se ferunt. Eadem non minùs euidentibus verbis repetitur sanctio sequenti Can. 23. *Monachum aut paterna deuotio, aut propria professio facit, &c.*

Istiusmodi Ecclesiæ vsus, & disciplina non hic habuit initium, hoc enim ante constituerat Gregorius Papa II. in sua ad Bonifacium Moguntia Eptiscopum epistola iisdem prorsus verbis: adeò vt Concilium Vormatiense suos inde Canones 22. & 23. nihil ferè immutando desumpserit. Idem pariter resoluit Isidorus

rus citatus in c. quicumque 20. q. 1. Toletanum quoque Concilium quartum rem eadem prorsus decernit anno 643. Canon 48. & habetur in decretis Gratiani c. Monachum 20 q. 1. Idemque iteratur decretum in Concilio Triburiensi citato in c. quem progenitores 20. q. 1. Alexander quoque Papa III. hoc item decernit de perpetua ad Monachismum astrictione ex sola parentum oblatione. Constit. Alex. III. p. 50. cap. 50. Post quem Clemens Papa III. hanc eandem confirmat disciplinam, & vsum, c. cum virum, de regular.

Itaque septingentos annos Ecclesia hoc iure vsa est patriæ potestatis iura multò vterius erga liberos proferens nondum sui per ætatem compotes, quàm præfens, magisque æquitati consentaneus vsus permittat. Urgebant forsitan exempla Samuelis, quem mater tabernaculo consecrauit, & Iephthe votum, secundum quod filiam vnicam Deo immolauit. Quinimò fauore Monasticæ Religionis vterius etiã progressi sunt olim Ecclesiæ Canones. Ex quo enim aliquis etiam adultus nec suæ mētis compos aliena voluntate fuerat in ægritudine periculosa Monastico habitu amictus, æger ille conualescens tenebatur reliquum tempus vitæ indispensabiliter in Monachali veste, & instituto traducere, Adeò vt Hispaniæ Rex Vamba, & morum sanctitate, & bellica laude, & Saracenorum victorijs inclytus, cum in motbum incidisset alienatus a sensibus, ab Episcopis, & proceribus Hispaniæ pro more in Hispania recepto Monastica veste indutus, & deinde conualescens se astrictum Monasticæ vitæ ex eiusmodi sibi iradito amictu agnoscens, regnum suum in affinem quemdam suum transtulerit. Istud expressè refertur in Concilio Toletano anni 680. Can. 2. cuius deinde Can. 2. significatur eam tum viguisse in Hispaniarum Ecclesijs consuetudinem, vt cum se in ægritudine aliquis proximus putaret moriturum, Monasticum habitum peteret, & acciperet, aut etiam non petitu-

ne-

nesciens nec sui compos acciperet, hoc ipso sic astringeretur Monasticæ professioni, vt conualescens ad sæculum reuerti non posset, Monachusq; in perpetuū remaneret; licet pœna dignus cēsetur Sacerdos, qui habitū nō petenti ministrasset. Quā disciplinā, & consuetudinem Baronius quoq; refert ad ann. præfatum 680.

Posterioribus sanè Canonibus melius cautum est, quibus omnis irrita professio Monastica redditur, si non fuerit libera, & spontanea, & si non præcesserit saltem integer probationis annus. His quoque prouisum est, vt omnis professio quæ facta fuerit a fœmina ante cōpletos duodecim ætatis annos, aut a masculo ante quatuordecim, sit prorsus inualida c. significatum, & c. cū virum de regularibus eandem præfigendo ætatem professioni regulari, quæ requiritur pariter ad validum, & insolubile matrimonium Successit demum Conc. Trid. ordinatio sess. 25. de regul. c. 15. quæ nunc vbique viget, requirens ad Religiosam professionem in vtroque sexu completos ætatis annos sexdecim. Idemque Concilium pœnam excommunicationis parentibus, & alijs quibuscumque infligit, quicumq; per vim, aut metum ad Religionem quemquam adegerint, vel ad id cooperati fuerint d. sess. 25. c. 17. & 18.

Synodus Occumenica oſtaua, & Constantinopolitana quarta.

Historiam huius oſtauæ Synodi exactè descripsit Nicetas David Paphlago scriptor ætatis illius in vita S. Ignatij Patriarchæ Constantinopolcos Nicephorus Orientis Imperator filiam suam Procopiā Michaeli Curopalati dedit in matrimonium ex quo natus est Nicetas alijque liberi. Cū verò Nicephorus è viuis excessisset, omnium consensu Michaeli defertur Imperium principi iustitiæ, & pietatis ornamentis spectatissimo, qui magna virtute biennium imperauit : Donec
Leo

Leo Armenus cui Michael præfecturam exercituum Orientis crediderat, in suum principem, ac benefactorem perduellis regnum occupat, Michaellem cum vxore, & liberis in diuersas insulas ablegat, & Monasterijs includit: Regios liberos castrari iubet, atque ex his Nicetam cui castrato, & in Monachum detonso Ignatij nomen est inditum. Leo qua tyrannide, & nequitia regnum inuaserat, eadem administravit, & dudum à Synodo septima sopitam iconoclastarum heresim magna Ecclesiarum clade, & piorum omnium dira insectatione restituit, non minori tabie furens, quàm Leo ille, Isauricus à quo fuerat primùm excitata. Sed exacto Imperij septennio diuina ultione interemptus est à Michaelle Balbo pariter iconoclasta: quem post annos Imperij octo filius excepit Theophilus paternæ impietatis æmulus, qui annos aliquot Imperio potitus, transmissit illud ad filium Michaellem sub Theodoræ matris tutela Religiosæ, virilisque animi foeminæ, quæ filium Catholica Religione imbuendum curauit, instauratoque sacrarum imaginum cultu, Methodium virum sanctissimum quem in fide Orthodoxa inuictum Michael Balbus exilio damnauerat, reuocauit, atque in Regia ciuitate Patriarcham constituit; quo munere præclare quadriennio perfunctus abiit in cælum.

Tum verò eiusdem Theodoræ studio Ignatius Michaelle Curopalate natus in eandem promotus est dignitatem. Hoc præfule Orientalis Ecclesia & fidei sinceritate, & inorum commendatione refulsit, tranquillaq; pace integros vndecim annos potita est. Sed tam felicem rerum statum Cæsaris Bardæ ipsius Theodoræ fratris ambitio turbauit. Hic Imperatori persuasit vt matrem rerum gubernaculis ablegatet, includeretque Monasterio, atque ex Michaelis vecordia fiduciam sumens, omnem Imperij potestatem in se vnum transtulit. Erat præterea Bardas infensissimo aduersus Ignatiū animo, qui pastoralis Officij, & constantiæ specime n dederat,

dederat quando post sæpius à se frustra admonitum Bardam, vt stupri consuetudine, quam cum propria nuru graui omnium scandalo, & offensione habebat, defisteret, ad sacram Eucharistiæ synaxim solemnè Epiphaniæ die accedere ausum palam repulit, & ad pœnitentiam adhortatus est. His accesserat vt cum *suasu* Bardæ Michael accito Ignatio mandasset vt inuitam Theodoram attonderet, Monasterioque includeret, id facere vtpote rem indignam, & Ecclesiæ Canonibus aduersantem recusauerit. Idcirco Bardas Ignatium apud Imperatorem maiestatis reum postulauit, simulque in insulam deportauit, & Photium ad eius sedem intrusit. Erat Photius vir laicus, natalibus illustris, dignitate prothospatarius, & primus à secretis, vir immensæ ambitionis, veterator, & versatilis ad omnia, ingenij, tantaque disciplinarum omnium peritia præditi, vt (vel ipso Niceta Dauide teste) non modo sui æui princeps haberetur, sed etiam cum præstantissimis veterum quorumcumque ingenijs decertare posset: At eximias naturæ, & artis dotes animi eius improbitas, & incredibilis ambitio, perfidiaque obscurabant. Vix credat aliquis quàm implacabili crudelitate, quàm impudentibus calumnijs, & quàm immanibus corporis cruciamentis Regiæ stirpis Patriarcham eximia vitæ sanctitate, venerandum, ætate etiam prouectum diuexauerit sceleratissimus Photius, quamdiu Bardas superstes fuit.

Interimitur à Basilio Macedone protestatore iussu ipsius Michaelis Imperatores Bardas: occisor verò in Imperij societatem asciscitur, nec multò post Michael ipse vino temulentus trucidatur. Cum enim illum novus Imperator Basilius ab infamia morum ad meliorem frugem reducere studeret, illius tale odium in se concitauit, vt remigi quoque obtulerit Imperium si Basilium interimeret, sed Michaelem temulentum Basilius antenerit, & occidit.

Solus itaque Imperio potitur Basilius, qui cum esset

in-

iustitiæ, & religionis amantiſſimus publicam rem Michaelis vœcordia, nequitiaque perditam reparauit. In primis Ignatium deiecto Photio reuocauit, eamque ob causam Synodum Oecumenicam octauam Constantinopoli coegit assentiente Adriano Papa secundo Nicolai primi successore, qui etiam per suos Legatos Donatum, & Stephanum Episcopos, & Marinum Diaconum, sanctæ Synodo præfedit ann. Christ. 869. Iam Photium Imperator de throno in Monasterium depulerat, Eliamque Regiæ classis Drungarium cum Dromone, id est celoce Imperiali pretiosis ornamentis instructo, cum magnifico splendidoque comitatu præmiserat ad reducendum, ea qua par erat honoris pompa, Ignatium. Reducem ab exilio Patriarcham ordo patricius occurrens exceperat, & confluens, lætitiæque gestiens populus vniuersus veneratus, atque in templum triumphali apparatu, & faustis acclamationibus comitatus fuerat, antequam Synodus indicta esset.

Synodo interfuerunt, vt scribit Nicetas Episcopi duo supra centum. Antistites verò, & Sacerdotes, qui a Sanctis. Patriarchis Methodio, & Ignatio consecrati fuerant, & postmodum ad Photij communionem abrepti, libellis penitentiæ porrectis ad Synodi pedes procubere lachrymis effusis veniam supplicantes. Mitius cum his actum est, impositaque penitentia ad confessum tandem Synodi, & pristinum ministerium admissi sunt. Photius citatus reus ad Synodi cōspectum adducitur. De proprijs sceleribus interrogatus, adduci non potuit, vt aliud responderet quàm istud Dauidicū, Posui ori meo custodiam: & quod sequitur vos ipsi legitote. Hæc nimirum intelligi volens: Cūm confisteret peccator aduersum me. Instant legati per obstinatum hoc silentium non euasurum damnationem; quibus ille, neque Iesus tacendo euasit damnationem. Blandè rogatur, vt se iustificet circa sibi obiecta: respondit hypocrita: Iustificationes meæ non sunt de hoc mundo.

Suadetur vt pœnitentiam exhibeat, qua solvatur an a-
themate: ille pertinaciter tacet, & sic è conspectu se
subducit.

Nicolaus Papa Photium iam olim in Episcoporum
Concilio damnauerat anathemate, vt violentum sedis
Constantinopolitanz inuasorem. Photius verò coactò
conciliabulo in Nicolaum anathema regere ausus
fuerat. Quin etiam non dubitauit Pseudo Synodi suæ
acta multis suppositis additamentis, & falsis, ementi-
tisque innumeris subscriptionibus aucta transmittere
ad Ludouicum Franciæ Regem simul, & Occidentis
Imperatorem, vnâ cum litteris ad vxorem eius Ingel-
bertam Synodicis illam sollicitantibus, vt coniugi Lu-
douico persuaderet à Nicolao Episcopo Romę disces-
sionem, vtpotè legitimè per Catholicam, & Oecume-
nicam Synodum deposito, eumque procul in exilium
relegaret. Quæ tamen scripta fuerunt intercepta, &
in octauam Synodum ab Imperatore Basilio produ-
cta. Porro huiusce Ludouici Franciæ Regis Legati,
quemadmodum, & Michaelis Bulgarorum Principis
actioni nonæ Synodi huius interfuisse memorantur,
alijs verò actionibus nulla legitur horum mentio.

Neque verò à solo Nicolao, sed præterea ab Adriano
Papa in alia Synodo, in qua eadem iterum causa venti-
lata fuit, anathemate percussus est Photius, tertiumq;
demum anathematis telum in eundem contorsit hæc
Oecumenica Synodus. Rem miram perhibet in vita
Ignatij Nicetas, damnationi Photij subscriptum ab
Oecumenicæ Synodi patribus fuisse calamis non solū
atramento, sed etiam tremendo Christi sanguine tin-
ctis. Simili subscriptione permixti atramento ex sacro
Calice diuini sanguinis, à Theodoro Papa signatâ fuisse
Pyrrhi Monothelitæ relapsū damnationem testatur
Theophanes. Octaua hæc Synodus aliquot edidit Can-
qui recensentur in Græcis exemplaribus numero 14.
at verò in Anastasij Latina editione 7. & 20.

Can. 1. edicijtur seruandas, & tenendas esse Apostolicas traditiones non scriptas, perinde ac diuinas scripturas, & ad hoc firmandum ibidem allegatur illud Pauli ad Thessalonicenses: state, & tenete traditiones quas didicistis siue per sermonem, siue per epistolam nostram. Traditionibus verò huiusmodi parem cum diuinis Scripturis adhibendam esse fidem scribunt quoque insignes Græci Doctores, ac Patres, Basilus ad Amphisocho. de Spiritu Sancto c. 29. Epiphanius hæresi 61. Chrysost. homil. 4. in 2. ad Thessalonicenses epist. vt Latinos Patres sileam.

Can. 2. Decernit Saluatoris nostri effigiem eadem cum sacris Euangelijs ueneratione colendam esse. Quæcumque enim (ait) litteris scripturæ, eadem coloribus picturæ docent, & repræsentant. Adiungitque Virginis Dei Genitricis, Sanctorumque imagines esse venerandas, & Angelorum Dei effigies quales in Scripturis repræsentantur.

Canon. 4. Photium declarat nec esse, nec fuisse unquam Episcopum, eò quòd prohibeat Apostolus ad Timotheum scribens, fieri quemquam ex Neophyto Episcopum: quam rem sequens can. 5. exponit tam de Neophyto in ordine clericorum, quam de Neophyto in Christi fide. Idemque declarat de Sacerdotio eorum, quos Photius ordinarat. Idem can. 4. in Anastasij editione addit, Ecclesias iterum dedicari, aut consecrari debere, quas vel Photius ipse, aut alij ab eo ordinati, prout putabatur, dedicauerant vel consecrauerant. Grauis & difficillima hic inuoluitur quæstio, quam expediam dissertatione huic Synodo subiecta.

Can. 5. Vt quis ad vltiorem ordinem promoueat, hoc exigit, vt annum in officio Lectoris expleuerit, in Subdiaconi 2. in Diaconi 3. in Sacerdotij 4. antequam ad Episcopi honorem promoueat. Permittit tamen, vt Episcopi possint ex iusta causa nonnihil ex his temporibus, ac interstitijs contrahere, atque in ijs dumta-

rat Clericis, qui piè, & diuturno tempore in Clericorum ordine versati fuerint, dispensare. Conc. postremò Trid. 5. 23. c. 11. Constituit annum interstitij, & ministerij à susceptione ultimi ex minoribus ordinibus ad subdiaconatum, & alterum annum ad diaconatum, nisi necessitas, aut Ecclesiæ utilitas iudicio Episcopi aliud exposcat. Distinctè autem vetat, duos sacros ordines eidem vno die conferri cap. 13.

Can. 11. Anathemati subijcit eos, qui in vno eodemque homine plures inesse animas asseuerauerint. Hæc fuit veterum quorundam philosophorum, necnon Manichæorum hæresis, præter animam rationalem esse insuper in homine animam sensitivam, ex qua sola promanent omnes concupiscendi actus, eamque Manichæi asseuerabant esse propria natura malam, & à malo principio exortam. Aduersus errorem istum S. Augustinus librum scripsit de duabus animabus contra Manichæos. Præclare docet Aristoteles l. 1. de anima tex. 66. & 91. vnā dumtaxat existere in homine rationalem animam, & hanc esse simul virtute, seu eminenter sensitivam, & vegetatiuam. Suffragatur his ratio physica. Alioqui enim homo non esset vnum aliquid per se, sed multa entia aggregata; quomodo plures simul homines dicuntur vnus populus, pluresque arbores vna sylua, & complures lapides vnus aceruus. Forma namque ipsa est, quæ dat esse rei: sicque multiplices animæ, ac formæ plura entia constituunt. Ratio etiam Theologica suffragatur. Cum enim omnia Christus habuerit, quæ ad humanæ substantiæ integritatem pertinent, si ad eam distinctæ formæ vegetans, & sensitiva pertinerent, Verbum incarnatū simul homo esset, & brutum, & planta. Deinde in triduo mortis, vel duæ istæ ultimæ animæ periissent, at quod semel assumpsit Verbum nunquam dimisit: vel mansissent seorsim à corpore, atque ita duæ materiales formæ contra physicam rationem, fuissent per se

se subsistentes ab omni materia remotæ. Deinde quorū sum abiissent? An ex honoris, atque obseruantię officio animæ rationali se comites adiunxissent, an verò seorsim ab illa diuagatæ fuissent?

Nec à seipso dissidet Aristoteles, dum lib. 2. de generat. animal. cap. 3. affirmat embryonem hominis prius viuere vita plantæ, deinde vita bruti, & postremò vita hominis. Sanctus quippè Thomas in summa p. 1. q. 118. art. 2. ad 2. mentem hanc esse Aristotelis, ait, formas illas in embryone nunquam simul, sed successiue inesse, atque abscedente vegetatiua succedere sensitiuam, & hac desinente infundi à Deo rationalem, quæ simul non quidem formaliter, sed virtute, seu eminenter sit vegetans, & sensitua. A nonnullis tamen reiicitur illa sensitivæ animæ præcessio: in illo imperfecto humano fœtu, volunt enim primùm animari secundum gradum vegetatiuum, & immediatè subsequi animam, seu formam rationalem, quæ tamen operetur, primùm secundum facultatem vegetatiuam, & sensitiuam, non autem secundum rationalem gradum, nisi post vnum, aut alterum à natiuitate annum.

Canon 12. Eorum damnat sententiam, qui sine principum præsentia Synodum celebrari posse negant, solamque dicit necessariam præsentiam Episcoporum.

Can. 13. Notabilis admodum est in eos, qui Concilia etiam Oecumenica cum Summo Pontifice temerè committere, atque in dissidium vocare præsumunt: *Si quis (inquit) tanta efferatus audacia quemadmodum Photius, & Dioscorus siue scripto, siue non scripto, insanias quasdam contra cathedram Coryphæi Apostolorum Petri audeat iactare, eandem atque illi damnationis sententiam subeat. Si qua verò Oecumenica Synodo collecta de Romana etiam Ecclesia controuersia extiterit, licebit cum decenti reuerentia de proposita questione percontari, responsumque admittere, vel utilitatem accipere, vel dare, non tamen au-*

daßer contra senioris Romæ Pontifices sententiam dicere.

Can. 14. Sancimus ut designati ad superhumeralia gestanda (ea vocari pallia Pontificia solent) certis illa temporibus statisque locis ea gestent, ne huiusmodi cultu per fastum, aut superbiam abutantur, aut quovis tempore divini officij, & quacunque Ecclesiastica functione deferant. Eos etiam qui Monachi fuerunt, & ad Episcopatus honorem sunt prouecti, ut Religiosam vestem suam, habitumque Monasticum seruent, statnimus: Quod si Episcopus præter designata tempora humerale *ἐπιμόριον* tulerit, aut Monasticam vestem abiecerit, vel corrigatur, vel deponatur. Huic simile postea decrevit Lateranense Concilium generale sub Innocentio III. Can. 16. Ut Episcopi olim regulares Religionis suæ habitum retineant. Citatur in cap. Clerici officia, de vita, & honest. Cleric. Quod attinet ad usum pallij, vide in decretalibus tit. de authoritate, & usu pallij, vbi cap. 1. statuitur intra quamlibet Prouinciæ suæ Ecclesiā posse Archiepiscopum uti pallio. Et cap. 3. non esse quem vocandum Archiepiscopum tametsi consecratum, nisi à Romano Papa susceperit pallium: & conferri per pallium Pastoralis officij plenitudinem cap. 4. soli Papæ licitum esse pallio ubique uti: cap. 6. In qualibet Ecclesia Prouinciæ suæ posse Archiepiscopum diebus solemnibus missam celebrantem gestare pallium, per quod Pontificij plenitudo designatur. Plura de pallio require superius ad Constantinopolitani Concilij primi Can. 6.

Ceterum anno 878. quo Ignatius Patriarcha migravit In Cœlum, Photius pristinam recuperavit sedem, reuocatus ab ipso Imperatore Basilio suāsu, & præstigijs Santabareni Monachi Photio coniunctissimè. Mortuo tamen Basilio, filius eius Leo Imperator cognomine Philosophus, quem nebulonis illius Theodori Santabareni dolis, & calumnijs in suspicionem adductum pater diu in vinculis detinuerat, hanc ultus est iniuriam in Santabarenū, quem flagro cæsum, & oculis

his orbatum in exilium trusit : eius verò sodalem Photium Patriarchatu depulit suffecto in eius locum Stephano .

Sciendum est à Græcis Schismaticis non admitti Synodum istam, quæ Basilio regnante, & Adriano Papa II. approbante peracta est . Sed huius loco nomine octauæ Synodi Oecumenicæ Pseudo Synodum ab ipsis supponi, quam post obitum Ignatij Photius Constantinopoli collegit, conatus omnimodò præcedentem, qua ipse iustissimè damnatus, & depositus fuerat abolere . Photij causæ adblandiuntur Schismatici Græci Synodorum compilatores Zonaras, & Balsamon. Nilus quoque libro de Synodis eandem Pseudo-Synodum octauo collocat loco mendacijs refertam, suppressa priori legitima . In Concilio Florentino sub Eugenio Papa IV. Marcus Ephesinus Pseudo-Episcopus disputat pro expungenda ex Synodorum albo illa, quæ Photio inuasore pulso Ignatium restituit. Conqueritur verò Baronius causam legitimæ Synodi non fuisse propugnatam à Iuliano Cæsarino Cardinali, qui munere cum Ephesino disputandi suscepto eius impudentia mendacia non refellit, sed quasi abiecto clypeo visus est in id consentire, vt Ecclesia Catholica tam illustri Synodo Oecumenica, cui Summus Pontifex per suos Legatos præfederat inter Græcos, & cuius autoritate nefarium in Ecclesia Constantinopolitana schisma fuerat extinctum, spoliaretur; inque præreptæ huius Synodi vicem altera summè exitialis, quam meritò Romani Pontifices damnauerant subrogaretur.

Octauam legitimam Synodum habemus Græcè, Latinèque conscriptam . Sed Latinum in Anastasij exemplar pleraque habet, quæ in Græcis codicibus defunt . Neque verò suspecta esse potest Anastasianæ fides editionis, cuius author Anastasius Ecclesiæ Romanæ Bibliothecarius Synodo illi (vt ipsi testatur) interfuit, cuius acta, & Canones Latinitate donauit.

Sanè de Græcorum Synodis olim loquens S. Gregorius Magnus l. 5. ep. 14. postquam expostulatus est, fuisse illas Græcorum fraude vitiatas, ita subiungit: *Romani codices multo veriores sunt quam Græci, quia nostri sicut non acumina, ita nec imposturas habent.*

*Aliquot Anastasiana editionis Canonum
discussio.*

Editionis Anastasianæ Canon 19. adimit Episcopis Metropolitanis ius visitandi suffraganeorum, seu comprouincialium Episcoporum Ecclesias. In Occidente verò Summi Pontifices, & Concilia visitationum totius Prouinciæ iura Metropolitanis asseruerunt, vt ex multis rescriptis perspicuum fit. Quale est Lucij III. ad Archiepiscopum, Rauennæ visitantem Diocesim Bononiensem c. sopitæ. de censib. & Innocentij IV. c. 1. de censibus in 6. & ante hunc Innocentij III. ep. 85. regesti 15. qui idem in c. cum officij 16. de præscript. con. demnat Abbatem S. Maglorij ad soluendum procurationis ius Archiepiscopo Senonensi Abbatiam visitanti: illa verò Abbatia est in suburbio Parisiensi. Episcopus verò Parisiensis nondum Archiepiscopali dignitate præfulgebat, sed tum suberat Metropolitano Senonensi. Similiter Bononiensis Ecclesia nondum fuerat, vt postmodò contigit in Metropolin erecta. Quia tamen admodum erat procliue nasci rixas, & simultates occasione Visitationum inter locorum Episcopos, & Metropolitenum, vno reprobante, aut abrogante, quod alter probauerat, aut statuerat, & quia impensæ, ac onera parochiarum multiplici visitatione augebantur; idcirco demùm sancitum à Conc. Trid. fuit sess. 24. cap. 3. non posse ab Archiepiscopo suffraganeorum

Dioc.

Diœceses visitari, nisi ex causis in Synodo Prouinciali in causis approbatis.

Denique Anastasianus Canon 22. occasione intrusionis Photij per Imperialem authoritatem, prohibet sub anathemate Laicis principibus, aut potentibus in sæculo, authoritatem sibi in Episcoporum promotione arrogare: sed Ecclesiam relinqui præcipit debitæ sibi libertati. Hoc deinde Canone Summi Pontifices vsi sunt contra Episcopatum inuestituras, quas sibi arrogabant Occidentis Imperatores, & citatur à Gratiano dist. 63. cap. 1. Græcæ autem editionis huiusce, 8. Synodi Canon quinto, de Neophytis ad Episcopatum non eligendis postquam decretum fecit, ita pergit ἵτι δὲ πλείον τῶν (νέφυτον) ἀπείργομεν εἰ παρὰ βασιλικῆς ἐξουσίας εἰς τὸ πτω σιωπῶνται. Maximè verò neophytum repellimus, si per regiam intrusus fuerit potestatem. Quod sanè in causa Photij adnitente Cæsare Barda contigerat.

Dissertatio circa quædam impedimenta ordinum dirimentia apud veteres, quæ nunc temporis minime dirimunt.

DIsquisitionem istam loco appendicis, hic iusero, quia hæc Synodus 8. Photium dicit nec esse, nec fuisse vñquam Episcopum, atque ordinatos ab illo, negat ordines habere, consecratasque ab eo Ecclesias iubet de nouo consecrari. Canon. 4. Præterea hæc eadem Synodus act. 6. ita distinguit inter ordinationes ab hæreticis factas, qui fuerant canonicè ordinati Episcopi, & eas quæ fiunt à non canonicè ordinatis, vt primas quidem affirmet validas, eaque ratione admissos ab Ecclesia fuisse ordinatos ab Acao, & Petro Moggo hæreticis: secus autem iudicet de secundis, ideòque secundam Synodum Occume-
ni.

nicam reieciſſe quotquot à Maximo Cynico contra canonum præſcripta promoti fuerant ordinati. Hic ſe aperit ingens difficultatum campus à paucis hætenus accuratè luſtratus.

Difficultatis in eo verſatur cardo, quatenus Eccleſia ipſa contrarium à multis iam indè ſæculis tenere, & docere videtur: Ordinationes nimirum omnes, atque adeò cætera quævis ſacramenta, etſi contra canones, aut prohibitiones in Eccleſia receptas conferantur, dum hæc tria interueniant, quæ à Synodis Florentina, Tridentinaque exiguntur materia, forma, & miniſter conferre intendens, conferri ſanè illicitè, ſed tamen validè. Ex quibus conſequens eſt, vt ſi ordinatio Sacerdotalis, & Episcopalis à Photio ſuſcepta tribus illis conſtabat, ipſe ordinum horum characterem verè ſuſceperit: Vnde, & alterum conſequitur, ordines ſic ab eo ſuſceptos validos extiſſe, eoſque pariter, quos Photius alijs poſt ſuam conſecrationem contulit. Et tamen ſacra Synodus nullum circa hæc tria requiſita defectum in Photio arguit, ſed tres iſtos, quòd Neophytus ordinatus ſit, quòd alienam ſedem violentus inuaſerit, quòd interſtitia ordinum præſcripta non ſeruauerit. Quæ omnia graue delictum inuoluunt, non tamen Sacramenti nullitatem. Quartum defectum adiungit Nicolaus Papa I. epiſt. 9. ad Michaelẽ Imperatorem, quòd eius ordinator Gregorius Syracuſanus Episcopus, iam ante fuerat in Synodo depoſitus, & anathematizatus, ideòque nihil Photio contuliſſe, & Photium propterea nec Sacerdotem eſſe, nec Episcopum aſſeuerat.

Nec verò in ſola Photij cauſa ita ſtatutum eſt in octaua Synodo, verum etiam alias plerumque in ſimilibus cauſis paria decreta edita ab Eccleſia ſunt. Conſtantine Romanæ ſedis inuaſor paulò antè laicus, & tumultuariè nullis ſeruatis interſtitijs ordinatus, non tantum legitimo Concilio depoſitus eſt, ſed etiam

etiam iudicatus omnis Ecclesiastici Ordinis expertus , perinde ac ante ordinationem illam illegitimam : eò quòd Neophytus contra canonum præscripta fuisset ordinatus in speciem, & apparenter dumtaxat, & eius alijs collatæ ordinationes quasi merè Laici pronuntiatæ sunt irritæ. Nihil de Formoso Papa loquor, quem qui ei successit Stephanus VII. collecta Synodo iudicavit non valuisse quemquam ordinare . eò quòd à pristino Episcopatu Portuensi contra veteres canones , & contra proprium iuramentum ab eo extortum in Romanam sedem commigrasset . Nec tamen dubium saltem esse poterat retinuisse ordinem anteriorem , atque characterem Episcopalem , ex quo fuerat in Portuensem Episcopatum euectus . Decrevit nihilominus in Episcoporum Synodo Stephanus Papa , ut omnes à Formoso post eius degradationem ordinati , se iterum ordinandos sisterent sub anathematis pœna. Cùm verò istam erroneam Synodum Ioannes IX. meliore iudicio in Raennate postmodum Synodo damnasset, insequutus Papa Sergius III. alia coacta Synodo Raennatem rescidit , prioremque sub Stephano ratam esse iussit . His ergo non immoror in quibus non ratio, non ius ullum, sed Stephani . & Sergij perditissima nequitia , & sceleratissima inferiorum Episcoporum adulatio prævaluit .

Quantas porrò exciuit in Ecclesia tragœdias contentionum Ebbonis Remensium Episcopi causa ? Ille cum alijs quibusdam præsulibus sollicitatus a Ludovici pij Imperatoris liberis in optimum parentem rebellibus , eundem in Concilio abdicavit Imperio , transtulitque in rebelles ex priore vxore liberos , Lotarium Ludovicum , & Pipinum : vxorem verò secundi Tori Iuditham tribus priuignis inuisam , compulit in Monasterium . Cæterum hæud multò post Ebbo ipse Remensis, & Abogardus Lugdunensis Episcopus nefariæ illius conspirationis præcipua capita meliore Synodo

nodo ad Theodonis villam coacta sedibus suis exautorati sunt. Sed post Ludouici Pij obitum Ebbo Lotarij opera in pristinam sedem restitutus, multas habuit ordinationes, quas illius successor Hincmarus Carolo Caluo Pij, & Iudithæ filio gratissimus irritas declarauit, & iterari dillicte mandauit: contendens fuisse contra canones restitutum Ebbonem, eaque de causa nullos penitus conferre potuisse ordines, adeò vt iterari necesse esset quæcumque per eum hac in re gesta essent. Istud Hincmari placitum approbauit Concil. Suesionense secundum.

Præterea quantis tumultibus agitauit Ecclesiam schisma Donatistarum? Isti causabantur Cæcilianum qui fuerat in Ecclesia Carthagenensi Diaconus, deinde ordinatus eiusdem Ecclesiæ Episcopus, non fuisse prorsus Episcopum: vtpotè contradicentibus Canonibus ordinatum ab Episcopis sacrorum quondam librorum sub persecutione traditoribus.

Ioannes quidem Morinus Congregationis nostræ scriptor profundissimæ eruditionis, in suo de sacris Ordinationibus opere duo alia profert eiusmodi ordinationum nullitatis exempla: Sed (tanti viri pace dixerim) nò satis aduertens, & memoria lapsus scribit enim Lucium Papam III. ad incundam cum Frederico Aeno. barbo Imperatore pacem spondidisse illi se eos ordinaturum de nouo, qui ab Octauiano Antipapa per Fridericum intruso fuerant ordinati, atq; vti promiserat præstitisse. Id nullo Morinus testimonio comprobatur, res verò prorsus aliter se habuit. Scribit namq; Krantzius l. 6. hist. Saxon. c. 47. Lucium, & Fridericum ad conciliandam mutuò pacem Veronæ conuenisse, atque potenti Friderico annuisse perbenignè Lucium se illos omnes admissurum ad sacra ministeria, & dignitates, quos antipapæ ordinarant: sed postridiè cum manus illis essent imponendæ (manuum hæc impositio intelligi facile potest de absoluteione à vinculis quibus illa-

illaqueati erant excommunicationis, suspensionis, interdictionis, irregularitatis) recusasse Lucium id præstare, quod pridie promiserat, prætexendo decreta Concilij Venetijs habiti, non posse nisi altero Concilio renocari.

Alterum Morini exemplum ex simili memorie lapsu profectum est: dicit enim Leonem Papam IX. in Synodo ad id conuocata declarauisse eos, qui ordinati sunt à Simoniacis Episcopis nullum penitus ordinem suscepisse. Cum verò multas ex hoc nasci confusiones cerneret, suum postmodum restrinxisse decretum ad solas ordinationes, quæ Simoniacè, hoc est oblata, & accepta pecunia factæ fuissent. Cuius rei testem laudat Petrum Damiani. Cæterum testis iste epistol. 16. ad Henricum Rauennatem Episcopum cap. 30. refert Leonem IX. in Synodo Ordinationes omnes Simoniacorum Synodalis authoritatis vigore cassasse. Ista cassatio nihil aliud fuit quàm suspensio ab ordinum illorum exercitio vt mox patebit. Prosequitur Petrus Damiani cum ex istiusmodi decreto tumultus exortus esset, omnesque ferè Romanæ vrbis Basilicæ Sacerdotalibus officijs, & missarum solemnijs destituerentur; tùm demùm à Leone mitius agente instauratum fuisse prædecessoris Clementis II. Decretum, vt quicumque à Simoniacis fuisset consecratus, non ignorans in ipsa sui ordinatione Simoniacum esse Episcopum, quadraginta nunc dierum pœnitentiam ageret, & sic in accepti ordinis officio ministraret. Certè si primum Leonis decretum tale fuisset, quale Morinus existimat, in primis condemnasset re ipsa prouidum prædecessoris sui decretum, declarando nullitatem ordinum, quos tamen ille declarauerat ritè exerceri posse post aliquot dierum pœnitentiam. Idemque Leo sibi ipsi per secundum decretum contraxisset non in re facti tantum, sed etiam iuris ab ipsomet definiti, permittendo, vt eosdem exercerent Ordines iidem ipsi, quos nullos, & irritos ante decla-

declarauerat. Et insuper ex Damiani testimonio compertum est aliter à Clemente II. decretum fuisse, quam à Morino referatur.

Sed idem author aliàs solidiores probationes ex antiquitate deducit, quas subijcio, scilicet ex Urbani Papæ II. epist. ad Petrum Pistoriensem Episcopum, qua significat apertissimè Daribertum ordinatum ab hæretico, & schismatico Episcopo simulque excommunicato nihil accepisse, ideòque se per nouam ordinationem contulisse Dariberto Diaconatus ordinem, quem Schismaticus Episcopus illi dare non potuerat. Similem loquendi formam legimus, scilicet nihil dedisse, nihil contulisse, nihil accepisse circa ordinationem, in epist. Damasi Papæ, in qua negat posse à Chorepiscopis ordines sacros conferri, cum ipsi nullatenus Episcopatus ordine sint insigniti; ideòque eos si quid hac in re egerint, nihil contulisse, & proinde illum qui manuum impositionem à Chorepiscopo suscepit esse perinde ordinandum, ac si manus ei nullo modo impositæ fuissent.

Addit Morinus Canonem Apostolorum 67. sic statuentem, qui ab hæreticis vel baptizati, vel ordinati sunt, vt fideles vel Clerici sint, fieri nullo modo potest.

Idemque sequentem narrationem adiungit ex Bertoldo, qui Gregorio VII. non modo *οὐχ ὀρεος*, sed etiam additus eidem fuit, atq; Pseudo Papæ Guiberto aduersarius: Hic ergo in Chronico ad annum 1091. refert, Gregorium Papam VII. nimio, & immoderato zelo exarsisse, dum iudicauit eos qui fuissent ab hæreticis, vel Schismaticis Episcopis ordinati, si resipiscant, esse de nouo ordinandos. Additque Bernardum Constantiensem scholarum Magistrum Gregorio ipsi coniunctissimum scripsisse, quod hac in re modum excesserit, dum eiusmodi rursùm ordinandos censuit; & demonstrasse iudicium eius esse planè Concilij Nicæno, & Afri.

Africano repugnans, & sententijs Anastasij, & Gregorij magni Pontificum sanctique Doctoris Augustini . Eorundem quoque temporum scriptor insignis Iuo Carnotensis Episcopus sic in suo decreto refert p. 14. cap. 55. Gregorius Papa VII. Synodo præsidens dixit: ordinationes illorum , qui ab excommunicatis sunt ordinati , sanctorum Patrum sequentes vestigia irritas fieri censuimus . Hæc tamen verba diuersum sensum suscipere possunt , nisi Bernardus Constantiensis , & Bertoldus ambo eidem Gregorio beneuoli , & adiecti , & qui praxim eiusdem temporis , quo ipsi vivebant, perspectam habebant, quid hoc decreto significaretur scripssent . In ipso etiam Scholasticæ Theologiæ primordio cuiusmodi adhuc vigeat opinio: Magister quippè sententiarum in 4. dist. 13. Sacerdotibus hæreticis potestatem detrahit corporis Christi consecrandi .

His Ioannis Morini probationibus, tres quas omisit adiungo maximè perspicuas, & solidissimæ, ac primariæ authoritatis . Primum ex Synodica Oecumenicæ Synodi Sardicensis epist. ad Alexandrinam Ecclesiam, quam ipse refert Athanasius Apolog. 2. vbi hæc ipsa verba leguntur : Γρηγόριος μὲν ποτε παρανόμως ὑπὸ ἑρῆς αἰρετικῶν λεγόμενος κατασθλύνει καὶ εἰς τὴν ὑμετέραν πόλιν παρ' αὐτοῦ ὑποσταλὸς , καὶ τὸτο γὰρ γινώσκω ὑμῶν ὁμοφυλίας ὅτι κρίσει πάσης ἐκείνης τῆς συνόδου καθρέθη, εἰ καὶ τὰ μάλιστα ἡδε πῶποτε ἡδε ὡς ἐπίσκοπος ὅλως γινόμενος εὐνοίησθαι . Gregorius quidem, qui dicitur illegitimè ordinatus ab hæreticis , & ab ipsidem ad vestram Ecclesiam missus , hoc sciat unanimitas vestra , quod iudicio Sacra Synodi depositus fuit : quinimò illa pariter censuit , quod ipse nunquam omnino fuit Episcopus .

Alterum suppeditat argumentum secunda Synodus Oecumenica . Maximus Philosophus Cynicus à Gregorio Nazianzeno fuerat ordinatus Sacerdos : Idemque vacante Constantinopolis Episcopatu sedem illam ardeenter ambiuit , corruptisque pecunia quibusdam

dam Episcopis, ipse tandem ab ijs ordinatus fuit Episcopus. Synodus porro Oecumenica tum ipsum damnat Maximum, tum etiam eos quos idem manuum impositione ad ordines Ecclesiasticos voluit promouere. Sic verò declarat Sacra Synodus Can. 4. *De Maximo Cynico Philosopho propter indisciplinationis eius totius doctrinam, quæ Constantinopoli orta est, statutum est, ut neque Maximus esse, vel fuisse putetur Episcopus, neque hi qui ab eo sum ordinati qualemcumque gradum Clericatus obtineant, omnibus, quæ circa eum, vel ab eo gesta sunt in irritum reuocatis.*

Vltimum desumo argumentum ex Innocentij I. ep. 18. ad Alexandrum Antiochiæ Episcopum, cap. vlt. ubi sic loquitur: *Ab hæreticis baptizati recipiendi sunt cum suo baptismo: sed ab hæreticis ordinati non sunt recipiendi cum suo ordine, quia hæretici solum baptismum dare permittuntur.* Certè nullus est hic locus distinctioni liciti, & illiciti, nam neque Baptismus licitè conferunt hæretici, est ergo locus distinctioni validi quoad hæreticorum baptismum, & inualidi quoad eorumdem ordinationes.

Quæres an igitur tot venerandi Patres, Concilia, & Summi Pontifices veritatem, quæ nunc perspectissima est ignorabant? an nesciebant, quid inter illicitum, & inualidum intersit, cum multa facta valeant, quæ tamèn illicitè fiunt? non utique hæc ignorabant, sed plerumque deliberauerunt, an in plerisque ordinationibus res eadem simul esset illicita, & inualida. Cum ergo res tunc in ambiguo esset necdum esset omninò euidens circa huiusmodi certitudo, nihil consultius fieri poterat, quàm vt de nouo conferrentur, quæ vel planè irrita, vel certè dubia pro iudiciorum varietate credebantur: quemadmodum, vt superius ad quini sexti Concilij Canonem 84. obseruatum est, sapientissimè à Gregorio magno, & à Carthaginensi Concilio quinto, & ab ipsa quini sexta Synodo decretum fuit circa dubium baptismum, confirmatio.

tionem, aut Ecclesiæ consecrationem, vt hæc omnia rursus peragantur.

Insuper hoc sciendum veteres Patres hoc pro certo tenuisse non solum diuino, & immutabili iure præscriptas à Christo esse certas, & immutabiles Sacramentorum formas quarum defectu nihil agatur: sed insuper concessum à Deo ius, & potestatem Ecclesiæ fuisse addendi Sacramentis accidentaria nonnulla, quorum defectu nullum sit futurum Sacramentum: cum ad rerum existentiam requirantur sæpè numero circumstantiarum externarum concursus, & conditiones, maxime cum de entibus non tam physicis, quam moralibus, qualia sunt Sacramenta sermo est. Certè nullitas essentialium à Deo immediatè institutorum defectu perpetua, & immutabilis atque indispensabilis est. Atque ortum habet ex eorum defectu, quæ Ecclesia instituit non amplius perdurat quam pro ipsius Ecclesiæ arbitrio, quæ potest necessarias condiciones inuhere, vel remouere, propriasque leges condere, aut abolere.

Istam Ecclesiæ potestatem circa ipsorum Sacramentorum valorem, aut nullitatem asserunt (vt innumeros fideam Theologos recentiores) Alexander de Ales summæ p. 4. q. 9. mem. 1. & 2. art. 2. §. 1. resp. ad 1. & §. 3. resp. ad ult. S. Bonauentura in 4. dist. 7. art. 1. q. 1. & art. seq. Ex Canonistis verò Innocentius Papa IV. ad c. quanto, tom. de consuetud. vbi loquitur de confirmationis charactere, & cap. 2. de bapt. vbi hanc Ecclesiæ potestatem extendit ad Baptismum, ad Matrimonium, & generaliter ad omnia Sacramenta. Similiter Cardinalis Ostiensis tit. de Schismaticis, nu. 4 Abbas Panormitanus ad d. c. quanto de consuet. laudat, & approbat hanc Innocentij sententiam, cum isto moderamine, vt si Ecclesia conditionem apponat, nec tamen intendat vt eius defectus inducat nullitatem, eo casu futurum sit quidem validum Sacramentum, sed tamen illicitum, si fortè conditio scienter prætermittatur.

tatur. Sed si Ecclesia conditionem præscribens intendat, ut eius omissione sit irritum, tunc quidem nullum futurum esse Sacramentum, quidquid aliunde fiat. Denique docet Thomas Sanch. numerosam citans Doctorum cateruam, posse Papam non modò noua impedimenta matrimonium dirimentia inducere, sed etiam certis prohibere personis ne nuptias inter se contrahant sub nullitatis pœna, adeò ut inualidum, & inane futurum sit id matrimonium. tract. de matr. l. 7. disp. 1.

Franciscus Hallerius Parisiensis Theologus, quamvis aliam ineat rationem, nec loquatur de potestate condendi circumstantias Sacramenta irrita facientes, sed de ipsa Sacramentorum materia, & forma, tract. de sacris ordinationibus p. 2. sect. 2. c. 2. §. 21. scribit materiam, formamque ipsam posse variari, quinimò re ipsa variari in tribus Sacramentis, Pœnitentia, Matrimonio, & Ordine. Non in ratione quidem formali secundum quam Sacramentorum essentia sunt à Christo instituta immutabiliter, sed in ratione materiali, atque indiuiduali. Sic alio (inquit) ritu Latini, alio Græci ordines tradunt, & alio ritu nunc à nobis, alio à veteribus Latinis ordinationes peractæ sunt, manente semper eadem materia in sensu formali, hoc est prout significatur spiritualis potestas in ordinatione tradita, quamvis materialiter diuersa sit materia ipsa prout diuersæ res ad istam significandam potestatem assumptæ sunt.

Hæc Hallerij distinctio quamvis diuersimodè expressa cum illa distinctione quadrat, & conuenit, quam alij Theologi excogitarunt, Christum Dominum instituisse aliquorum Sacramentorum materias, & formas secundum genus, id est prout in genere significare debent gratiam, & potestatem seorsim à singulis Sacramentis conferendam: sed tamen posse per Ecclesiam determinari eiusmodi materiam, aut formam secundum speciem, ut hoc; vel illo ritu talis gratia, vel potestas repræsentetur. Et insuper diuersis temporibus pos-

posse ab Ecclesia variari pristinam illam, quàm secundum speciem induxit determinationem, atque respiciam per eam variatum fuisse in aliquibus.

Attingens deinde Hallerius pœnitentiæ Sacramentum docet Christum instituisse quidem ut peccata illius essent materia. Ut autem hæc, vel illa peccata, huius, vel istius Sacerdotis iudicio subijcerentur, & potestati, vel ad maius Tribunal referrentur, id relictum Ecclesiæ arbitrio. Hinc transgreditur Hallerius ad matrimonium, Materiam (ait) matrimonij Christus constituit in legitimo partium consensu. An verò legitimus consensus esset in hoc, vel illo affinitatis gradu, & utrum legitimus sit clandestinus consensus necne, id omne iudicio reliquit Ecclesiæ.

Plerique alij Theologi simile scribunt de Ordinis Sacramento. Bellarminus ubi disputat de materia Diaconatus, quæ primis Ecclesiæ exordijs versabatur in sola manuum impositione, necdum scriptis Evangeliorum libris, docet materiam à Christo institutam, esse vñd cum manuum impositione aliquid in genere designans, quam Diacono confert potestatem, quam Ecclesia postmodum determinavit, ut consisteret illud potestatis signum in traditione libri Evangeliorum. Conformia scribunt Card. de Lugo disp. 2. de Sacram. in genere, sect. 5. n. 85. & seqq. Becanus p. 3. de Sacram. Ord. q. 4. Et inter Doctores Parisienses præter Morinum & Hallerium citatos, Gamachæus, & Isambertus nobiles in Sorbonæ Collegio professores.

Circa disputationem istam exequire præterea, quæ supra disserui in appendice ad Concilium 4. Carthaginense.

CONCIL. TRIBVRIENSE.

E Se Triburia Villa quædam Regia, seu Castrum ad Rhenum fluvium in quod amœnitatis, & voluptatis gratia Franciæ Reges, dum Germanico Imperio potiebantur, concedebant. Hoc loco sub Arnulfo Imperatore dum esset Formosus Romæ Pontifex celebratum fuit Episcoporum duorum, & viginti Concilium anno Christ. 895. post indictum, & expletum tri-duannm ieiunium cum litanij, & orationibus ad implorandum sancti Spiritus opem, vt testatur prælocutiva Concilij huius epist.

Canon. 13. *Quatuor (ait) fieri partes iuxta Canones iudicauimus de decimis, & oblationibus fidelium: vt vna sit Episcopi, altera Clericorum, tertia pauperum, quarta restorationi Ecclesiarum seruetur, sicut in Epistola Gelasij Papæ cap. 27. legitur. Allegatur iste Gelasij Canon apud Gratianum 12. quæst. 2. cap. vobis enim. Similis est sanctio in cap. concessio §. redditus, & cap. quatuor 12. quæst. 2. & Canon. ad hoc 16. quæst. 1. hanc eandem partitionem quadruplicem edixerat in Romana Synodo Syluester Papa I. Huc pertinet Sanctorum testificationes: dicit enim Urbanus Papa I. *Ipse res fidelium quæ Domino offeruntur non possunt alij, quàm Ecclesia, & fidelium indigentium vsibus applicari, quia vota sunt fidelium, precia peccatorum, patrimonia pauperum. Similiter Bernardus Serm. 23. in Cant. Ministri Ecclesiæ qui stipendiorum superflua, quibus egeni sustentandi forent, impiè sacrilegèque sibi retinent, duplici profectò peccant iniquitate, quod, & aliena diripiunt, & sacris in suis vanitatibus, & turpitudinibus abutuntur. Idemque epistol. 2. ad Canon. Lugdun. Quidquid præter neecessarium victum, & vestitum de altari retines, tuum non est, sacrilegium est, rapina est. Similia idem repetit epist. 42.**

Can.

Can. 18. *Vasa in quibus sacrosancta conficiuntur mysteria calices sunt, & patena de quibus Bonifacius martyr, & Episcopus interrogatus, si liceret in ligneis vasculis sacramenta conficere? respondit. Quondam Sacerdotes aurei ligneis vasculis utebantur, nunc è contra lignei Sacerdotes aureis utuntur calicibus.* Zephyrinus Papa patenis vitreis missas celebrari constituit. Deindè Urbanus I. omnia sacri Ministerij vasa fecit argentea. In hoc enim sicut hi reliquo cultu magis, ac magis per incrementa temporum splendor succreuit Ecclesiarum. *Statuimus* (inquit) *ut deinceps nullus Sacerdos sacrum Mysterium Corporis, & Sanguinis Iesu Christi Domini in ligneis vasculis ullo modo conficere præsumat.* Citatur in cap. vasa in quibus Sacrosancta de consecrat. dist. 1. Hieronymus epist. ad Rusticum sic testatur de contemporaneo sibi Exuperio Tolosano Episcopo: *Nihil illo ditius, qui Christi corpus in canistro vimineo, & sanguinem portat in vitro.* Desumptus ex Concilio Rhemenfi sub Carolo Magno Canon, ut Calix de consecrat. dist. 1. prohibet usum Calicis vitrei ob materię fragilitatem. Et Cyprianus in vita S. Cæsarij Arelatensis *An non* (inquit) *in vitro habetur sanguis Christi.*

Canon 22. decernit in grauis delicti suspitione, ut Episcopo, vel suo delegato discutiente, reus per ignem candenti ferro examinetur. Tàm probationum, quam purgationum alię dicuntur Canonice, quę sacris Canonibus saltem posterioribus approbantur; alię vulgares, quę vulgari quidem in usu erant, non tamen Canone sancitę, aut probatę, eiusmodi recensentur duellum, ferrum candens, aqua feruens, aqua frigida, & id genus alia, quę aliquando auctoritatem à canonibus quidem habuerunt, sed alijs posterioribus Canonibus prohibita sunt. Hinc tituli decretalium de purgatione Canonica, & de purgatione vulgari. Sub hoc ultimo titulo singula capita abrogant, & interdiciunt huiusmodi purgationes, ad quas etiam per Iudicum Ecclesiasticorum senten-

tiam rei compellebantur, Innocentius III. Episcopum deponit tum ob eius alia delicta, tum ob eius iudicium probationem indicens per ferrum candens cap. ex litteris de excess. prælat. Et in decreto Stephanus V. prohibet candentis ferri, & feruentis aquæ probationem, aut purgationem Nicolaus verò monomachiam cap. consulisti, & cap. monomachiam 2. q. 4. Insuper S. Tho. 2. 2. qu. 95. ar. 8. ad 3. illicita docet esse illa examina per quæ Deus tentatur ad miraculum operandum.

In lege quidem veteri probabatur vxoris pudicitia per aquam Zelotypiæ in quam Sacerdos maledicta congesserat: sed nihil de peccato periclabatur, vbi constabat de diuina institutione n. 5. Nihilominus istæ purgationes non tantum constitutæ reperiuntur per veteres Longobardorum leges, sed etiam per Caroli Magni capitulare congestum ex Synodalibus antistitum illius temporis Constitutionibus lib. 4. cap. huiusmodi examine perhibentur vsi diuersi Germanorum Imperatores. Lotharius circa sibi suspectam adulterij. Teutbergam vxorem, vt testatur Regino Chiton. libr. 2. voluit duos milites monomachia decernere. Sancta Imperatrix Cunegundis se apud sanctum Henticum coniugem suum adulterij suspitione malè concepta pedibus nudis super ardentes laminas incedendo liberavit, Surio teste. Otho tertius vxorem Mariam Aragonum Rege natam flammis addixit adulterij accusatam, postquam illius accusatrix vidua (cuius maritus sollicitantis Imperatricis stuprum ex Dei timore recusauerat, ideòque falsis ab Imperatrice criminationibus apud Othonem adulterij attentati circumuentus neci addictus fuerat.) Illæsa candentem laminam contrectauit, ad faciendam sceleris fidem, vt referunt Gotfridus Viterbiensis, & Albertus Crantzius.

Vulgares istas probationes. Imò Cornotensis passim reprobat, dissuadet epistol. 74. 205. 252. 280. Videtur tamen idem alicubi approbare his occurrentibus condi-

tio-

tionibus, si alia non suppetunt idoneæ probationes, nec desunt probabiles grauis delicti præsumptiones, & præcedit post legitimam accusationem sententia iudicis hæc fieri decernens. Sic enim hac de re scribit ad Radulphum Remensem Archiepiscopum epistol. 252. *Non negamus tamen (inquit) ad diuina aliquando recurrendum sit testimonia, quando præcedente ordinaria accusatione omnino desunt humana testimonia: non quòd Lex hoc instituerit diuina, sed quòd exigat crudelitas humana.*

Qui plura his de rebus circa monomachiz, vel aquæ frigidæ victorum corpora, vel sustentantis ad innocentiz argumentum, vel mergentis ad conuictionem, delicti, vel aquæ feruentis in quam pedes, aut manus immittebantur, vel laminarum ardentium, aliasque id genus priscis hominibus vsitatas probationes, disquisitiones, atque etiam ex antiquissimis manuscriptis exorcismos aquæ frigidæ, aut calidæ, aliasque solemnes preces, & ritus quibus Sacerdotes præbant his examinibus scire cupit, consulat annotationes eruditæ Francisci Iureti ad Iuonis Carnotensis epistol. 74.

Can. 40. declarat irritum matrimonium inter eos, qui ante coniugis mortem simul meçhati fuerant cum mutua futurarum nuptiarum pollicitatione, si coniux cui hæc inferebatur iniuria præcederet. Est vnum ex criminibus matrimonium etiam contractum dirimentibus, refertur in cap. relatum 31. quæst. 1.

Can. 41. edicit vt si frater fratris vxorem visitauerit, à neutro deinceps illa contingi possit propter euitandum incestum. Addit tamen si vrgeat incontinentiæ periculum, Episcopum post mulieris pœnitentiam suo præscripto peractam, eisdem coniugatis vsum matrimonij debere permittere: ne (ait) dum sperantur ad alta subleuari corruant in cœuum: hinc inferendum posse per Episcopum dispensari circa impedimenta iam legitime contracto matrimonio superuenientia, etiam circa contractum in 1. gradu incestum, vt docet Sanch.

de matrim. lib. 8. ois. p. 11. n. 16. quem Bonacina aliique confectantur.

Can. 48. *Illud etiam (inquit) nec canonica institutione definimus, nec introductione aliqua refutamus, sed propter eos qui diuersè de eo sentiunt aliquid commemoramus: si quis suæ com-
matris spiritualis filiam fortuito, & ita contingente rerum ca-
su in connubium duxerit, consilio maturiore seruato habeat, atque honestè legitimo coniugio operam det.* Ex isto Canone inferri potest, licere aliquando probabilem sequi opi-
nionem tutiore relicta, quando saltem res integra non est, sed vni partium iam se quis bona fide alligatum cernit, vt in hoc iam contracto ignoranter, ac bona fide matrimonio. Tutius enim pro certo foret in propo-
sita quæstione vsu matrimonij abstinere vsque ad declarationem, vel dispensationem requisitam à suprema sede. Patres autem Triburienses nihil ausi hac in-
re (vt ipsi protestantur) definire, consulunt nihilominus pro altera duarum opinionum minus quidem tuta, sed quam tamen censent probabilem, & cui annexum ius est qualiscumq; possessionis ex contractis pridem bona fide nuptijs. Porro circa spiritualis affinitatis vinculū consulto Trident. Conc. sess. 24. cap. 2. de spirituali cognatione. Illas porro quæ probabilium nomine opinionum circumferebantur hoc titulo, quòd à multis propugnarentur scriptoribus, quorum hoc erat institutum vt humanis, & prorsus iniquis cupiditatibus frena laxarent, quasue damnauit, & proseripfit iure merito Alexander Papa VII. in illius libri damnatione qui inscriptus e at. *Apologia casuitarum aduersus Iansenistas*, nos execramur, ex quibus erant non pauca quæ luci non modò Euangelicæ, sed etiam naturali sic aduersabantur, vt vel Turcis, vel Scytis horrorem inconcussissent. Authores itaque illarum quantumuis numerosi, atque in sæculo spectabiles nihil minus merebantur, quàm grauium, aut sapientium nomen.

GALLIC. QVÆDAM CONCILIA
 in causa Nuptiarum illegitimarum
 Philippi Primi, & postmodum
 Philippi Augusti Regum Franciæ
 celebrata Ostione, Claromonte, &
 Diuione.

PHILIPPVS eius nominis Primus Franciæ Rex
 repudiata legitima vxore Berta comitis Hollan-
 diæ filia, ex qua etiam filium Ludonicum cogno-
 mento Crassum, qui patri in Regnum successit, su-
 sceperat, illegitimo sibi toro coniunxit Bertradam
 Cognatam suam, Fulconis comitis Andeganensis
 adhuc viuentis vxorem. Quocirca Vrbanus Papa II.
 natione Gallus quamvis grauem metuendi causam
 haberet, hostem patiens infensum Henricum Impe-
 ratorem, & ab hoc intrusum Guibertum Antipapam,
 essetque periculum, ne irritatus Franciæ Rex schis-
 mati se adiungeret, faueretque Henrici armis, pu-
 blico tamen se opponere scandalo minimè dubitauit.
 Ergo legatum suum toto Regno constituit Hugonem
 Lugduni Archiepiscopum, qui sine mora Concilium
 Episcoporum Galliarum indixit in vrbe, quam Ber-
 toldus huius historiz scriptor vocat Ostionem, quæ-
 que à multis existimatur Augustodunum dicta etiam
 Edua, & vulgo *Autun* in Burgundia. In hac Syno-
 do Philippus communione fidelium excisus est au-
 no millesimo nonagesimo quarto. Cùmque nihilo se-
 cius Rex in contumacia persisteret, ipse tandem Pon-
 tifex Vrbanus in Galliam profectus aliud Concilium
 Claromonte in Aluernia coegit, cui ducenti, & quin-
 que Antistites interfuerunt, in quo iterùm Philippus
 cum

cum sua pellice Bertrada excommunicatus est. Ad postremum Rex meliore suscepto Consilio Bertradam dimisit. Ipsa verò Regina Berta iam è viuis excesserat procul à Regia, præcedente anno ut liquet ex Chronico Cænobij S. Petri viui Diocesis Senonensis iisdem temporibus conscripto à Clario Monacho.

Observandum est, quod Petrus Matthæus sub finem historię sancti Ludouici refert ex veteri Codice Guilberti Abbatis nongentini scripto dum regnaret huius Philippi filius Ludouicus Crassus, Philippum initio Regni complures strumis morbidos suo contactu curasse, sed istud amisisse priuilegium, neque posthac dum vixit recuperasse, ex quo eius mores per luxuriam, & incestuosos Bertradae amores, in deterius versi sunt. Porro Claromontanum Conc. istud habitum fuit anno 1095 quo Vrbanus sacram induxit expeditionem pro Syria de manibus Mahumetorum recuperanda: quæ quidem expeditio felicem nacta est exitum Duce strenuo, & religiosissimo Godofredo Bullonio, qui anno 1096. Hierosolymam expugnauit, & omniumque suffragijs Rex Hierosolymorum primus electus fuit.

Claromontanæ Synodi can. 2. sic edicitur: *Quicumque pro sola deuotione non pro pecunie, vel honoris adeptione ad liberandam Ecclesiam Dei Hierusalem profectus fuerit, iter illud pro omni pœnitentia reputetur.* Cœperunt hac Synodo publicæ pœnitentiæ pariterque priuatorum pœnitentium satisfactiones pro peccatis in sacram pro fidei propugnatione militiam transferri.

Canon 4. *Ne quis Clericus arma deferat.*

Canon 16. *Ne Reges, vel alij Principes aliquam inuestituram de Ecclesiasticis honoribus faciant.* Hoc idem edixit Synodus octaua can. 22.

Canon 28. *Ne quis communicet de altari, nisi corpus separatim, & sanguinem sumat, nisi per necessitatem, & per cautelam.* Illud præceptum sub vtraque specie com-

mu.

municandi Ecclesia haud multò post reuocauit grauissimis adducta causis, & omnibus Missam non celebrantibus vsum calicis interdixit. Vide inferiùs Constantiensis Concilij sess. 13.

In Sequenti sæculo Franciæ Rex Philippus Augustus uxorem Gelbergam Danorum Regis filiam repudiavit, eaq; viuente Morauicæ ducis filiam Mariam ementito matrimonij nomine duxit, prætexens aliquam dirimentem cum dimissa affinitatem. Tum Cœlestinus Papa III. binos in Galliam Legatos transmisit, qui collecta Diuione in Burgundia Synodo, causaque sedulò explorata Regem admonitum, & admonitionibus contumacem, Regnumque vniuersum Ecclesiastico interdicto subiiciunt anno Domini 1197. Id Rex iniquo animo tulit, neque Concilio per aliquot menses dignatus est obtemperare: sed ad vltimum resipiscens, & Mariam dimisit, & Gelbergam reuocauit. Francicæ quædam historiæ hoc addunt, quamdiu durauit interdictum non fuisse pro veteri more in publicis tabulis conscriptum regnante Philippo, sed regnante Christo.

CONCIL. OECVMENICVM IX. seu Lateranense sub Callisto II.

Quamvis generalis Synodus octaua constituisset can. 22. nemini principum, aut potentium licere ingerere se Episcoporum electioni, aut promotioni: quamvis etiam primus inter Christianos Imperator Constantinus in sua ad Episcopos, qui Nicænæ Synodo non interfuerant epistola, quam referunt integram Theodorus, & Gelasius Cyzicenus, hanc auream, & omnibus sæculis memorabilem sententiam circa Concil.

ciliorum auctoritatem tradidisset, παρ' ὅτι δ' ἂν ἐν τοῖς ἀγίοις ἢ Ἐπισκόποις, ὁμοῦς ἐπράχθη, τὰ πρὸς τὴν θείαν βούλησιν τὴν ἀναφανέν ἔχει.

Quidquid in sacris Episcoporum confensibus actum est, id omne ad Dei consilium referri debet. Nonnulli tamen Germanorum Imperatores à Constantini pietate degeneres, iura Episcopatum, & Abbatiarum, ceterorumque beneficiorum Ecclesie conferendorum sibi asserebant, & cum seditissimo mercatu sacras dignitates venales habebant, ideòque indignissimos viros ad eas assumebant, unde nascebatur grandis morum, & sacre disciplinae corruptela.

Huic pesti Romani Pontifices occurrere conati sunt, atque omnium maximè Gregorius VII. dictus antea Idelbrandus. Cum enim post Damasi II. obitum vacante Apostolica sede, Imperator Henricus, quem Itali secundum, Germani tertium eius nominis recensent, delegissent Papam Brunonem Tulliensium Episcopum, eumque purpura Pontificali ornatum à se dimisisset, ut coram Cardinalium consensu sisteret acceptandum, & consecrandum: Cumque hic per Galliam iter ageret, ubi tunc fortuito versabatur Idelbrandus, correptus ab eodem fuit, quod necdum à Romano Clero electus se pro Summo Pontifice gereret, ac si liceret à Principe laico supremæ in Ecclesia dignitatis apicem consequi, addit Idelbrandus se id præstiturum, ut nec Imperator causam succensendi haberet, nec iura Ecclesie detrimentum paterentur. Bruno illius suasu purpuram deponit, & iter proseguitur assumpto secum Idelbrando, cuius deinde opera Bruno Romæ à Clero Summus Pontifex eligitur, sub nomine Leonis IX. qui fuit eximia vitæ sanctitate spectabilis: de quo ita scribit Leo Ostiensis: quamdiù Romæ remoratus est, omni tempore tribus per Hebdomadam diebus à Lateranensi Ecclesia usque ad Sanctum Petrum, privato habitu, nudisque pedibus, cum duobus aut tribus Clericis, noctu

psal.

psallendo, & orando pergebat. Harum verò Basilicarum interuallum est circiter quatuor miliarium.

Defuncto Leoni subrogatur Victor secundus precibus sacri Cardinalium Collegij apud Henricum Imperatorem expetitus. Moritur paulò post Henricus, deditque operam Victor Pontifex, vt eligeretur in Imperium quinquennis eius filius Henricus III. qui grandior factus Ecclesiæ Romanæ intensissimus hostis euasit. Mortuo subinde Victori sufficitur Stephanus X. hunc excepit à Romano Clero sublectus Nicolaus II. quem rogante Clero Henricus III. approbavit, & admisit: iste indicto in Lateranensi de Concilio sanctionem edidit, quam refert Gratianus dist. 23. cap. in nomine Domini, quæ iubet Romanum eligi Pontificem à Clero, & populo, sic tamen vt præsent Cardinales Episcopi adhibitis alijs Cardinalibus Clericis, atque ita reliquus cum populo Clerus ad consensum nouæ electionis accedat: mox ita subiungit: saluo debito honore, & reuerentia dilecti filij nostri Henrici, qui in præsentia Rex habetur, & futurus Imperator Deo concedente speratur, sicut iam sibi concessimus, & successoribus illius, qui ab hac Apostolica sede personaliter ius hoc impetrauerint, Nicolaum II. excepit Alexander II. Alexandrum Idelbrandus dictus Gregorius VII. in Etruria humili loco, & patre fabro, ingenij tamen virtutumque laude conspicuus. Eum Henricus legitimis suffragijs Romæ electum approbavit, & aliquandiu impensè coluit. Sed paucis inde annis mutato in deterius Consilio atrocissimè diuexauit, eique Guibertum Rauennæ Episcopum opposuit Pseudo-Papam. qui Ecclesiam dilacerauit sub legitimis Pontificibus Gregorio Septimo, Victore Tertio, & Urbano Secundo, mortuus demum sub Paschali Secundo, Sed ei alios subinde Antipapas schismatici Henriciani substituerunt.

Henricum Tertium Imperatorem schismaticum.

Gre-

Gregorius VII. in Concilio Episcoporum Laterani habito perculsit anathemate, subditosque illi populos subiectionis Sacramento soluit. Quam sententiam iterauerunt aduersus eundem eiusque cognominem filium, & successorem Henricum IV. insequentes Pontifices.

Prolatæ sententiæ huius causæ multiplices fuerunt. Primum vsurpatio dignitatum, & prælaturarum Ecclesiæ, quas titulo inuestituræ Imperatores conferebant. Deinde simonia, quia pretium pro his inuestituris exigebant. Postremo schisma, & aperta rebellio, quia armis, & factionibus Antipapas, obtrudebant.

Henricus IV. paternæ nequitiae imitator, postquam Paschalem secundum in Vaticano veneratus est, atque ab eo coronam Imperij sumpsit, eundem improvise capi iussit, & carcere occlusit: neque prius libertatem restituit, quam extorserit præceptas sibi, & patri prælaturarum inuestituras. Paschalis verò reddita sibi libertate Concilium in Laterano coegit, quo reuocata est per vim extorta concessio, ipse Henricus sacris omnibus interdictus.

Successorem Paschalis Gelasium II. Henricus adducto exercitu Roma exegit, & Burdinum Bracarensem Archiepiscopum in Romanæ sedem Ecclesiæ vt obtrusit. Pulsus Gelasius in Galliam confugit, ibique diem clausit extremum. Denique vnanimi Cardinalium consensione, tam eorum, qui Gelasium comitatu adhuc in Gallia versabantur, quam eorum, qui in Italia constiterant summus creatur Pont. Guido Viennensis Archiepiscopus, cui Calisti II. nomen inditum. Hic statim Remis Concilium habuit, quo simul Henrico, & Burdino anathema dixit. Inde Romam profectus Burdinum eadem in suam redactum potestatem Monasterio conclusit. Quin & Adalbertum Archiepiscopum Moguntinum Legatum suum per omnem Germaniam constituit, qui suo strenuè defungens munere Episcopos, & Principes

cipes pro tuenda Ecclesia in legitimas partes pellexit, & validissimum eduxit exercitum, qui cum haud procul ab Henrici copijs castra posuisset paratus confingere, magno Dei beneficio factum est, ut communicatis hinc inde consilijs duodecim ex utroque exercitu Principes viri delecti de pace ineunda seculo egerint, & simul conuenerint prorsus esse extirpandum exitiale schisma, & ut Henricus Legatos ad Pontificem expediat pacem suppliciter rogantes, quæ tandem generalis Concilij decreto firmetur. Assentitur Henricus, qui si detrectaret a suis omnibus se desertum iri, & sua ditione spoliandum praeuidebat. Nihil verò incunctius Callisto, nihil utilius Ecclesiae poterat accidere, quam ut extincto tam diuturno schismate, sedatisque bellis quibus tot annos Italia, & Germania conflagrauerant, pax desideratissima succederet, atque ad Ecclesiae unitatem redirent Imperatores.

Nonum istud inter generalia Concilium conuocatum est anno 1122. in quo hæ fuerunt pacis conditiones sancitæ. Ut Imperator liberas Clericis, & Monachis sineret Episcoporum, & Abbatum electiones, & restitueret quæcunque ablata Ecclesijs fuerant per ipsum, vel patrem, vel utriusque fautores, & Ministros. Pontifex verò concessit Henrico, & successoribus ipsius, ut electi in Episcopos, vel Abbates in terris Imperij regalia ab Imperatoribus sumere astringerentur, dum omnis abesset pecuniaria contributio, & simoniae labes.

Hoc eodem Conc. prouisum est de ferendis supplicijs aduersus Saracenos Ecclesijs Orientis: & renouatæ sunt peccatorum remissiones ab Urbano I. fidelibus olim indultæ, qui cruces in vestibus sumpserint, & Christianis quos Saraceni opprimebant opem, ac præsidium tulerint.

Ordinationes præterea, quas fecit Burdinus, & Pseudo-Episcopi per ipsum ordinati a die, qua publi-

co Ecclesiæ Romanæ iudicio ille damnatus fuit irritæ decernuntur.

Presbyteris etiam Diaconis, & Subdiaconis, & Monachis concubinas habere, & matrimonia contrahere penitus interdicitur. Contracta quoque ab his matrimonia disungi, & qui contraxerant ad pœnitentiam adigi iuxta canonum præscripta decernitur. Eò porro nequitia sacer Clerus iamdudum redactus erat, ut Sacerdotes connubia passim inirent, conuocatis affinibus, & amicis, de dote & nuptialibus donationibus, similibusque conuentionibus paciscerentur, & conuenta publicis tabulis conscriberent. Quia verò Leo IX. alijque Romani Pontifices istas sacrilegas sceditates districtè prohibuerant, idcirco magna Cleri pars his inuoluta spurcitijs Antipapis adhærebat, à quibus illæ approbabantur. In has Clericorum Sacrorum ementitas nuptias acerrimè, ut par erat inuehitur Cardinalis Petrus Damiani, qui temporibus Leonis IX. & Nicolai II. scribebat.

Canone huius Concilij secundo sic decernitur: *Nul-
lus in Præpositum, nullus in Archipresbyterum, nullus in De-
canum, nisi in Presbyter, nullus in Archidiaconum, nisi Dia-
conus eligatur.* Hunc eundem canònem innouat Inno-
centius II. in Conc. Romano. Vterque legitur canòn
in decreto dist. 60. c. nullus, & c. innouamus. Concil.
autem Trid. sess. 22. de reform. cap. 4. annum indulget
intra quem ij, qui dignitates Ecclesiæ, vel beneficia
possident, tenentur ad eum ordinem promoueri, quem
illæ præbendæ requirunt. Quam eandem sanctionem
ediderat antea sub Clemente V. Viennense Conciliū.
Clementina ut ij qui diuinis de ætat. & qualitat. & ord.
præficiantur. Is verò indultus annus sumit exordium à
die sumptæ possessionis, dummodo prouisus illam sua
fraude non distulerit.

CONCIL. OECVMENICVM X: seu Lateranense secundum sub Innocentio Papa II.

Postquam legitimis maioris partis Cardinalium suffragijs subiectus fuit Honorio II. Callisti II. successori Innocentius II. reliqua pars Cardinalium Petrum Leonis Pseudo-Pontificem elegit, qui se Anacletum II. dixit. Imminente quippe Honorij obitu conuentum inter Cardinales fuerat vt postquam ille excessisset, simul omnes ad S. Marcum conuenirent vt successorem comuni consilio eligerent. Cæterum qui familiaritate, & assiduitate propinquiores Honorio fuerant (vt refert Sugerius Abbas S. Dionysij in vita Ludouici VI. Francorum Regis) statim atq; Pontifex decessit, antequam eius obitus populo innotesceret non ausi ad S. Marcum metu populi tumultuantis conuenire, sine mora Innocentium elegerunt (qui ante Gregorius vocabatur) Cardinalem diaconum tituli S. Angeli. Reliqui verò Cardinales, & Episcopi, qui cum maiori procerum Romæ ciuium parte Petro Leonis adherabant Presbytero Cardinali tituli S. Mariæ trans Tyberim, ad S. Marcum eodem quoq; die conuenientes ipsū Petrum in Papam elegerunt. Hic & cognatorum, atq; affinium potentia, & procerum, & clientum multitudine, & diuitiarum copia subnixus, ædes Frangipanum obsidet, ad quas se Innocentius receperat. Sed inde repulsus præcipuarum vrbs Ecclesiarum thesauros, & vasa diripit, vt his opibus suas partes promoueret.

Sibi etiam Petrus adiunxit Rogerium Calabria, Apulia, & Sicilia ducem, cui primus titulum Regis indulgit. At Innocentius Roma tandem excedere cogitur, seque in Galliam recipere. Eum Rex Ludouicus sextus

cognomento Crassus pedibus eius procumbens honorificentissimè excepit. Schismati huic extinguendo S. Bernardus diligentissimam, & utilissimam operam nauavit apud Reges Franciæ, & Angliæ, deinde apud Lotarium Imperatorem, qui etiam pollicitus est, se Romam vsque Innocentium cum exercitu deducturum, quod & sedulò præstitit. Innocentius Ecclesiarum Gallicanarum in sui subsidium recepta collatitia pecunia ex Gallia in Italiam remeant. Lotarius eidem se comitem cum exercitu numerofo adiungit in Longobardia, & Romam vsq; ducit: vbi & coronam Imperij de manu Innocentij suscepit, indeque in Germaniam regressus est, relicto Romæ pro Innoc. tutela præfidiario milite.

Neque solum schismate per id tempus dilacerabatur Ecclesia, sed hæresibus quoque, & seditionibus quas Petrus Bruis, & Arnaldus Brixianus accendebant: quibus medendis malis Innocentius Concilium istud indixit.

Eius can. 3. duo circa excommunicatos decernuntur, primùm ne à suo prælato excommunicatum alius prælatus, vel absoluere præsumat, vel suscipere citra appellationem. Quod idem statuerat Nicænus can. 5. sub Syluestro, & Lateranensis can. 9 sub Callisto. Sancit præterea, vt scienter cum excommunicato communicantes, eadem ipsi censura innodentur. Hoc tamen duplici moderamine temperarunt posteriora iura: primùm quidem reducendo hanc pœnam participantium cum excommunicatis ad minorem excommunicationem. Secundò, vt nec ipsa minor excommunicatio locum habeat nisi participando cum publicè denunciatis atque nominatim, aut cum manifestis Clericorum percussoribus iuxta placitum Constantiensis Concilij à Martino V. Pontifice confirmatum. Hac de re plura require superiùs ad Antiochenum can. 2. quo similis fuerat edita constitutio.

Decimus canon prohibet decimas Ecclesiæ à Laicis pos-

pos.

possideri, & possessas quamprimum restitui iubet. Habetur apud Gratianum can. decimas 16. q. 7.

Can. 5. Vim Clerico aut Monacho, Diabolo suadente illatam punit excommunicatione, quam extra mortis articulum solus Papa soluere possit. Habetur c. si quis suadente. 17. q. 4.

Generali Conc. subiungitur Innocentij epist. mandans, ut Petrus Abælardus huiusque discipulus Arnaldus de Brixia peruersorum dogmatum artifices in locis religiosis separatim includantur, eorumque libri hæretici concrementur.

CONCILIVM GENERALE IX. seu Lateranense sub Alexandro III. Pontifice.

V Ita functo Adriano III. successor electus est ab vno & 20. Cardinalibus Alexander III. à tribus verò dumtaxat Octavianus Romanus Friderici Enobarbi studiosus, qui duodeviginti annos aduersus Alexandrum per omnem Italiam bellum atrocissimum gessit, parte Italarum pro legitimo Pontifice, parte alia pro Imperatore, & Antipapa dimicante. Tandem bello profligatus Fridericus, & maiori suorum parte, tum apertè deficiente, tum vacillante resipuit, seque Venetijs ad Alexandri pedes abiecit, & ita solutus anathemate fuit. Sedatis belli fluctibus Alexander generale Concilium in Laterano habuit ad providendum, ne deinceps Ecclesia simili calamitate conflictaretur. His alia causa Catharorum, seu Peterinorum, hæresis accedebat, quæ in Aquitania exorta latius in dies propagabatur, & Vasconiam, Albigensium, Tolosam, finitimasque oras incessebat. Anno itaque 1179. Concilium istud agitatum est.

Can. 1. statuit Romanum Pontificem esse posse neminem, qui à duabus saltem Cardinalium electorum partibus electus non fuerit. Addens nihil per hoc sacris canonibus præiudicari, qui in alijs quibuscumque electionibus, atque deliberationibus maioris, & sanioris partis consensum ratum habent: quatenus cum in his recurri possit ad superiorē si dubiū occurrat isti recurſui non potest locus esse in Summi Pontificis electione.

Can. 2. Irritas decernit ordinationes antipapæ Octauiani aliorumq; omnium per eum ordinatorum, cunctaque alia per eos gesta. Simile statuerat Concilium Lateranum sub Innocentio II. circa ordinationes à Petro Leonis Pſendo Pontifice factas. Itemque aliud Lateranum sub Callisto II. Concilium can. 6. circa ordinationes, & reliqua gesta Burdini Pseudopapæ.

Can. 3. Statuit ne annis triginta minor in Episcopū, aut viginti quinque in Párochum, aut Archidiaconum, aut in aliam dignitatem, vel beneficium animarum curæ annexum eligatur, aut promoueatur. Hanc renouauit sanctionem Synodus Tridentina sess. 24. c. 2. de reform. Ille Lateranus Can. refertur c. cum in cunctis, de elect. Quo eodem Canone decernitur electum, & confirmatum Episcopum missumque in possessionem bonorum Episcopaliū, eo momento pristina sua omnia beneficia per vacationē amittere quo tēpus expirat à canonibus præſinitum ad illius consecrationem.

Can. 5. Astringit Episc. vt vitæ necessaria subministret ei, quem sine sufficienti patrimonio, vel tit. ad sacrum ordinem promouit. Refertur in c. Episcopus si aliquē, &c. non liceat de præben. Gregorius Turonensis libr. 8. hist. Franc. cap. 20. *Fauſtinianus* (inquit) *quis inſſu Guidobaldi Aquenſis vrbis Episcopus ordinatus fuerat, ea conditione remouetur, vt eum Berſtrannus Orestes, & Palladius qui eum benedixerant vicibus paſcerent, centenoſque ei aureis annis ſingulis miniſtrarent.* Innocentius Papa III. ep. 184. regeſto 15. Episcopum Pictauiensem increpat,

eo quod in elusionem Can. quo sine titulo, vel patrimonio Clericis ordinatis per ordinatores, aut presentatores, aut successores eorum iubetur de victu provideri, iururandum recepisset ab ordinandis, quod nullum victus subsidium ab ipso unquam petitori essent. Idemque epist. ad Zamorenses Episcopum constituit, ut ordinator Episc. ei quem ordinatione sine titulo consecrauerit, eiusque successor compellatur de victu providere donec titulum nanciscatur. Habetur in c. secundum Apostolum de prae. Vide huc etiam spectans c. 2. eodem titulo.

In Ecclesia primitiva nemo promovebatur apud ordines, quin simul ascriberetur Ecclesiae, aut Monasterij ministerio, ut edicitur Can. 6. Concilij Chalcedonensis, & legitur ca. 1. & 2. dist. 70. Capitulare quoque Caroli Magni lib. 1. cap. 15. *Nullus (ait) absolute ordinetur, & sine pronuntiatione stabilitatis loci ad quem ordinatur.* Ea Clerici ad certam Ecclesiam ascriptio dicebatur intitutatio, & ipsa Ecclesia titulus. Postquam vero per ordinationum multitudinem ea consuetudo desijt, tum demum requisivere iure patrimonium Concil. quidem Trid. antiqua iura instaurans prohibens quemquam ordinari, quin certae Ecclesiae Ministerio ascribatur ses. 23. cap. 16. non tamen ad hoc astringit, ut Ecclesiae suppeditent stipendia Clericis illis ascriptis nisi ratione beneficij.

Can. 9. Cauet ne Praelati per sententiam excommunicent, vel suspendant nisi admonitione praemissa. Et ne ullus Religiosus a capituli, vel proprii superioris regulari disciplina, vel correctione praesumat appellare. Legitur insertum in c. ad nostram, & c. reprehensibilis, de appellat. Quod attinet ad praemonitiones haec tantummodo requiruntur, quando decernitur censura circa praesens delictum cum contumacia coniunctum: at vero quae circa futurum delictum, siue a iure, siue ab homine Praelato decernuntur, non exigunt aliam iuris formam, quam ut promulgentur.

Canon 8. *Nulla Ecclesiastica beneficia, seu ministeria, vel Ecclesiæ alicui tribuatur, siue promittantur, antequam vacent, ne desiderare quis proximi mortem videatur, in cuius locum, & beneficium se crediderit succedurum. Et subinde ita pergit: Cum verò præbendas Ecclesiasticas siue beneficia, ac officia in aliqua Ecclesia vacare contigerit, non diù maneant in suspenso, sed infra sex menses personis, quæ dignè administrare valeant conferantur. Si verò Episcopus ubi ad eum spectat, conferre distulerit, per capitulum ordinetur. Quod si ad capitulum pertinuerit, & infra prædictum terminum hoc non fecerit, Episcopus secundum Deum hoc cum Religiosorum hominum Consilio exequatur, Vel si omnes fortè neglexerint, Metropolitani de ipsis secundum Deum absque illorum contradictione disponat. Habetur in c. nulla de concess. præben. Vocatur ius deuoluti occurrens, quando non prouidetur tempore debito, vel prouidetur quidem, sed de indigna vel incapaci persona.*

Deuoluti ius extenditur pariter ad beneficia nominationi patronorum subiecta. Quoties namque patronus Ecclesiasticus, aut Collegium Ecclesiasticum, cui ius ad aliquam præbendam nominandi, seu præsentandi competit, neglexerit idoneum Clericum præsentare collatori post semestre computandum à die notitiæ vacationis ius illud suum amittit, idque ad collatorem transfertur, qui potest pro libito conferre cuius non, incapaci. Idem obtingit post quadrimestre laico patrono, quo elapso tempore, iure illo suo excidit, quod in collatorem ordinarium deuoluitur. Id tempus patroni præfigitur in c. vnico de iure patron. in 6. Verumtamen laicus patronus cui minus temporis indulgetur, variare semel potest, atque à prima nominatione in alterius idoneæ personæ fauorem resilire nondum finito quadrimestri; patronus autem Ecclesiasticus non potest, nisi semel intra suum illud semestre nominare c. cum autem de iure patron.

Canon 15. *Decernit bona ex beneficio acquisita non posse*

posse à Clericis in alios, quàm in Ecclesiam transferri. Qui canon quantumvis malè seruetur est perpetuè, ac indispensabilis obligationis. Sub Ecclesiæ nomine pauperes quoque hìc comprehenduntur. Require superius Concilij Agathensis canon. 48. cum ijs quæ inibi concessimus.

Can. 16. Edicit, vt præualeat quod fuerit à maiori, & saniori parte capituli constitutum. Habetur c. i. de his quæ fiunt à c. maio. par. Et confirmatur per canonem 1. huius ipsius Concilij.

Can. 18. Mandat in cunctis Cathedralibus Ecclesijs præbendam erigi præceptoriam, vt ea prouisus gratis doceat tùm eiusdem Ecclesiæ Clericos, tùm quosvis pauperes Scholasticos.

Can. 19. Interdicit sub anathemate potestatibus sæculi onera super Ecclesias vel Clericos imponere, aut Episcoporum iurisdictionem quacumque ratione minuire, sibiue usurpare. Permittit nihilominus Episcopis, & Clero subsidia quædam communitatibus conferre, dummodò duæ interueniant conditiones: Primò necessitas communis: Secundò ne vlla sit coactionis species, c. non minùs, de immunit. Eccles. de exemptione Clericorum à laicis iudicijs, vide Agathensem can. 8. & Cabilonensem 11.

Can. 27. Anathemate ferit Catharos, & Patarenos hereticos, qui in Vasconia, Albegetio, & Tolosatam partibus inualuerant, eorumque fautores, & receptatores. Excitat & cohortatur fideles, ad sacrum aduersus illos bellum: Et id præstantibus thesauros aperit indulgentiarum. Ab istis fuerat Manichæorum heresis ab inferis suscitata. Profitebantur enim duos esse Deos alterum bonum, qui sola inuisibilia condidisset, malum alterum à quo cæli, & terra, & humanum genus, cœteraque visibilia condita sint. Omnes etiam veteris testamenti libros auersabantur solis exceptis testimonijs, quæ noui testamenti autoritate firmantur. Alia

pleraque fœda, delira, & blasphemata prædicabant, quæ recitantur à Rogerio illius ætatis scriptore in annalibus Anglicanis.

CONCILIVM GENERALE XII Lateranense IV. sub Pontifice Innocentio III.

DVæ simul exortæ fuerunt atrocissimæ in Oriente pestes sub Heraclij Imperio, hæresis Monothelitarum, & Mahumetica perfidia. Mahumetes qui ex servili statu, & camelorum custodia suæ tandem superstitionis fauore, Arabum princeps euaserat, suam protinus ferro, & flammis exitialem sectam studuit propagare. Igitur cum Saracenis suis non à Sara Abrahami uxore, ut quidam commenti sunt, sed à Saraca Metropoli Arabiæ denominatis, horrendam vastitatem per vicinas regiones Ægyptum, Palæstinam, totamque Syriam circumtulit. Adeo ut sub ipsius Heraclij Imperio hæcæ prouincias Saraceni Mahumete Duce longè latèque occupauerint: qui iidem mox in Persidem eruperunt, quam etiam Hormisda Rege profligato subiugarunt ann. Chr. 140. Insequenti porro anno Heraclius viuere desijt.

Igitur pluribus sæculis Saraceni nemine obsistente sacra Iudææ loca, quam vulgus Palæstinam dicit, occupauerunt ad annum vsque 1099. quò Godofredus Bulonius sacri belli dux Hierosolymam expugnauit, idemque sociorum suffragijs primus Hierosolymorum Rex est proclamatus.

Ad hanc verò suscitandam expeditionem Urbanus II. Pontifex oratione commotus Petri Eremitæ Galli, qui

qui vrgendi illius causa ex Iudæa à se lustrata in Occiduas terrarum partes concesserat, Conc. generale ad Clarummontem Aluernorum oppidum conuocauerat, anno supra 1095. quo veluti classico exciti Latini sumptis armis in Asiam transmiserunt traiccto Bosphoto, & Alexium Comnenum Constantinopolis Imperatorem sibi obfistentem, horribili edita Græcorum strage repulerunt, Nicæamque primùm in Bithynia, deinde Antiochiam in Syria, potentissimas ciuitates expugnarunt, ipsamquæ demùm Hierosolymam obsidione ceperunt.

Anno postmodum 1147. sub Eugenio Papa III. exhortatore S. Bernardo Clarauallensi Abbate sacram alteram in Orientem expeditionem adorti sunt Conradus III. Germanorum Imperator, & Ludouicus VII. dictus Iunior Francorum Rex, postquam Saraceni Edessam Orientis urbem armis occuparunt. Sed florentissimi Latinorum exercitus in Orientem progressi maxima ex parte perierunt Manuelis Comneni Græcorum Imperatoris execranda perfidia.

Contigit demùm ipsam Hierosolymam à Saladino Babylonis Egypti Sultano, id est Rege, & Calipha id est Pontifice occupari anno supra millesimum centesimo octogesimo septimo: qua occasione Fridericus Enobarbus Germaniæ Imperator, vt Ecclesiæ à se illata damna compensaret, cum validissima Latinorum manu sacro se bello accinxit. Hic multis tùm in Thracia, tùm in Asia aduersus sibi obfistentem Constantinopolis Imperatorem Isaacum Angelum, & Saracenorum in Asia minori regulos fortissimè gestis, occupataque (vt memorat Pius Papa II. in descript. Asiæ cap. 44.) minori Armenia, annem perspicuum corporis abluendi causa ingressus, gurgite absorptus disparuit, & inanes esse, vanosque hominum conatus ostendit, quando res ab eo maximæ sperabantur.

Nec

Nec tantum Fridericus, sed etiam Philippus Franciæ, & Ricardus Angliæ Reges laudabilem contra Saladinum expeditionem susceperunt, sed (ita disponente Deo cuius iudicia abyssus multa) parum fructuosam. Ricardus quidem Angelus Cypri littoribus impulsus ab Isacio Comneno Græco, qui hanc insulam Græcorum Imperio auulsam per tyrannidem usurpauerat, bello eripuit, & Guidoni Lusiniæ Gallicæ originis permisit, postquam hic omni iure regni Ierosolymitani sibi debiti cessit, & in ipsum Ricardum transtulit.

Id verò obseruandum est, Ierosolymitanum regnum, cuius auspicia Pontifex Urbanus II. in sacris Claramontis comitijs dederat, primusque occuparat Godofredus Bullonius, post annos demum octoginta, & octo miserabili casu ad Mahumetanorum rediisse potestatem Urbano III. Pontifice, quum ultimus Christianorum Regum Guido Lusiniæ à Saladino victus illo regno excidit. Postquam Innocentius III. Pontifex doctrinæ, virtutumque splendore spectabilis vniuersæ Ecclesiæ gubernaculis admotus est, animum ad terræ sanctæ recuperationem adiecit: cui acres stimulos admonuit memorabilis victoria, quâ Latini sacro bello federati Constantinopoli potiti sunt, creaueruntque Græciæ Imperatorem Balduinum Flandriæ comitem sub ipsius Innocentij Pontificatu; quo tam felici successu amplius accensus, generale Concilium ad propagandam in vltiora Orientis Religionem indixit.

Itaque vt scribit ætatis illius historicus Abbas Vespertensis celebrata est anno millesimo ducentesimo decimo quinto sancta vniuersalis Synodus Romæ in Ecclesia Constantiniana dicta Saluatoris mense Nouembri, præsidente Innocentio Papa III. Pontificatus anno decimo octauo, in qua fuerunt Episcopi quadringenti & duodecim, & in his Patriarchæ Constantinopolitanus, & Ierosolymitanus. At verò Alexandrinus,

& An-

& Antiochenus cum per se interesse non possent, hic quia graui morbo decumbebat, ille quia in Caliphæ ditione suam habebat sedem, suos ad Concilium apocrisarios miserunt. Interfuerunt pariter Imperatorum Orientis, & Occidentis Legati multorumque Regum, & principum.

Insignis hac in Synodo effulget sapientia, & pia sollicitudo Innocentij, adeo exactè prouidentis circa res tum fidei, tum ordinis, & disciplinæ Ecclesiasticæ, omniaque capitulis septuaginta breuiter simul, & accuratè complectentis. Quibus demum subiicitur decretum pro sacra in Palæstinam profectioe, de pace inter Christianos componenda, aut saltem quadriennij firmandis inducijs, deque subsidijs ad hoc bellum comparandis.

Cap. 1. Fides Catholica declaratur his verbis: *Deus sua omnipotenti virtute simul ab initio temporis utramque condidit creaturam spiritualem, & corpoream*: Consule superiùs annotata ad Nicænæ posterioris Synodi actionem 5.

Cap. 2. Errorem damnat Abbatis Ioachim, qui edito aduersus Petrum Longobardum magistrum sententiarum libro, illum dicit insanum, & hæreticum, eo quòd in libris sententiarum scribat, quòd summa quædam res est Pater Filius & Spiritus sanctus, quæ non est generans, nec genita, nec procedens.

Quæ ex propositione Ioachinus Petro Longobardo affigit asserfionem non Trinitatis, sed quaternitatis nimirum trium singularum personarum. & insuper communis essentia, ut quartæ rei. Ipse verò Ioachim astruebat in Trinitate vnitatem, non illam quidem propriam, & essentialem, sed collectitiā, & similitudinariam, sicut multi homines dicuntur vnus populus, idque probabat loco peruersè intellecto Ioan. 17. volo Pater, ut ipsi in nobis vnum sint, sicut & nòs vnum sumus. Concilium autem rem his verbis definit: *Nos autem credimus, & confitemur cum Petro, quòd vna quædam summa res est,*

est, & incomprehensibilis quidem, & ineffabilis, quæ veraciter est Pater Filius, & Spiritus sanctus: tres simul personæ, & sigillatim qualibet earumdem. Ea ideo Trinitas solum est in Deo non quaternitas: quia qualibet illarum personarum est illa res, videlicet substantia, natura seu essentia diuina, quæ sola est vniuersorum principium præter quod aliud inueniri non potest. Et illa res non est generans, neque genita, neque procedens: sed est Pater qui generat, Filius qui generatur, & Spiritus qui procedit: ut distinctiones sint in personis, & unitas in natura. Licet igitur alius sit Pater, alius Filius, alius Spiritus sanctus, non tamen aliud: Sed id quod est Pater, est Filius, & Spiritus sanctus, idem omnino, ut secundum Catholicam, & Orthodoxam fidem consubstantiales esse credantur. Pater enim ab æterno Filium generando suam substantiam ei dedit iuxta quod ipse testatur: Pater, quod mihi dedit maius omnibus est. Ac dici non potest quod partem suæ substantiæ ei dederit, & partem retinuerit ipse sibi, cum substantia Patris indiuisibilis sit utpotè simplex omnino. Nec dici potest, quod Pater suam transtulerit substantiam in Filium generando; quasi sic dederit Filio ut non retinuerit ipsam sibi, alioqui desisset esse substantia, Pater ergo quod sine ulla diminutione Filius nascendo Patris substantiam accepit; Et ita Pater, & Filius eandem substantiam habent: & sic eadem res est Pater, & Filius, & Spiritus sanctus ab utroque procedens. Quum ergo veritas pro fidelibus suis orat, voto inquit ut ipsi vnum sint in nobis sicut nos vnum sumus, hoc nomen vnus pro fidelibus quidem accipitur, ut intelligatur vnio charitatis in gratia: pro personis verò diuinis ut attendatur identitas, atque in natura unitas. Quemadmodum veritas alibi dicit: estote perfecti sicut Pater vester celestis perfectus est: ac si dicat manifestus estote perfecti perfectione gratiæ, sicut Pater vester celestis perfectus est perfectione naturæ: vtraque videlicet suo modo: quia inter Creatorem, & creaturam non potest tanta similitudo notari, quin maior sit inter eos dissimilitudo notanda. Hæc ad singula verba

inserta habentur cap. 1. & 2. de summa Trinitate.

Canon 5. Commemoratur sedium Patriarchalium privilegia, statuitque Constantinopolis sedem esse primam à Romana, deinde Alexandrinam, tum Antiochenam, postremo Ierosolymitanam: ut postquam hi Patriarchæ pallium à Romano Pontifice acceperint, liceat eis obedientiæ suæ subditis Episcopis pallium concedere, recipiendo ab eis vicissim fidei Catholicæ professionem, & pro Ecclesia Romana sponsonem vnionis, & obedientiæ. Concedit etiam ut Dominicæ crucis vexillum ante se deferri faciant vbi-que locorum extra Romanam urbem, aut vbiicumque Romanus Episcopus præsens fuerit, aut eius Legatus vtens insignibus Apostolicæ dignitatis. Approbat præterea ut ad ipsos ex suffraganeis prouincijs appellari possit, saluis tamen appellationibus ab ipsis ad Apostolicam sedem.

Summi Pontifices ante hac restiterant Episcoporum Constantinopolis ambitioni, qui contra Nicenæ Synodi decretum affectabant, sedis suæ prærogatiuam supra omnes Orientis Patriarchas. Damasus enim, & Leo Romani Pontifices Synodorum secundæ, & quartæ furtiuos Canones reiecerunt, per quos hæc illis assererebatur præminentia, Nicolaus verò primus in responsis ad Bulgaros cap. 93. Porro ait quis Patriarcharum secundus sit à Romano consultis, sed iuxta quod Romana sancta tenet Ecclesia, & Niceni Canones innunt, & sancti Præsules Romanorum defendunt, Alexandrinus Patriarcharum à Romano Papa II. est. Idemque Nicolaus non alias admittit primarias sedes quam quas constituit Petrus Apostolus, siue per discipulum suum Marcum nimirum Alexandrinam, siue per seipsum nimirum Antiochenam, & Romanam, epistol. eadem ad consult. Bulg. cap. 92.

At verò Innocentius III. huic Laterano Concilio præsidens ius secundæ sedis Constantinopolis Episco-

indulſit multis rationibus adductus: ſcilicet vt Græcos hætenus nutantes in Eccleſiæ Romanæ ſubiectione, & vñione deuinciret, ac demereretur. Tùm quia à pluribus ſæculis reliqui Orientis Patriarchæ Conſtantinopolitano ſpontè ceſſerant. Tùm quia in Oecumenica Synodo Chalcedonenſi habita poſt Apoſtolicos legatos Anatolius Conſtantinopolis Episcopuſ, eiufque in omnibus ſubſequentis Orientis Concilijs ſucceſſores iure iſto *πρωτοπιάς*, & *πρωτοκρίτης* ſupra Patriarchas reliquos potiri abſque controuerſia fuerant.

Quod attinet ad Ieroſolymitanam Eccleſiam origine quidem omnium Eccleſiarum matrem, ſed non dignitate, & quam Nicæna i. Synodus Cæſarienſi Metropolita ſubditam declarauerat, cœpit illa pleno iure dignitatis patriarchaliſ potiri tam inde à Concilio Chalcedonenſi, quod actiōe 8. Ieroſolymitanæ Eccleſiæ vniuerſam Palæſtinam in tres diſtributam Prouincias ſubiecit. Interceſſit quidem Magnus Papa Leone id executioni mandaretur ep. 62. ad Maximum Antiochenum. Verumtamen idem Iuuenaliſ Ieroſolymæ Episcopuſ, qui in Chalcedonenſibus comitijs ſederat, conuocauit poſtmodum Palæſtinæ totius Synodum in qua ipſe primo ſubſcripſit loco. Deinde Itæneuſ Cæſaræ Palæſtinæ Episcopuſ, cùm tamen in Prouinciis Palæſtinæ Synodis anterioribus præſideret, primuſque ſubſcriberet Cæſarienſiſ, vt liquet ex Dioſpolitana Synodo, cui ſecunduſ à Metropolita Cæſarienſi ſubſcripſit Ioannes Ieroſolymitanuſ. Et in altera Synodo antiquiore aduerſuſ quartodecumanos habita Cæſaræ præſedit Theophiluſ Cæſarienſiſ, eique aſſedit Narciffuſ Ieroſolymitanuſ, vtque addiſcimus ex Eufebio l. 5. hiſt. Eccl. cap. 15. Synoduſ demum 5. Oecumenica, eadem iura Patriarchalia Ieroſolymorum Eccleſiæ confirmauit.

Can. 2. Decretum inſtaurat Lateranenſiſ ſub Alexandro Tertio Concilij in can. 18. circa præceptorialem

lem præbendam in singulis cathedralibus erigendam. Extendit ad alias quoque Ecclesias, quæ possunt præbendam eandem præstare: additque præceptorem esse ab Episcopo unâ cum capitulo eligendum. Adiungit esse pariter in singulis Metropolitanis simili modo eligendum Theologum, qui Sacerdotes aliosque Clericos in sacris scripturis docendo instituat, & in his præsertim efformet, quæ ad curam pertinent animarum, cui congrua præbenda assignetur, non tamen ut fiat canonicus: sed tamdiu redditus accipiat, quamdiu in docendo perseverauerit. Vide c. 1. & c. quia nonnullis, de Magistris. Deinde Conc. Trid. hæc omnia instaurat, & amplificat sess. 5. de refor. c. 1. ubi etiam declarat præbendæ Theologalis collationem esse prorsus nullam & irritam, quæ facta fuerit ei qui per seipsum istud officium exequi non valeat: & prouisos esse compellendos ad exercitium muneris sui per reddituum subtractionem. Vide idem Conc. sess. 23. de refor. c. 18. Istit haud absimilia sunt Gallicana edicta in comitijs Aurelianensibus edita sub Carolo Rege IX., & in Blesensibus sub Henrico III. art. 33.

Can. 12. Prouidet Monasteriorum reformationi, per Prouincialia capitula singulis triennijs conuocanda, & per sedulas, & frequentes visitationes.

Can. 13. Prouidet, ne nouæ inducantur Cenobitarum religiones.

Can. 14. Incontinentiam reprimi Clericorum.

Can. 15. Clericorum crapulam coercet: Clericum in ebrietatem lapsum antiquiora concilia Agathense can. 41. & Veneticum in Gallia can. 13. puniunt vel excommunicationis, vel flagellationis pœna.

Can. 16. Prescribit Clericorum modestiam: prohibet eis seculares negotiationes, aleæ quoque, & taxillorum lusus, quin etiam his interesse vetat. Annulum ab his gestari prohibet qui non sunt Episcopi. Ordinaturam, & vestes, aliaque exteriora omnia componit ad

ad modestiam. Hoc etiam decernit vt Pontifices in Ecclesia, & in publico superindumentis omnes lineis vtantur, nisi Monachi fuerint, quos deferre oportet, habitum monachalem. Hæc leguntur eadem in c. Clerici officia de vita, & honestat. Cler. Hoc idem de retinendo ab Episcopis olim professis Monachis habitu Monachali, ac regulari iamdudum sanxerat Synodus Oecumenica octaua canon 14.

Can. 17. *Districte* (ait) *præcipimus in virtute obedientie, vt diuinum officium nocturnum pariter, & diurnum, quantum eis dederit Deus studiosè celebrent pariter, & deuotè.* Loquitur de Clericis & Monachis quicumque astricti sunt officio diuino: & legitur in c. dolentes, de celebrat. Miss. vbi insignis est glossa exponens vocem studiosè quantum ad officium oris sine syncopa: deuotè autem quantum ad officium cordis: dicente Apostolo, *orabo spiritu* (idest respiratione, & lingua) *orabo, & mente* (idest deuota mentis attentione) *psallam spiritu, psallam & mente.*

Can. 21. De facienda proprio Sacerdoti confessione decernit saltem semel in anno: & de communicando diuinæ Eucharistiæ saltem in Pascha, nisi Sacerdos ipse ex rationabili causa differendum in aliud tempus iudicauerit. Qui secus fecerit ab ingressu Ecclesiæ viuens arcetur, & mortuus Ecclesiastica sepultura priuatur. *Districte* præcipit seruari confessionis sigillum, ac secretum. Allegatur in c. omnis vtriusque sexus de pœnit. & remiss. Olim ex decreto Fabiani Papæ, & sub Decio Martyris citato in cap. & si non frequentius de consecr. dist. 2. Deinde ex Concilij Agathensis cap. 18. Christi fideles non aliter impediti astringebantur Eucharistiam ter in anno sumere in Natiuitate Christi, in Resurrectione, & die Pentecostes.

Can. 22. Sancit vt medici ad ægros vocati sub pœna interdictis ab Ecclesiæ ingressu, teneantur eos admonere vt in primis medicos aduocent animarum, sic enim saluti simul animæ, & corporis consultum iri: firmi-

quatenus citra generalem Canonis obligationē, infirmis formidine mortis perculsi, grauius de vita periclitantur quum de cōfessione faciendā monentur, existimātes (nisi canon iuberet indifferenter, etsi forsan non interueniat vitæ periculum) desperatū esse de vita. Prohibetur insuper cum anathematis interminatione ne quis medicus ægro pro corporis salute quidquam suadeat quod vertat in animæ perniciem, Deiq; offensam. Habetur in c. cū infirmitas, de pœnit. & remiss.

Can. 24. De elect. ordinat vt vno ex his tribus modis, vel scrutinio, vel compromisso, vel comuni inspiratione ille demum sit electus, in quo maior, & sanior capituli pars consēserit. Legitur in c. quia propter, de elect. Quæ verò parte capitis huius constituitur à Concil. vt assumantur de Collegio tres fide digni, qui singillatim, & secreta vota electorū colligant, & scribant, id abrogatum fuit demum à Conc. Trid. sess. 25. c. 7. in fine de regular. iubente fieri electionem per vota secreta, ita vt nullatenus in cuiusquam notitiam veniant eligentium nomina, & vt aliter facta electio sit irrita.

His idem Lateranensis Can. 24. duas requirit conditiones, vt aliquis absens possit per procuratorem eligere. Primum vt sit legitimè impeditus ne possit interesse. Deinde vt is cui suffragium committet, sit de ipso eligentium Collegio.

Electiois verò per compromissum legitur exemplum, & decisio in cicautam, de electio. vbi statuitur teneri Moniales accipere in Abbatissam (modò idonea existat) eam quam prouidit Episcopus, postquam illæ Abbatissæ electionem in Episcopum ipsum contulerant, ac compromiserant.

Electiois libertas ita necessaria est, vt vbi illa coarctatur eo ipso nulla sit electio. Ideoque Cælestinus III. cap. cum terra de electio. damnat, & inane declarat electionem, quæ fit quando Patriarcha, vel Episcopus, vel Princeps, duas tresue personas

eligendas nominauit, ne liberum sit aliam eligere, quæ non sit ex nominatis. Gregorius X. in Concilio decimo generali Lugdunensi c. vbi periculum §. cæterum, de electio. in 6. *Quum* (inquit) *arbitrium, vel inordinatus capti-
uas affectus, vel ad certum aliquem obligationis cuiuscumque
necessitate adigit, cesset electio dum libertas admittitur eli-
gendi.*

ræfato iuri communi conformantur Constitutiones ordinis Prædicatorum dist. 2. c. 2. §. 4. prohibentes in electionibus proponi certas personas à superioribus & statuentes teneri superiorem approbare factam electionem alterius personæ dum sit idonea, quam ex ijs quas nominauerit. Et Rodericus Doctor Franciscanus in qu. Regular. art. 10. & 11. profert Bullam Pij V. anni 1571. decernentem, ut si Prælatus, aut commissarius qui præest electioni, conuictus fuerit quomodolibet impedisse libertatem eligentium remoueatur ab officio. Idem Rodericus refert se vidisse tres electiones diuersas declaratas inuvalidare, eo quod is qui præerat, restrinxisset eas ad duas, aut tres personas. Martin. Nauar. lib. 1. conf. 5. & in Mannal. c. 22. n. 5. docet ex metu reuerentiali erga personam, quæ in vocales polleat auctoritate, non minus irritam fieri electionem, quàm matrimonium. Nec valet vlla consuetudo per quam remanente electione tollitur, aut restringitur eligendi libertas, ut docent ad d. c. cum terra de electio. Ioan. Andrea, & Prosper Fagnanus. Committitur enim grauis iniustitia quando sine iusta causa, & legitimo processu excluditur, vel vna persona (& multo grauior si plures) à iure electionis quod ei competit siue actiue, siue passiue.

Quomodo verò Prælatus procedere debeat in electione. Abbatissæ inter Moniales, consulto Conc. Trid. sess. 25. c. 5. in fine de regular.

Cap. Lateran. 25. statuit eligentes per potestatis secularis abusum ab officijs, & beneficijs triennio suspendi,

di, atq; priuari eligendi potestate. Electum autem si talielect. consentiat fieri deinceps ineligibilē, & facta electionis cōmodo priuari, habetur in c. quisquis de elect.

Can. 26. Decernit, vt facta electione is ad quem pertinet electum confirmare, diligenter examinet electionis processum, & personam electi: qui si reperiatur indignus, eum admitti, & confirmari prohibet, legitur in c. nihil de elect.

Can. 29 Districte prohibet, plures ab vno Clerico prębendas curatas, vel personatus, vel alia beneficia etiam curę animarum nullatenus annexa in vna, eademque Ecclesia possideri. Et si secus fiat, hoc ipso statim ab obtento beneficio secundo, primum ipso iure vacet: quod si prouisus vtrumque retinere contenderit, vtroq; priuetur. Is verò ad quem ius conferendi spectat, si intra sex menses prouidere neglexerit, tenebitur tantumdē resarcire in vtilitatem vacantis Ecclesię, quantum eo tempore vacationis Ecclesię fuerit de illius fructibus, atq; emolumentis perceptum: collatio autem vacantis beneficij deuoluitur ad superiorem. Reseruat tamen, ad Apostolicam sedem ius dispensandi ad plura tenenda beneficia, circa sublimes, aut litteratas personas. Habetur hoc totum in c. de multa, de prębend. His similia statuuntur a Ioanne XXII. in extrauag. execrabilis. eod. tit. Et in Conc. Trid. sess. 7. c. 2. & sess. 24. cap. 17. præclare obseruat glossa in d. c. de multa in verb. contenderit, quod ante Innocentij tertij hanc receptam constitutionem, vt adeptus secundo incompatibili beneficio, statim vacet primum, antiquiora iura dedissent optionem isto casu ei qui sic punitus fuisset, vt adeptus duo incompatibilia eorum alterum, quod malet, eligeret, alio siue priore, siue posteriore dimisso: sic enim statuunt duo, Canones Alexandri tertij c. referente, & cap. præterea, de prębendis. Illis adiungito quę superius annotauimus ad Can. 15. Nicęnæ Synodi secundæ.

Canon 31. Prohibet ne filij Canonicorum instituan-

tur in iisdem Ecclesijs, in quibus patres eorum instituti fuerint. Habetur in c. ad abolendū. de fil. Pręsb. Iam antea sanxerat Alexand. III. non debere filium in ead. Ecclesia, aut prębenda ministrare, qua pater tenuisset, c. pręsentiū, & c. conquerēte eod. tit. Sed si quis alius post patrem habuerit beneficiū, poterit deinde filius, si nihil aliud obstat, etiam admitti c. ex transmissa eod. tit.

Can. 32. Peruersam reprobatur consuetudinem qua patroni, aut rectores Ecclesiarum Presbyter. parochianis adeo tenues redditus attribuunt, ut inde sufficienter nequeant sustentari: quo fit ut vix aliquis reperiatur Parochialis Sacerdos sufficienter litteratus. Statuit itaq; ut abolita mala consuetudine, sufficiens ad honestē viuēdum portio assignetur Presbyt. Habetur in c. extirpandæ, de pręb. Eandem ob causam Synodus Trid. sancit sess. 25. c. 16. beneficia quoq; abstracta olim ab animarum cura per assignationem vicariæ perpetuæ, cui cura incumbat animarum, redintegrari denuo fierique ex simplicibus parochialia, sicut a primordio fuerant.

Can. 36. Declarat posse iudicem saltem Ecclesiasticum suam reuocare sententiam interlocutoriam, aut comminatoriam, etiam posteaquam ab ea fuit appellatum. Legitur in c. cum cessante. de appell. Huc pertinere potest quod scribit Bernardus ad Innocentium II. Papam epistol. 180. *Hoc (inquit) solet habere præcipuum Apostolica sedes, ut non pigeat reuocare, quod à se forte deprehendit fraude elicitum, non veritate promeritum.* Secularia, verò iudicia semel facta non corriguntur, nisi à superiore tribunali. l. iudex posteaquam ff. de re iudicata.

Canon 37. Edicit non posse quemquam per litteras Apostolicas trahi ultra duas diœtas extra diœcesim ad aliquod iudicium. Continetur in cap. nonnulli de rescript. Et confirmatur ab Honorio tertio cap. olim. de exceptio. Sed posthæc Bonifacius octauus reduxit ad vnicam ultra Diœcesis fines diœtam, c. statutum §. cum verò de rescript. in 6.

Can.

Can. Lateran. 41. sic dicit, *Quoniam omne quod non est ex fide peccatum est, Synodali iudicio definimus, ut nulla valeat absque bona fide præscriptio, tam Canonica, quam civilis: cum sit generaliter omni constitutioni, & consuetudini derogandum, quæ absque mortali non potest servari peccato. Unde oportet ut qui præscribit in nulla temporis parte rei alienæ conscientiam habeat.* Continetur in c. fin. de præscript.

Can. 50. Reuocat prohibitiones matrimoniorum, quæ antea protendebantur usque ad septimum consanguinitatis, & affinitatis gradum, easque reducit deinceps ad quartum gradum. Habetur in c. non debet & consanguin. & affin. Conc. Trid. his alteram addit reductionem sess. 24. c. 3. de refor. matrim. scilicet impedimenti publicæ honestatis ad secundum gradum: Et impedimenti affinitatis consurgentis ex fornicatione, ac omni copula illicita ne primum excedat gradum.

Can. 53. *Et decimæ ante omnia tributa deducantur, & solvantur.* Habetur c. cum non sit, de decimis.

Can. 63. Abusum illum quantumvis longi temporis diuturnitate roboratum, ut pro consecrationibus Episcoporum, benedictionibus Abbatum, & ordinationibus Clericorum, aliquid taxetur, vel exigatur, declarat simoniacum, & damnabilem, atque ulterius fieri vetat. Legitur in c. sicut pro certo, de simon. Multa de simonia Ordinis congesta require superius ad Cabilonensis Concilij can. 16.

Cano. 64. In tantum dicit inualuisse intra Monasteria simoniacam labem, ut prætextu paupertatis vix vlla in monialem reciperetur nisi per simoniam. Id verò reprobatur, & fieri districte interdicit, atque ad strictiorem pœnitentiam omnibus vitæ diebus compellit Moniales, quæ sic admissæ sunt, aut alias admiserunt. Legitur in cap. quoniam de simon. Ceterum consensus nunc est Theologorum, & Canonistarum communis, & usu toto Christiano orbe recepto confirmatur nullam intercedere simoniam, si quando Mo-

natterij opes non sufficiunt ad noui Religiosi alimenta, paciscitur Monasterium de contribuenda pecunia, vt inde alatur qui ad Monasterium admitti postulat. Duo namque ab inuicem planè distantia sunt, Religio ipsa, & onus suppeditandi victum, ceteraque vite corporalis subsidia, illud enim merè temporale est, illud spirituale. Nihil potest titulo admissionis in Religionem exigi temporale, sed potest exigi pro alimonia, quæ est alterius ordinis, atque temporalis. Qua etiam ratione quamvis matrimonium inter fideles sit Sacramentum, fiunt tamen conuentiones dotales in matrimonio, non propter Sacramentum quod fieret simoniacè; verùm ad sustentanda matrimonij onera merè temporalia. Videri potest Syluester verb. simonia qu. 15. vt fileam sequentium, & huic conformium scriptorum numerosissimum exercitum. Denique concluditur sacra Synodus decreto sacre militiæ ad Ierosolymitani Regni recuperationem.

CONCILIVM GENERALE XIII. Lugdunense primum sub Innocentio IV.

FRiderici Ænobarbi nepos, & Henrici IV. Imperatoris filius Fridericus II. amplissimis ab Apostolica sede beneficijs affectus, quem à tenera ætate parentibus orbatum, & ciuilibus bellis diuexatum, tantà charitate in suam tutelam susceperat Innocentius III. vt ipsius opera non modò elusi fuerint illorum conatus, qui tum occultis conspirationibus, tum aperta vi materno illum Regno Aputiæ, Sicilięque spoliare nitbantur; sed ei aditum etiam ad Imperium munierit depulso in eius gratiam Othone, qui quartus eius nomin.

minis fuerat designatus Imperator . Ingratus porro Fridericus non tantum his beneficijs gratiam nullam retulit ; sed arma etiam quæ ex voto ad sacra Palæstina loca impendere tenebatur in Romanos Pontifices conuertit . Graues in primis cum Innocentij III. successore Honorio III. similtates gessit , quas postmodum aduersus Gregorium IX. prosequutus est , donec monente isto atque urgente, copias in Syriam eduxit : ubi nullo commisso prælio Ierosolymam à Saracenorum Calipha recepit dicis tantum causa , & specie renus, inita cum illo turpi pactione .

Hinc regressus in Occidentem complures Romanæ Ecclesiæ terras, qua proditiõibus, qua Marte aperto inuadit, præsidijque munit, adeo ut magna Piceni, & Latij parte occupata Romam ipsam obsidione cinxerit ; & quotquot Romanorum in eius cecidere potestatem, vel gladio, vel laqueo interemerit . Lacerauit verò vniuersam in duas factiones Italiam Gibellinorum, quos suis partibus addixit, & Guelforum qui partes Pontificis tuebantur : unde innumera ubique cædes, direptiones, captiuitates, incēdia, omnesque hostiles, & barbaricæ immanitates grassabantur .

His aliæ dirissimæ in alijs Christianorum Prouincijs strages , & calamitates accedebant Saracenorum armis Orientem simul, & Occidentem infestantibus. Imminebant extreme Constantinopolitano Imperio clades, cuius tunc Latini vix reliquias tuebantur, conspirantibus in eos Græcis, finitimisque barbaris , nulla humani subsidij spe affulgente , propter bella quibus Occidentem Fridericus distinebat . Alter malorum cumulis iisdem temporibus Christianæ Reipublicæ funestus incubuit .

Gens enim Tartarorum direpta primùm vtraque Armenia , deinde vastatis quæ inter maria Euxinum , & Caspium interiacent Prouincijs Georgianorum , & Mengrelinorum veterem Iberiam , & Cholcon inco-

sentium, vniuersam Moscouiam, Poloniam, Transiluaniam, Hungariam, Bohemiam cędibus, & incendijs populata est Battone duce circa ann. 1241.

Augebat præterea optimi Pontif. animum collapsa Ecclesię disciplina, morumq; peruersitas, in grauiora quotidie vitia dilabentium, siue Cletum, siue reliquum populum inspiceres: cui malo causam dederunt diutina bella, factiones, & schismata renascentia. Cura ista Pontificem sollicitabat vt Ecclesiā tranquillitatem, & pristinum qui propemodum obsoleuerat dignitatis splendorem recuperaret. His de causis Gregorius IX. Concilium generale Romę indixerat. Eò cū plurimi ex Gallijs, & Hispanijs antistites Genuensium triremibus vecti properarent, in Friderici classem inciderunt, & captiui vnā cum quibusdam Cardinalibus ad Fridericum adducti, & vinculis addicti sunt. Istam tot præsulum indignam cladem, sic ægrè tulit Gregorius, vt ex animi mærore intra dies paucos extinctus sit.

Huic subleſtus Cęlestin. paucis diebus superstes fuit, Cęlestinū excepit Innoc. IV. Sinibaldus antea vocatus patria Genuensis, ex illustri Fliscorum gente Comitū Lauanię. Hic statim Friderico equissimas pacis conditiones obtulit. At ille qui nec cum infidelibus bellū gerere, neq; cū fidelibus pacē colere sciebat, omnibus despectis cōditionibus, precibus, & admonitionibus, maiori etiā furore exarsit. Tū demū Innocentius vt luctuosas Ecclesię ruinis occurreret, cū nihil per Italiā bellorum tempestatibus vndiq; actatam tutum esset, etiam in Galliam vbi sanctus regnabat Ludouicus nauigio se subduxit. Conciliumque Lugduni generale indixit, quo citatus ad causam dicendam reus Fridericus ire renuit, Legatos tamen misit, in primis verò Thadeum virum industrium suo nomine respōsūrum.

Eius itaque causa sedulò explorata. Innocentius de Synodi sententia Fridericum damnatum communione fideiū exclusit, & Imperij dignitate, regnoque Apu-

liæ Siciliæ abdicauit. Tum Germania vniuersa à Friderico defecit. Nouus exinde creatur Imperator Henricus Turingiæ & Hassiæ Lantgravius : istoque post biennium mortuo. Vuillielmus Hollandiæ Comes Longobardi pariter in Fridericum rebelles acie victum in fugam compulerunt : ille profugus in Apuliam concessit, & lecto per ægritudinem decumbens à proprio filio Manfredo; quem ex concubina susceperat, puluino ori admoto suffocatus est.

Prouisum hæc Synodo pariter fuit Ecclesiasticæ disciplinæ instaurationi valdè tum labefactatæ, & collapsæ. Renouata quoque fuit sacra aduersus infideles militia, cuius designatus dux fuit sanctus Ludouicus Gallorum Rex. Actum præterea fuit de suppetijs Imperatori Græcorum ferendis: sed huius historiæ notitia paulò altius reperenda.

Postquam Isaacius Angelus Constantinopolis Imperator annos nouem, & menses octo regni expleuit, ab Alexio Angelo fratre per insignem perfidiam excæcatus est, & regno spoliatus: Isaccionata erat Irene, quæ Philippus Germanorum Imperator in matrimonio habuit. Filius quoque patruo cognominis Alexius. Angelus paternam iniuriam ulturus ad Philippum profugit, cuius cohortatione Veneti Dandulo duce, cum Balduino Flandriæ Comite alijsq; Principibus bellum ineunt aduersus Alexium Tyrannum, qui nomen sibi Comneni ascinerat. Hunc itaque capta Constantinopoli in fugâ cogunt, & Isaacium cæcum in imperium reducunt, dato illi socio, & adiutore filio Alexio. His præclare gestis, dum Latinorum classis ad urbem staret in anchoris, parata dum ver appeteret, in Orientem contra Saracenos proficisci, Alexius Ducas cognominatus Murzuphlus ciues aduersum Imperatores per seditionem concitat, qua occasione Alexium Angelum in custodiam includit, ipseque insignia sibi assumit Imperij.

Latinorum ergo classis hoc facinus ultura Constantino.

tinopolin denuò expugnat . Captus Murzuphlus ex edita turri præceps deiicitur . Balduinusque Flander Latinorum Principum suffragijs eligitur Imperator anno 1204. sub Innocentio III. Pontifice Imperij Græcorum provinciæ in plurima dominia dissectæ sunt . Venetis quippè attributa est Eubœa , omnesque maris Ægei insulæ , & Creta . Bonifacio Montisferrati Marchioni regnum cecit Thessalonicæ . Godofredo Athenarum ducatus cum Achaia principatu . At verò Græci principes Asię provincias certatim occupauerunt . Theodorus enim Lascaris Nicææ in Bithynia dominatum cepit , & armis strenuus Turcas ingenti strage profligauit , eorumque Sultanum in acie suapte manu peremit . Andronici quondam inuasoris Imperij ex filio . Manuele nepotes David , & Alexius Comneni suas quoque partes nacti sunt . David Oeneum , & Synopen ciuitates Ponti , & Trapezuntem nouo Imperij titulo : Alexius autem Heracleam Ponti , & Paphlagoniam sibi ascripsit .

Constantinopolin annos octo , & quinquaginta Latini tenuerunt ab ipso Balduino primo ad Balduinum secundum , qui præsens in illo Lugdunensi Concilio interfuit , seditque ad dexteram Innocentij Papæ : ad cuius sinistram alij confederunt principes alij anno 1245 .

Verumtamen post annos sexdecim Constantinopolis a Græcis intercipitur Michaelis Palæologi dolo , qui sibi suisque posteris hoc Imperium asseruit anno supra 1261 . Itaque inchoatum a Balduino Latinorum in Oriente Imperium desijt in altero Balduino : quemadmodum auspicatum a Magno Constantino Constantinopolis Imperium desijt in Constantino Palæologo a quo ad Turcas deuolutum est . Similiter Romanum Imperium quod primus exortus est Augustus terminatum est in altero Augusto , ab Odacro Eru-
lo.

lorum Rege expugnata Roma , constitutoque nouo
Italiæ Regno .

Hæc eadem Synodus pacis sœdera inter Christia-
nos Principes conciliauit saltem in quadriennium :
publicas priuatasque supplicationes apud omnes qui
Christianorum nomine censentur indixit , pecunia-
rum contributiones ad sacri belli expensas procura-
uit , præsertim ex prouentibus Ecclesiarum . Prouidit
etiam cruce signatorum militum securitati , quorum
personas , & facultates intactas esse iussit , & sub S. Pe-
tri tutela suscepit . In hac Synodo concessum fuisse
Cardinalibus Pileum rubrum produnt . Quamplurimę
huius constitutiones in 6. decretalium passim referun-
tur .

Harum vna Ecclesię regimini valdè conducens sta-
tuit *personas exemptas si extra exemptum locum deliquerint*
(exempli gratia , si religiosus extra propriam Eccle-
siam , & septa deliquerit monasterij) *posse citari , &*
conueniri coram ordinario , & ab eo puniri , c. volentes , de
priuileg. in 6. Concilium deinde Tridentinum sess. 7.
de reform. cap. 14. *In exemptorum* (inquit) *causis consti-*
tutio Innocentię IV. quę incipit , Volentes , *in generali Con-*
cilio Lugdunensi edita seruetur , quam eandem sacro-
santa Synodus innouandam censuit , & innouat .

Noltra quoque Francica iura hoc idem
confirmant , & sanciunt in Au-
relianensibus comitijs sub
Rege Carolo IX.

art. 11.



CONCILIVM GENERALE XIV.

Lugdunense secundum sub

Gregorio X.

AB obitu Clementis IV. vacua fuit Petri sedes tribus, & triginta mensibus, dum inter sese Cardinales dissident, qui tandem in S. Bonauenturam Ordinis Minorum Generalem, etiamsi nondum Cardinalis esset, compromiserunt. Hic verò nullum proposuit Cardinalem, sed Tibaldum Leodij Archidiaconum virum vitæ sanctimonia insignem, qui tum in Syria belli sacri occasione versabatur. Huic nominationi cœtus Cardinalium acquieuit, qui & transmissis in Orientem litteris factam de ipso electionem eidem significauerunt. Hic asserto sibi Gregorij nomine omnem adhibuit sollicitudinem, in primis vt subsidia noua Christianis in Syria militantibus præstaretur. Præterea vt Græci quibus Michael Palæologus excluso Balduino imperabat, ad fidei, & communionis Apostolicæ sedis unitatem reuocarentur: Ad hæc ne Apostolica sedes diutius posthac vacua esset: Denique vt deprauati Christianorum mores emendarentur. His de causis misit quæquaversum epistolas, ac nuncios ad Episcopos, & Principes ad sacrum indicendum Concilium Lugduni post biennium celebrandum. Legatos etiam misit ad Palæologum, qui ipsum ceterosque Græcos ad concordiam cum Rom. Ecclesia reducerent, eundemque cum Græcorum Episcopis ad Oecumenicam Synodum inuitarēt.

Anno igitur Christi supra millesimum ducentesimo septuagesimo quarto Lugdunum conuenere Patriarchæ Constantinopolitanus, & Antiochenus, alijque ex diuersis oris Episcopi quingenti. In his S. Bonauentura Episcopus Abbanensis eruditione, morumque sanctitate conspicuus, qui necdum soluto Concilio migravit

in

in Cœlum. Sanctus verò Thomas dum vocatus eo proficiscitur exijt ex mortali ad immortalem. Aduit in Concilio Iacobus Aragoniæ Rex ceterorum Regum, & Principum oratores.

Peraçta sessione tertia intromissi sunt Michaelis Palæologi legati, quos honorificè Gregorius, & vniuersa Synodus exceperunt. Lectæ sunt huius Imperatoris, & Episcoporum Orientis litteræ, quibus Catholicæ, & Romanæ Ecclesiæ fidem, simulque Spiritus Sancti à Patre, Filioque processionem, primatumque Romanæ sedis agnoscunt. Legati verò Græci nomine Michaelis Pontifici obseruantiam, ac subiectionem exhibuerunt. Accessere præterea Tartarorum oratores ad ineundas pacis cum Christianis conuentiones, quorum vnus fidem Christi suscepit, & à Petro Cardinali Oltiensi baptizatus est. Denique præcinente Summo Pontifice, decantatum est à Cardinalibus reliquisque Latinis patribus Symbolum Constantinopolitanum cum solita additione Spiritus sancti à Patre Filioque processionis. Deinde à Constantinopolitano Patriarcha idem Symbolum Græcis Patribus succinentibus græcè, cum eadem bis repetita additione decantatum fuit.

Pro sacra militiæ impensis sicut in præcedentibus Concilijs præstitum fuerat, Papa toto suffragante Concilio decimas omnium Ecclesiæ prouentuum constituit destinauit.

Inter alias sacra Synodi sanctiones insignis vtique illa fuit de ritu in electione Papæ seruando: de clausura conclauis eligentium Cardinalium: de interdicta quacumque priuata per litteras, siue per internuncios communicatione: de omnimoda pactiõnum, conuentionum, pollicitationum iuramentorum quæcumque circa futuram electionem interuenerint diremptione: Et refertur in cap. vbi periculum, de elect. in 6.

Quod attinet ad electiones, antiquissima san-
atque

atque ab initio receptissima eligendorum Episcoporum forma hæc fuit, vt omnes Episcopi Prouinciæ in vnum conuenientes nouum crearent Ecclesiæ viduatæ antistitem, accedente plebis testimonio, & vniuersi Cleri, aut maioris eius partis consensu, vt his testatur verbis Cyprianus epistol. 68. *Apud nos, & ferè per omnes Prouincias tenetur, vt ad ordinationes ritè celebrandas, ad eam plebē cui præpositus ordinatur Episcopi eiusdem Prouinciæ proximi quique conueniant, & Episcopus delegatur plebe præsentē, quæ singulorum vitam plenissimè nouit, & vniuscuiusque actum de eius conuersatione perspexit.* Ibidemque diuinis id aluit testimonijs, scilicet num. 10. vbi Moy. si Deus iubet, vt coram vniuerso populi cœtu consecret Eleazarum Pontificem. Et Act. 1. vbi coram omnibus discipulis Mathias in Iudæ traditoris vicem, eligitur. Et Act. 6. vbi Apostoli conuocasse perhibentur discipulorum multitudinem pro diaconorum electione. Idem Cyprianus Cornelium Papam affirmat Episcoporum iudicio, & plebis testimonio fuisse legitimè ordinatum epistol. 41. Idemque epist. 52. de Cornelio, sic ait: *non vt quidam vim fecit vt Episcopus fieret, sed ipse vim passus est vt Episcopatum coactus acciperet, & factus est Episcopus à pluribus Collegis nostris, qui tunc in vrbe Romæ aderant.* Et subinde: *factus est Cornelius Episcopus de Dei, & Christi eius iudicio, de Clericorum penè omnium testimonio, de plebis, quæ tunc adfuit suffragio, & de Sacerdotum antiquorum, & bonorum virorum Collegio.* Concilium Nicænum canon. 4 & 6. Episcopum decernit continuendum esse ab omnibus Prouinciæ Episcopis, aut saltem assensiente maiori eorum parte.

Quod idem sancitur in Concilio Antiocheno canon. 19. alijsque innumeris Romanorum Episcoporum decretis. Leo quidem magnus epistol. 92. ad Rusticum nulla (ait) ratio fuit, vt inter Episcopos habeantur qui nec à Clericis sunt electi, nec à plebibus expetiti, nec ab Episcopis Prouincialibus cum Metropolitani iudicio consecrati

At-

Atque habetur in cap. nulla ratio distinction. 62.

Illo itaq; ritu Romani Episcopi creabantur, ut constat ex Cypriano præcitato. In electione verò Damasi interponi primum cœpit Cæsaris authoritas occasione schismatis ab Ursicino suscitati. Idem iteratum deinceps in alijs quibusdam ortis ex schismate diffidijs. Res quippe compositæ sunt à Valentiniano inter Damasum, & Ursinum. Et ab Honorio inter Bonifacium, & Eulalium. Et à Theodorico Rege inter Symmachum, & Laurentium. Deinde Iustinianus Imperator recepta de Gotthis Italia noluit quemquam pro Romano Pontifice admitti, nisi post suam approbationem. Idque ita sub eo, & qui ei successerunt Imperatoribus usu seruatum est usque ad Constantinum quartum Augustum, qui Benedicti II. Pontificis hortatu omnem permisit creandi Papæ potestatem Romano Clero, & populo.

Sigebertus Historicus schismaticus, atque Henrici Imperatoris partes aduersus Romæ Pontifices propugnans fabulam commentus est Synodi Romanæ centum quinquaginta trium Episcoporum, in qua Hadrianus Papa Carolum Magnum summo decorauit privilegio non modò confirmandi noui Papæ electionem, quod ius à Iustiniano usurpatum in successores Imperatores dimanarat; sed quod hætenus fuerat inauditum, sola & propria authoritate eligendi Pontificis pro libito; & præterea Episcopos per singulas Prouincijs pariter eligendi, & per inuestituram præficiendi vacantibus Ecclesijs. Post Sigebertum Gratianus nimia credendi facilitate adductus commentitium illius Concilij decretum suæ canonum collectioni inseruit. Quæ res multos incautos ipsumque Onuphrium decipit. Sed hanc fabulam validissimis argumentis Baronius refellit, quibus alias superaddit paris roboris cōuictiones Ioann. Morinus in suis lucubrationibus de origine, & progressu temporalis Romanorum Pontificum potestatis. Canon itaque incipiens Hadrianus
Papa

Papa, & c. in Synodo dist. 83. dignus est qui expungatur, & obliteretur cum eo qui præcedit Canone historico. Itaque ex quo tempore Carolus Magnus Longobardorum Rege Desiderio suis armis profligato Romanam Ecclesiam in libertatem vindicauit, Romanis deinceps liberæ fuerunt Summorum Pontificum electiones ad Leonem vsque octauum.

Igitur deinceps liberæ fuerunt Romano Clero populoque istiusmodi electiones ad Leonem vsque octauum, qui, quum depulso Ioanne duodecimo per vim sacrilegam, fuisset ab Ottone Imperatore nominis huius primo, in deiectionis locum ac sedem promotus, deriuatum tandem in Imperatores Occidentis ius istud electionis Papæ fuit, quo deinceps vsi, quin potius abusi sunt Imperatores Germani ad Henricum vsque Tertium ex Franconia duce Imperatorem, quando Gregorius Papa Septimus integrum istud ius ab Imperatoribus Germaniæ ad Romanum Clerum reuocauit: quam latius historiam prosequuti sumus ad Concilium Occumenicum nouum, seu Lateranum sub Callisto.

Quum verò eandem eligendi Papæ potestatem adhibita vi sacrilega Henricus IV. tertij filius à Paschali II. extorisset, idem Paschalis coacta Synodo concessionem iniustam reuocauit. Sanctissimus quidem Papa Gregorius Magnus in comment. ad Psal. 4. pœnit. tyrannicam dicit sæculi sui consuetudinem, quæ vetabant Imperatores Græci iniussu suo, imò nonnisi accepta pecuniæ summa Romanorum Episcopum ordinari.

Haud planè compertum est, quandonam solis fuerit Cardinalibus attributa summi Pontificis electio. Constitutio quidem de Cardinalium Conclauis procussa est in hoc secundo Lugdunensi Concilio. Perspicuum autem est ex Petri Damiani testimonio, ius eligendi Papæ pertinuisse ipsius tempore ad solos Ecclesiæ Romanæ Cardinales. Verisimile est sumptum fuisse huius exordium à Leonis IX. inauguratione, quan-

quando Idelbrandi studio, ac opera electus Romæ Pontifex fuit, postquam eundem Imperator ipse creauerat. An verò ante Othonem Primum fuerit penes solos Ecclesiæ Romanæ Cardinales potestas eligendi Papam incompertum est.

De Cardinalium porrò eminentia sic refert Petrus Damiani, & ipse Cardinalis, qui sub Leone IX. eiusque successoribus omni virtutum laude florebat lib. 1. epist. 20. *Romanæ Ecclesiæ Cardinales Romanum Pontificem principaliter eligunt, & quibusdam alijs prerogatiuis non modò quorumlibet Episcoporum, sed etiam Patriarcharum atque Primatum iura transcendunt: saluo quippè vniuersalis Ecclesiæ Sacramento isti sunt oculi vnius lapidis, ipsi lucernæ vnius candelabri.* Sanctus Bernardus lib. 4. de consider. Cardinales vocat orbis iudices. Exstat rescriptum Pontificis Eugenij Quarti ad Henricum Cantuariæ Archiepiscopum, & Angliæ primatem, & refertur apud Iacobatum Cardinalem libro 1. de Concilio, vbi hæc referuntur Eugenij verba: *Ipsos præter Cardinales pro honoris, & dignitatis eminentia partem sui corporis Summi Pontifices appellant, ex quo sine vlla dubitatione ostenditur, post caput Ecclesiæ, quod est Papa, contigua sui corporis membra, qui sunt fratres eius Cardinales præ cæteris Ecclesiæ membris, ac partibus honorari debere.* His etiam ista Eugenius adiungit, quoscumque primates, & Episcopos à Cardinalibus Summo Pontifici assidentibus iudicari, & singulos Episcopos singulis, ac particularibus Ecclesijs præesse, & prouidere, Cardinales autem vniuersæ sub Papa Ecclesiæ. Profert demum Eugenius Superiorum Generalium Conciliorum exempla, præsertim duorum Lugdunensium, in quibus Cardinales citra omnem ambiguitatem, honoratiorem præ cunctis Episcopis locum tenuerint, teneantque etiam nunc, in Concilio nimirum Florentino, quod tunc temporis agebatur. Insuper Leo Papa Decimus in Concilio Lateranensi sessio. 9. asserit S. R. E. Cardinales reliquos

Et omnes

omnes dignitate, ac honore post Summum Pontificem antecellere. Nouissimè Concil. Trid. sess. 15. de ref. cap. 1. ait Cardinalium Consilio apud Sanctissimum Romanum Pontificem vniuersalis Ecclesiam administratio nem niti.

Quin imò his longè antiquior Ioannis Papa: Octauī, qui sæculo nono vixit constitutio declarat. *Romana Ecclesia Cardinales eodem fungi apud Romanum Pontificem officio in sanctæ Dei Ecclesia, quo seniores septuaginta apud Moysen in Synagoga*: Ideòque decretum confirmat Leonis Quarti prædecessoris sui, vt scilicet bis in hebdomada Cardinales ad sacrum Apostolicum palatium conueniant, ad prouidendum, & decernendum pro vniuersarum Ecclesiarum sollicitudine, pro Clericorum disciplina, & pro laicorum querimonijs auscultandis & definiendis. Ex quibus liquet in Cardinalibus cōstitui vniuersalis Ecclesiæ senatum, atque ordinarium Summi Pontificis Consilium. Nulla quippè tam præcellens sapientia est, quæ consiliorum adminiculis non egeat: adeò vt preclarè obseruet S. Chrysost. Hom. ad cap. 1. act. Apostol. Petrum Apostolorum Principem Sancti Spiritus donis cumulatissimè ornatum, & munitum nihil per propriam authoritatem, aut imperium constituisse, sed in rebus grauis momenti agere solitum ex fratrum Consilio: vt liquet in electione successoris Iudæ Iscariotis ad Apostolicum munus, & in disceptatione orta circa legalium obseruationem. Ex his perspicuum est S. R. E. Cardinalibus respectiue attribuendū esse, quod ipsi decernunt Imperatores l. vnica c. de præpos. Labar. l. 12. *Immunitate digni sunt quot lateris nostri comitatus illustrat.* Idem enim à Papa de his proferri potest.

Cardinalium prima, quæ legitur mentio fit in Romano Concilio sub Syluestro Primo, cuius Can. 6. refertur fuisse tunc in Romana Ecclesia septem Diaconos Cardinales. Post annos verò circiter trecentos S. Grego.

gorius Papa, sæpè numero meminit Cardinalium Sacerdotum, & Diaconorum, nec tantum Romanæ Ecclesiæ, sed etiam remotiorum Ecclesiarum. Si quidem lib. 2. ep. 13. indi&ct. 11. constituit in Ecclesia Terracinæ Sacerdotem Cardinalem, & eod. lib. epist. 6. indi&ct. 10. Ioannem constituit Episcopum pariter Cardinalem in Scyllatina Ecclesia. Et lib. 3. ep. 14. prouidet, vt in Syracusanam Eccles. quidam cooptetur Diaconus Cardinalis. Similiter lib. 5. ep. 11. concedit Fortunato Episcopo Neapolitano, vt Gratianum constituat in Neapolitana Ecclesia Diaconum Cardinalem. Porro additionē huiusmodi ad aliquam Episcopalem Ecclesiam vocat passim S. Gregorius nunc cardinationem, nunc incardinationem. In eiusdem etiam vitæ lib. 3. c. 15. testatur Ioannes Diaconus his verbis: *Ciuitatum desolataram Pontifices Gregorius vacantibus ciuitatibus incardinare curabat.* Et exemplum subiicit Martini Tamitanæ Ecclesiæ Episcopi, quem quia fuerat illa Ecclesia ab hostibus deuastata, vacantis iam Aleriensis Ecclesiæ Episcopum, Cardinalem constituit. Præterea Meldensis Concilij can. 54. constituitur, *Vt Episcopus titulos Cardinales in urbibus, vel suburbijis constitutos ordinet atque disponat.* Vt fieri necesse sit titulos Cardinales fuisse quoque alia rû à Romana Ecclesiarum, nec tantum Episcopaliū, seu Cathedralium, sed etiam inferiorum in quibus Sacramenta fidelibus conferenda ex officio erant.

Cæterum ex Gregorij Magni præfatis litteris, & ordinationibus id ego colligo, quod cùm liberum Episcopis esset Sacerdotes, & Diaconos subiectis sibi Ecclesijs præficere, & populis insuper Episcopali vacante sedes novos sibi Episcopos eligere, nihilominus haud licuisse ex alienis Ecclesijs Clericos, ipsdem addictos præficere alijs Ecclesijs, quatenus eiusmodi translationes Episcoporum Sacerdotum, & Diaconorum fieri Nicæna Synodus prorsus interdicat canon. 15. Ideoque vt hoc fieret opus fuisse Apostolica dispensa-

tione, quam præfatis locis indulget S. Gregorius ex iusta causa, quia nimirum pristina Ecclesiæ à barbaris excisæ.

Cap. Lugdun. 24. in usum reuocat cum pœnarum addictione Innocentij Quarti constitutionem de non recipiendis in pecunia procurationibus, & muneribus etiam spontè oblati, tempore visitationis Episcopalis. Illa porrò habetur in c. cum Apostolus, de censibus. Conc. Toletani septimi canon. 4. statuit, ne Episcopus Diœcesim visitans se onerosum Ecclesijs exhibeat, neue quinarium euectionis (id est) equitatus numerum excedat. Fidem certè omnem excederet, nisi Canonibus hoc testatum esset, tam insanam Episcopis aliquando infessisse ambitionem & fastum, vt generali Lateranensi sub Alexandro III. Concilio visum fuerit pro illa effusa licentia rationabile moderamen, dum vetuit Archiepiscopis quinquaginta vecturas excedere, Episcopis verò transilire triginta vecturas tempore visitationis. Ad postremum Trident. Synodus sess. 24. de reform. cap. 3. ita in his prouidit. *Modesto contenti comitatu famulatuque studeant Episcopi, quam celerrimè, debita tamen diligentia, visitationem absoluerè. Nec quidquam procurationis causa pro visitatione exceptis visualibus suis, & suorum moderatis, & frugalibus accipiant.*

Can. Lugdunens. 25. prouidet Ecclesiarum venerationi, & prohibet intra eas vniuersitatum, & societatum quarumlibet Concilia, conciones, & publica parlamenta: vetat insuper confabulationes quascumque, atque in eis necnon in cœmeterijs negotiationes, nundinas, & cuiuscumque fori tumultus, omnesque iudiciorum sæcularium strepitus. Statuit demum, vt processus sæcularium iudicum, & sententiæ ipsdem in locis prolata careant omni robore: Legitur verò in cap. de decet de immunit. Eccles. in 6. Domum quippè Domini decet sanctitudo Psalm. 93. Est namque domus orationis Deuteron. 14. Isaia 56. Ierem. 7. Ideòque etiam

ver-

verberibus de templi porticu negotiatores Christus
exegit. Matt. 21.

CONCILIVM VIENNENSE Generale decimum quintum.

Ierosolymis versabantur milites Religiosis votis
astricti, qui cum prope Templum habitarent
Templarij dicti sunt. Horum officij erat Christianæ
ditionis fines armis tueri, latrocinia, & incursiones
infidelium Christianos peregrinantes infestantium
inhibere. Quo in munere laudabilem initio navarunt
operam. Verum immensis opibus aucti, moribusque
in deteriora mutatis, eò nequitix tandem prolapsi
sunt, ut occulta cum Saracenis, & Turcis fœdera, &
conspiraciones inirent, seque omni genere impietatis,
& nefandæ libidinis flagitijs contaminarent nocturnis
conuentibus: in quibus cæсорum infantium nefarias
victimas idolo litabant, & sacrilegos concubitus exer-
cebant.

Ista comprobata sunt scelera innumeris per diuer-
sas Prouincias editis processibus ex mandato, partim
Summi Pontificis, partim plerorumque sæcularium
Principum, partim ex officio Prælatorum, & Magi-
stratum, quibus etiam accessit plurimorum reorum
confessio. Istiusmodi conuictiones postquam sedulo
examinauit Oecumenica sacra Synodus toto ex orbe
Christiano collecta, iudicauit eas exploratas veras,
& ita certas. ut cumulatè suffecerint ad tanti per-
que omnes Christianas plagas propagati ordinis dam-
nationem, & extinctionem; ut mihi delirare videan-
tur, & planè desipere, qui post Concilij generalis
iudicium, illorum militum patrociniū haud veren-
tur suscipere, ipsumque Concilium condemnare,
& vel omnium profligatissimi sceleris, vel belluinæ

stoliditatis incusare. Non sum vsque adeò imperitus, vt in rebus facti à diuina scriptura minimè asserti contēdere auisim Ecclesiam ipsam errare, aut falli non posse, aut istiusmodi decreta ad fidem diuinam pertinere: Verumtamen rem istam humanis, & moralibus rationibus excutiendo (vt venerationem, & obseruantiam seponam, quę sacris Oecumenicis, & à Summo Pontifice probatis Synodis debetur) quis credat contigisse, vt tanta ex tot Prouincijs conuocata Præfulum, Principum, Legatorum atque Doctorum multitudo, quorum haud exigua pars etiam sanguine, vel affinitate plerisque illius ordinis militibus coniuncta erat, in tam immanè flagitium vnanimi assensu conspirauerit, atq; adeò in tanti momenti causa in qua de potentissimi, & sæculari nobilitate illustrissimi ordinis toto orbe propagati non modò abolitione, sed etiam atrocissima damnatione supplicioque agebatur? Ideòq; graui censura digna est Tritemij in suo Hirsaugiensi Chronico aliorumque quorundam temeritas, qui Templarios falsis criminibus oppressos fuisse asserere ausit sūt.

Cum verò necesse esset tam exitialem pestem extinguere, summique momenti, & discriminis esset præpotentissimum ordinem funditus exterminare, sapienter iudicauit Clemens V. esse id negotium innumeris alioqui obtrectationibus obnoxium per Conc. generale dijudicandum.

Præterea pullulabant eo tempore in Germania Begardorum, & Beguinarum sectę dogmatizantes, i. posse homines in hac vitā mortali, tam sublimem perfectionis gradum assequi, vt neque peccare vllatenus, neq; vltius in gratia progredi possint. 2. neque ieiunare neque aliam exercere corporis, aut animi maculationem, ac asperitatem debere, qui versetur in illo sanctitatis gradu. 3. nec eundem astringi humanorum mandatorum, aut Ecclesiasticarum legum sæculariūq; obseruatione, vtpotè in summo libertatis filiorum Dei apice

apice constitutum. 4. Ex hac ipsa vita posse eundem ea potiri felicitate, qua maior in Cælo futura nulla sit. 5. perfectam consummatamque felicitatem ex natura, & hominis arbitrio ita pendere, ut nullo sit opus gloriæ lumine infuso. 6. Esse hominis adhuc imperfecti virtutum exercitationem, quam longè à se abdicat quisquis perfectus est. 7. Libidinum actus ad quos natura ipsa inclinat nullatenus culpam inuoluere. 8. Dum eleuatur, aut exponitur Christi corpus minimè debere perfectum hominem genua flectere, aliamve exhibere venerationem, quia sic agens de illo sublimi contemplationis suæ fastigio se demitteret, si vel de Christi Sacramento, vel de vita eiusdem, aut passione dignaretur cogitare. Id verò solenne illis, & consuetum erat, ut omni se libidinum genere contaminarent. Conformes erant illi sectarij Messalianis, qui etiam Euchitæ, & Euthusiæ dicebantur, quorum Epiphanius, & Theodoritus meminerunt. Hi enim Theodorito attestante exiguam vim Sacramentis Ecclesiæ, virtutumque exercitationibus attribuebant, maximam verò suis illis fanaticis orationibus. Idemque Epiphanius referente sceditati promiscuorum concubituum indulgebant.

Has ut euelleret criminum propagines Clemens, Synodum Oecumenicam Viennæ in Gallia collegit anno supra 1311, quo regnabat in Gallia Philippus cognomine Pulcher. Hic damnata sunt impura Begardorum, & Beguinarum secta, simulque Fraticellorum, seu Dulcinistarum secta, cuius author Dulcinus concubinam Margaritam à se impregnatam de Spiritu sancto concepisse asseuerabat. Illi quoque promiscuos concubitus in locis abditis exercebant: visionem beatificam post vltimum iudicium differri prædicabāt: Dam-nati pariter hic tuere Petri Ioannis errores negantis animam rationalem, quæ rationalis est formam esse corporis: & gratiam vllam, aut virtutes in Baptismo infundi: asserentis autem Christi viuentis latus fuisse

lancea percussum: nec habendam fidem contrariæ, quam Euangelista prodidit assertioni. Horum dogmatum damnatio refertur ex hac Synodo in Clementina 1. de summ. Trinit. & in Clement. ad nostrum de hæret. Templariorum quoq; ordo isthic aboletur, eorumque opes hospitalarijs S. Ioannis militibus addicuntur.

Circa vsuras hic etiam statuitur illum, qui pertinaciter affirmati vsuram non esse peccatum, esse hæreticis accersendum, & procedendum contra eum esse ab hæreticæ prauitatis inquisitoribus. Communitates autem & officiales, qui statuere in fauorem vsurarum, aut iudicare præsumpserint, aut qui talia iam edita statuta, de libris, vel tabulis publicis non oblitterauerint, excommunicatione astringi. Clement. ex graui de vsurp.

Hic aduertant Principes, & Magistratus Christiani, qua ratione poterunt Dei iudicium euadere, qui Iudæis sibi subiectis indulgent, Christianas familias per contractus vsurarios apertè spoliare, quo pinguiores sibi lucrentur à Iudæis contributiones, seu potius à miseris Christianis, quorum idèò Iudæis permittitur deuoratio, ut ex horum pernicie ipsi Iudæi possint exoluere impositas sibi præstationes. Id verò eo magis attendendum, quod vsurarum prohibitionem constat esse diuini iuris, cui nec ipsa possit Ecclesia derogare. Nec ambigendum post Iudaismi factam à Deo reprobationem, non modò non licere Iudæis spoliare Christianos, qui soli populus Dei sunt, sed ne ullos paganos, ac infideles: ex quo enim Iudæos reprobauit Deus, simul etiam omnia priuilegia voluit abolita, quæ iisdem tanquam populo sibi speciatim accepto, & dilecto contulerat.

Quia verò de Iudæis incidit occasio ex vsuris, quas exercent, hoc sciendum prodixisse anno 1642. Martij 21. Pauli Papæ III. constit. quæ incipit, *Cupientes*, qua statuitur Iudæos ad fidem conuersos remanere quidem indispensare obligatos ad vsuras, quas ex cognitis certif-

que

que personis exegerunt, restituendas. Sed quoad vsuras, quæ vel ob personarum incertitudinem, vel ob iustum aliud impedimentum persoluendæ essent pauperibus, aut ad alias pias causas destinandæ, declarat Summus Pontifex se ab huiusmodi dispensare, vt possint Iudæi conuersi sibi ipsis retinere. Hoc idem iisdem ferè verbis sanciuerat Concilium Basiliense sess. 19.

Prouidit præterea Viennense Concilium circa regularium priuilegia. Concilium quidem Chalcedonense canon. 9. constituit debere Monachos Episcopis locorum subiacere, eisque obedire: sed temporum processu maximè verò post mendicantium ordinum exortum multa eis concessa fuerunt, & subinde partim recisa, partim attemperata priuilegia. Constituebat Bonifacius Papa octauus c. super Cathedralam de sepult. in extrauag. commu. non posse exemptos atque mendicantes regulares prædicare, aut externorum confessiones vllatenus audire citrà ordinariorum licentiam in quorum diœcesibus versantur. Nonnulla etiam circa externorum sepulturas, quæ sunt in Ecclesijs regularium ordinauerat in gratiam Parochialium Ecclesiarum. Sed Bonifacij successor Benedictus vñdecimus ex ordine Sancti Dominici assumptus, pietate doctrinaque commendatissimus, præcessoris decretum abrogauit. e. inter cunctas, in extrau. communibus, de priuileg. Postmodum hoc ipsum Viennense Concilium Constitutionem Benedicti antiquauit, sanctionem verò Bonifacij in pristinam restituit auctoritatem, vt legimus Clement. dudum de sepult. & Clement. I. de priuileg. & ex cess. priuileg. Viennensi huic sanctioni conformatur planè Concil. Trid. session. 23. cap. 15. de reformat. & sect. 25. cap. 4. & his posteriora decreta Gregorij XII. anno 1567. Gregorij XV. in Bulla *Romanus Pontifex in specula*. anno 1622. eiusdemque Bulla *inscrutabili*, his similes edidere sanctiones Urbanus VIII. Innocentius X. in Bullis annorum 1648. & 1653. quarum

rum utraque est Mensis Maij in causa Episcopi Angelopolitani, & regularium Societatis Iesu Et nouissimè Alexander VII. in simili causa Episcopi Andegauensis, & Societatis præfatæ, aliorumque regularium die 26. Februarij 1659. Huc etiam spectat concordatum, mediatore Cardinali Armando Richelæo transactum inter Episcopos Regni Franciæ, & quorumvis ordinum regulares Patres die Februarij 19. anno 1633. quod ex ætè conformatur præfatis Conciliis, & Pontificum sanctionibus, & insertum legitur in Tabulis Actuum Cleri Gallicani.

Hac eadem Synodo Viennensi exposita explicataque fuit S. Francisci regula, multæque circa illam elucidatæ quæstiones, quæ leguntur in Clementinis de verborum signif.

Decretum insuper hic fuit, ut in scholis, & vniuersitatibus Romæ, Parisiorum, Ozonij, Salamanticæ, & Bononiæ constituantur Catholici magistri, qui publicè doceant linguas, Hebraicam, Chaldaicam, & Arabicam, duo videlicet pro qualibet lingua. Clement 1. de Magistris.

CONCILIUM PISANVM XVI. Et Concilium Constantiense XVII. Generale.

EX quo Clemens V. Pontificiam Sedem Auenione collocauit, hæserunt ibi Summi Pontifices annis plusquam septuaginta, donec Gregorius XI. Romam remearet. Sed eo Romæ defuncto Christi anno millesimo tercentesimo septuagesimo octauo, Cardinales maiori ex parte Gallicani cum omnes vnâ conuenisset ut conclaue ingrederentur, Romanus populus

veritus, ne iterum Pontificis sedes in Galliam traduceretur, concitato tumultu petijt ab ipsis, interminatus etiam illis extremum si secus facerent exitium; ut non alium quam Italum Papam eligerent. Postquam verò se conclaui Cardinales incluserunt, populus in vrbe præeunte vrbis magistratu effractis conclauis repagulis se intromisit, incensurum se minitans conclauem cum Cardinalibus: tùm perterriti electores nulla habita, ut ait Ciaconus discussione personæ festinanter Bartholomæum Prignanum Barij in Apulia Episc. eligunt, neque præsentem, neque Cardinalem. Hic autem Romam accitus, statim se Cardinalium seuerum animaduersorem, ac reformatorem, & verbis, & rebus ipsis profiteri cœpit: quocirca omnes sibi reddidit infensos, adeò ut præter vnicum Cardinalem reliqui omnes diuersarum nationum per speciem vitandi æstiu caloris Anagninam primùm, deindè Fundos secesserint: vbi conuentu factò electionem Bartholomæi Prignani Archiepiscopi Bariensis in Summum Pontificem, qui nomen sibi sumpserat Urbani VI. irritam, ut potè grauissimo extortam metu declarantes, Robertum de profapia Comitum Genevæ Cameracensem Episc. & Cardinalem renunciant Pontificem, qui Clemens VII. dici voluit, promouente negotium Ioanna Regina Neopolitana cum suo coniuge Othone. Romæ Urbanus hæsit, Clemens Auenione sedem fixit. Urbanus Ioanna diris deuota, & abdicata, Neapolitanum Regnum in Carolum Dyrrachinum Ioannæ consanguineum transtulit, à quo illa arctissime tandem obsessa, & ad sui deditionem compulsa strangulata fuit.

Neque verò amborum Pontif. morte schisma desijt, Urbano extincto Bonifacius IX. successit, Bonifacium Innocentius VII. excepit, & hunc Gregorius XII. Clemens verò successorum habuit Petrum de Luna Hispanum, qui Benedictus XII. dici voluit, quippe Pontificis apud suos nomen ultra 30. annos retinuit viuens.

Cum

Cum igitur tam pernicioso diffidio Ecclesia in duas scinderetur partes, & periculum vrgeret, ne partiū studijs, & nouorum subrogatione Pōtificum schisma æternum propagaretur, tandem conuenere Pifis vtriusque partis Cardinales, & Principes postquam inaniter, & sine successu Gregorium, & Benedictum sæpius hortati sunt, vt ambo cōuenirent pro Ecclesiæ vnitae. & pace, & si aliud remedium non occurreret, salutem ac dignitatem Ecclesiæ propriæ temporali gloriæ, vt par erat anteferentes, se ambo Pontificatu abdicarent, & sacro Cardinalium Collegio, aut etiam generali Concilio totum cōciliandæ pacis negotiū dimitterent. Cum igitur Pifis conuenissent diuersis ex Prouincijs vnâ cum Cardinalibus Episcopi, & Principum legati, ambos de Papatu contendentes, & potiùs inter se mutuo colludenter citatos, nec prorsus comparētes declarant Pontificio culmine indignos. & vtriq; Pontificatum abrogant. Cardinalibus permittunt vt conclaue ingressi, solique nouum inter se Papam cooptent. Id ita factum, quatuor, & viginti Cardinales seorsim secedentes Pontificem renunciant virum meritissimum Petrum Crētēsem Cardinalem tituli Sanctorum Apostolorum, ex ordine Minorum S. Francisci, Archiepiscopum Mediolanensem, eximia morum probitate, & sublimi peritia Theologiæ conspicuum, qui Alexander V. dici voluit.

Isti Pisano Concilio tres interfuere Patriarchæ Alexandrinus, Antiochenus, & Hierosolymitanus, cum Episcopis trecentis, & innumeris Abbatibus, & consummatissimis Doctoribus, Sanctus quidem Antoninus in istud Concilium iniquior fuit, hac vnica ratione adductus, quod non fuerit a Papa indictum, quin potiùs à Gregorio XII. cuius ipse causam ardentius tuetur, reprobatur. At fuerant enixè rogati, & interpellati ambo Pontifices, qui ambitione damnabili propriam magis quam Dei gloriam diligentes, recusarunt Ecclesiæ cui se præfectos gloriabantur necessitati extremæ cum pro-

propriæ demissionis periculo consulere: neque aliud succurrebat tantæ, & perpetuo duraturæ pernicipi remedium, quàm per Oecumenicam Synodum.

Itaque vniuersa Ecclesia iure merito Concilium istud amplexa est, electumque in eo Alexandrum V. inter legitimos agnoscit, & insequentes cognomine Pontifices respectu ad hunc quintum recenset Alexandros VI. & VII. Pisani Concilij iura egregiè tuetur Azorius par. 2. lib. 5. c. 17. si dum schismate diuellitur Ecclesia Dei, nec aliud præsto est remedium, quatenus de Pontificatu contententes nolunt prorsus se dimittere, vel alio efficaci remedio per Concilij indicationem providere fidelium præsentium, & futurorum quieti, & saluti, Christus suam Ecclesiam, tametsi suo sanguine emptam, & sibi desponsatam neglexisset, gregemque suum infestantibus lupis pro derelicto habere voluisset, si iidem ipsi ad quos spectat Papam eligere non possent Synodum legitimam conuocare ad providendum Ecclesiæ incolumitati. Maior utique est Christi erga gregem suum vniuersum charitas, & providentia, nec istis immanibus repagulis impedienda est in extrema necessitate salus totius Ecclesiæ in oppositas, & alioqui perpetuas partes miserandum in modum dissectæ.

Pisanum istud Concilium anno contigit millesimo quadringentesimo nono, nec tamen Ecclesiæ scissuram resarciuit propter peruicacem vtriusque ambitionem, & Gregorij duodecimi, & Benedicti, qui antea mutuo insensu, iam simul conspirabant ad tuendam singuli quam possidebant dignitatem, atque in communi causa colludebant. Nec aliud Synodus præstitit, quam ut duobus Pontificibus tertium adiungeret. Defuncto postmodum Alexandro quinto subrogatus est Ioannes vigesimus tertius, æmulos, & contententes aduersum se habens Gregorium, & Benedictum. Huius tamen in dies minuebatur apud suos autoritas:

ab hoc enim se iam subtraxerat Gallia^e Rex, vnde in Hispaniam, quæ patria illi erat secessit, vbi Arragonum Regis Ferdinandi fauore, & opibus sustentabatur. Sanctus enim Vincēntius Ferrerius cū causam Clementis eiusque successoris Benedicti iustiorē crederet, quam Urbani, & Gregorij, suaserat Ferdinando, vt Benedicti causam tueretur.

In tanto Ecclesiæ discrimine Sigismundi Bohemia^e, & Hungaria^e Regis, Romanorumque Imperatoris pietas cum prudentia coniuncta refulsit. Quippe vt pacem conciliaret Ecclesiæ, non solum frequentes Legatos, & litteras in omnes partes destinauit. Verum etiam Galliam, Angliam, Hispaniam, Italiam peragrarē non dubitauit. Quin etiam à Ioanne primum, deinde à Gregorio publicas obtinuit litteras nouum Concilium indicentes, cum propriæ demissionis promissione ad schismata extinguendum.

Egerat per litteras Sigismundus cum Ferdinando Rege, vt Nicææ (quæ ciuitas est prouinciæ Narbonensis) ambo conuenirent, simulque Benedictus ipse. Cū tamen se Ferdinandus ob affectam valetudinē ab hoc itinere excusaret, non dubitauit Imperator ad Arragonensem accedere, qui tum Perpiniā versabatur, quò etiam perurgente, & quando detrectaret defectionem comminante Ferdinando aduentauit Benedictus mortalium pertinacissimus, accepta securitatis suæ à Ferdinando, & Sigismundo schedula, & fide. Hic ab vtroque Principe impensissimè rogatus vt exemplum Collegarū sequutus, & studio tactus Ecclesiasticæ vnitatis, manus quoque porrigere vellet, seque iudicio Synodi Constantinensis à Ioanne Gregorioq; indictæ, & tū temporis congregatæ ex qua etiam pro huius negotij gestione cum ipsius Concilij mandato Sigismundus excesserat, & quò subindè regressurus erat, committeret.

Cæterum Benedictus sua idētidem iura recensendo, multisque verborum ambagibus amplificando, se præ-

præstitit inexorabilem, quamvis Ferdināds, qui vnus ei protector supererat defecturum se ab eominaretur. Vnde ille vim sibi illatum iri metuens, clam dilabitur ad Colliberis portum, in quo duas habebat expeditas triremes, & sine mora è portu soluens ad Peniscolam, velificauit Hispaniæ citerioris oppidum, quod maiore sui parte mari alluitur. Arcem ibi possidebat ille munitionibus, & propugnaculis militumque præsidio atque copioso commeatu instructam, qua inclusus vitam reliquam exegit cum Pontificijs insignibus. Ferdinandus eo derelicto adhæsit Constantiensi Concilio, quod dudum Ioannes, & Gregorius indixerant cum plena in seiplos potestate, quanta opus erat ad instaurandam Ecclesiæ vnitatem.

Id verò felicissimè Synodus præstitit abrogata tribus Pontificibus dignitate, nouoque creato Pontifice Odone Columna Cardinali tituli S. Georgij in Velabro, qui sibi Martini quinti nomen indidit. Forma verò in hac promotione ex decreto Sacri Concilij consentientibus Cardinalibus seruata hæc fuit, vt Cardinales non soli, sed adiunctis etiam sex Legatis singularum quinque nationum, quos in ipso Concilio singulæ sibi delegarunt, Itala, Gallica, Germanica, Anglica, & Hispanica, qui omnes pro hac sola vice ad resecandos omnes schismatum prætextus in conclaue ingressi sunt, & simul cum Romanæ Cardinalibus Ecclesiæ Pontificem memoratum crearunt. Cui electo vniuersi vnanimi consensu se submiserunt præter Benedictum, à quo nemo quidquam formidabat ab omnibus despecto, suæque arce veluti carcere concluso: vnde alterius molestioris carceris formidine pedem efferre ausus non esset. Synodus Constantiensis inchoata Christi anno millesimo tercententesimo decimoquarto, dirempta est millesimo tercentesimo decimo octauo anno.

Gregorius quidem duodecimus ante solutum Concilium interijt. Ioannes autem vigesimus tertius pri-

mis quidem sessionibus Synodo præfedit, at mutato postmodum animo clam se subduxit, & in oppidum quoddam Ducis Austriæ implorata eius ope se recepit. Quæ causa fuit Synodo in ipsum asperius agendi. Postulatus itaq; fuit grauium criminum reus, quorum fuit multis probationibus, & testimonijs seruato iuris ordine conuictus, eidemque de nouo lata sententia Patres Pontificatum abrogauere. Quam etiam sententiam proprio consensu Ioannes ipse approbauit, neque distulit Pontificio palam se abdicare, postquam Sigismundus eum ex fuga receptum ad Concilium reduxit.

Interea dum in custodia iussu Concilij, ne quid contra Ecclesiæ quietem moliri posset detinetur, Ioannes custodibus, vel elusis, vel corruptis dilabitur denuo, atque ad nouum Pontificem Martinum Florentiæ tunc degentem confugit, & se abiecit ad eius pedes, a quo perbenignè fuit exceptus, concessumque ipsi, vt libertate cum Cardinalis gradu alijsque honoribus, & Ecclesiasticis emolumentis potiretur.

Antipapa verò Benedictus septennium Concilio superuixit, atque in suis etiam latebris ad extremum spiritum se pro Summo Pontifice gessit. Hic ab electione sua totos triginta annos suam illam umbratilem dignitatem ingenti Ecclesiæ damno produxit. Verdurauit schisma usq; ad Constantiense Concilium annos quadraginta. Si verò annos recenseas Petri Lunensis quibus superstes Concilio fuit, & annos quos deinde transegit subrogatus ei successor, pertingit schisma ad quinquagesimum annum. Tres enim Benedicti Cardinales sicut hic moriens illos adiurauerat, successorem illi dederunt, qui se Clementis octauii nomine insigniuit. Alfonsus porro Arragonum Rex Martino V. infensus, quod esset in Ludouicum Andegauensem propensor, cum quo Alfonsus bello contendeat pro Neapolitano Regno, Clementem Antipapam ad novos Cardinales creandos impulit eiusq; patro.

patrocinium apertè suscipit. At Clemens tandem meliori consilio post aliquot annos se Martino spontè didit.

Alteram Constantiæ Synodo causam præbuit Hussitarum hæresis, quæ tota Bohemia increbuerat. Ioannes enim Hus Sacerdos Ioannis Vuicleffi Angli libros, & errores per Bohemiam disseminauit, nouis etiam adiunctis quos omnes sacra Synodus execrata est. Ioannes Hus flammis addictus est.

Par quoque sequenti anno supplicium tulit Hieronymus Pragensis earundem hæreseon acerrimus propugnator. Inter Hussitarum insigniores hæreses Constantiæ præscriptas hæ recensentur. Hostiam consecratam esse merè materiale panem, Christi verò Corpus non esse in Eucharistia concipiendum nisi figuratiuæ locutione. Confessionem ad aurem nihil esse quam hominum inuentum. Papam Romanum esse verum Antichristum. Neque Regem, neque Principem vllum, neque Episcopum, neque Magistratum, neque Sacerdotem esse nisi nomine tenus, dum est in mortali peccato. Posse, & debere quemcumque tyrannum à quo-cunque subdito interimi. Impium inuentum, & Evangelio contradicens esse communionem in solo pane, excluso calice. Ecclesiam non constare nisi ex solis prædestinatis.

Sessione 13. receptam dudum consuetudinem communicandi populum sub sola panis specie sic approbat Synodus Constantiensis, vt aliter fieri sub excommunicatione veter.

Quam prohibitionem innouauit Tridentinum Concilium sessione 21. capitul. 2. Concilium Oecumenicum Claromontanum cui præfedit Vrbanus Papa secundus; prohibuerat sanè communionem sub vna tantùm specie Sacramenti. Canon. 28. Hic itaque sententia verificatur Augustini libr. 2. de Baptis.

cap. 3. *Ipsa (inquit) plenaria Concilia sæpè priora à posterioribus emendantur, quum aliquo experimento rerum aperitur, quod clausum erat, & cognoscitur quod latebat.* Hoc tamen Augustini effatum non aliter intelligendum est quàm in rebus disciplinæ, vel facti, aut personarum, non verò in definitionibus circa fidem cùm hæ sint in Ecclesia immutabiles. Gelasius etiam Papa de consecrat. dist. 2. comperimus, statuerat *ut singuli sub utraque specie communicare tenerentur*, Cui decreto videntur occasionem præbuisse Manichæi, quos Romæ in Gelasio. Hi enim vinum execrabantur. Ideoq; S. Leo Papa ser. 4. in Quadrag. obseruari præcipit in Synaxibus Manichæos, quatenus indiscriminatim cum fidelibus in sacro pane communicabant, sed à viuifico semper Calice abstinabant. Liberum quippe fidelibus hætenus fuerat vel sub vna, vel sub utraque specie Eucharistiam sumere.

Seçt. 39. decernitur, ut deinceps celebrèntur ad minimum singulis decennijs Oecumenica Concilia. per Papam sub finem præcedentis Concilij indicenda. Sic verò decretum incipit, *Generalium Conciliorum celebra-*

*tio agri Domini præcipua cultura est, quæ repres-
tribulos, & spinas hæresum, & errorum, &
schismatum extirpat, excessus corrigit, de-
formata reformat, & vineam Domi-
ni ad frugem vberriamæ fertilitatis adducit: illorum verò ne-
glectus præmissa ma-
la disseminat at-
que fouet.*

CONCILIUM FLORENTINUM

inter Generalia decimum oſtauum.

Primus docuerat Neſtorius hæreſiarcha Spiritum ſanctum à ſolo Patre procedere . Huic concordat Theodoritus , dum patrociniũ ſuſcipit Neſtorij in ſuis ad Cyrilli anathematifmos cenſuris , tametſi diſceprationis caput non in hoc verſaretur , ſed in perſona Chriſti , & dignitate , ac nomine Deiparæ . Ideòque viſum non fuit Patribus Ephēſi congregatis , & Chalcedone , reliqua huc miſimè pertinentia , & obiter tantum dicta diſcutere . Deinde Photius poſtquam in ſedem Conſtantinopolis violenter irrupit , ideòque à Nicolao I. Pontifice reiectus de fidelium communione fuit , hanc de proceſſione Spiritus ſancti hæreſin inſtaurauit in ſuis encyclicis litteris blaſphemia-ium , & conuiciòrum plenis aduerſus Apoſtolicam ſedem . Hæreſis hæc morte Photij ſopita fuit , donec eam inſtaurauit Ioannes Hieroſolymitanus Monachus tempore Leonis Papæ III. & Caroli magni , quam etiam tunc primum damnauit Concilium Aquilgranenſe . Quo verò hæreſis hæc efficacius prodigaretur , uſum eſt ad pleniorẽ Concilij Conſtantinopolitani declarationem vocem Filioſque adijcere .

Quis enim negare poſſit eandem Eccleſiam , quæ nouum potuit procudere ſymbolum ad nouas propulſandas hæreſes , poſſe ſimiliter per vnus alteriuſue vocis adiectionem , hæreſin extinguere ſeſe nouiter effe-rentem ? Græci tamen ſchiſmate ab Eccleſia diuiſi aduerſus Romanam Eccleſiam ſibi prorsùs inuiſam anathema dicere auſi ſunt . Enim verò quod attinet ad ipſam de Spiritus proceſſione fidem , non uſquequa-que poſt exortum ſchiſma à Latinis diſſidebant .

Leo quippè sextus cognomine sapiens Orientis Imperator Basilij Macedonis filius, & Photio Pseudo-patriarchæ οὐ γρηγοριος, & coætaneus, epist. scripsit ad Omarum Saracenorum Regem de Christianæ fidei veritate, in qua sanctissimæ Trinitatis exponens fidem, Spiritum sanctum à Patre, Filioq; simul procedere profitetur: unde colligit Baronius ad ann. 911. hanc doctrinam tum temporis adhuc inualuisse penes Græcos tametsi Photius discessionis à Romana, & Apostolica sede vnde- quaque causas conquirens, illam ipsam Latinorum. fidem reprobaret, à qua posterioribus sæculis vniuersus tandem Oriens discessit. Quamquam in Lugdunensi Concilio sub Gregorio X. cui interfuere Græci, palam nobiscum professi essent Spiritum à Patre Filioque procedere, ac dimanare, quam etiam tenuit fidem tota reliqua vita sua Michael Palæologus Imperator: sed haud multò post ab ea rursus fide Græcia desciuit.

Tandemque Eugenius Papa IV. vt accepit Ioannem Palæologum Græcorum Imperatorem, & Iosephum Constantinopolis Patriarcham expetere Apostolicæ Ecclesiæ vnitatem, eos missis litteris, & legationibus ad rem perficiendam est cohortatus. Ea verò de causa generale Occidentalium, & Orientalium Concilium Ferrariæ indixit, qui ad Basileense Concilium conuenerant, quorum etiam conuentum suo ante diplomate abrogauerat. Horum pars obtemperauit, & Ferrariam concessit: reliqua pars Basileæ pertinaciter hæsit: quin etiam missis Legatis Palæologum, & Orientales ad suum conciliabulum inuitauit. Sed his potior Synodus fuit quæ Summi Pontificis approbatione fulciebatur. Ioannes Palæologus cum amplissimo Episcoporum Orientalium comitatu honorificè, & liberaliter ab Eugenio, sacraque Synodo exceptus est. Præter Patriarcham Regiæ vrbis Iosephum adfuerunt Ecclesiæ Alexandrinæ, & Antiochenæ, & Ierosolymitanæ legati.

Anno itaque supra millesimum quadringentesimo trigesimo septimo apertum est Ferrarię generale Concilium, atque ab initio præcipua dissentionum capitula inter Latinos, & Græcos ventilata sunt de processione diuini Spiritus, de additione verbi ad Symbolum, de sacrificio in azymo, aut fermentato, de purgatorio, de presenti Sanctorum in Cælo felicitate, de primatu Romani Episcopi. Quibus de rebus sigillatim ita in Concilio disputatum est, ut senis ex Latinis, & totidem ex Græcis delectis in medio consistentibus vnus quidem proponeret, alius ex altera parte responderet. Aderat utrobique interpres, qui quæcumque siue Græcè, siue Latinè dicebantur alterius linguæ parti explicaret. Aderant hinc inde Græci, Latinique Notarij quæcumque hinc inde dicebantur singuli proprio sermone scriptis excipientes. Annum integrum hæc disceptationes Ferrariæ Concilium distinuerunt.

Cum verò Ferrariam pestilens lues infedisset, Florentiam demum Synodus translata est, ubi quatuor etiam continuis mensibus disputatum est. Antiqui Patrum Sanctorum, & Conciliorum codices Græci, Latinique producti exploratique fuerunt, scriptæque disputationes identidem relektæ.

His peractis Græci in Latinorum consensum accesserunt, & omnium ingenti lætitia, & gratulatione græca Ecclesia Latinæ se adiunxit. Iosephus Constantinopolitanus Patriarcha paulò ante Concilij finem obdormiuit in Domino, cum viuens in schedula scripsisset se Romani præsulis primatum, Romanæque fidem Ecclesię agnoscere profiteri, & completi. Omnium denique Latinorum, atque Græcorum (præterquam Marci Ephesini Metropolitæ) consensu, nonis Iulij anno æræ Christi millesimo quadringentesimo trigesimo nono, communi decreto Græcè, Latinèque edito definitum, & proclamatum fuit, Spiritum sanctum à Patre Filioque, ut ab vno principio æter-

liter procedere vnica vtriusque spiratione . Atque vt hæc fides cunctis ad salutem proponeretur, fuisse conuenienter symbolo additam Filij vocem . Et siue in azymo, siue in fermentato pane triticeo Christi corpus ritè confici posse .

Aliquem esse purgatorij locum, in quo fidelium in Christi gratia decedentium animæ, quæ necdum dignis pœnitentiæ operibus pro culpis de integro, & ex quo satisfecerunt, cruciatibus ad tempus expurgantur, easdemque viuentium fidelium suffragijs adiuuari. Eorum autem animas qui nullam à suo baptismo culpam contraxerunt, vel contractas maculas condigna pœnitentia eluerunt, in cœlum mox à morte recipi, & sine mora claro Dei conspectu perfrui . Postremò Romanum Pontificem verè primarium, & vniuersalem Iesu Christi Domini Vicarium, & Apostoli Petri successorem, totiusque Ecclesiæ caput esse .

His omnibus peractis, diremptoq; Concilio, Legati Armenorum Florentiam ingressi fidem, & subiectionē Romanæ Ecclesiæ professi sunt . Quibus litteras dedit Eugenius, per quas Armeni circa Sacramenta Ecclesiæ plenius instruerentur . Verùm tamen post Patrum in Græciam reditum, illa natio tum ingenita sibi præsumptione, tum diuturnæ dissensionis consuetudine, tum veteri Latini nominis odio stimulatâ, accedentibus ad hæc Marci Ephesini quærimonijs, & suasionibus, in pristino maluit schismate persistere, tametsi Imperator, & quicumque vnâ cum eo Romanam fidem Florentiæ professi erant, in sancto proposito constanter perseuerarunt. At gentis perfidiam post paucos annos vltus est Deus armis, & inuasiōe Mahumetis II. Turcarum tyranni, qui mox ab obitu Ioannis Palæologi regnante huius fratre Constantino Palæologo Constantinopolim expugnauit, ceterosq; omnes dira seruitute oppressit ipso Spiritus sancti sexto anno supra millesimum quadringentesimum quinquagesimo tertio,

tio, vt ante triennium ipsis prænuñciauerat Nicolaus Papa V. Eugenij successor, adducta illa Euangelica parabola de ficu sterili triennio exculta, & iussu tandem Domini ob sterilitatem excisa. Fidelis verò Ioannes quasi alter Iosias subtractus est ex hac vita, priusquam Gentiles urbem, & Templum Dei occuparent.

Ex Græcis, qui popularium suorum reductioni strenuam nauarunt operam eximie laudis meritum reportarunt Iosephus Patriarcha, tum Bessarion Nicenus Episcopus, tum Isidorus Archiepiscopus Thessalonicensis, qui deinde præclaris editis in lucem voluminibus libros Marci Ephesini, quibus hanc Synodum proscindebat refellit. Quos eisdem Marci libros alij pariter Orthodoxi Græci, contrarijs libris oppugnarunt Iosephus Methonensis Episcopus, & Gregorius Hieromonachus magnus proto syncellus, & postmodum Iosepho Patriarchæ Regiæ urbis defuncto successus.

A quo primùm facta fuerit illa in Symbolo tantoperè agitata additio incompertum est. Ad eò certè antiqua est, vt illam Photius Pseudo-Patriarcha Latinæ Ecclesiæ vitio vertat, indeque capet criminandi occasionem in sua Encyclica epistola alijsque scriptis. Leguntur fidei professiones in Toletanis Concilijs, in tertio quidem sub Pelagio II. Pontifice, & Recaredo I. Catholico Visigottorum Rege, anno Domini quingentesimo octogesimo nono: dein-

de in quarto Toletano, cui Sanctus præ-

sedit Isidorus Hispalensis Episcopus: Postmodum in

sexto, in quibus

omnibus

expressa fidei professione asse-

ritur à Patre Filioque Spi-

ritum sanctum pro-

cedere.

CONC. BASILEENSE.

INchoatum Basileense Concilium fuit paulò antè Florentinum, deinde vnà cum Florentino, sed oppositis studijs continuatum. Cēptum quidem fuit Basileæ anno millesimo quadringentesimo trigesimo primo, ac postmodum Lausanam translatum extitit, ut potè à Martino Papa V. indictum. Ex quo tamen fuit ab Eugenio reuocatum, euasit deinceps illegitimum. Perstiterè nihilominus Basileenses Patres ad annum vsque millesimum quadringentesimum quadragesimum nonum, quo eodem crearunt Antipapam Amadæum Sabaudia Ducem sub nomine Felicis V.

Quamuis autem sanctionem pragmaticam à Synodo Basileensi editam Rex Francorum Carolus VII. in suo regno seruari iusserit, eo nomine quòd multos refecaret inuectos per ambitionem, & auaritiā abusus, atque disciplinam Ecclesiasticam ad pristinam sanctitatem puritatemque, ac velut ad auream Ecclesię primitiue etatem reuocaret, in reliquis tamen omnibus nolit Rex Carolus Basileensia comitā probare, aut eorum decretis obsequi: Quinimò ad illa dissipanda Ludouicum primogenitum suum cum valida manu transf. misit ad Basileensium fines, qui cruento admodum cō. flitu exercitum Heluetiorum fudit. Cūmq; Amadæus suos destinasset ad Francię Regem, atq; ad alios Principes Legatos, hi omnes vt fidem facit Pius Papa in Europe descriptione c. 42. incassum abierunt. Fridericus quidem III. Imp. Basileę aliquamdiu resedit Conciliabuli fautor, sed meliori demum cōsilio inito, se inde clām, & intempesta nocte subduxit, ne videretur idolum adorasse, atq; pseudo Papæ autoritatē approbasse. Hæc verò solummodo fuit à subiectis Sabaud Ducibus populis, & ab Heluetijs, finitimisq; Germanië ciuitatibus liberis (vt scribit Pius) recepta, & approbata.

Caro-

Carolus demum Franciæ Rex se pacis honorarium arbitrium interposuit, atque Amadæum Nicolao Papa Quinto reconciliauit Eugenij successori, qui eidem & Cardinalis, & per omnem ipsius temporalem ditionem Legati Apostolici contulit dignitatem. Idemque aliqua circa rem beneficiariam decreta Basileensium confirmauit. Huiusce verò Basileæ conuentus reprobatio legitur in Lateranensi Concilio sub Leone X. sess. 11.

Vt verò innotescat, quanti referat vtrum quis ex bona an ex mala fide operetur, Ludouicus Alemannus Cardinalis, & Arelatensis Archiepiscopus, qui grauium illius temporis Theologorum, & Canonistarum iudicio fretus altissimam cōceperat existimationem pro Concilij supra Pontificem autoritate, quique aliunde zelo exardebat instaurandæ Ecclesiasticæ disciplinæ, quam firma persuasione credebat à Romana curia dudum labefactatam, & corruptam. Connitebatur præterea Concilij Oecumenici Constantiensis declaratione in sess. 4. qua definitur, Concilium generale legitimè congregatum ea pollere autoritate, quæ Papam ipsum altringat, & cogere possit ad obediendum: nec posse vllatenus à Summo Pontifice infringi, vel transferri, vel dirimi: inflexibili animo mandatis Eugenij obstitit, & pro Basileensi cōuentu firmissimè stetit. Innitebatur insuper Ludouicus Alemannus ipsimet approbationi Martini Papæ V. qua Concilium illud confirmauit quoad omnia eius decreta conciliariter (vt ipse loquitur) facta. Id verò Constantiense decretum renouarunt Basileenses sessionibus primis: Quæ causa Eugenio IV. fuit reuocandi Concilium: quod tamen cum non obtemperaret, imò, & de nouo creando Papa deliberaret, tum Eugenius vnitati Ecclesiæ consulens, suam illam reuocationem abrogauit, & Legatos iterum ad Concilium misit, Tum Basileenses Patres idem decretum iterarunt sess.

sefs. 18. Quàm ob causam Legati Eugenij II. discessere & Eugenius IX. Synodum Ferrariæ indixit . At Basileenses sefs. 33. eandem propositionem instaurantes declararunt esse diuinæ fidei . Quod postea damnavit sub Leone Synodus Lateranensis sefs. 11. Atque his adductus argumentis Ludouicus non solum minimè obtemperavit Eugenio reuocanti, verùm etiam perstitit Basileæ, præsedit Conciliabulo, & Antipapam obtrusit in Ecclesiam, quique idcirco (nisi bona fides, rectaque intentio eius grauium, & piorum doctorum iudicijs confirmata obstitisset) iudicari posse videbatur impius schismaticus, & anathemate innodatus, quod in ipsum eiusque affectas fulminauerat Eugenius: quia tamen hac in re nullo sibi adblandiebatur humano affectu, nec nisi bona intentione cum prudentum eius temporis Consilio coniuncta ducebatur, dirempta demum Pseudo Synodo, ita paulò post obiit, vt fuerit post obitum miraculorum gloria, illustris, sitque etiam nunc eius tumulus in summa apud Arelatenses veneratione. Mihi videtur vir iste conformitatem cum Paschasio habere Ecclesiæ Romane Diacono, qui cum Laurentij schisma sincera (vt credi par est) fide fouisset, miraculis post mortem claruit, etiamsi errorem suum haud impune in purgatorio tulerit, vt Sanctus Papa Gregorius in Dialogis refert. Pius Papa Secundus qui plerisque annos in Basileensi cœtu confederat, ipsumque acriter aduersus Eugenium damnantem propugnauerat, & postmodum mutata sententia summo studio impugnauerat, sic loquitur in libro à se dum summus esset Pōtifex composito, scilicet in descriptione Europæ cap. 42. *in Arelate ad sepulchrum Ludouici Cardinalis sancta Cacilia eius vrbis Episcopis, quem Basilea in cōfessu patrum præsentem vidimus, magna miraculorum opinio orta est, & inualidorum frequens vndique concursus spe sanatis factus* . Hac eadem bonæ fidei ratione non excidit pristina sanctitate Cyprianus, qui Africana Con-

cilia

cilia quibus hæreticorum baptismus erroneè iudicabatur inualidus, aduersus iustum Stephani Papæ decretum paulò antè martyrium suum propugnauit, atque obfistentem Stephanum paulò acriùs conscripta epistola perstrinxit . Simili ratione citra iam acquisitæ sanctitatis detrimentum Vincentus Ferrerius, vir si quis alius Apostolici spiritus, Petrus Luthemburgus sub schismatico Papa Cardinalis bona fide ambo ducti & rationibus quas solidissimas credebant persuasi, nulloque sæculi affectu abrepti, partes Petri de Luna sectabantur, quas tamen diua Catharina Senensis, atq; alij Sancti, vt schismaticas execrabantur . Igitur etiam si nullum apparuerit in Ludouico Alemanno publicæ retractationis aut pœnitentiæ vestigium, post tam diuturnum, & Publicum quod ipse excitarat, & fouerat schisma, nil tamen istud obstitit quo minus Clemens Papa VII. vitæ alioqui sanctitate, & miraculorum gloria illustres Cardinales Ludouicum istum, & Petrum Luthemburgum in beatorum album retulerit, vt scribere in suis Eccles. historijs Henricus Spondanus ad ann. 1438. & Odoricus Rainaldus ad 1430. & Ciaccionius, qui refert ad longum ipsum Clementis diploma de vitæ vtriusq; sanctitate, & cultu ambobus deferendo.

Appendix ad Concilium Basileense de Annatis .

PRælatorum quidem annatas, quas Papa exigere consuevit, abolere omnino cõhatum est Basileense Concilium . Eam tamen consuetudinem, si tamen annatarum pecuniæ collectæ non in vanos, aut sæculares vsus, sed in Ecclesiarum aut miserabilium personarum vtilitatem expendantur, nihil habere iniusti multis rationibus comprobatur .

1. Quia diuino iuri conformes sunt annatæ . Et enim num. 18. singulis annis decimam decimarum, & pri-

primitiarum à Leuitis, & Sacerdotibus persolui præcipitur summo Sacerdoti.

2. Cunctis animarum curam gerentibus decimæ debentur diuino, & naturali iure c. 1. causæ, 16. q. 7. & c. 1. de decimis, vbi præclarum Hieronymi testimonium profertur, & c. cum secundum de præb. *Et aui altari seruit, de altari viuere debet*, 1. Cor. 9.

4. Ex Later. Concilio sub Innocentio III. debetur Episcopo à subditis Ecclesijs charitatum subsidium, & insuper intra Cathedratici, & Synodatici, quartaque decimarum pars. c. conquerente de offic. iud. ord. Absurdum ergo foret, si Papa vniuersi gregis Dominici pastor solus ab huiusmodi iuribus excluderetur. *Quis pascit gregem & de lacte eius non manducat?* 1. Cor. 9. Præcipue cum solus Papa decimas annuas nullas percipiat.

4. Ecclesia vnum constituitur mysticus corpus, Roman. 12. *Multi vnum corpus sumus in Christo singuli autem alter alterius membra*. Sicut autem capitis officium est singulorum membrorum incolumitati providere, spiritusque elaborare. & transmittere, quorum præsidio membra proprios sensus, & motus exercent: sic etiam conuenit, vt subiecta membra caput vicissim alant, & protegant.

5. Papa sponsus est Ecclesiæ, atque fidelium pater. Atqui suis in necessitatibus pater compellere filios potest, vt alimenta sibi subministrent, eosque etiam ad sui sustentationem vendere, l. qui filios. c. quæ res pign. obl. pos. l. 1. & 2. C. de patribus qui fil. distraxe. Et filiæ matrem inopem alere tenentur, l. filię, c. de adoptionibus. Ad maritum quoque pro oneribus matrimonij fructus dotus pertinent. c. per vestras, in fin. de donat. inter virum, & uxorem.

6. In recognitionem supremi dominij persoluenda sunt Principibus tributa: itaut subditi contra ius istud nulla se tueri præscriptio possint, l. competit C. de præscript. 30. ann. Imò ius diuinum id sanxit Matth. 23. Li-

cet

cet censum dare Cæsari, an non? Reddite quæ sunt Cæsaris, Cæsari. Et Rom. 13. Reddite cui tributum tributum, cui vectigal vectigal. Papa verò est vniuersæ Ecclesiæ Dominus, & Princeps.

7. Cuilibet Iudici debetur ex publico stipendium, ac salarium, authent. vt diff. iud. §. fin. Quæ res in ratione communi fundatur vt qui multitudinis curam gerit, talibus muniendus sit præsidij, quibus onus regiminis valeat sustinere.

8. Si potest Papa conferendo alicui præbendam imponere pensionem annuam in fauorem pauperis alicuius Ecclesiæ, vel Clerici, cur non (quod multò minus est) annatam ad subueniendum suis, & Ecclesiæ toto orbe diffusæ indigentij? Romanam enim Ecclesiam ipsa necessitas excusat, cum non possit de suo cunctis sibi subditis Ecclesijs providere. Præter enim ordinarias expensas, quotidie ferè prouidendum est extraordinarijs, tum ad fidem innumeris locis propagandam, tum ad sustinendas bellorum contra infideles aut hereticos armatos expensam, tum ad alias innumeras pietatis causas.

9. Valet titulus præscriptionis immemorabilis, & consuetudinis, cuius initij memoria non extet: quo fit vt res olim voluntaria euadat necessaria, cap. ad Apostolicam de Simon. At ius istud annatarum consuetudine plurium sæculorum inualuit, nec certum aut compertum est earum initium. Quamuis enim non legatur aperta illarum in iure mentio ante c. cum nonnullæ, in extrau. com. tit. de præben. illa tamen Ioannis Papæ vigesimi secundi constitutio nihil docet fuisse tum primum institutas annatas. Deinde Bonifacius nonus annatas beneficiorum consistorialium, hoc est Episcopatum, & Abbatiarum, quæ olim continebant integrum annui prouentus valorem, tribus annis per tertias partes soluendum, reduxit ad mediam vnius anni fructuum partem, sed quæ integrè persoluatur ad litterarum collationis, seu prouisionis

biti pro recognitione supremi, quod habet in omnem Ecclesiam domini. Atque ita collatio beneficij non habet hic rationem causæ, sed tantum circumstantiæ.

CONCIL. LATERANENSE V. Sub Leone X. & inter generalia decimum nonum.

Indictum istud à Papa Iulio II. fuit, & auspicatum anno supra millesimum quingentesimo duodecimo, ut schismati occurreret quo Pisanum Concilium inuexerat, prouideretque orbis Christiani statui tum temporis turbulentissimo propter bellorum incendia, Sed mox ab inchoato Concilio moritur, & ad Dei iudicium euocatur Iulius. Qui verò in eius locum successus est Leo Decimus Concilium prosequitur, in quo etiam initam cum Francisco Francorum Rege conventionem in locum eiuratz ab eodem pragmatice sanctionis subrogatam approbavit sub nomine Concordati, quo cetera electionum iura circa Episcopatus, & Abbantias antiquantur, & abrogantur, & Francicis Regibus ad ista quæ vocantur consistorialia beneficia nominatio indulgetur, cum alijs iuribus quæ Regalia nuncupantur: & vicissim annatarum iure fisco Apostolico restituantur.

Hoc verò minimè reticendum est, Ludouicum nomine duodecimum Francorum Reges, misisse ad istam Lateranensem Synodum, cui tum Leo Pontifex præsedebat, tres Legatos Fridericum à Sancto-Seuerino Cardinalem tituli sancti Angeli, Claudium Seissel electum Massiliæ Episcopum, & Ludouicum Forbin Dynastam Solerij, qui Regis nomine Pisano conuentui aduersus Iulium collecto abrenunciarunt. Leonis vero,

rò,& Later. Concil. fidem, & obsequium polliciti sunt, vt refertur in huius Concilij sess. 8. deinde Franciscus Rex Ludouici gener,& Regni successor similem eidem Concilio, necdum soluto, præstitit obseruantiam.

Sess. 5. omnium assensione Patrum probata receptaque fuit Iulij Papæ constitut. declarans Rom. Pontificis electionem quęcumq; per Simoniam fiet nullam prorsus,& inuálidam fore, nullumque ius vel authoritatem electo collaturam. Cardinales verò sic eligentes Canonice depositionis,& irregularitatis penas eo ipso facto incurrere. Ceterum quamuis bonę intentionis laudem meretur ista sanctio, si casus tamen cui prouisum voluit accideret, perniciosissimo schismati viam aperiret. Si enim electus Papa,& Cardinales electores Simonie rei essent, quisnam exurgeret contra illos actor? & quisnam federet iudex? Et si pars Cardinalium rea quidem esset, ceteri verò Cardinales litem contra priores intentarent, nouumque inter se Pontificem eligerent, quis posset natam exindè discordiam consopire, præsertim si pars Simonie rea vellet peruinaciter hanc inficiandā a se infamiam amoliri? Periculosa itaque plenum opus alex susciperetur. Eo sanè casu satius videretur qualemcumque promotum, & semel admissum tolerare pari prudentia,& cautione, qua olim Ecclesia Felicem, & Vigiliū tolerauit, qui nefarijs artibus sacram Petri aliquando Cathedram inuascent, ne hac occasione schisma prorumperet; Eo namque fine grauissimam perniciem anteuertendi multa facta tenent iuxta iuris prudentię regulam, quę fieri prohibentur.

Sess. 8. cepit aliquando subnasci diffidium inter Concilium, & supremum Aquensem Senatū, cui tum præfidebat Geruasius Bellomontius, sacri namque Concilij procurator Marius Senatū vsurpatę Ecclesiasticę Iurisdictionis inculcauit apud Lateranenses Patres, sed prudentia, & Religione Senatus similtas omnis, & dissensio extincta est.

Sess.

Sess. 9. multa decernuntur circa ordinem, & disciplinam. In his sanctæ Romanæ Ecclesiæ Cardinales (quos declarat Synodus cæteris omnibus Ecclesiæ dignitatibus, post Summum Pontificem antecellere) famulatio mensa, ac supellestili non fastum, ac pompam, sed modestiam, & frugalitatem studeant exhibere. Deinde ita subiungitur. Domus Cardinalis patens hospitium portusque, ac refugium proborum maximè & doctorum virorum, & pauperum nobilium, honestarumque personarum esse debet. Similiter ordinauit olim Carth. Concilium quartum Can. 15. Vt Episcopi supellestili paupere, mensaque & victis vili, & frugali utantur. Et postremò Trid. Concilium plenius hæc præscribit sess. 25. c. 1. in decreto de refor.

Prouidetur hac eadem sess. 9. vt quæ circa supellestilis, & mensæ famulitijque modestiam præscripsit Cardinalibus, locum etiam habeant in edibus famulatioq; Summi Pontificis. Quæ omnia (inquit) & singulæ in nostris, & cuiuscumque Romani Pontificis pro tempore existentis familiaribus, ac etiam curialibus locum habere volumus; Hoc vno tantum excepto, quod dicti nostri, & Romanorum Pontificum familiares, rubri coloris vestimenta gestare possint, pro decentia, & consuetudine dignitatis Pontificalis.

Hic aliquis demiretur à Leone Papa, & Concilio legem futuris Summis Pontificibus imponi, cum tamen par in parem non habeat imperium. Verum tamen duplex est distinguenda potestas; coactiua, scilicet, & directiua. Harum prima connotat imperium, & ex parte decernentis requirit iurisdictionem, atque authoritatem: secunda verò circa bonos mores, & congruentem disciplinæ ordinem, habet locum etiam inter pares: imò & congruit nonnumquam inferiori erga superiorem prudens admonitio, & fraterna discretaque correctio. Itaque potestate directiua potest vti erga Summos Pontifices legitima Synodus, & Pontifex præsens erga successores, non verò potestate coactiua, qualem aliquando

voluit indebitè sibi assumere Concilium Basileense.

Præter istud Lateranense decretum circa Summi Pontificis officium alia similia proferri possunt, & antiquiora, & recentiora. Nam tertia Romana sub Symmacho Pontifice Synodus sic decernit: non liceat Papæ prædium Ecclesiæ alienare aliquo modo pro aliqua necessitate, nec in vsum fructum prædia dare, nisi tantummodo domos, quæ in quibuslibet vrbibus non modica impensa insistentur. Liceat etiam quibuslibet Ecclesiasticis personis contradicere, & cum fructibus alienata reposcere. Quod non modò in Apostolica seruandum est Ecclesia, verum etiam vniuersis Ecclesijs per Prouincias. Idque habetur in cap. non liceat Papæ 12. quæst. 2. Sanctus etiam Gregorius Papa in alio Romano concilio quod ipse commemorat lib. 4. epist. 88. Statuit ne imposterum Romani Episcopi pueros seculares ad ministeria cubiculi, sed solum Clericos electos, aut Monachos admittant. Item generale Concilium Lateranense sub Innocentio Papa III Canon. 37. sanxit per litteras Apostolicas non posse quemquam trahi vltra duas diætæ extra suam Diocesium ad aliquod iudicium: Habetur cap. nonnulli, de rescriptis. Id confirmatur per Honorinum tertium cap. olim. de except. Quin etiam Bonifacius Papa Octauus eiusmodi litteras Apostolicas restringi deinceps edixit ad vnicam diætæ extra fines Diocesis cap. statutum. cum verò. de rescript. in 6. Et Tridentina Synodus sessione decimaquarta, capit. 19. vsum abolet mandatorum Apostolicorum de prouidendo, & expectatiuarum à suprema sede manantium. Sessione quoque 25. cap. 9. §. insuper, prohibet fieri autoritate Apostolica vniones beneficiorum liberorum ad beneficia iurispatronatus: Vetatque huiusmodi concessionum executiones, si post hac ab Apostolica sede indulgeantur etiam cum expressa clausula huius constitutionis derogatoria. Et ibid. c. 11. reprobatur fieri; prohibet etiam

Apo-

Apostolicæ authoritate sedis alia tria concessionum, ibi expressarum genera. Licet enim princeps sit solutus legibus ciuilibus, debet tamen secundum leges viuere. l. princeps ff. de legib. Et sapienter præfatus S. Gregorius Papa lib. 5. epist. 112. Iustitiæ (inquit) & rationis ordo suadet, ut qui à suis successoribus desiderat mandata seruari, decessoris sui procul dubio voluntatem, & statuta custodiat. Idemque lib. 13. epist. 31. *Si ea destruerem, quæ antecessores nostri statuerunt, non constructor sed euerfor esse iustè comprobaretur.* Summa vero horum ratio ducitur ex primario Summi Pontificis officio, quod versatur circa exactum Ecclesiæ sibi commissæ regimen, perfectionem, & disciplinam, cuius rationem apud cælestem iudicem reddet exactissimam. Atque utinam, & Pontificum, & quorumcumque principum auribus hæc salubria monita potius ingerantur, quam assentationes quibus inducuntur ad commissæ sibi diuinitus authoritatis abusum, & ad propriarum animarum æternum exitium.

Eadem Later. sess. 9. ut maior vigeat in sacro Senatu votorum libertas, prohibentur quæuis votorum consistorij reuelationes, necnon quorumcumque ibi dictorum, aut factorum, quæ in odium cuiusquam aut præiudiciū, aut scandalum verti possint. Et infligitur latæ sententiæ excommunicatio à qua solus Papa soluere possit, illis, qui secretum consistorij à Papa iniunctum violauerint.

Statuitur præterea eadem sess. 9. *Ut quilibet habens beneficium cum cura, vel sine cura, si intra sex ab obtento beneficio Menses diuinum officium cessante omni legitimo impedimento non dixerit, beneficij fructus non faciat suos pro rata omissionis, & temporis, sed illos tamquam iniustè acceptos, vel in fabricas beneficij, vel in pauperum eleemosynas erogare teneatur.* Si verò in ea officij omissione post legitimam admonitionem perseuerauerit, ipso priuetur beneficio, cum detur beneficium propter officium. Cui sancticni Lateranensis altera adiungenda est Pij Papæ V. statuens in primis

eum qui tempore priorum sex mensium officium non recitauerit ab incepta beneficij possessione, tametsi oneri restituendi non sit obnoxius, lethalis tamen culpe reum factum quoties officium prætermisit. Qui vero deinceps aliquo die vnam aliquam, aut omnes officij horas omiserit, si omnes quidem horas, teneri omnes beneficij fructus huic diei respondentes restituere, partitis videlicet omnibus anni fructibus in totidem æquales partes, quot sunt in anno dies. Qui matutinū solum omiserit, teneri ad dimidium fructuum eius diei restituendum; qui reliquas omnes partes ad alterum dimidium. Qui harum horarum vnam, teneri sextam fructuum partem restituere. Addit insuper quod si beneficiarius choro additus interfuerit choro, nec tamen recitauerit, quamuis statuta loci, vel fundatio, vel consuetudo id indulgeret, solamque requireret corporis præsentiam, declarat nihilominus eum qui præsens in choro non recitauerit, & mortalis delicti reum, & obligationi astrictum fructus, atque distributionis restituendi. Decernit postremò quemcumque pensiones aut alia Ecclesiastica emolumenta titulo Clerici percipientem obligari similiter ad recitandum B.M.V. officium, & si non recitet, obnoxium esse pensionis, ac eiusmodi fructuum restitutioni.

Sess. 10. declaratur montes pietatis iustitutos, ut possit miserorum egestati per pecuniam illis mutuata subueniri, hac tamen lege, ut mutuum sumentes astringantur præter mutuata sortem aliud quid exolvere, pro eiusmodi foundationum conseruatione, ac necessarijs ad hoc impensis, esse licitos, nec vllatenus vsurarios, quatenus qui sentit commodum, debet sentire, & onus necessarium illi commodo annexum, dum nullū intendatur ex tali mutuo lucrum. Decernit autem excommunicationis latæ sententiæ poenam in eos, qui aduersus hanc declarationem prædicare, aut verbis scriptisue refragari ausi fuerint. Addit tamen satius fo-

re, si census aliqui assignentur ad hoc, ut ministrorum huiusmodi montium satisfiat impensis, & sic fiat ut pauperes ab his impensis vel in totum, vel in partem releuentur.

Sess. 11. notantur, & prohibentur multi defectus in quos diuersi concionatores officij sui immemores prolabuntur, & cum ipsis incumbat populum edificare, virtutes inferere, vitia euellere, Deumque & non seipsum predicare, & Christi gloriam promouere, predicant tamen imprimis ad propriam ostentationem. 2. errores contra Sacram Doctrinam ferunt. 3. Scripturas deprauant, & detorquent ad vanas interpretationes à sanctis Patribus, & probata Ecclesiæ intelligentias alienas, aut etiam ipsdem prorsus contrarias. 3. mala propediem euentura, vel comminiscuntur, vel ab alijs accepta populo prenunciant ad vanos terrores excitandos, qui mox vertuntur in scandalum, & derisum verbi, que Dei contemptum. 4. conficta miracula enunciant. 5. in sacros Pontifices, & Ecclesiarum prælatos audaciter, & temere inuehuntur. Hæc igitur omnia districtè prohibet, & eos qui contraueniunt, aut qui non obtenta prælatorum licentia, se ingerunt ad concionandum excommunicationis sententia percellit, à qua solui non nisi à summo Pontifice extra mortis articulum poterunt, S. Greg. Nazianz. aliam concionatoribus præfigit legem, ut in personas inuicibilis peræque, atque adulationibus abstineant. Sic verò sancit orat. 32. νόμον τίθημι πᾶσι τῶν ψυχῶν οἰκονόμοις καὶ τῷ λόγῳ ταμίαις μήτε τῶ σκληρῷ ἀρχιερεῖ, μήτε τῶ ὑπεραλμύνῳ κατεπαίρειν, ἀλλ' εὐλόγως εἶναι περὶ τὸν λόγον, μὴδ' ἐτέρῳ τὸ μέτρον ὑπερβαίνοντας. Legem statuo cunctis animarum rectoribus, & verbi diuini concionatoribus, ut nec per duritiam homines exasperent, neque per demissionem elatos, ac insolentes efficiant, sed prudenter, & consultè verbum dispensent, nec in alterutro istorum à mediocritate deuiant.

Eademque sessio. 11. approbantur concordata cum

Francorum Rege : vt possit ad regni dignitates confistoriales nominare prouidendos . Atque vt graduati Clerici reliquis omnibus in collationibus præbendarum præferantur, quæ certis ac designatis mensibus vacauerint in eodem regno. Ipsa verò pragmatica sanctio prorsus abrogatur, cuius loco sufficitur concordatum . Damnantur etiam Basileensia decreta Romani Pontificis potestati aduersantia .

Denique sess. 12. decernitur expeditio contra Turcas, pro qua decimæ ad triennium imponuntur fructibus Ecclesiarum, Monasteriorum, & beneficiorum toto orbe consistentium . Sed hanc expeditionem, qui subindè prodierunt Lutherani, non fuerunt prosperum exitum nancisci .

Postremò cum gratiarum actionibus Concilium dirimitur .

CONCILIVM TRIDENTINVM inter generalia Vigésimum .

Conuocandi huiusce saluberrimi Concilij causas fusè prosequitur in Bulla indictionis ipsius Paulus Tertius Pontifex . Inchoatum verò sub eodem Papa fuit anno 1545. Sed deinde bellorum inter Christianos Principes occasione identidem interruptum, & demum sub Pio IV. finem accepit anno 1563. Decurrerant itaque ab ipsius exordio, donec finitum est, anni duodeviginti . Huius indicendæ Synodi præcipuæ causæ fuerunt ingruentes, tum Luteranorum, tum Sacramentariorum hæreses, & morum in Clero prauitas, disciplineque sacræ omnimoda relaxatio . Quibus extimalibus malis, vt remedium efficax adhiberetur, sacra Synodus quanta desiderari poterat cura, & sollicitudine prouidit multiplicibus, & sapientissimis decretis, adeò

adeò, vt plusquam reliqua omnia, quæ preceſſerunt Concilia dici meritò poſſit Tridentinum copioſiſſima penus, promptuarium vberriſimum, & ditiffimus theſaurus totius Eccleſiæ tùm ad fidei circa omnes ferè articulos elucidationem, tùm ad morum culturam, tùm ad ſacræ diſciplinæ plenam inſtaurationem.

Seſſ. 4. recenſentur ſinguli ſacræ Scripturæ libri. De Canone ſcripturarum ſuperius requirenda ſunt, quæ vbertim pertractaui ad Laodicænum Can. 59. deinde authoritatem aſſerunt Trid. patres iſdem ſacris libris cum ſuis omnibus partibus, prout in veteri vulgata editione habentur, & in Eccleſia Catholica legi conſueuerunt. Quoniam verò ſenſu verba iſta (cum ſuis omnis) ſunt intelligenda, ne longiore tractatione his immorando Trident. Can. proſequutionem interrompam, vberriſſimam quam olim contexui diſputationem poſt finem Conc. remitto, cui hac de re diatribam ſubnectam.

Seſſ. 5. cap. primo, de reſor. prouidetur, vt Epiſcopi aliq; locorum ordinarij ſacram Scripturam per ſeipſos in ſuis Eccleſijs interpretentur ac exponant ſi fuerint idonei, ſin minùs per idoneum ſubſtitutum eum debitis ſtipendijs prouiſum, ac præbendatum In Eccleſijs verò tenues prouëtus habentibus prouideatur ſaltem ex Conc. Epiſcopi, & Capituli magiſter, qui Clericos, & pauperes ſcholares gratis grammaticâ doceat. In Monaſterijs quoq; vbi commodè fieri queat, lectio ſacræ Scripturæ habeatur: qua in re ſi Abbates negligentes fuerunt, illos opportunis remedijs compellant Epiſcopi tamquam Sedis Apoſtolicę delegati. Iſtud idè circa præceptorias præbendas conſtituerat Concil. Lateranum ſub Alexandro III. Can. 18. de Theologo autem qui ſacras litteras exponat alterum Lateranum Conc. ſub Innoc. III. Can. 11. Huc ſpectant Gallicana edicta Caroli Noni in comitijs Aurelianenſibus c. 1. art. 8 & 9. & Henrici III. in Comitijs Bleſenſibus art. 33.

Eadem sessione quinta, capite secundo; definitur verbi Dei prædicationem esse præcipuum Episcoporum munus. Sanctus Gregorius Nazianzenus Sermon. primo, hoc idem confirmat dicens, *αὐτὸ τὸ λόγος διανομεῖν λέγω τὸ πρῶτον τῶν ἡμετέρων*: ipsam verbi distributionem dico nostrum omnium primum officium. Idemque capite secundo, sicprosequitur: *Archipresbyteri quoque plebani, & quicumque Parochiales vel aliàs curam animarum habentes, per se, vel per alios idoneos homines si legitimè impediti fuerint, diebus saltem Dominicis, & festis solemnibus plebes sibi commissas pro sua, & earum capacitate pascant salutaribus verbis, docendo quæ scire omnibus necessarium est ad salutem, annuntiandoque eis cum breuitate, & facilitate sermonis vitia, quæ eos declinare, & virtutes quas sectari oporteat, ut penam eternam euadere, & celestem gloriam consequi valeant.* Additque, si ab Episcopò præmoniti hanc nihilominus functionem abiecerint, posse Episcopum ex beneficij Parochialis fructibus alteri, qui munus hoc præstet, honesta stipendia assignare.

Ibidem statuit: *Regulares in Ecclesijs, quæ suorum ordinum non sunt, non posse sine ordinariorum licentia prædicare. Si verò contingeret sæculares, aut regulares disseminare errores, aut scandala in populum, etiamsi in Ecclesijs sui, vel alterius ordinis prædicarent, debere illis omnino prædicationem per Episcopum interdici. Quod si quantumlibet exemptus hæreses prædicauerit, debere Episcopum tanquam Sedis Apostolica delegatum adversus eum secundùm iuris dispositionem procedere.*

Session. sexta, cap. primò, de reform. astringit Episcopos ad residentiam, ut si per sex continuos menses (legitimis impedimentis, seu iustis, & rationalibus causis cessantibus) a suis Ecclesijs ab-

abfuerint, quarta fructuum vnus anni parte Ecclesiæ, & pauperibus loci applicandæ mulctentur. Hoc idem tamen Concilium postmodum sessione vigesima tertia, cap. primo, hanc obligationem amplificat cum pœnæ additamento, *Vt qui ad summum tres menses in vno anno sine legitima, & valde urgente causa siue continuos, siue interpolatos, Episcopus etiam Cardinalis non resederit in sua Diœcesi, præter peccati mortalis reatum, quo astringitur, nullatenus possit fructus suos pro rata absentię suæ facere, sed teneatur eos fabricæ Ecclesiarum, aut pauperibus locis erogare.*

Eiusdem sessione sexta, cap. secundo, iniungitur Episcopis, vt legitimis remedijs compellant beneficiarios ad Ecclesiarum residentiam, si eam ipsa beneficia requirant.

Sed vt paulò ante monui, postmodum sessione vigesima tertia cap. primo, de reformat. reducit absentię tempus, tam in Episcopis, quàm in Pastoribus inferioribus ad tres ad summum menses, idque cum iusta, & approbata eius absentię causa: Alioqui declarat peccari mortaliter, cum obligatione pro rata parte anni absque alia declaratione, vel sententia, ad fructuum restitutionem, in fauorem Ecclesiarum, vel pauperum loci.

Capite 3. eiusdem sessione 6. *Regulares ordinum quantumuis exemptorum, aut privilegiatorum extra Monasterium degentes si deliquerint, iubet à locorum ordinarijs tamquam sedis Apostolicæ legatis visitari, inquiri, corrigi, & puniri.* Concilium Lugdunense sub Innocentio Quarto, quod citatur in cap. volentes, de priuileg. in 6. subiicit regulares ratione delicti extra clausura commissi iurisdictioni ordinariorum. Præterea statuitur cap. quanto de offic. iudic. ordin. vt ordinarius suppleat per se Abbatis negligentiam, circa vagos, & errantes Monachos. Quod idem confirmatur

matur Gallicano iure in comitijs Aurelianensibus sub Carolo Nono art. 11. Et hoc ipsum Concilium Trident. sess. 21. cap. 8. sancit, *ut quando regularium exemptorum prelati suo desunt officio circa ipsorum correctionem, si admoniti intra sex menses non correxerint subditos, tunc Episcopi, ut sedis Apostolicæ delegati corrigere possint ac visitare, prout possent prelati regulares iuxta eorum instituta, quibuscumque appellationibus, aut exceptionibus remotis.*

Sess. cap. 8. de reform. statuitur, *ut locorum ordinarij Ecclesias etiam quomodolibet exemptas visitent singulis annis, & ordinent, ac provideant tum Ecclesiarum reparationi, tum animarum curæ, si qua talibus Ecclesijs incumbat, nihil obstantibus privilegijs, aut appellationibus.*

Ibid. cap. 10. decernitur, *non licere capitulis Ecclesiarum sede vacante infra annum à die vacationis concedere litteras ad ordines dimissorias, præterquam illis qui beneficij siue recepti, siue iam recipiendi nomine arctantur.*

Cap. 15. eiusdem sess. 7. cura demandatur ordinarijs, *ut ab administratoribus quibuscumque, & quomodolibet exemptis Hospitalia quàm fidelissimè gubernentur, & innouatur decretum Concilij Vinnensis, quod est in Clementina c. quia contingit de religio. dom. Huc etiam spectat placitum Tridentinum session. 22. cap. 8. ut Episcopi sint executores piarum omnium dispositionum tam inter viuos, quàm vltimarum voluntatum: Et ut ius habeant visitandi hospitalia, collegia, confraternitates, & scholas (exceptis scholis, quæ sub Regum immediata protectione sunt, nisi de ipsorum licentia) montes etiam pietatis, & omnia pia loca, etsi prædictorum cura ad laicos pertineret, aut exemptionis privilegio munita essent: atque ut in his Episcopi tanquam sedis Apostolicæ delegati ordinent, & exequantur. Huc quoque spectat c. de Xenodoch. & relig. dom. necnon lex 45. de Episc. & cler.*

Sess. 13. c. 7. declaratur, probationem requisitam ad sacræ Eucharistiæ communionem hanc esse, vt nullus peccati mortalis sibi conscius ad eam audeat accedere, quantumvis sibi contritus videatur, nisi præmissa confessione Sacramentali. Si tamen Sacerdos vrgeatur necessitate celebrandi missam, & desit ei copia confessoris, quamprimùm post sacrificium poterit, tenetur confiteri. Porro conscius sibi peccati mortalis intelligendus est hoc loco is, qui credit, se illud commisisse, nec esse confessum, adeò ut qui præmiserit confessionem, in qua fuerit oblitus peccati mortalis, tametsi per virtutem Sacramenti pœnitentię credatur obliterratum, teneatur nihilominus oblitum peccatum confiteri, antequam communicet. Ita communiter Theologi docent. Idemque affirmant, Sacerdotem posse nihilominus si peccati mortalis conscientiam habeat, administrare alijs Eucharistiam, aliaq; Sacramenta, dummodò prius conteratur, credatq; probabiliter, ac moraliter se esse contritum: ita vt necesse non sit, vt prius confiteatur, nisi quum est celebraturus. Ita Nauarra. Enchiridij c. 22. n. 3. Ægidius Coninch. de Sacramentis quæst. 64. art. 6. cæteri; communiter doctores.

Eadem sess. 13. cap. 3. de ref. *Statuitur, non posse ab ordinarij sententia interlocutoria appellari, nisi tale sit grauamen, vt nequeat per eiusdem ordinarij definitiuam reparari.* Simile statuerat cap. vt debitus. de appellat. Idemq; cautum fuerat in concordato inter Leonem Decimum, & Franciscum Regem. Idem hoc iterat Trident. sess. 24. cap. 20. de ref.

Obseruandum quoque à correctione legitima non posse appellari, nisi excedatur modus, cap. ad nostram. de appellat. & cap. reprehensibilis §. fin. eod. His iura Gallicana consentiunt. Edixit namque Rex Franciscus anno 1539. art. 5. appellationes a iudicium Ecclesiasticorum sententijs per Ecclesiasticas personas in materia correctionis, disciplinæ, alijsve per-

sona-

sonalibus causis, nullum habere suspensuum effectum, sed solum deuolutiuum; adeò vt his non obstantibus, & citra præiudicium tamen ipsarum, possint iudices Ecclesiastici sua vltèrius iudicia prosequi. Et in comitijs Blesensibus art. 5. Henricus Tertius statuit eiusmodi appellationes in causa correctionis morum, aut Ecclesiasticæ disciplinæ non habere suspensuum, sed tantum deuolutiuum effectum. Similiter etiam in iure communi appellatio non suspendit excommunicationem, suspensionem, vel interdictum latæ sententiæ, sed deuoluit solummodò ad superius tribunal. c. cum ad hæc, de appell.

Communis sententia est incarcerationem censendâ esse inter illa, quæ damnum irreparabile inferunt. idè. que valere appellationem ab interlocutoria sententia, qua decernitur captura, seu incarceration: Et ordinarium teneri huic appellationi deferre, atq; processum ad iudicem appellationis transferre, sine tamè vlla sententiæ suæ suspensione: quia reus interea carcere includendus est, donec appellationis iudex causa cognita aliud iusserit. Ita decreuit sacra Cardinalium Congr. Conc. cuius decretum Papa approbavit, vt refertur in declarationibus, & remissionibus ad d. c. 20. sess. 24. Trid. Idemq; docent Mainard. Iuriscons. Gallic. li. 2. dec. 23. & Barb. in l. 2. ff. sol. matr. in princ. p. 2 n. 33.

Quoad visitationem quoque Congregatio Conc. 7. Martij 1596. declarauit non posse Episcopum in visitatione recusari, vt suspectum, dum tamen in ea processum non inuoluat, seq; intra visitationis terminos contineat. Eademq; Congr. 25. Maij 1601. censuit Episcopum visitationem aggredientem, atque etiam in præparatoria inquisitione, non posse vt suspectum recusari, nec probatione suspicionis præpediri, quominus pena extraordinaria, quæ morum correctionem, & emendationem respiciat, visitatos punire queat, vt legitur in collect. declarationum ad Trid. sess. 13. cap. 1.

Eius-

Eiusdem sessionis 13. cap. 6. de reform. *Cum inquit non raro contingat subditos ab Episcopo pro ipsius officio correptos, illi ex malevolentia causam criminis intentare, cuius molestia metu segniores in officio redduntur Episcopi, aut ab Ecclesijs suis abesse, & vagari pro sui defensione, cum magno Ecclesiarum detrimento, & Episcopalis dignitatis diminutione coguntur, statuitur Episcopum, nisi ex causa ob quam dignitate propria deponendus foret, etiamsi contra ipsum ex officio, aut per inquisitionem, seu denunciationem, aut accusationem, siue alio quovis modo procedatur, nequaquam esse citandum, aut monendum, ut personaliter compareat.* Prouida, & notabilis est ista constitutio, qua & Episcoporum dignitati, & Ecclesiarum utilitati consulitur. Summi Pontifices Liberius, & Nicolaus olim rescripserunt, inconueniens esse, si Episcopus ex causa infestationum, & aduersitatum, quas ab alijs patitur, gregem suum relinquat; cap. suggestum, & c. sciscitaris 17. q. 1. Quando verò fas Episcopo sit à propria Ecclesia discedere, præclare describit S. Augustinus scribens ad Honoratum Episcopum epist. 180.

Sess. 14. cap. 4. definit, *contritionem esse animi dolorem, ac detestationem de peccato commisso, cum proposito non peccandi de cætero: & hanc esse necessariam ad impetrandam peccatorum veniam in homine post baptismum lapsso. Docet præterea contritionem, si perfecta sit, hominem Deo per charitatem reconciliare etiam ante penitentiae Sacramentum susceptum, eo quòd in ea contineatur cum dolore, & amore infuso votum ipsius Sacramenti. At verò contritionem imperfectam, quæ dicitur attritio, quæ ex turpitudinis peccati consideratione, vel ex gehennæ metu concipitur, esse donum Dei, & impulsus Spiritus sancti non adhuc quidem inhabitantis, sed tantum mouentis, quo penitens adiutus viam sibi ad iustitiam parat. Et quamvis sine penitentiae Sacramento per se non iustificet peccatorem; attamen eum ad Dei gratiam in Sacramento penitentiae imp-*

impetrandam disponere . Hoc enim timore utiliter concussos Niniitas ad Ionæ predicationem misericordiam à Domino impetrasse . Tu hic obserua contritionem, quæ iustificat esse quidem anteriorem iustitia, & gratia ad quam disponit, necesse est enim dispositionem, & causam præcedere, sequi deinde formam, & effectum . Cæterùm ista omnia vnico temporis instanti perficiuntur, licet diuersa ibidem concipiantur ordinis, seu rationis, ac naturæ instantia . Verùm eodem temporis instanti, quo existit contritio, coexistit pariter ipsa gratia .

Eiusdem sessionis 4. cap. 5. docet necessariam ad salutem esse omnium peccatorum mortalium confessionem, quorum pœnitens post diligentem sui discussionem recordatur cum circumstantiarum expressione, quæ speciem peccatorum mutant. Circumstantiæ necessariò confitendæ, quæ speciem mutant peccatorum, sunt in triplici differentia, quædam enim circumstantiæ adiungunt mortalem alterius speciei malitiam, vt si quis Sacerdotem occidit, aut si laicum interfecit intra Ecclesiam: illa enim personæ, vel loci circumstantia ad crimen homicidij adiungit sacrilegium . Aliæ quædam circumstantiæ id præstant, vt peccatum alioqui veniale sit mortale, vt vt si quis famæ alterius leuiter detrahat simul aduertens graue damnum ex hoc illi nasciturum ex malitia proximi. Terriò demum aliæ circumstantiæ ex opposito peccatum ita minuunt, vt faciant veniale, quod esset alioqui mortale, cuiusmodi est subreptio, defectus sufficientis deliberationis, aduertentiæ, vel iudicij, ignorantia leuiter culpabilis . Trium horum generum circumstantias conueniunt Thologi omnes esse in confessione exprimendas: quia his non expressis status pœnitentis hand potest sufficienter dignosci . Quæ tamen tertij generis sunt, si post factam bona fide confessionem menti occurrant, non est necesse in altera confessione exprimi .

Sess. eiusdem 14. c. 6. de reform. statuitur, vt Clerici qui in sacris sunt, aut qui beneficium Ecclesiasticum possident, habitum deferant Ecclesiasticum. Et si postquam ab Episcopo moniti sunt habitum adhuc deferre recusent, per suspensionem ab ordinibus, aut beneficio, eiusque fructuum priuatione puniantur ab ordinario, quantumvis exempti forent. Si verò correpti adhuc neglexerint, per officiorum, aut beneficiorum priuationem coerceantur. Idem antea constituerat Concilium Viennense Clement. c. quoniam innouando, de vita, & honestat. Cleric.

Sessio. 21. cap. 3. de reformat. in Ecclesijs (inquit) Parochialibus in quibus populus ita numerosus est, vt vnus, & alcer Presbyter non sufficiat Sacramentorum administrationi, & diuinis officijs, potest Episcopus compellere rectores ad augmentum Clericorum, aut Sacerdotum, qui ad hæc obeunda sufficiant. Vbi verò ob nimiam distantiam non potest Parochianorum pars nisi sub grauib. incommodis ad Ecclesiam accedere, & Sacramenta suscipere, Episcopus potest nouas erigere Parochias etiam rectoribus inuitis, iuxta formam constitutionis Alexandri Tertijs in cap. ad audientiam 3. de Eccles. adif. Et Clericis quibus Ministerium incumbit nouæ Parochiæ, congruentem assignare portionem ex fructibus matricis Ecclesiæ, & (si necesse fuerit) compellere populum ad contribuendum, quæ sufficiant adeorum sustentationem.

In eadem sess. cap. 5. Possunt (ait) pariter Episcopi sine præiudicio tamen obtinentium, facere vniones perpetuas Ecclesiarum Parochialium, & aliorum beneficiorum tam curatorum, quam supplicium cum alijs Ecclesijs, ac beneficijs curatis, ex causa paupertatis, aut alijs iustis causis, etsi dictæ Ecclesiæ, aut beneficia essent specialiter reseruatæ. Hoc idem statuerat cap. vnio. 10 quæst 3 & cap. exposuisti, de præbend. Idemque similiter cauetur edito Gallicano Blesensium comitiorum artic. 22. 23. 24. siue illa, quæ vniuntur beneficia tempore vnio-

unionis vacent. Licet enim beneficium ante vacationem impetrari non possit cap. 1. & 2. de concess. præb. vñiri tamen potest, sine præiudicio possessoris, vt prouidet hoc capite Tridentinum: sed executio unionis differtur in ipsum vacationis tempus, nisi possessor ipse consentiat, & cedat reseruando sibi annuam pensionē. Hæc docet Petrus Rebuffus ad regul. de reprob. benef. benef. viuen. impetr. num. 56.

Deinde huius sess. cap. 7. *Vbi Ecclesiæ vetusta te collapsæ sunt, nec per inopiam instaurari valent, Episcopi possunt vocatis illis quorum interest in matrices Ecclesias locorum eorundem, aut vicinorum, illas cum emolumentis simul, & oneribus annexis transferre, erigendo in prædictis matricibus capellas, vel altaria sub eisdem inuocationibus.* Parochiales autem Ecclesias etsi iuris patronatus sint, ita collapsas refici, & instaurari curent ex prouentibus earundem: qui si non sufficiant, patronos aliosve, qui fructum aliquem ex earundem prouentibus percipiunt, aut his deficientibus Parochianos ipsos omnibus opportunis remedijs compellant, quacumque appellatione, exceptione, aut exemptione remota. Quod si omnes nimia egestate lebovent, ad matrices, seu viciniore Ecclesias Episcopi transferant, cum facultate conuertendi in profanos non tamen sordidos vsus dirutas Ecclesias, erecta ibi cruce.

Sess. 22. cap. 4. de ref. *vt nemo de Ecclesia siue saculari, siue regulari vocem habeat in capitulo etiam si id ei ab alijs liberè concessum fuerit, nisi in subdiaconatus saltem ordine constitutus sit.* Hoc idem dudum statuerat Concilium Vienne. Clement. vt ij, qui in diuinis, de ætat. & qual. & ord. præfic.

Vetatur hoc eodem capite 4. ne alijs deinceps de beneficio prouideatur, quam illis qui ætatem, & cæteras omnes qualitates, & habilitates habent, vt statim actu omnia beneficij onera per se exequi possint: alioquin irritam declarat prouisionem. Huc pariter spe-

ſpectat dicta Clement. vt ij qui. Verumtamen vſus ob-
tinet, vt beneficio Sacerdotali, cui etiam cura incum-
bat animarum, ſufficiat ſi prouiſus ſit in eo ſtatu, &
aptitudine, vt poſſit intra annum ordinem ſuſcipere
Sacerdotalem, c. cum in cunctis, & c. liceat Canon de
elect. in 6. Si verò non fuerit intra annum promotus
(niſi ex iuſta, & legitima cauſa fuerit ortum impedi-
mentum) vacet ipſo iure præbenda. Cæterum vbi ex
lege foundationis, vel ſtatuto, vel conſuetudine, Sacer-
dotalis ordo actu deſideraretur in impetrante, tunc
non ſufficeret aptitudo præfata. In vniuerſum edicit
Tridentina Synodus hoc ipſo cap. 4. & inſuper ſeſſ. 24.
de ref. c. 12. §. neminem, vt nemo quodcumque benefi-
cium, cui ſit aliquod annexum onus poſſit obtinere, ni-
ſi aptus ſit vt intra ipſum annum ſuſcipiat ordinem ad
illud onus requiſitum. Id autem veteri iuri conforma-
tur c. cum in cunctis §. inferiora de elect. cap. 1. de etat.
& qual. & ord. & d. Clem. vt ei qui.

Poteſt igitur aliquis prouideri de curato beneficio
nondum Sacerdos modò annum vigefimum tertium,
ſic expleuerit, vt exacto inde anno Sacerdotio promo-
ueatur, expleto qui ad hoc requiritur anno ætatis vi-
geſimo quarto, & ita inchoato vigefimo quinto iuxta
Trid ſeſſ. 23. c. 12. de reform. Cùm enim ex hoc Concilio
duo iſta conſtent, & anno 25. inchoato poſſe quem
fieri Sacerdotem, & inſuper beneficium curatum poſſe
illi conferri, qui Sacerdotio poſſit intra annum pro-
moueri, ſequitur vt tale poſſit conferri beneficium illi,
qui vigefimum tertium annum expleuerit; hiſce enim
verbis Concilium ſe enunciat in d. cap. 12. §. neminem
ſeſſ. 24 aut in tali ætate ſit, vt infra tempus à iure, & ab
hac ſancta Synodo ſtatutum initiari valeat. Hæc docet
Proſper Fagnanus in cap. cum in cunctis, de elect. ta-
lemque eſſe receptam praxin, atque iudicijs ſacrę Car-
dinalium congregationis confirmata aſſerit num. 63.
& 64. Porro indultum iure communi promotionis

annum approbant iura pariter Gallicana ediſto Bleſenſium comitiorum, art. 9. Cui accedit conſtitutio Henrici IV. an. 1606. art. 1. Rebuffus in praxi tit. de non promotis intra annum n. 44. Papo lib. 3. deciſ. 13. Bouchellus in praxi benef. verbo an de promotion. Melchior Paſtor lib. 3. de benef. tit. 16.

Seſſ. 23. c. 2. Episcopos electos etiamſi Cardinales ſint, ſi intra tres meſes conſecrati nō fuerint (legitimis tamen ſecluſis impedimenti cauſis) ad fructuum reſtitutionem aſtringit, ſed ſi alijs tribus meſibus id neglexerint, Eccleſijs ſuis ipſo iure priuatos eſſe declarat. Concil. Chalcedonēſe can. 25. Episcopos præcipit intra trimeltre ab electione conſecrari citra neceſſitatis ineuitabilis caſu. Conc. verò Antiochenū ſub Iulio Papa can. 17. de cōmuniono fidelium repellit Episcopum, iam cōſecratum, quandiū ad creditam ſibi Eccleſiam progredi negligit. Quo etiam ſpectat c. quoniam, diſt. 75. & c. 1. diſt. 100. Quæ autem Tridentinum ſanxit de Episcopis, vim quoque habere decernit circa inferiores animarum Paſtores, vt in ſuis reſideant Eccleſijs, nec eis toto anni decurſu abeſſe liceat pluſquam duos, aut tres meſes, ſeu continuos, ſeu interruptos, ſeſſ. 25. c. 1. ſed iſtam reſidētia materiam ſuperius excuſſi ad leſſ. 6. c. 1. Eadem ſeſſ. 23. c. 4. de reform. vetat conſura initiari, niſi qui confirmationis Sacramentum ante ſuſceperint, quique legere, & ſcribere ſciant, & de quibus probabilis ſit coniectura, eos hoc intuitu ſtatim eligere clericalem, vt perfectiūs Deo deſeruiant. Tum c. 5. ſtatuitur, vt qui ſunt ad ſingulos maiorum ordinum promouendi, bonum habeant à Parocho, & ſchola magiſtro teſtimonium, atque vno ſaltem meſe ante ordinationis expetiſſe tempus conueniant Episcopum, qui Parocho, aut alijs cui viſum fuerit committat, vt nominibus ipſorum publicè in Eccleſia propoſitis, de natalibus. de ætate, de moribus, & vita eorum diligenter à fide dignis inquirent, & litteras teſtimoniales inqueſitionis iſtius fidem facientes ad Episcopum tranſmittant.

Post.

Postmodum cap. 12. annum inchoatum ætatis requirit vigesimum secundum ad Subdiaconatum, & vigesimum tertium ad Diaconatum, atque ad Sacerdotium vigesimum quintum. Ad minores autem ordines iam requisierat cap. 11. Latinæ linguæ peritiam. A minoribus porro ad subdiaconatum exigit anni interstitium: a Subdiaconatu ad Diaconatum alterius anni: & alterius similiter à Diaconatu ad Sacerdotium. Potest tamen proprius Episcopus non tamen citra iustam, & urgentem causam dispensare in interstitijs, c. 11. 12. 13. & 14.

Dictæ sessionis c. 9. concedit, *ut possit Episcopus familiarem suum non subditum absque dimissorijs ordinare, modo fuerit triennio secum commoratus, eique quamprimum conferat beneficium.*

Eiusdem sess. cap. 15. sic statuitur: *Quamvis Presbyteri in sua ordinatione absolventi à peccatis potestatem accipiant; decernit tamen sacra Synodus, nullum etsi regularem posse confessiones secularium audire etiam Sacerdotum, nec ad id idoneum reputari, nisi aut Parochiale beneficium, aut ab Episcopis per examen (si illis videbitur esse necessarium) aut alijs idoneus iudicetur, & approbationem obtineat, non obstantibus quibuscumque privilegijs, aut contraria consuetudine.* Consulto superius, quæ supra huiusmodi pertractavi ad Concilium Viennense.

Sessiois eiusdem 23. cap. 18. iniungitur, *ut in singulis Diocæses collegia Ecclesiastica, seu Seminaria instituantur, in quibus iuvenes Ecclesiæ servitio destinati educantur, atque scientijs, functionibus, & ritibus Ecclesiasticis, cantu, disciplina clericali, & sanctis moribus informantur.* Hæc eadem fuerant antiquioribus Concilijs præscripta, quæ supra commemoravi ad Toletanum Concilij quarti Can. 24.

Tanti porro momenti Seminariorum erectiones esse duxerunt Tridentini patres, ut ad hunc finem Episcopis ius, & potestatem tribuant obligandi ad annuas

pro seminario contributiones quoscunque beneficia possidentes; atque etiam vt possint valeantque ad seminariorum foundationem aliqua beneficia simplicia cuiuscunque dignitatis, vel qualitatis fuerint, etiam ante vacationem, sine cultus diuini, & illa obtinentium præiudicio, huic collegio applicare, vnire & incorporare: nec huiusmodi vniones, vel applicationes possint vlla appellatione suspendi, aut impediri. Hæc Tridentina Constitutio validitatem plenam habet in hoc regno Galliarum, quippè quæ regijs etiam edictis firmatur. Sanctio namque Melodunensis art. 1. Episcopis iniungit, vt prouideant restitutioni sacræ disciplinæ, & à l'*institution des Seminaires suiuant les saint Decrets*. Quæ vltima verba respiciunt Trid. Decretum. Subsequentum est Blesensis comitijs alterum procusum edictum art. 24. admonens Episcopos, vt erigant in suis Diocesis Ecclesiastica Seminaria, etiam *par l'union de benefices, ainsi qu'ils auiseront bon estre*: quibus verbis indulgetur illis circa istiusmodi Collegiorum erectiones plena potestas, qualis conceditur per Tridentinum.

Sess. 24. in decreto reform. matrim. pleraque de nouo constituuntur circa fidelium matrimonia. In primis c. 1. *declarat deinceps nulla, & irrita connubia, in quibus non interuenerint testes duo, & proprij Parochi præsentia*, cum fuissent pridem validæ nuptiæ clandestinæ. Saluberrimum vtique decretum, quo innumeræ, lites inextricabiles ambages, & nuptiarum incertitudines, & innumerabiles polygamix simul extirpantur.

Hic iam quæritur, vtrum valeat matrimonium in præsentia Parochi inuiti contractum? Respondetur valere; non enim exigit sacra Synodus consensum, sed solam præsentiam Parochi, & testium, vt per hæc obuictur matrimonijs furtiuis, & clandestinis. Id confirmatur per l. coram Titio ff. de verbo signif. vbi iussus aliquid facere coram Titio declaratur conditionem adimpleuisse, si Titio præsentem, & scientem fecerit, licet in-

inuito, & dissentiente. Et in hoc summistæ consentiunt Sanchez de matrim. disp. 39. Filliuc. tract. 10. c. 6. n. 225, & 226. Coninch disp. 27. dub. 4. concl. 3. addens hanc esse communem doctorum sententiam. Fagnanus quoque in cap. quod nobis de clandest. despons. n. 48. & sequentibus: istud idem alia ratione confirmat, eo quod Parochus non sit huius Sacramenti minister, quo casu eius requireretur consensus, sed solum testis præcipuus, ac necessarius, ad quod sufficit sola per sui præsentiam notitia: citatque his conformem congregationis Cardinalium decisionem. Ita iudicari vidimus in Gallicanorum Episcoporum diversis Tribunalibus. Ille tamen, qui sic matrimonium iniret graviter delinqueret, nisi quando iniultè Parochus refragaretur.

Quid si ordinarius ipse Parocho interdixerit ne matrimonij celebrationi interveniret? quid etiam censendum, si Parochum quoad hoc suspenderit, aut interdixerit? Rectè idem respondet Prosper Fagnanus ad c. litteræ quas, de matrim. contract. contra interdictum Eccles. tale quoque fore validum coniugium, sicque à sacra Congregatione indicatum Romæ. Et ratio est, quia non definit per interdictum, vel suspensionem esse Parochus, & licet ex parte Parochi inhibiti, vel suspensi possit esse interventus ipsius illicitus, non tamen irritus, & invalidus. Quamvis enim Parochus Episcopo subalternetur, quoad iurisdictionem, quam potest Episcopus tollere, vel limitare, ac restringere; iste tamen interventus non est iurisdictionis actus, cum nihil hic decernat, aut iudicet Parochus, sed solam præsentiam præstet, ut testis. Et quamvis Concilium Tridentinum sessio. 24. caput 7. prohibeat Parochis ne vagantium matrimonij intersint, si tamen intersint, matrimonia ista valorem sortientur, ut idem asserit Fagnanus. Et matrimonium contractum contra interdictum Papæ sit quidem illicitè, sed nihilominus valet, ut docent glossa,

& Innocentius in cap. ad dissoluendum de despons. in pub.

Dicitur sess. 24. cap. 2. gradus affinitatis longius olim productos, & irritum facientes matrimonium restringit primum quoad spirituales affinitatem inter baptizatum, & sponsores, seu suscipientes de fonte baptismi: atque inter patrem, matremque baptizati & suscipientes: atque inter baptizatum, & baptizantem: necnon inter baptizantem, & baptizati patrem, & matrem. Similiter inter confirmatum, & sponsores: necnon inter sponsores, & confirmati genitores.

Olim prohibebantur quidem, & irritabantur nuptiæ, usque ad septimum cognationis inter collaterales gradum, computando etiam gradus pro numero personarum dempto communi stipite, in Ecclesia saltem Latina, ut perspicue docent testimonia, tum S. Gregorii Papæ epist. ad Felicem Messanæ Episcopum, tum Isidori, tum Alexandri Papæ II. quæ congeruntur in Gratiani decreto causa 45. qu. 5. Quæ seges proculdubio erat innumerabilium ambiguitatum, & incestuosarum nuptiarum, & laquerum animas intricantium, ideòq; Lateranense sub Innocentio Concilium prouidè omnia impedimenta reduxit ad quartum gradum. & refertur c. non debet. de consang. Iure autem Romanorū civili etiam fratrum, & sororū liberi matrimonio iungebantur, instit. de nupt. §. duorum & l. 3. ff. de ritu nupt. Concilium verò Trid. circa carnalis cognationis, & affinitatis gradus quatuor, sanctionem sequitur commemorati Lateranensis Concilij. Porro ius illud Romanarū legum circa fratrum sororumve liberos inualuit olim etiam inter Christianos. Filiæ namque Constantini Magni Constantina, & Helena nuptui datæ sunt, Constantina quidem Annibaliano primū filio Dalmatij fratris ipsius Constantini: deinde Gallo Cæsari filio Constantij alterius fratris Constantini: Helena verò nupsit Iuliano alteri filio memorati Constantij.

Cap. 3. publicæ honestatis impedimentum restringit ad primum gradum in sponsalibus validis. Antea namque protendebatur ad quartum. Cæterum si sponsalia ipsa inualida fuerant nullum inde impedimentum con-surget. At verò ex matrimonio rato, sed non consum-mato nascitur impedimentum dirimens ad quartum, usque gradum, vt declarauit Pius Papa V. in Constitu-tione incipiente *Ad Romanum*, ex cuius inaduertentia Toletus, & Lopez hoc impedimentum scripserunt esse publicæ honestatis, & desinere post primum gradum.

Iam hic quæritur, vtrum ex sponsalibus de futuro, non quidem morte, sed mutuo partium consensu so-lutis, exurgat quoque publicæ honestatis impedi-men-tum? hanc agitat quæstionem Thomas, Sanchez libr. 7. de matrim. disp. 68. n. 21. nouissimè Prosper Fagnanus Apostolicus Referendarius comment. ad c. ad audien-tiam, de sponsal. refert Romæ à Sacra Congregatione iudicatum die Iulij 6. ann. 1658. quòd hic quoque sub-sistat impedimentum istud. Et facta relatione ad Ale-xandrum Papam VII. qui hanc examinari quæstionem iusserat, fuisse ab ipso approbatum Congregationis iu-diciu die Iulij iussuque, vt posthac ita seruetur vbique à cunctis fidelibus.

Cap. 4. Impedimentum affinitatis ex illicitæ coniun-ctione contractum limitat ad secundum gradum, cum olim quartum etiam gradum complecteretur, quæ oc-casio erat plurimorum incestuum,

Cap. 6. inducit dirimens impedimentum inter ra-ptorem, & raptam, quamdiu hæc in raptoris manserit potestate.

Eadem sess. 24. de reformat. cap. 1. decernit vacanti-bus Ecclesijs præficiendorum Episcoporum vitam, & doctrinam in ipsis locis examinari, & inquiri, acta-que & processus inquisitionis ad Summum Pontificem transmitti. Præficiendos autem esse Prælatos non pre-cibus, neque humano affectu, aut ambientium sugge-

stione, sed eorum exigentibus meritis. Certè hoc ipso, quod quis prælaturam, ac dignitatem ambit se illa indignum prodit, ut dixerit Chrysostomus lib. 3. de Sacerdotio c. 10. Huiusce rei legimus, documentum in Iudicum libro, ubi refertur oliuam, ficum, & vitem detrectasse delatum sibi ab arboribus in seipsas imperiū, sed rhamum inutile spinosumque arbustum hanc præfecturam à maximè fructiferis plantis recusatam vltro acceptasse. Imperatores Theodosius, & Valentinianus I. sancimus, c. ad leg. Iul. repetun. prohibent, illis conferri magistratus, qui ad eos ambitu, vel pretio contenderrint. Quæ lex tanti habita in Ecclesia fuit, ut in decreto sacrorum Canonum inserta fuerit cap. sancimus, i. q. 7. Beatus quoque Hieronymus comment. in c. 1. epistolæ ad Titum sic de Episcopatu loquitur. Vnusquisque se considerans, & sciens quia potentes potenter tormenta patientur, retrahet se ab hoc non tam honore, quam onere, & aliorum locum, qui magis digni sunt non ambiet occupare. Præsertim verò illorum sordida damnatur ambitio, qui officia, procuraciones, & munia siue ad Ecclesiæ curam, siue ad piorum locorum, vel miserabilium personarum instituta, pretio ambiunt, ac mercantur c. saluator 1 q. 3. & l. omnes 42. §. 9. de Episcopis & Cler. Primi etiam Oecumenici Nicæni Concilij Canon Arabicus 75. ita præscribit: Si congregatio elegerit aliquem in cognitione fidei eruditum, & probatum ex his, qui altari administrant; aut ex Monasterijs, ut sit Episcopus, aut Archidiaconus, aut Chorepiscopus, aut præfectus hospitalis, non debet ambire ille, qui eligitur alioqui eiiciatur ex Congregatione. Denique octauæ Synodi (quæ est Constantinopolitana quarta) Canon 4. postquam Photium occupato per ambitionem solio deiecit, causam eius depositionis prætendit ipsam eius ambitionem, & hoc iungit *φίλαρχίαν πορνείαν βίζαν ἢ κακῶν ἀπάντων*, ambitionem esse radicem exitialem malorum omnium.

Sub eadem sess. 24. de refor. cap. 6. *Conceditur Episcopis absoluendi, & dispensandi facultas in omnibus censuris, atque irregularitatibus ex occulto delicto procedentibus, solis exceptis quæ sunt ex homicidio voluntario, aut quæ sunt ex delicto quocumque ad forum contentiosum deducto.*

Cap. 19. abolentur deinceps mandata de providendo, simulque gratiæ expectatiuæ.

Sess. 25. cap. 5. de regular. decernitur, ut clausurę Sanctimonialium curam gerant Episcopi, in Monasterijs quidem sibi subditis ex iure ordinario: in alijs verò tamquam Apostolicę Sedis delegati. Et ut nemine obsistere auso decernant, atque inobedientes per censuras Ecclesiasticas aliasque pœnas compellant, quacumque oppositione, & appellatione postposita, & ubi opus erit inuocato brachij sæcularis auxilio.

Caput 15. declaratur inualida, & irrita omnis religiosa professio facta, nondum expleto ætatis decimo-sexto anno. Ante Synodum Tridentinam ætas ad professionem requisita fuerat, quę ad ineundas nuptias requirebatur, in fœminis quidem expletorum duodecim annorum, & in masculis quatuordecim. cap. significatum, & c. cum virum. de regular. Plura superius requirito, quæ congeffi ad Canon 22. Vormaticensis Concilij.

Cap. 19. *Quicumque regularis prætendat se per vim, & metum ingressum esse religionem, aut etiam dicat ante ætatem debitam professum esse, aut quid simile, velitque habitum dimittere quacumque ex causa, aut etiam cum habitu sine licentia Superiorum discedere, non audiat nisi intra quinquennium tantum a die professionis, & tunc non aliter nisi causas quas prætendit deduxerit coram superiore suo, & ordinario. Quod si antea habitum sponte dimiserit, nullatenus audiat, nec ad allegandam quamcumque causam admittatur, sed ad Monasterium redire cogatur, & tamquam apostata puniatur, Præxim tamen statim ab ipso Concilio ubi.*

vbique ferè inualuit, vt eiusmodi religiosus reclamans admittatur, etiamsi habitum dimiserit, quia hoc plerumque necessarium est, vt suæ ad reclamandum libertati prospiciat, qui statim ex habitu dignoscetur, & a fratribus receptus carcere perpetuò concluderetur, vt pluries factum est; tùm quia sic occurritur graui hominum scandalo, dum conspicitur quis in habitu religioso sine comite per deuia fugiens, aut in diuersorijs, degens moribus fortasse inconditis, & dissolutis. Hunc igitur etiam in habitu sæculari audiendum, admonent Martinus Nauarra comment. 4. de regular. num. 77. & 78. Azorius tom. 1. lib. 12. c. 4. in fine. Lessius lib. 2. de iust. c. 41. nu. 64. Bonacina tract. de clausuris q. 2. p. 10. difficul. 3. cæterique communiter.

Iurisdictionis, ac potestatis Episcoporum circa regulares capita præcipua Concilium astruit Trident. sess. 25. de regular. primò circa clausuræ monialium, etiam extra exemptarum, aut exemptis subditarum, infractionem. Talium quippè Monasteriorum clausuræ cura Episcopis incumbit. c. 5. huius sess. adeò vt inobedientes, aut contradicentes possint per censuras Ecclesiasticas, aliasque pœnas quacumque oppositione reiecta compescere. inuocato ad hoc etiam brachij sæcularis auxilio. Hæc eadem ante constituerat Bonifacius Papa VIII. cap. vnico de statu regular. in 6.

Monasterijs etiam sanctimonialium, quæ regularibus, ac exemptis subsunt, potest Episcopus bis, aut ter in anuo extraordinarium confessorem offerre: præsertim si Moniales, vel omnes, vel aliquæ id requirant. Caput 10. Gregorius Papa XV. in Bulla incipiente *Inscrutabili*, addit ad declarationem, & executionem Tridentini decreti, Episcopis tamquam Sedis Apostolicæ Legatis competere iurisdictionem puniendique, ac corrigendi potestatem in regulares exemptos ratione Monialium ipsis exemptis subditarum. 11. si deliquerint circa personas intra Monialium

lium clausura degentes. 2. si circa earundem clausuram. 3. si circa bonorum earundem administrationem.

Secundò iurisdictionem Episcopis tradit Synodus Trident. hac sess. 25. c. 11. erga regulares habentes Parochiales Ecclesias: vt his non præficiantur nisi illi quos Episcopus præuio; si ei vsum fuerit, examine approbauerit: atque istos circa ministerium animarum, & sacram Ecclesiæ disciplinam delinquentes corrigere, & punire valeat. Id verò conformatur iuribus antiquis cap. qui religiosi 18. quæst. 2. & tom. tit. de capellis Monach. & c. ex ore. de priuil. & cap. 1. §. in eos. de priuil. in 6. maximè autem memorabile Urbani Papæ III. edictum cap. 1. de capel. Monach. in Ecclesijs (ait) *ubi Monachi habitant, populus per Monachum non regatur; sed Capellanus, qui populum regat, ab Episcopo per Concilium Monachorum instituatur. Ita vt ex solius Episcopi arbitrio, tam ordinatio eius, quam dispositio, & totius vitæ pendeat conuersatio.*

Tertiò si regularis etiam in propria exemptaq; Ecclesiæ prædicet hæreses, Episcopus, vt sedis Apostolicæ delegatus debet contra eum procedere. sess. 5. de refor. c. 2. si verò. Quærat aliquis fortasse an ordinarijs eadem competat potestas erga Parochiales Ecclesias, quæ vnitæ sunt ordini militari S. Ioannis Ierosolymitani, & erga illarum Parochos, qualis conceditur ab isto Tridentino decreto in Ecclesias regularium Parochiales, & Parochos earum. Et competere quidem decernit Pius Papa V. in sanctione dici vigesimæ secundæ Decembris anni 1571 quæ incipit, *Exposcit*, cuius tenorem refert Paulus Piascius in praxi Episcopali par. 2. cap. 3. num. 28.

Quartò quandoctumque regularis exemptus extra clausuram notoriè deliquerit, ita vt populo scandalum faciat; ad Episcopi instantiam tenetur superior regularis illum seuerè punire intra tempus quod ei præfixe.

xerit Episcopus, eumque de irrogata pœna certum
 facere. Sin minus poterit regularis ab Episcopo pro
 suo delicto puniri sess. 25. cap. 14. Et superiùs session.
 7. cap. 14. de reform. renouant Tridentini Patres In-
 nocentij IV. in Concilio Lugdunensi Constitutionem,
 quæ legitur in cap. volentes de priuileg. in 6. hisce ver-
 bis. *Definimus, quod quantumcumque sic exempti gaudeant*
libertate, nihilominus tamen ratione delicti, vel contractus,
vel rei de qua contra ipsos agitur possunt coram ordinarijs lo-
corum conueniri. His confirmatur ius Gallicanum, sta-
 tuit enim Carolus IX. in Comitij Aurelianensibus ar-
 tic. 11. appellationes regularium ab Episcoporum sen-
 tentijs non suspendere sententiam in causa criminis,
 sed etiam appellationem euocari decernit seclusis alijs
 Tribunalibus ad Regium priuatum Concilium. San-
 cit præterea ibidem Carolus, vt Episcopi, seu ordi-
 narij suppleant per seipsos Abbatum negligentiam
 circa vagos, & erroneos Monachos. Hoc idem prouide-
 rat cap. quarto, de offic. iud. ordin. Itemque Chal-
 cedonensis Synodi Canon 4. & Quinisextæ Canon 42.
 hoc ipsum Tridentinum Concilium sess. 6. cap. 3. ita
 prouidet. *Nemo regularis extra Monasterium degens,*
etiam sui ordinis priuilegij prætextu tutus censeatur, quoni-
am si deliquerit, ab ordinario loci tanquam Sedis Apostolicæ
delegato secundum Canonicas sanctiones visitari, puniri & cor-
rigi valeat. Atquin vniuersum sic edicit Tridentina sessio
 vigesima prima, cap. 8. vt commendata Monasteria
 etiam Abbatia, in quibus non viget regularis obser-
 uantia, necnon beneficia tam curata, quam non cura-
 ta, sæcularia, & regularia, qualitercumque commen-
 data etiam exempta, ab Episcopis tamquam Aposto-
 licæ Sedis delegatis annis singulis visitentur. Et mox
 subiungit. Et si in eis vigeret obseruantia regularis,
 prouideant Episcopi paternis admonitionibus, vt eo-
 rum regularium Superiores iuxta eorum regularium
 instituta debitam viuendi rationem obseruent, & ob-
 ser-

seruari faciant, vt sibi subditos in officio contineant, ac moderentur. Quod si admoniti intra sex menses eos non visitauerint, vel correxerint, tunc iidem Episcopi etiam vt delegati Sedis Apolicæ eos visitare possint, & corrigere, prout ipsi superiores possent iuxta eorum instituta: quibuscumque appellationibus, priuilegijs, & exemptionibus penitus remotis, & non obstantibus.

Vtrum verò possit Episcopus regularem, qui notoriè, & scandalosè extra claustra deliquit carcere statim includere, ac detinere, donec confectio in Curia Episcopali processu, reum puniendum ad superiorem regularem vnà cum processu instructo transmittat? Sanè declarauit Cardinalium Congregatio statim ad superiorem esse remittendum, & tunc solummodò posse Episcopum sub custodia regularem includere, & punire, quando admonitus eius superior illum debitè coercere neglexit.

Eadem sess. 25. de reformat. cap. 16. *Prohibet beneficia ex primæua institutione curata fieri simplicia, etiam si Parocho, seu Vicario assignetur congrua portio. Vbi verò iam id factum fuit etiam ab immemoriali tempore, curam gerat Episcopus assignandi Vicario, seu Parocho congruentem portionem, si sufficientem non habeat. Et cum primum per cessum, siue decessum; siue rectoris, siue Vicarij, aut quomodolibet altera ex duabus præbendis vacauerit, beneficium integrum in animarum curam restituat, & Vicariam supprimat.*

*Diatriba Ecclesiastica circa Tridentinum decretum,
de vulgata Bibliorum editione.*

Sessione quarta sic decernunt Tridentini Patres; post enumeratos Sacræ Scripturæ sigillatim libros:

broſi. *Si quis autem libros ipſos integros cum ſuis omnibus partibus, prout in Eccleſia Catholica legi conſueuerunt, & in ueteri vulgata leſione habentur, pro ſacris, & Canonicis non ſuſceperit anathema ſit.* Hunc locum multi perperam detorquent ad ſingulas particulas vulgatæ Latinæ editionis. cum tamen ſcopus longè diuerſus à Concilio hic intendatur: quod poſtquam libros quosdam ſacros, quos hæretici de Canone obliterabant, ſacro Canoni aſſeruit, vlteriùs prouidit hoc eodem loco, vt ex his etiam libris quos hæretici horum temporum fatebantur Canonicos, partes aliquas etiam magnas, & inſigniter amplas, quas hæretici ſpurias, additiſſimas, & ſuppoſitas contendebant, debitæ authoritati Canonice vindicaret. Atque hic eſt verus, genuinus, & à Concilio intentus horum verborum ſenſus. *Cum ſuis omnibus partibus.*

Hanc Synodum generalem fuiſſe congregatam hoc præcipuè ſine, vt prouideret ne Chriſti Eccleſia detrimentum ex erumpentibus Luteranorum, Zuingliano-
rum, Caluiſtarum, & Anabaptiſtarum ſectis vlteriùs caperet; nemo eſt qui dubitet: idque liquidò conſtat ex indiſtinctionis Bulla Concilio iſti præfixa. At verò nouatores ſectarij duplicem circa ſacros libros errorem inuexerant. Primum enim integros aliquot libros de ſacrarum ſcripturarum Canone expungebant, hi ſunt Tobię, Iudith, Sapientiæ, Eccleſiaſtici, Machabeorum; deinde alios quidem integros admittebant, non quales in Latina vulgata editione habentur, ſed tantum prout in Hebraicis hodiernis voluminibus leguntur: in quibus permultæ deſunt patres, ſupplentur in receptis ab Eccleſia Latinis Biblijs, quas omnes partes ſupprimunt hæretici in vniuerſis quibus vtuntur, tam Latinis, quàm vernaculis translationibus. Huic ergo ſecundo errori prouidere ſategerunt Tridentini Patres per hæc verba, *Cum ſuis omnibus partibus*: Nec verò vlteriùs ad ſingulas, & minutas particulas mens eorum col-

collimauit, vt ex sequentibus argumentis perspicuum fiet. Quæ antequam attingam, visum est aliquas ex pluribus seligere, & recensere partes, ad quas respexit hoc loco sacra Synodus.

Negant igitur nouatores esse Canonica, & supprimunt ex proprijs Biblijs ista, quæ continentur in editionis vulgatæ Biblijs Genes. 4. v. 8. *Egrediamur foras.* Et Gen. 38. v. 5. *Quo nato parere ultra cessauit.* Et Exod. 2. v. 22. *Alterum verò peperit: quem vocauit Eliezer, dicens; Deus enim Patris mei adiutor meus eripuit me de manu Pharaonis.* Et 1. Reg. c. 5. verb. 6. *Et ebullierunt villæ, & agri in medio regionis illius, & nati sunt mures, & facta est confusio mortis magnæ in ciuitate.* Item 1. Regum 10. verb. 1. *Et liberabis populum suum de manibus inimicorum eius qui in circuitu sunt; & hoc tibi signum, quia vixit te Deus in principem.* Similiter 1. Regum 14. verb. 1. *Quid est quod non responderis seruo tuo hodie? si in me, aut in Ionatha filio meo est iniquitas hæc, da ostensionem: aut si iniquitas hæc est in populo tuo, da sanctitatem.* Præterea 2. Reg. 4. v. 5. *Et ostiaria domus purgans triticum obdormiuit, Insuper 2. Reg. 10. v. 19. Expauerunt, & fugerunt quinquaginta, & octo millia coram Israel;* Item primo Paralipom. 1. v. 132. *Filij autem Dada, Assirim, & Latuffim, & Latomin.* Alia huiuscemodi innumera prætermitto.

Sunt item integra capita, & partes ingentes in vulgata editione, desumptæ ex Græca Theodotionis editione, quarum nihil continetur in Hebræis, aut Chaldaicis voluminibus, quæ similiter à nouatoribus, vt spuria respuuntur, quales legimus in libro Esther, & præterea in libro Danielis, cuius cap. 3. habentur continui sexaginta septem versiculi, quos omnes illi expungunt. Habentur præterea integra, & proluxa cap. 13. & 14. comprehendentia Susannæ, & Draconis Beli, & carceris Danielis, & translationis Habacuc Prophetæ amplas historias, quæ a Lutheranis, & Calvinistis expolantur. Huic ergo hæreticorum circa diuinas Scriptu-

nas errori, ac temeritati occurrendum iudicauit. Sacra Synodus, quando illos anathemate perculit, qui sacros libros cum suis omnibus partibus pro sacris, & Canonicis non susceperint. Neque quidquam definire intendit, vel cogitauit sacra Synodus de omnibus particulis, aut verborum minutijs vniuersis, quæ neque fidei, neque morum disciplinam conuellunt, aut labefactant.

Enim verò dubitari nullo modo potest, quin eo ipso tempore quo Tridentina Synodus ipsum istud decretum circa sacros libros procudebat, sacra vulgatæ editionis Biblia tot mendis scaterent, vt nullum prorsus Bibliorum Latinorum exemplar ab innumeris mendis immune fidelium manibus tereretur. Itaque non potuisset hoc de illis statuere, quod multis venit in mentem, videlicet omnes huiusmodi Bibliorum particulas, & vuculas sine vlla exceptione sacras esse, atque Canonicas. Sanè illo ipso sæculo Plantinianæ editionis vulgata Biblia ad fidem vetustissimorum manuscriptorū tota Europa conquisitorū excusa, iudicabant sapiētes præ cunctis alijs castigatissima: tamen post Plantinianæ correctionis editionem, aliasq; eorundem temporum satis, castigatas, & elaboratas, & post Conc. Trid. tempora prodijt iussu Xisti V. Pontificis noua, & castigatior Bibliorum editio: qua tamen haud contentus Clemens Papa Octauus, alteram castigationem quam Sixtina, fuerat, concinnari fecit Bibliorum editionem.

Et tamen Sixti Constitutio anno edita 1589. cuius est initium, *Æternus ille cælestium*, & quam Biblijs sua cura correctis præfixerat, ita loquitur: *De Apostolica authoritatis plenitudine statuimus, ac declaramus, eam vulgatam sacram tam veteris, quam noui Testamenti Latinam editionem, quæ pro authentica à Concilio Tridentino recepta est, sine vlla dubitatione, ac controversia censendam esse hanc ipsam, quam nunc prout optimè fieri potuit, emendatam, & in Vaticana Typographia*

phia impressam, in uniuersa Christiana Rep. atque in omnibus Christiani orbis Ecclesijs legendam euulgamus. Eamque nunc demum Apostolica nobis à Domino tradita autoritate comprobata, pro vera, legitima, authentica, & indubitata, in omnibus publicis priuatisque dispensationibus, lectionibus, predicationibus, & explanationibus recipiendam, & tenendam esse.

Ea constitutio Sixti nihil oblitit, quominus postmodum Clemens VIII. hanc vulgatam, & Sixtinam Bibliorum editionem in multis post Sixtum emendatiorem edi curauerit, multis tum additis, tum detractis passim vocibus, alijsque transpositis, nonnullis etiam fidei doctrinam non concernentibus, apertam etiam contrarietatem, aut contradictionem habentibus, ut affirmat ipsa Clementis Bulla, quam refert post Sixti Bullam Cherubinus collector in suo Bullario. Dicendum itaque Sixtum emendatiora, quam ante fuissent Biblia suppeditasse, non tamen ab omnibus expurgata mendis: neque ablatam per id potestatem fuisse posterioribus Pontificibus castigatiora Biblia edendi, qualia sunt Clementis VIII. Neque post Clementis editionem fuisse exhausta omnia sacrorum librorum menda, aut præreptam futuris Pontificibus potestatem emendationis editionis, quam fuerit ipsa Clementina. Id verò vnum tam Sixtus, quam Clemens intenderunt, nouam quam exhibebat vterque editionem fuisse ijs, quæ præcellerant, castigatiorem: & præterea si quid possit in eis posthac de nouo emendari, id omne esse indifferens ad sanam fidei doctrinam.

Quin etiam subindè post Clementinam Bibliorum editionem Franciscus Lucas Theologus, & Decanus Cathedralis Ecclesiæ Audomarensis, libellum edidit continentem plures lectionum varietates, quibus perfectior reddi possit ipsa Clementis editio, si accederet alterius Romani Pontificis autoritas. Collectio autem Francisci Lucæ comprehendit quater mille, & amplius loca, quæ in Biblijs à Clemente correctis vterius

possent emendari . Idemque in epistola huiusce collectionis dedicatoria refert testimonia ex Litteris ad se ipsum scriptis Roberti Bellarmini Cardinalis, & Ioannis Baptistæ Bandini , quorum opera Clemens usus fuerat in Bibliorum à se edita correctione . Vterque Francisco Lucæ rescribit , *Sacra Biblia per illam Clementinam, quæ de Vaticana Typographia paulò ante prodierat, editionem necdum esse accuratissimè correctà , & superesse non pauca quæ adhuc in melius mutari possent* . Huius quidem Clementinæ editionis præfatio , quæ ab ipsis Pontificijs correctoribus præfixa est, profitetur, *hanc editionem pro humana infirmitate omnibus numeris absolutam difficile esse affirmare* . Ille Franciscus Lucas aliam quoque pro-
 cudit collectionem , quæ correctiones plusquam ter mille recenset, quibus Sixti editio Biblia vulgata, quæ Conc. Trid. tempore erant in communi totius Ecclesiæ usu delectavit . Quis igitur asserere ausit in Biblijs quibus Tridentini Patres, & reliqui tunc temporis fideles utebantur, nullam vocem, aut particulam fuisse, quæ non esset diuinæ authoritatis ? aut quis poterit hoc idem de Sixtina correctione affirmare, cum insequens Clementina correctio quamplurima Sixtinæ correctionis loca insuper emendauerit, & adhibiti ab ipso Clemente correctores, alijque pietate doctrinaque in primis conspicui doctores pleraque loca, quæ in Clementina editione supersunt, mendosa esse pronuncient, & argumentis probent ?

Sancti Ecclesiæ Doctores nobis apertè suffragantur. Hieronymus, qui scribit nomē *Ieremiæ*, quod adhuc legitur Matth. 27. vers. 9. irrepsisse pro *Zaccharia*. Epiphanius aduer. heres. in secta Epicureorum, qui apertè scribit mendum exscriptorum esse, quod etiam nunc legimus Matth. 1. ver. 11. *Iosias autem genuit Iechoniam, & fratres eius*. Et iterum S. Hieronymus nomen *Isaiæ*, quod legimus Matth. 3. verb. 3. credit esse additum . Nos, ait, *nomen Isaiæ putamus additum scriptorum vitio, quod & in alijs*

alijs probare possumus ; Sic ille . Alij insuper prisci Patres de quibusdam alijs Scripturæ locis expostulant fuisse deprauata . Vt & alij recentiores graues, & orthodoxi, qui tamen ante Tridentinum Concilium scripsere, Nicolaus Lyranus, Alfonsus Tostatus, Hugo Cardinalis, Thomas Caietanus, Dionysius Richel Cartusianus, alijque. Sed in his haud immoror, vt ad eos progrediar, qui post Conc. Trident. scriptis suis Ecclesiam illustrarunt .

Istiusmodi sunt Ioannes Maldonatus, Ludouicus Lipomanus Episcopus Veronensis, Andreas Masius, Cornelius Iansenius Episcopus Gandauensis, Ioannes Gagnæus, Alphonsus Salmeron, Cæsar Baronius Cardinalis, Iacobus Tirinus, Nicolaus Serarius, Gaspar Sanctius, Dionysius Petauus, Iacobus Salius, Nicolaus Serarius, Tornielus, Cornelius à Lapide, Bellarminus, ne alios recensendo prolixior sim . Deus optimè quales, & quanti viri, in quibus eximia pietas, sublimis sapientia, & profunda eruditio de palma contendunt ? Adeò vt licet aliquis vnum, aut alterum locorum, quæ illi deprauata in vulgata editione contendunt, à deprauatione tamen vindicauerit, hoc saltem supersit tot tantorumque Doctorum iudicio Conc. Trid. quod illi omnes magna prosequerentur veneratione, & cui contradicere piaculum credidissent, minimè iudicasse singulas vocum particulas nulla excepta, prout in vulgata editione reperiuntur, esse Canonicas, ac diuinæ autoritatis .

Vulgata translatio Latina Iosue 21. v. 36. Sic enunciat: *De tribu Ruben ultra Iordanem contra Iericho ciuitates refugij Bosor in solitudine Misor, & Iaser, & Iethson, & Mephath, ciuitates quatuor cum suburbanis suis* . Nicolaus Serarius è Societ. Iesu, comment. in hunc locum admonet in primis ex præcedenti c. 20. verb. 8. alijsque Scripturis, ex his enumeratis vrbibus tribus, Ruben solam Bosor esse refugij. Quod est etiam notandum in alijs alia-

rum tribuum hic recensitis ciuitatibus. Nam ex 48. Leuiticis vrbibus assignatæ sex dumtaxat fuere in refugium, quamuis in versiculis 21. 27. 32. 36. & 37. promiscuè, & indistinctè in vulgata editione omnes ciuitates dicantur vrbes refugij.

Addit Serarius nomen Misor in vulgatum Latinum contextum ver. 96. ex margine irrepsisse. Addit præterea, vel eandem esse Iaser cum Cademoth, vel cum insequente ciuitate Iethson : sed probabilius esse, Iaser huc per errorem immigrasse vice Cademoth. Idemque Serarius hæc verba subnectit: *Hinc apparet vulnus alicunde textui huic, tam in Latinis, quam in Græcis, quam in Hebraeis exemplaribus inflatum, quod nondum hætenus curatum satis.* Alphonsus verò Tostatus textum vulgatum huius, & sequentium versiculorum ex historica veritate aliarum scripturarum corrigens, non aliter proponit nisi in singulari numero *ciuitatem refugij, non ciuitates refugij.*

Gaspar Sanctius eiusdem scriptor Societatis, qui suis commentarijs vniuersam penè scripturam elucidauit, ad l. 4. Reg. cap. 14. num. 28. & sequentibus multa fusè admodum de hac materia pertractat, & pro fundamento regulam istam his ipsis verbis proponit: *In Biblijs vulgatis & fuisse multa, & nunc etiam esse non pauca, quæ scriptorum, ac Librariorum incuria sensim irrepserrunt, quæ mutata sunt, & correctæ à Sixto, & multa etiam relictæ, quæ cum mutanda viderentur, consultò tamen relictæ sunt.* Eodemque loco Sanctius obseruat, Hieronymum in sacra scriptura (qualem etiam nunc post Sixtinam correctionem habemus) Librariorum incuriam deprehendissæ, vt Isaia cap. 32. & Matth. 1. ubi Sermo est de Ieconia. Et Canum. l. 11. de locis, multa obseruare errata in numeris ex eorum incuria, qui olim sacros libros transcripserunt.

Addit Sanctius sæpè in Biblijs contingere, vt vna dictio à descriptore prætereatur, quia alia similis ei coniuncta est. Et profert ex pluribus (vt loquitur) exemplis hæc pauca etiam post Pontificiam correctionem. Hebr. 12. verb.

verb. 2. proposito sibi gaudio, cum tamen iuxta codices Græcos legendum velit: pro proposito sibi gaudio, ἀντὶ προσέειναι ἀντὶ χαρᾶς, ut legunt Chrysostomus, Theodoritus, Theophylactus, Oecumenius. Sic Roman. 11. inuestigabiles dicuntur viæ Domini pro inuestigabiles. Ante Sixti verò correctionem similiter legebatur. Hebr. 5. verb. 11. interpretabilis; at nunc interpretabilis, Græcè, διερμύνετος. Et Psalm. 118. nunc temporis etiam legitur: præueni in maturitate, pro contrario vocabulo, in immaturitate, id est in tempore nondum opportuno. Addit præterea, sanctum Hieronymum ad locum Isaïæ 43. Educet in veritate iudicium, observare hunc locum mutilate legi apud Matthæum capit. 12. omissis istis, non erit tristis, neque turbulentus, donec ponat in terra iudicium. Idque Scriptoris errore contigisse, qui hanc vocem (iudicium) repetitam in illo Isaïæ loco non aduertit; ideoque semel tantum per inaduertentiam posuit, omissis verbis intermedijs. Quam observationem idem repetit Hieronymus ad Aglasiā, q. 2.

Deinde profequitur Sanctius adiungens, Matth. 1. secunda Genealogiæ Christi tesseradecade fuisse omissos non ab Euangelista, sed à parum cauto exscriptore, tres istos Ochosiā, Ioas, & Amasiā, ob vicinitatem, & similitudinem nominum Ochosiæ, & Osiæ, ut inconsultò scripserit aliquis antiquarius Ioram genuit Osiā; pro Ioram genuit Ochosiā: quod proclive erat, quia præter reliquam conformitatem, habent hæc duo nomina eandem litteram initialem, nec differunt nisi vna intermedia littera.

Similiter probare, & persuadere nititur Sanctius, In tertia tesseradecade scriptum fuisse à Matthæo: Iosias genuit Ieconiam, & post transmigrationem Babylonis, Ieconias genuit Iechoniam, eo quod Ioacin filius Iosïæ fuerit etiam denominatus Ieconias, ut volunt Hieronymus in hunc Matthæi locum (quem idem sanctissimus Doctor asserit ab inscriptoribus deprauatum) Et S. Ambrosius lib. 3. in Lucam ad finem. Et S. Epiphanius in hæres. Epicuræorum ad finem, qui deprauationem quoque ab exscriptore hic factam asserit.

Hos sequuntur quoad testimonium eiusdem præten-
deprauationis præter Sanctium, Tostatus Abulensis,
Iansenius Gandauensis, Mariana in c. 1. Matth. Garzia
Galerza l. 8. c. 3. difficultates porro, quæ opponi circa
nominum numeros tessaredecadas singulas consti-
tuentes, Sanctius abundè conatur explanare.

Cornelius Iansenius Gandauensis Episcopus in epist.
ad Cardinalem Granuellanum, quam editis à se in Ec-
clesiasticum commentarijs præfixit, meminit quidem
huius Trid. decreti: quia tamen aliam esse, quam quæ
à vulgo existimatur, istius decreti mentem, & scopum
intelligebat, sic ibidem de Ecclesiastici libro loquitur.
*Hic liber præ cæteris Scripturæ libris, & infelicius apud nos
uersus est, & corruptissimus est in plerisque locis.* Deinde
identidem per vniuersum commentarij sui opus pas-
sim pronunciat, & ostendit, *Translationem istam qualem
nunc habemus vitiatam, & corruptam esse pluribus locis ad
singula capita libri, neque Latinum duntaxat, sed ipsum etiam
Græcum exemplar.*

Alfonsus Salmeron S. Ignatij Loiolæ socius, qui Tri-
dentino Conc. Summo iubente Pontifice interfuit, &
Ioannes Gagnæus comment. ad Act. Apost. cap. 27. v. 5.
*ambo scribunt eo loco per errorem irrepsisse Lystram Lyciæ in
Latinis vulgatis, cum scribendum velint Myram Lyciæ, sicut
habent Græci codices, & legerunt Chrysostomus, alijque Græci
Patres; cum sit certum Myram esse in Lyciæ; Lystram autem
hic ipse liber Actuum cap. 14. collocet in Prouincia Lycaoniæ.
Istam Salmeronis, & Gagnæi sententiam refert Lorinus
Act. 27.*

Ioannes Maldonatus eiusdem Scriptor Societatis
Comment. in Matth. 1. ver. 11. *Ait hunc versiculum esse
Scriptorum vitio deprauatum, & sic legendum esse: Iosias au-
tem genuit Ioacim, & fratres eius, &c. Deinde versum 12.
similiter ipsius iudicio deprauatum, sic esse legendum. Iocin
autem genuit Iechoniam. Idemque Maldonatus Matth.
27. verb. 9. docet, nomen Ieremiæ, quod ibi legitur fuisse ab
ali-*

aliquo indocto margini appositum, deinde ab altero aequè imperito translatum in ipsum textum, cum tamen memorata ibi prophetia non sit Ieremia, sed Zaccharia. Iltam circa hunc locum sententiam Maldonatus communem habet cum S. Hieronymo, & Cornelio Iansenio Gandauensi ad hunc ipsum locum, vt taceam Lyranum, Hugonem Cardinalem, Dionysium Carthusianum, qui fuerunt in eadem sententia ante Synodum Tridentinam.

Iacobus Tirinus Soc. Iesu 1. Paralip. cap. 4. verb. 22. Haud satis probat istas versiones, Qui stare fecit solem, & viros mendacij, & securum, & incendientem, cum sint nominum propriorum Iokim, & Coseba, & Ioas. Quin etiam, adiungit, vocem solis, quæ legitur in omnibus, vulgatis etiam vltimò correctis Biblijs, fuisse olim hic insertam à sciolo, deductamque ex Iudeorum anilibus fabulis. Idemque Tirinus, necnon ex eadem Societate alij duo Iacobus Salius ad ann. 3150. num. 5. & seqq. atque Dionysius Petavius ration. temporum, p. 2. c. 11. Caietanus pariter in 2. Paralipom. & Torniellus in annal. vnanimiter omnes scribunt, in lib. 2. Paralip. cap. 22. verb. 2. mendosè legi tam in Hebraeis, quam in Latinis voluminibus, quadraginta duos annos, pro duobus, & viginti, sicut habetur 4. Reg. 8. 26. Cornelius à Lapide commentar. ad 2. Paralip. 22. Aperitè affirmat ibi esse mendum numericum, & contrarias rationes solidè refellit. Addit idem affirmari à Bellarmino in manuscripta concordia annorum Israel, & Iuda, quam penes se habet. Deindè sic ait: plura in editione vulgata à Romanis correctæ sunt, & plura corrigi possent, vt ipsi correctores in præfatione fatentur. Sic multi demunt Cainam à serie generationum in genealogia Christi, cum tamen eum constanter habeant omnia Græca, Latina, Syra, Arabica exemplaria. Lucæ 3. 36. Hactenus Cornelius à Lapide.

Aloysius Lipomanus Veronæ Episcopus, & Andreas Masius intricati ambo perplexis difficultatibus conciliandi cum narratione Moyfis ea, quæ perhibet S. Stephanus de vocatione, & migratione Abrahami, nodum

istum Gordium exciudere, quàm solvere satiùs duxerunt, & scripserunt, antiquarios nonnulla exscribendo caput *Act. 7. sive per incuriam, sive per imperitam audaciam vitiasse*: Non tamen desunt rationes conciliandi loca in speciem contraria, quas alij expositores excogitarunt.

Cæsar Baronius Card. de Ecclesia optimè meritis, rationibus aliquot Chronologicis adductus asserit ad Christi annum 59. *Subesse mendum in omnibus Pauli exemplaribus 2. Tim. 4. v. 20. Trophimum autem reliqui infirmum Mileti, cum autemet Melita legi oportere.*

Præ omnibus Bibliorum editionibus præcipuam certè laudem, ac venerationem meretur Latina vulgata à sincerioribus, & eruditioribus ingenijs, ceteris omnibus translationibus prælata, quamque vniuersa Ecclesia reliquis omnibus post habitis complexa est: nec minus tamen supra censiti grauissimi, & Catholici Doctores, alijq; quorum commemoratione superfedeo, ipsique illi qui Sixti, & Clementis iussu vulgatam editionem exactius quam antea correxerunt, hoc de ipsa in præfatione, quam Biblijs præfixerunt, testati sunt, *Non posse affirmari, quod sit numeris omnibus absoluta, atque in his non pauca relictis fuisse quæ mutanda videbantur.* Nimirum quia menda nonnulla sic ab antiquo irreperant, ut nulla suppeterent exemplaria his mendis vacua. At verò sapientis veterum librorum, & maximè sacrorum correctoris est, nihil ex propria mente innouare, sed cuncta ad fidem optimorum, & vetustissimorum exemplarjū exigere, quantumuis videri possit alteratus ab antiquis non quidem auctoribus, sed ex scriptoribus locus.

Id verò non solum in vulgata editione damnum contingere potuit, sed in ipsis Hebraicis, Græcisque exemplaribus reipsa ita contigisse certum est: ut nullum huiusmodi exemplar immune prorsus reperiri possit, ipsaq; Ecclesia sancta in omni sæculorum decursu, vix ac ne vix quidem Biblijs Hebraicis, aut Græcis, aut Latinis potita sit, quæ omni ex parte illibata, & ex-

purgata essent . Exempli causa in multiplicibus versibus c. 21. Iosue . videbant adhibiti tùm à Sixto tùm à Clemente correctores perspecta rei veritate. *Legendum esse potius vrbs, quàm vrbes refugij*: Tùm quia ex multiplicibus illic nominatis vrbibus Leuiticis solæ illæ, quæ primo loco in ijs versibus nominantur, pertinebant ad refugium, seu asylum, reliquæ non pertinebant: tùm quia ipsi tam Hebræi, quàm Græci Codices Archetypi, vrbem numero singulari exprimebant Hebræi quidem *את עיר מקלט* *eth-hir miclat*, Græci autem *τὴν πόλιν φυγάσθαι* . Nec dubitabant emendatores, quin Latineus interpres transtulisset in singulari *urbem*: facile quoque animaduertebant sciolum quempiam, & audaculum vulgatæ editionis, siue transcriptorem, siue correctorem, videndo non vnicam, sed plures designari simul ciuitates, ineptè autumasse non vrbem scribendum, sed vrbes. Quia tamen ista deprauatio ab altissimè dudum petitis sæculis inuecta fuerat, nec vllum hac in parte illibatum exemplar occurrebat, maluerunt modesti, & Religiosi emendatores rem, vti erat relinquere intactam, quàm contra omnium veterum Latinorum exemplarium fidem aliquid ex mente propria commutare. Atque ita multa (vt ipsi protestantur) quæ mutanda videbantur, consultò immutata reliquisse.

Hebræa verò Biblia non esse iamdudum à mendis vacua perspicies, si conferas cum Græca Septuaginta interpretum editione: cui tantùm detulisse ipsum Christum Dominum eiusque Apostolos, & Euangelistas constat, vt quando ex veteri Testamento testimonia proferunt, non aliter ea enuncient, quàm iuxta Septuaginta interpretum editionem, etiam vbi maximè videtur ab Hebraico textu discrepare. Constat verò 70. interpretes aliquot sæculis Christo anteriores à Principe Sacerdotum selectos florente Iudeorum Republica, instructos fuisse quàm emendatissimo veteris Testamenti Hebraico exemplari: nec minùs liquidò constat ipsos aliter in Hebræis voluminibus legisse, quàm nunc

tem-

temporis, atque ab annis 1200. legi solet, ut perspicuè ostendunt in editis à se in Psalmos commentarijs Paulus Burgenfis. Genebrardus, Lorinus, Bellarminus. Fateri ergo necesse est Hebræorum codices, quales habemus deprauationem dudum contraxisse. Quæ deprauatio post reprobationem Iudaismi multis ex causis ortum duxit (ut fileam exscriptorum incuriam, inscientiam, malam fidem, quam etiam Iudæis impropere Iustinus Martyr, circa Scripturas in Dialogo cum Triphone Iudæo) tum ex plurium Hebraicarum litterarum similitudine: unde factum, ut alię pro alijs facile substitutæ fuerint, tum ex vocalium apud Hebræos defectu, quarum loco alia pro alijs vocalia puncta obtulerunt Rabbini Iudæorum, post Christianæ Religionis exitum istiusmodi punctorum inuentores; tum demum, ex interpunctionum periodo, & incisa diuidentium, collocatione diuersa, qua sensus sententiarum, & verborum quam sapientissime immutatur, & planè diuersus reperitur inter hodierna Hebraica Biblia, & Septuaginta interpretes. Hæc passim demonstrat in Psalmis Genebrardus, & ab hoc mutuatus Bellarminus.

Quod verò attinet ad Grecam 70. translatorum editionem, quæ ab ipsis Apostolorum temporibus omnem in Ecclesia obtinuerat authoritatem, in Oriente quidem ad hunc usque diem, in Occidente autem per annos quingentos, ubi Romana Ecclesia, ceteræque tum Occidens, tum Africanæ non alijs utebantur Latinis Biblijs, quam deriuatis, & traductis ex fonte translationis Græcæ à 70. editæ. Dubitari tamen non potest, quin editio 70. fuerit multis locis vitiata, & corrupta iam inde à prioribus Ecclesiæ sæculis, ut conqueritur Origenes ad caput Ierem. 17. Fieri ergo non potuit, quin Latina antiquiora Biblia; quibus solis vniuersa Ecclesia Latina utebatur, eosdem pariter defectus contraxerint. Ipse sanè Origenes quam optimè potuit Septuaginta expurgauit, quæ tamen diligentia eius minimè sufficit, quan-

quandoquidem sanctus Martyr Lucianus , & Esychius nouas post Origenem addidere correctiones editionis Septuaginta : sed inter se ita diuersas , vt fidem faciat Hieronymus Orientalium Ecclesiarum partem vltam Luciani editione fuisse ; at in altera parte præualuisse editionem Esychij . Quæ tamen non obstiterunt, quin Græcæ vtriusque editiones multis neuis, & maculis aspersæ sint, vt passim S. Hieronymus exposulat .

Quod autem ad Latinarum Ecclesiarum Latina Biblia spectat, quibus illæ per annos quingentos vsq̃ sunt, sic de illis testatur Hieron. præfat. in Iosue : *Apud Latinos tot sunt exemplaria quot codices, cum unusquisque pro arbitrio suo, vel addiderit, vel subtraxerit, quod ei visum est* . Hieronymo suffragatur August. l. 2. de doctr. Chr. c. 11. Hisce verbis: *Qui Scripturas verterant Latini numerari nullo modo possunt, vt enim cuique primis fidei temporibus in manus venit Codex Græcus, & qui aliquantulum facultatis vtriusque linguæ sibi met habere videbatur, ausus est interpretari* . Ita August. Et sanè vt fuissent illæ versiones alioqui sincere, illas tamen labe necessariò contrahebant, quæ temporū iniuria codices ipsos Græcos vnde translatae erant deformauerant . Sola verò vulgata editio cuius auctorem Hieronymum eruditiores credunt, ex Hebraicis fontibus haulta est . Sed ipsa quoque (vt in omnibus rebus , quæ priuatorum hominum manibus passim , & longo annorum decursu tractantur necesse est, euenire) næuorum, & deprauationum haud paucas iniurias pertulit ab exscribētibus antiquarijs, & correctoribus imperitis . Quare multis præconijs laudanda est Sixti, & Clementis Pontificum pia sollicitudo, qua factum est, vt defæcatoribus nunc Biblijs fruamur de-terfis innumeris, quibus & antè, & post Conc. Trid. scatebant maculis . Certè numquam permisit, aut permisura est diuina prouidentia , vt Biblia sacra quibus publicè Catholica Ecclesia vtitur eiusmodi erroribus fæderentur, qui diuinæ fidei, morumque sanctitati directè ,

& manifestè aduersentur. Huc enim collimat Christi in suam Ecclesiam regimen, & directio.

Quamvis olim Curiæ Regni Franciæ consulente, & instigante Carolo Molinæo Parisiensi aduocato, qui suum etiam qualecumque Consilium Typis edi curauit, huius Synodi Tridentinæ receptioni, præterquam in decretis solis, quæ de fide sunt, obtiterint: singuli tamen Episcopi intra proprias Dioceses recipi, & obseruari curaverunt huius Concilij Canones, quotquot etiam circa Ecclesiæ ordinem, & disciplinam constituerat. Quo factum est, ut iam inde ab integro sæculo, graduum consanguinitatis, & affinitatis tam spiritualis, quam carnalis restrictio, quoad legitima connubia, anni etiam ad professionem validam requisiti, annus quoque probationis, forma reclamandi à facta dudum professione, ætas quoque ad singulos ordines requisita, formæ prouisionum beneficialium, declarationes potestatis ordinariorum in multis rebus, & personis, maximè verò circa casus occultos, quorum olim absolutio, aut dispensatio Papæ reservabatur, aliaque eiusmodi quamplurima vigorem, nemine opponente, in Gallia habuerunt iam inde ab ipso Pij IV. Pontificatu. Etiam si Canones huius Tridentinis anteriores, atque olim in regno Galliæ vigentes diuersa omninò statuisent, ut facillè compertum fiet prædictos Canones percurrenti, & conferenti cum antiquioribus iuribus, quæ in ipsis & cum ipsis exactè contulimus, quæ abrogata, & mutata videmus in hoc regno à tempore Tridentini Concilij: quod est argumentum euidentius receptarum in Galliis Tridentinarum sanctionum. Ad postremum anno Christi 1615. Lutetiæ in Generali conuentu Gallicani Cleri sub regno Ludouici XIII. de nouo receptum fuit communi decreto Concilium istud, ut ex generalibus actis constât Gallicani Cleri, & scribit in suis Annalibus Petrus à Sancto Romualdo Ordinis Fulgensi Monachus.



I N D E X

RERVM NOTABILIVM

Huius Operis , ordine Alphabetico
Digestus.

In quo numerus Paginam, & Materiam indicat .



Bbates, vt ab Episcopis corrigantur, eis-
que subsint. pag. 273

Abbates Sacerdotes , & benedicti suis
possunt Monachis tonsuram , & mino-
res ordines conferre. 359

Absolutionis formula Græca , & appro-
bata personam absoluentis nullatenus connotat.
186

Absolutio quatenus impendenda ei, qui obmutuit, aut
delirat. 183. 229

Abstinentiæ ciborum , & prohibitionis nuptiarum Ec-
clesiastica præscripta , quam procul à Manichæo-
rum, & Eustathianorum delirijs distent. 90

Aracij Constantinopolis Episcopi fraude pro Euty-
chiana hæresi. 289. 320. 321

Acacius Cæsaræ Palestinæ Episcopus, Arianorum ab-
solutorum coryphæus Constantio gratissimus. 130.

Idem author fuit Anomæorum. 132

Acc-

Index Rerum.

Acephalorum origo.	321
Ad Altare communicare solis licebat Altaris ministris.	142
Æra Hispanica.	285
Ætas ad profitendam religionem requisita.	244
Ætas in Episcopis, in Archidiaconis, & in Beneficiarijs habentibus animarum curam requisita.	404
Affinitatis ex illicita coniunctione impedimentum limitatur in secundo gradu.	497
Africa pars quæ Romano subdebatur Imperio, deducta Ægypto, Lybia, & Pentapoli, sex amplissimas Prouincias amplexēbatur.	173
Agapum vsus antiquissimus, sed postea ex abusu interdictus.	144
Agnorum cereorum Christum representantium pius, & antiquus vsus.	342
Agrippinus Carthaginis Episcopus.	9
Ἀποδοσις secundus Pœnitentium ordo.	247
Alexander Alexandriæ Episcopus Ario se opponit.	29
Alæ ex utroque Ecclesiæ latere ductæ.	248
Alexander Papa III. Fridericum Aenobarbum Imperatorem veniam petentem Venetijs absoluit.	403
Alexander Constantinop. Episc. Arianæ se hæresi opponit, quam in Concilio Nicæno damnat, & Arij in suam Ecclesiam ingressui obstitit.	80
Alexandrini Patriarchæ ditio in Prouincijs tribus.	55
Alienatio rerum Ecclesiæ, quas requirat solemnitates.	178.179
Ambitus dignitatum damnabilis.	498
Ambon seu suggestum quid sit in Ecclesia.	248.249
Ambrosius Ecclesiæ doctor Arelatę natus, & educatus.	103
Amuleta (scilicet magica) prohibita, vel superstitiosa.	145
Anatolij fraus in Chalcedonenſi Synodo pro Constantinopolitanę sedis indebita præeminentia.	239
Ana-	

Index Rerum.

- Anatolius Dioscori primùm apocrisarius, deinde Constantinopolis Episcopus. 235
- Angelos, & Animas rationales corporeæ esse substantiæ maxima olim Patrum Græcorum, & Latinorum pars credidit, & docuit: at nunc iure merito opposita inualuit sententia. 356. & seqq.
- Angelos malos multi hæretici solebant inuocare ex Simonis magi colluie. 145
- Animale peccatum quid sit. 43. 44
- Animam vnicam in homine esse, formaliter quidem rationalem, virtute verò vegetantem, & sensitivam definitum contra Manichæos. 212
- Annatarum vsus quibus rationibus licitus. 459. & seqq.
- Antimus Eutychianus deponitur ab Agapito Papa obistente licet Theodora Imperatrice, eiusque loco subrogatur Menas in sedem Constantinop. 290
- Antiocheni Patriarchæ fines Hellespontus, & Euphrates. 56
- Antiochenæ Ecclesiæ in tres partes, & totidem Episcopo conscissio. 122
- Apocrisarii, seu responsales. 39. 40
- Apollinaris hæresis circa Christi animam damnata. 154. 160
- Apostolis falsò ascripti canones. 12. 13. 342
- Apostolorum Concilia tria. 1
- Appellatio ad transmarina prohibetur Clericis non Episcopis ex Africa. 205
- Appellationes Appiarij, & Celestij ad Zosimum Papam. 206. 207
- Appellationes perditorum Clericorum ad Papam sæpè sacræ disciplinæ, & Diocesum bono statui perniciosæ. ibid.
- Appellationum ad Papam ex omnibus terræ plagis exempla. 213. 214
- Appellationes ab abusu frequentius abusuz, nec recipiendæ. 314. 315
- Appel-

- Appellatio à correctione nisi modus excedatur non**
admittitur. 405. 406
- Appellatio** admittitur ab interlocutoria, vbi damnum
adhuc potest in definitiua sententia reparari. *ibid.*
& 486
- Appellari** potest à decreto, seu sententia incarcerationis; huius enim damnum censetur irreparabile. 486
- Aqua** in calice vino admiscenda. 342
- Aquæ Sextiæ Metropolis** ex antiquo secundæ Narbonensis Prouinciæ, & ciuilis, & Ecclesiastica. 171
- Aquileiensis Synodus.** 157
- Archiepiscopi** nomen primitus solis Patriarchis, atque Exarchis attributum, non verò Metropolitibus: postremò autem etiam inferioribus Episcopis permultis ex imperiali priuilegio, ac rescripto indultum. 36
- Arelate** sub Prouincia Viennensi. 28. 171
- Arelate** à tempore Magni Constantini sedes Præfecti Galliarum. 102
- Arelatensi Episcopo**, ac primati ius indultum à Papa Zosimo, vt vicinarum Prouinciæ Episcopos crearet, sed ab eodem mox reuocatum, & in Hilario deinde Arelatensi hoc sibi ius vsurpante à S. Pontifice Leone animaduersum. 101
- Arij** liber obscænus, inscriptus *Thalia*. 79
- Arius** Eusebianorum factione Alexandriam iubente Constantino reuocatur. 83
- Athanasius** decreto Iulij Papæ, & Romanæ Synodi remittitur Alexandriam. 84
- Idem** tamen denuò ab Arianis Constantio fretis eijcitur, & Romam, quæ Constanti parebat, regreditur. 185.
- Idem** simulque Paulus Constantinopolis Episc. alijque exules Orthodoxi, decreto Sardicensis Concilij in pristinas sedes remittuntur. 85
- Athanasius** Iacobitarum Pseudo-Patriarcha Monothelitarum author. 323

- A**thanasius calumnijs, & imposturis proscinditur in
Tyri Pseudo-Synodo. 81. Idem factione Arianorum
Alexandria eijcitur, & Treuiris iubente Constanti-
no exulat. 83
Augustinus voce, & scriptis Pelagianos infectatur.
200. 203. Idem scriptis libris Semipelagianos refel-
lit. 203
Αὐτοκράτορ. 166

B

- B**abyle martyris sacris Reliquijs in lucum Daphni-
ticum translatis, dæmonis oracula, quæ eo loco
reddebantur, cessarunt. 117
Baptismo carens si ordinationem accipit, debet post-
quam baptismum acceperit de nouo ordinari. 68
Baptismi, Confirmationis, ac Ordinationis Sacramen-
ta sine formidine conferenda, si dubitatur post debi-
tam rei inquisitionem, an collata fuerint. 348. 349
Baptismo Christum induimus, eiusque vitæ imitatio-
nem profitemur. 349. 350
Baptisteria iuxta, non verò intra Ecclesiam. 357
Baronius ex vnus Typographi errore corrigi vult cæ-
tera omnia Græca, Latinaque vetusta, recentiaque
exemplaria. 78
Basilius Ancyre Episcopus, Semiarianorum coryphæus
hereticum Photinum disputans refellit in Concilio
Sirmienti. 123. Idem cum alijs Semiarianis Ariano-
rum factione deponitur in Pseudo-Synodo Constan-
tinopolitana. 130. Et si idem paulò ante in concilia-
bulo Seleuciensi Arianorum damnationem vrsisset,
ac obtinuisset. 130
Begardorum, & Beguinarum hæretica, & impurissi-
ma secta. 438. 439. Valdè conformis veteri Massa-
lianorum, Euchitarum, ac Enthusiastarum sectæ.
439

- Benedictio nuptialis.** 167
Beneficia duo sufficientia tenere prohibitum, & si sint incompatibilia, primum vacat altero suscepto. 359.
 360. 361. 419
Beneficia nullatenus promittenda priusquam vacauerint. 406
Beneficia intra sex menses a notitia vacationis conferenda sunt Clerico digno, & capaci, alioquin collatio deuoluitur. ibid.
Beneficium quod pater tenuit, filius tenere vetatur. 420
Beneficij fructus restituendi ab eo, qui diuinum, & quotidianum officium non recitauit. 468
Beneficia Sacerdotalia ei conferri possunt, qui potest intra annum fieri Sacerdos, quamvis annum nondum expleuerit ætatis. 481
Beneficia curata non debent in duo diuidi, quorum vnum sit simplex, & ubi hoc factum est, curare debent Episc. vt in pristinum statum reducantur. 485
Biblia siue Hebræa, siue Græca, siue Latina ab omnibus omninò mendis expertia, nullo sæculo habuit Ecclesia. 495. & seqq.
Bibliorum vulgatæ editionis partes, quas sub anathematis pœna Tridentinum astruit, recipiendas quænam, & quales sint. ibid.
Bigami in primitiua Ecclesia priuabantur communione ad aliquod tempus. 135
Bigamiæ tam veræ, quam interpretatiuæ irregularitas. 182
Bigamia olim diuersa in Ecclesijs significabat. 246

C

- C**alices aliquando lignei, sæpiùs vitrei, & demum argentei. 389
Cancellis olim Sanctuarium circumdabatur. 251
Canones antiquiores sacrorum librorum aliquos libros

Index Rerum.

- bro omiserunt, de quibus tunc non liquebat, qui postmodum Deo reuelante recepti ab Ecclesia sunt. 253
- Canonici choro astricti non recitantes officium, tenentur, quamvis choro interfuerint, & illorum Ecclesie statutum requirat solam corporis presentiam, fructus, & distributiones restituere. 468
- Canon Ecclesie dicebatur catalogus clericorum alicui Ecclesie additorum. 140. 141
- Canonici ex hoc Canone, seu catalogo olim dicti. 140. & seqq.
- Cantilenæ vulgares, aut priuatę repelluntur ab Ecclesijs. 132
- Cantores a simplici Sacerdote constituebantur. 176
- Capitulorum vocales nulli esse possunt. sine Subdiac-natus saltem ordine. 490
- Capitulum sede vacante non potest dimissorias concedere, nisi propterürgens beneficium intra primum annum. 484
- Capituli maior pars, vt præualeat in deliberationibus, & electionibus. 407
- Cardinalium ex antiquo eminentia. 433. 434
- Cardinalium prima mentio sub Syluestro I. 434. 435
- Cardinales etiam dicebantur Episcopi, Sacerdotes, & Diaconi in alijs a Romana Ecclesijs. ibid.
- Cardinalibus indultus rubeus pileus in Concilio Lugdunensi sub Innocente IV. 425
- Cardinalium prima legitur mentio in Concilio Romano sub Papa Syluestro. 76
- Carolo Magno ascriptus liber authorem habet hæreticum, cuius scripta Carolus ad Adrianum Papam transmisit refutanda. 34
- Carthaginis Episcopis primatiæ subdebantur plusquam trecenti Episcopi. 174. 175
- Cassianus, & Faustus Semipelagianorum Principes. 275

Index Rerum.

- Catechumeni non baptizandi, nisi sufficienter instru-**
ti. 43
- Catechumeni finita homilia egrediebantur ex Eccle-**
sia. 142
- Catechumenorum alij dicebantur auditores, alij com-**
petentes. ibid.
- Catechumenorum, & Energumenorum olim in Eccle-**
sia statio. 247. 248
- Cæcilianus Carthaginis Episcopus.** 25
- Celibatus sacri Cleri est Apost. institutionis.** 45. 442
- Cæsarius Arelatensis calumniosè prodicionis accusa-**
tus. 263
- Cælestius Pelagij dogmata primus per Africam spar-**
git, & accusatus à Paulino Diacono damnatur in
Concilio Carthaginensi. 209
- Cercorum vsus, qua ratione, vel prohibitus, vel recep-**
tus in exequijs fidelium. 19. 20
- Chorepiscopi alij solo Sacerdotio, alij etiam Episco-**
pato insigniti. 22
- Chrismatio baptizati.** 74
- Chrismatio confirmati.** 225
- Ciborium Græcis Latinisque vsitata vox quid sit.** 259
- Circumstantiæ peccatorum, quæ necessario expremen-**
dæ sint. 478
- Clementis Romani Papæ constitutiones ab hæreticis**
deprauatæ. 342
- Clericus habitum clericalem non deferens, qua ratio-**
ne puniendus. 479
- Clericorum exterior habitus, & modestia.** 417. & seqq.
- Clericorum crapula coercetur.** ibid.
- Clericus vsurarius deponendus.** 68
- Clerici à profanis administrationibus, & negotijs ar-**
centur. 110. & 240
- Clerici cum primum ordinabantur certæ cuiusdam**
Ecclesiæ ministerio addicebantur, à qua discedere
non erat eis liberum. 115. 242

Cle-

Index Rerum.

Clerici cauponas intrare prohibentur.	144
Clerici spectaculis scenicis interesse prohibentur.	151
Clericus nec comam nutriat, neque barbam.	179
Clericus nec vestibus, nec calceis decorem quærat.	
ibid.	
Clericus professionem suam, & in habitu, & in incessu probet.	ibid.
Clericus per plateas, & andronas non ambulet.	180
Clericus quantumlibet verbo Dei eruditus artificio victum quærat.	ib. & 281
Clericus scurrilis, ac turpia efficiens deponendus.	
281	
Clerico delinquenti pœnitentia publica non poterat iniungi, sed clausura, ac secessus.	182
Clerici non spectent damnatorum supplicia, nève auditorium criminale ingrediantur.	387
Clericorum cultiores vestes, & vnguentorum vsus reprobantur.	361
Clerici vt Missæ quotidie intersint.	217
Clericus iniussu proprii Episcopi ad alium Episcopum diuertens excommunicatur, simulque suscipiens Episcopus.	245
Clericus ne coram iudice laico conueniatur.	268
Clericis comam nutrire, aut indecenter vestiri prohibitum.	269
Clerici, & Monachi contumaces verberibus coercendi.	270
Clerico sine litteris sui antistitis peregrinanti communicatio deneganda.	271
Clericis venatio interdicta.	ibid.
Clerici communione suspenduntur, qui solemnioribus anni festis a suis Ecclesijs abfuerint.	272
Clerici suspendi a communione, qui tres hebdomadas a proprijs Ecclesijs abfuerint.	ib.
Clericorum ordinationi prærequisita aliquando venia Regis.	273

Index Rerum.

Clerici ut sibi ipsis victum, ac cibos præparent.	282
Clericorum simul habitantium collegia.	304 305
Clericorum corona qualis.	306
Clericorum immunitas à secularibus iudicijs.	309
Communio Paschalis.	416
Communio laica explicatur.	265
Communio peregrina exponitur.	265. 266
Communione peregrinæ aliud genus elucidatur.	266.
267	
Communio Eucharistica sub binis speciebus præcepta in Concil. Clarom. & vetita in Concil. Constantiensi fuit.	395
Communio Eucharistica olim ter in anno ex canonum præscripto facienda.	269
Concilia œcumenica singulis decennijs conuocanda ex Constantiensi decreto.	450
Conciliorum legitimorum decreta non in rebus fidei, sed circa disciplinam, vel facta sæpè occurrunt inter se contraria.	449
Conciliorum decretis Patres disputando præcludunt.	506
Conciliorum quædam in aula Principis, alia in ædibus sacris celebrata.	41
Conciliorum decreta omni authoritate carent citra Romani Pontificis approbationem.	158. 159
Concilium Carthaginense sextum, & Concilium Africanum plenarium non duo, sed vnum idemque sunt.	209
Concilia inualida sine Papæ authoritate celebrata.	237. 238
Concilium potestatem habet directiuam erga Papam, sed non coactiuam.	465
Conciliorum fructus instauratio Ecclesiasticæ disciplinæ.	281
Concio, & concionari. V. Prædicatio, & prædicare.	
Conclauē, & clausulam Cardinalium edixit Lugdunense Concilium in electionibus Papæ faciendis.	419
Con-	

Index Rerum.

Concordatum abrogatæ pragmaticæ sanctioni subrogatur.	469
Concubina dicebatur indotata vxor.	219
Confessio peccatorum.	487
Confessio annua.	478
Confessio Sacramentalis vna cum congrua peccatis satisfactiōe asseritur.	136
Confessiones audire, nec sæculares possunt, nec regulares sine Parochi, aut Episcopi approbatione.	555
Confessorum cum puellis Dei familiaritas damnatur.	217. 218
Confirmationis Sacramento necessaria, ac substantialis impositio manus, quæ fit per ipsam frontis chrismationem.	226
Confirmatio ei administranda, de quo post exactam inquisitionem adhuc dubitatur, an confirmatus fuerit.	348-349
Cononis Presbyteri historia circa vñctionem in baptismo.	70
Consistentium Pœnitentium statio.	248
Constantinopolitani Imperij ad Latinos translatio.	425.
Eiusdem in Græcorum dominatum regressio.	426
Constantinopolitani Patriarchatus primordia, & progressiones.	413
Constantinus Magnus in Ecclesiæ Apost. SS. vestibulo sepultus.	257. 258
Constantini Augusti sensus circa Episcoporum causas. 31. 32. Eiusdem in sacra Synodo perspecta pietas.	31. 32
Constantinum Magnum probatur fuisse sub vitæ finem ab Eusebio Nicomediensi baptizatum.	76. 77.
	78
Constantinus successionem Imperij tres inter liberos partitur, Constantinum iuniorem, Constantium, & Constantem.	83

Index Rerum.

Constantis mors Ecclesiæ luctuosa .	115
Constantij de Magnentio victoria .	115
Constantius moriens Antiochię baptizatur ab Eusoio .	132
Constantinopoleos origo, & situs .	156
Constantinopolis Episcopi per ambitionem diu affectarunt secundam à Romanam sedem .	161
Constantis Imperatoris hæretici edictum nomine ty- pi .	35
Constantini Pogonati pro fide Catholica zelus .	325
Constantini Copronymi diræ impietates .	352.353.354
Eiusdem, & filij Leonis Iconomachi horrenda mors .	ibid.
Contritionis, & attritionis discrimina, & effectus .	477
Cypri Metropolitæ Antiocheno Patriarchæ subducitur, & fit ἀκρίβης .	223.224
Cyprianus hæreticorum baptismum reprobatur .	10.11
Cyrillus Hierosolymitanus Episcopus ab Arianis deponitur in Pseudo Synodo Constantinopolitana .	131
Cyrillus Alexandrinus, vt Legatus Cęlestini Papę Constantinopolitanę Ecclesię tempore Nestorij præfici- tur, & Synodo Oecumenicę Ephesi præsidet .	221.222

D

D ecani, Præpositi, & Archipresbyteri Sacerdotib initiari tenentur, saltem intra annum .	400
Decimę ante omnia tributa deducendę .	421
Delicta Clericorum priuilegiata quę sint .	315.316
Defensores pauperum .	199
Defensores Ecclesiarum .	208.209
Defensores regionarij .	ibid.
Defensores ciuitatum .	ibid.
Deuoluti ius circa vacantia beneficia .	406
Deuoluti ius circa beneficia, quę patronorum præ- sentationi subiiciuntur . Et in hac re discrimen pa- tro-	

tronatus Laici, & Ecclesiastici.	405
Diaconi sedere prohibiti coram Sacerdote nisi iubeat.	
143.179	
Diaconi in sui ordinatione contra cœlibatũ protē- stantes.	123
Diaconorum vetus officium.	7
Diaconorum septenarius numerus.	7.& 24
Diaconissæ, seu sanctimoniales, ac viduæ.	176
Diaconissæ detondebantur, & vestem mutabant.	185
Diaconissæ manuum impositione ordinabantur, & de- inceps nũbere non poterant.	214
Diaconium, mensa in qua sacra vasa, & panes para- bantur ad sacrificium.	251
Diœceses seu vicariæ, tum imperij, tum Ecclesiæ,	98
& seq.	
Dionysij Mediolanensi Episc. depositio ab Arianis in Pseudo-Synodo Mediolanensi.	117
Dioscori Alexandrini scelera.	233.234
Dioscori Alexandrini damnatio in Chalcedonensi Concilio.	238
Diptycha continebant fidelium nomina, tam viuen- tium, quàm defunctorum, qui communibus Ecclesiæ suffragijs participabant, eaque publicè legebantur inter sacratissima mysteria.	339
Diptycha alia quoque erant, sanctorum qui inter di- uina mysteria inuocabantur nomina continentia.	
ibid.	
Dominicale vocabatur linteamen quo scæminæ com- municaturæ sacram Eucharistiam excipiebant.	350
Dominicus dies in locum Sabbathi successit.	343
Donatistarum schisma.	25.26
Dulcissima scdissima secta.	419.& 440

E

- E**cclesia rejicere dona, & oblationes debet eorum, qui per oppressionem, & aliorum iniuriam ditati sunt. 184.185
- Ecclesiæ ingressus permittitur, & auditio verbi Dei Iudæis, gentilibus, & hæreticis. 184
- Ecclesiæ immunitas, & asylum ad eam confugientibus. 228
- Ecclesijs, ac pauperibus relicta qui retinent, aut fraudant, excommunicati. 229. & 230
- Ecclesiæ viduatæ prouentus ab œconomo percipiendi, vt successori referuentur. 245
- Ecclesia temporum progressu quàm plurimas didicit Theologicas veritates, quas antè ignorauerat, & explicitè ad fidem pertinere definiuit, quæ priùs ignorabantur. 358.359
- Ecclesiæ nouæ, nouaque Monasteria erigi vetita nisi sufficienter fundata. 361
- Ecclesiæ immunitas à realibus oneribus. 407
- Ecclesiarum debita veneratio facit, vt omnis sæcularium causarum processus, omnesque in ijs prolata sententiæ robore careant. 436
- Ecclesiastici prouentus quadrariam distribuendi. 36. & 390
- Ecclesiasticæ præfecturæ gradus. 96
- Electioinum Ecclesiasticarum regulæ. 417.418. & 419
- Eligebantur Episcopi à Clero, & populo suffragantibus alijs Prouinciæ Episcopis, & præfidente Metropolitanò, à quo & alijs saltem duobus Episcopis prouinciæ erant ordinandi electi. 50. & seq.
- Energumentis incumberebat officium verrendi Ecclesiæ pauimentum. 185
- Energumenis Ecclesiæ obtemperantibus Sacramentum Eucharistiæ ministrandum. 229
- Ephc-

Epheſina pro Eutychete latrocinantium Synodus. 234

Επιγνώμονες, ſeu cognitores. 39

Episcopum tametſi haud licitè, poſſe tamen validè ab vno ordinari Epifcopo probabiliùs eſſe monſtratur.

52

Epifcopi ſimul duo vnus ciuitatis eſſe vetantur.

59

Epifcopus intra alienos fines non poteſt quemquam ordinare, niſi de ordinarij loci licentia. 104 160.

228

Epifcopi, Presbyteri, Diaconi ab ipſis Eccleſiæ primordijs de facultatibus proprijs teſtamento diſponere poterant, non verò de Eccleſiaſticis. 104.

105. 270

Epifcoporum in aliam Eccleſiam translatio ſic prohibita, vt iidem ſic translati laica etiam communione priuati ſint, vide etiam.

106.97

Epifcopatus in vicis, & oppidis erigi vetantur. 109.

251

Epifcopi in aulam ire prohibentur ſine Metropolitanis, aut Synodi Prouincialis litteris formatis, aliòquin à fidelium communione excluduntur.

107

Epifcoporum inertium, aut ſuis cupiditatibus inferuentium reprobatio.

107.108

Epifcopus clericum alienum ordinare ſine proprij Epifcopi dimiſſorijs prohibetur.

110

Epifcopis alienum clericum ſuſcipere ſine commendatijs, aut teſtimonialibus litteris vetatur.

110

Epifcopus proprius, à quo vno ordinationes, vel dimiſſoriæ litteræ ſumebantur is olim erat, à quo primùm quis fuerat ordinatus, & certæ Eccleſiæ miniſterio addiſtus.

111. & ſeq.

Epifcopus nullus de crimine iudicari poteſt, niſi in Synodo Apoſtolicæ Sedis auctoritate conuocata.

159

Epifcopi poſſunt à quocumque iudicio prouocare ad Papam

- Papam ex Apostolica traditione, & Nicæni Concilij decreto. ibid.
- Episcopi accusatio, quæ fit à notatis censura, vel infamia reprobatur. 162
- Episcopatum diuersi in Ecclesia gradus, & sub alternantes potestates. 162. 163
- Episcopis vilis suppellex, & victus pauper iniungitur. Episcopo cura rei familiaris non decet. ibid.
- Episc. sine consensu Cleri res Ecclesiæ non alienet. ib.
- Episcopus sedens stare presbyterum non patitur. 179
- Episcopi sedes in Ecclesia sublimior. 179
- Episcopatum nouorum erectio non nisi ex Synodi Prouincialis decreto, & primatis consensu facienda. 316
- Episc. solus minister confirmationis ordinarius. 226
- Episcopus ne ultra tres à sui electione menses differat consecrari. 245
- Episcopi cathedra concionatoria ponebatur ad gradus sacri altaris. 252. & 253
- Episc. antiquitus intra Ecclesiarum septa tumultabantur. 257. & 258
- Episcoporum, & Abbatum iura circa Monachos discernuntur in Conc. Lateranensi 3. 260
- Episc. confratribus suis potestate oppressis, vt opem ferant, eumque præstent indemnem. 179. 280
- Episcoporum aulicorum exempla confratres Episcopos diuexantium, vt aulæ gratiam incant. 280
- Episcoporum officium circa pauperum, & quorumcumque per potentiores oppressorum tutelam, ac præsidium. 305
- Episcopus ex ordine regularium assumptus debet habitum gerere religiosum, 374
- Episcopus impedimenta post validè contractum matrimonium superuenientia dispensando potest remouere. 393
- Episcopus ex quo promotus est, omnia, quæ antea bene. ne.

- neficia habuit, amittit. 404
- Episcopis** summa incumbit sollicitudo prædicationis
verbi Dei. 471-472
- Episcopus** si absque urgente causa tribus mensibus, si-
ue continuis, siue interpolatis non residet, peccat
mortaliter, & tenetur fructus pro rata absentia re-
stituere. 472
- Episcopi** quid possint circa religiosos delinquentes. 473-474
- Episcopis** cura incumbit piorum locorum, & piarum
dispositionum. 474
- Episcopus** citari non debet ut per se compareat nisi ex
causa ob quam deponi meretur. 477
- Episcopus** ex iusta causa Parochias numero clérico-
rum ministrantium augere, aut pro vna plures con-
stituere potest. 479
- Episcopus** potest uniones perpetuas Ecclesiarum Pa-
rochialium facere. 479-480
- Episcopus** qua ratione possit minores Ecclesias trans-
ferre in matrices Ecclesias. 480
- Episc. electi** intra trimestre consecrationem suscipere
tenentur. 482
- Episcopus** qua ratione familiarem non subditum pos-
sit absque dimissorijs ordinare. 483
- Episcopi** possunt absolvere, & dispensare circa censu-
ras, & irregularitates ex occulto delicto præter ho-
micidium. 489
- Episcopi** sedes sublimis intra sanctuarium. 241
- Episcopis** iurisdictio plena competit circa clausuram
sanctimonialium quamvis exemptarum. 489
- Episcopalis** erga quoslibet exemptos, aut regulares
iurisditionis multa capita recensentur. 490. & seqq.
- Epiphani** cum Chrysostomo concertatio. 319. & 320
- Eremitæ** vagi, & liberi reducendi. 343
- Eremitæ** iugo soluti, & vagi. 241
- Euangeliorum** Codices in media Synodi reponi so-
li

- liti. 41
- Eucharistici Sacramenti reliquiæ pueris manducandæ
tribuebantur. 286. 287
- Eucharistiæ incruentum sacrificium. 64. 65
- Eucharistia non nisi à ieiunijs sumenda solo excepto
anniuersario vesperè dominicæ cœnæ. 215. 216
- Eucharistia simul atque accepta est, consumenda. 218
- Eucharistia multis sæculis ad manum dari, & in priu-
tas ædes transferri solita. 318. & 219
- Eucharistiam ex præcedenti ritu probatur sumi posse
sub vnica specie. 319
- Eucharistiæ Viaticum nemini pœnitenti, quamuis non
implete pœnitentiæ tempore denegandum. 132
- Eucharistiæ sacratissimæ asseruandæ quis olim locus.
455
- Eucharistia viris ad manum porrigebatur, fœminis au-
tem ad mundum linteum, quod alicubi dominicale
dicitur. 279. 280
- Eucharistiæ siue recipiendæ, siue alijs administrandæ
necessaria præparatio. 475
- Eulogiæ distribuebantur intra Ecclesiam non susci-
pientibus sacram Eucharistiam, idèoque die Paschæ
nullæ distribuebantur nisi cathecumenis. 138. 139
- Eulogiæ mittebantur etiam per domos ad absentes.
138
- Eulogiæ alicubi in azymo, alicubi in fermentato. 139.
140
- Eulogiarum in fermento primus author Melchiades.
138
- Eulogia ad amicos Christiani solebant transmittere.
144
- Eunuchi spontanei irregulares. 42
- Eusebius Cæsariensis Episcopus Arij præcipuus fautor.
29
- Eusebius alter Nicomediensium Episcopus Arianismi
studiosissimus. 29 32. Idem Beceti primùm Episco-
pus,

Index Rerum.

- pus, dein Nicomedie, postremo Constantinop. 133
 Eusebij Vercellensis Episc. gesta in secunda Mediolanen-
 si Synodo, eiusque per Arianos in eadem Synodo depositio, & exilium. 116
 Eustathius Antiochenus orationem gratiarum actionis in Conc. Nicæno ad Constantinum habuit. 36
 Eustathius Antiochenus Episcopus fraude Cesarientis Eusebij calumnijs per subornatam meretricem impetitur, & à conciliabulo Antiocheno depositus moritur in exilio. 85.86
 Eustathij ex Manichæorum colluie damnantur insignes errores in Synodo Gangrensi. 88
 Eutyches hæresiarcha. 231
 Eutychiana hæresis tres dioceses, seu Patriarchias diu infecit. 288
 Ἐξάρχαι dicebantur Orientis primates. 443
 Excommunicatio inualida non opus habet absolutione, aut appellatione. 54
 Excommunicatio ob præsens delictum requirit triplicem præmonitionem cum contumacia, sed si feratur contra futurum delictum solam requirit promulgationem. 405
 Excommunicatus in vno loco debet pro tali haberi, ubique se ille receperit, donec absoluitur. 54.55
 Excommunicatis communicans, quæ ratione excommunicationem incurrat. 402.403
 Exempli extra locum exemptum delinquentes possunt conuenire apud ordinarium, & ab eo iudicari, ac puniri. 425
 Exequiæ gentilium superstitiosæ. 19.20

F

- Fausti Abbatis Lirinensis cum Theodoro Episcopo Monasterium visitante concertatio. 259.260
 Faustus, & Cassianus Semipelagianorum principes. 275.

Index Rerum.

275. & 276

Felix II. ab Arianis Romanam in sedem intrusus, euadit postmodum legitimus Papa. 122

Firmilianus Cæsareæ Cappadocum Episcopus. 11. 15

Fidei propositiones multas Ecclesiæ tēpora posteriora definierūt, quibus antea refragari licuerat. 152. 153

Flauianus creatur Antiochenus contra Paulini partem Episcopus. 121. Idem pro Antiochenis apud ex-candescentem Theodosium intercedit, eumque placat. 122

Flauianus Constantinopolis Episcopus Eutychem hæ-resiarcham in Synodo damnat. 231. Idem pro fide exul, & martyr occumbit. 234. 235

Formatarum litterarum variz species. 195

Fontes olim pro Ecclesiarum foribus constituebantur.

359

Fortitudo gentium ex humana cupiditate, Christiano-rum verò ex Dei charitate, & Gratia proficiscitur.

278

Francofordienses patres multipliciter errarunt circa gesta Nicæna Synodi. 262

Fridericus Ænobarbus veniam petens Venetijs ab Alex-andro Papa III. absoluitur. 404

Friderici secundi perfidia, & grassationes aduersus Ecclesiam, eiulque tandem ab imperio depositio. 422. & seqq.

G

Gaudentius Ariminensis Episcopus decreta Ari-minensis conciliabuli damnans perimitur ab A-rianis. 129

Georgius Cappadox pulso ab Arianis Athanasio con-stituitur Alexandria Pseudo-Episcopus. 85

Gerbertus primum Rhemenfis, deinde Raunenensis, postremo sub nomine Syluestri secundi Romanus Epi-

- Episcopus.** 231
Germanus Constantinopolis Patriarcha imaginum,
sanctarum cultum propugnans deponitur, & exulatur. 411
Gotofredi Bulionij sacra expeditio. 346
Gradus consanguinitatis, aut affinitatis matrimonia,
impedientes reducuntur 423. 424. **Iisdem denuò re-**
ducuntur Tridentino. 485. 486
Gratiam Dei ad singulos actus esse necessariam ad be-
nè cogitandum, loquendum, & agendum. 216
Gratia Christi nostrum omne meritum præcedit, ac
præuenit, vtpotè salutis initium. 275
Gratia Christi de se efficax. 275. 276. **concurrit tamen**
cum libero arbitrio. 276
Gratia quoque in ipso statu innocentie necessaria fuisse
ad perseverandum. 278
Græcorum vsus circa Clericorum nuptias! 44.
45
Gregorius Nazianzenus indignè, ac iniuriosè abdicatur
Constantinopolitano Episcopatu ab iisdem se-
cundæ œcumenicæ synodi Patribus, qui ipsum pro-
mouerant; eique sufficitur Nestarius senex nondum
baptismo initiatus. 168
Gregorius Papa II. Leonis Isauri impietati se constanter
opponit. ib.

H

- Hæreticis solemne est, vt Catholicis falsa dogmata**
affingant, nec vnquam eorum fidem sincerè ex-
ponant, idque exemplis comprobatur. 277
Henricus II. Imperator Brunonem Tullensium Episco-
pum creat summum Pontificem. 395
Heuricus Imperator tertius Gregorio Papæ septimo
Antipapam opponit Guibertum Rauennæ Episco-
pum,

- pum, & à Gregorio Papa excommunicatur: 196.
 197.
 Henricus Imperator IV. Paschalem Papam secundum
 carcere includit, & ab eo sic detento iura inuestitu-
 rarum Episcopaliū retorquet. 398
 Hermenegildi principis martyrium. 285
 Heraclij cœthesis, seu edictum pro Monothelitis. 323
 Hieronymus primus scripsit aduersus Pelagij hæresim.
 200
 Hilarius Pi&auorum Episcopus dum pro fide exulat,
 Arianos oppugnat in pseudo-synodo Seleuciensi,
 deinde Constantinopoli apud ipsum Constantium,
 qui eum pertimescens in propriam remittit Eccle-
 siam. 139 & seqq.
 Hincmar Rhemenfis Episcopi nequitia dum sanctissi-
 mos Episcopos Rotaldum Sueffionum in Concilia-
 bulo Syluanc&ensi, & nepotem in proprium Hinc-
 marum Laudunensem in Conciliabulo Duziacensi
 de gradu deiecit. 180. 181
 Histriones, ac theatrici excommunicatione, & infamia
 notati. 27. 28
 Homo de se nihil habet præter peccatum. 278. 279
 Honorius Pontifex iure merito à Synodis œcumeni-
 cis, & à Summis Pontificibus damnatus. 2 38. &
 seqq.
 Hussitarum hæresis in Concilio Constantiensi proscri-
 pta. 449
 Hypostasys, & vsa? 155

I

- I**acobitarum hæresis ex Eutychianismo Monothe-
 lismus. 321. & seqq.
 Idolothytorum abstinentia quibusdam, non verò om-
 nibus fidelibus imposita ab Apostolis. 8
 Ieiunia Monachorum per anni decursum præscri-
 bun-

- buntur. 282
- Ieiunium quadragesimæ feriarum quartarum, sextarum, & Sabbathorum per annum. 148. & seqq.
- Ierolymitani Patriarchatus primordia, & progressiones. 414
- Ierolymitanus Episcopus in quibus præcellebat, & in quibus subdebatur Cæsariensi Metropolitano. 58
- Ignatius indignè à Barda pellitur è sede Patriarchali. 251. Reuocatur in pristinam Sedem ab Imperatore Basilio. 398. 369
- Imagines in Ecclesijs. ib.
- Imagines lasciue sub excommunicationis pœna vetitæ. 349
- Impedimenta legitimè contracta matrimonio superuenientia etiam per incestum primi gradus possunt Episcopi dispensatione amoueri. 391. 392
- Impedimentum matrimonij ex crimine adulterij cum mutua futuri matrimonij promissione. ib.
- Imperatorum Constantinopolis arrogantia intra ipsam Ecclesiam. 346
- Imperatorum religiosorum modestia inter sacros Clericos. 347. & seqq.
- Indictiones. 122. & 123
- Infallibilitas supremæ sedis in quo versetur. 298
- Infirmis subito obmutescentibus, aut in phrenesim lapsis, qua cautione absolutio dari possit. 183. 184
- Inimicitiam habentes ante Missam reconciliandi, aut peruicaces ab Ecclesia reiiciendi. 230. 231
- Ioannes Antiochenus Nestorio patrocinator, eique fauens schismaticum conciliabulum habet. 222. 223
- Ioannes Damascenus dum sacrarum cultum propugnat imaginum falsis accusationibus impetitur. 351
- 352
- Irene Imperatrix sacrarum Imaginum cultum restituit. 154

Index Rerum.

- Irregularitas ex adulterio vxoris . 23
 Irregularitatem antiquitus pariebat fornicatio . 24.
 44
 Irregularis erat quisquis ægrotans baptizabatur . 24
 Irregulares sunt spontanei eunuchi, & spadones . 42
 Iudæi ad fidem conuersi quas vsuras restituere teneantur, & a quarum restitutione dispensentur, declaratio Concilij Basileensis, & Pauli Papæ Tertij .
 440
 Iudæis permittere, vt Christianos vsuris diuexent nefarium esse, nec modo Concilio Viennensi, sed Diuino prorsus, & indispensabili iuri oppositum . 440.
 & seq.
 Iudex Ecclesiasticus potest suam interlocutoriam reuocare . 420
 Indicandus nemo trahi potest vltra vnam diætam extra dioccesim suam . 420
 Iudith liber non est ab Ecclesia in Canonem receptus, nisi longè post Nicænum Concilium . 133.
 134
 Iulianus Pelagianæ hæresis penè profligatæ patrocini-um suscipit contra Augustinum . 203
 Iulius Pontifex in Romana synodo Athanasium, aliosque ab Arianis exilio pullos restituit . 84

K

Kalendis Ianuarij cum biduo sequenti Gentiles Saturnalia, fideles autem Litanias, & ieiunia celebrare soliti . 282

L

Laborantes ab Ignatio, & Epiphanio commemorati fidelium cadauera curabant ad funus .

Index Rerum.

Laodicæna Synodus post Nicænam habita probatur.

134.

Lapsi Clerici licet reconciliati numquam in pristinum ordinis gradum restituebantur.

59. &

seqq.

Lapsi tamen Clerici aliquando per Synodicam dispensationem ob communem pacem restituti sunt.

59.

& seqq.

Latrocinantium Synodus Ephesina.

233

Lectio interponenda in Clericorum refectionibus.

342

Legati Episcoporum eodem ordine sedebant, & subscribebant, quo delegantes, si interfuissent Episcopi.

33

Legati Apostolici eundem locum supra Patriarchas tenent, quem teneret summus Pontifex.

34 35

Legati à Latere.

39

Legati Concilij Romani una cum Legatis Papæ missi ad œcumenicum Concilium.

343

Legi in Ecclesijs prohibentur alij, quam sacri libri.

151. 152

Leo Isauricus sacris imaginibus bellum indicit.

350

351

Leonis Papæ IX. insignis pietas.

396

Leontius Antiochenus Sacerdotio remotus, quia se fecisset eunuchum.

42

Liberius Papa sede sua deijcitur ab Arianis in Mediolanenſi Conciliabulo, & in Thracia exulat.

120

Liberius in Sirmiensi Concilio formulæ Arianorum, & Athanasij damnationi subscribens Romanam in sedem reuocatur ab Arianis.

124. 125

Libellorum à martyribus prodeuntium vsus reprobatus.

27. 28

Librorum sacrorum, aut sacrorum vasorum traditio.

ibid.

Lingux Hebraica, Chaldaica, & Arabica in primarijs

Index Rerum.

uniuersitatibus publicè docendæ .	442
Litterarum formatarum , seu canonistarum variæ species ,	195
Litteræ communicatoriæ , seu pacifiæ .	195.196
Litteræ dimissoriæ .	196
Litteræ commendatitiæ , seu testimoniales .	196.197
Litteræ Paschales .	197
Litteræ encyclicæ , seu circulares .	198
Litteræ commonitoriæ , seu memoriales .	198
Litteræ tractoriæ .	199
Litteras commendatitias expedire Episcopi pauperibus peregrinantibus non debent , sed solum pacificas .	244
Lucifer Calaritanus Paulinum creat Antiochenorum contra Meletij partem Episcopum .	120.121
Lucifer Calaritanus Episcopus sede sua deijcitur in Mediolanensi pseudo-synodo ab Arianis .	117
Luciferianorum schismatis origo .	154
Lucilla schismatis Donatistarum propagatrix .	25.26
Ludouicus Allemanus Basileensis Concilij præses in album sanctorum inscriptus à Clemente Papa VII.	388.389

M

M acedonius Semiarianus ab Episcopatu Constantinopolitano per Arianos deiectus nonam procudit hæresim contra Spiritum sanctum. 131.132. damnatur .	159.160
Macedonius Monachus ordinatur Sacerdos, dum nescienti, & non cogitanti manus ei à Flauiano Antiocheno imponitur .	189
Mandata de prouidendo , & expectatiuæ gratiæ abolentur à Tridentino .	489
Manuum impositiones olim in Ecclesia multiplices	184
Ma-	

Index Rerum.

Manuum impositio ad maiores ordines adhibetur apud Græcos, aliosque Orientales sine ulla instrumentorum traditione, ut neque apud veteres latinos. 186. & seq.

Manuum impositio nulla adhibebatur apud veteres latinos, sed sola instrumentorum traditio in minoribus ordinationibus, quod etiam nunc seruatur apud Græcos, aliosque Orientales ex ritibus ab Ecclesia latina approbatis. ib.

Marcellini Papæ lapsus qualis. 15. 16

Mariæ Virginis partus sine semine, & secundinis. 347.

348
Maria Virgo cum Ioanne Euangelista ex Iudæa Ephesum transmigravit, ibique reliquum vitæ exegit.

225
Martini Papæ fides, constantia, & martyrium. 324! & seqq.

Martyrum sepulchris honor deferendus. 90

Massilia sub Prouincia Viennensi. 28. 170.

171
Materiam Sacramentorum Christus instituit secundum rationem materialem, sed arbitrio Ecclesiæ reliquit rationem formalem. 191. 192

Maternus Agrippinensis Episcopus. 25. 26. 28

Matthias a discipulis electus diuino Consilio. 2

Matrimonia cum hæreticis quatenus licita, vel non.

136
Matrimonia neque in quadragesima, neque cum choreis celebranda. 151. 152

Matrimonia infidelium dirimuntur, ex quo altero coniugum conuerso ad fidem alter conuerti recusat. 307. 308

Matrimonio valido superuenientia impedimenta potest Episcopus dispensatione tollere. 391

Matrimonia clandestina irrita. 484

Matrimonia illicitè; sed validè contrahuntur coram

- inuito parrocho.* 485.486
Maximus Arelatensis Episcopus. 26.28
Maximi Monachi fides, cruditio, & gloriosa confessio.
325
*Maximus Treuirorum Episcopus Athanasium exilio
damnatum excipit.* 82.83
*Maximo Cynico abrogatur Episcopus Constantino-
polis in secunda Synodo.* 162
Medicorum circa ægrotos officia. 416
*Mediolanensia Concilia duo, primum Orthodoxum
sub Constante, alterum Arianorum sub Constantio.*
113.114. & 116.117
*Meletius creatur ab Arianis Antiochenus Episcopus,
qui statim miro modo conuersus Christi Diuinita-
tem, & communem eius cum Patre substantiam præ-
dicat.* 120
Meletij Antiocheni obitus in vrbe imperiali. 169
Metropolitanorum veteres prerogatiue. 50.54.58.59.
95
*Metropolitanis ius visitandi in suffraganeorum Epi-
scoporum diocesibus ademptum.* 375. & seq.
*Missam audientes fideles numquam adstricti fuerunt
necessitate communicandi præter solos altaris ad-
ministratos.* 97. & seq.
*Missæ in Orientalibus Ecclesijs tota quadragesima non
celebrabatur, nisi diebus Sabbathis, & Dominicis.*
147.344
Missarum celebratio in ædibus priuatis. 151.152
Missæ audienda in propria parochia. 230 & seq.
*Missæ olim ieiuniorum diebus celebrari solita post ho-
ram à meridie secundam.* 282. & seq. de die verò an-
niuersaria cœnæ dominicæ etiam ineunte nocte.
215. & seq.
*Monachi Ecclesias, aut Monasteria iniussu Episcopi
construere prohibentur.* 241
Monachi vt sint Episcopis subditi, & morigeri. 170.171
Mo-

Index Rerum.

- Monachorum cum monialibus colloquia qualem exigant præcautionem. 361
 Monasteria virorum, & fœminarum duplicia, aut cohærentia prohibentur. ibj
 Monasteria fieri sæcularia prohibentur. 245
 Monasteria virorum, & fœminarum diffita sint. 269
 Monasteria pacisci possunt de alimentis eius, quæ in monialem postulat se admitti. 421. 422
 Monasticę vitæ olim multi quoque inuiti ex aliena voluntate, & factò adstringebantur tota vita. 364. & seq.
 Montes pietatis declarantur liciti, & contradicentes excommunicantur. 467. & seqq.

N

- N**Arthes erat statio pœnitentium audientium. 241
 Nauiſ *ναῦς* seu gremium Ecclesiæ, muro intermedio in longum ducto, continebat abinuicem separatos viros, & fœminas. 247
 Neophyti non admittendi ad ordines. 43
 Nestorij hæresis, exilium, & infausta mors. 223
 Nicænæ primæ Synodi Canonum numerus non satis compertus. 69. 70
 Nicænæ Synodî octoginta Canones Arabici à cunctis schismaticis Ecclesijs toto Oriente recepti. 72. & seqq.
 Nuptiæ cum hæreticis quatenus licitæ, vel non. 136
 Nuptiæ neque in quadragesima, neque cum choreis celebrandæ. 151
 Nuptiarum specialia, & abstinentiæ ciborum Ecclesiastica præscripta quam procul Manichæorum, & Eustathianorum delirijs distent. 90. 91

O

- O**blatio panis, & vini à fidelibus ad altare facienda. 138.139.286
- Officij deuotè recitandi obligatio. 418
- O^{μνοια} Verbi cum Patre post Nicænum astringitur, & in Constantinopolitano. 160
- Opiniones in rebus scientiæ probabiles. 392
- Orarium aliquando pro stola, aliquando pro linteo, quo sacra Eucharistia excipiebatur. 143.144
- Ordinandorum qualitates, ætas, interstitia. 482 & seq.
- Ordinandus nemo, qui priùs hæreticos domesticos non conuerterit. 214. & seq.
- Ordinandus quispiam non est, nisi cum titulo, aut patrimonio, alioquin ab ordinatore Episcopo alendus, aut eius successore. 404. & seq.
- Ordinari in Clerum prohibentur procuratores, tutores, negotiorum gestores, nisi post reddita, & soluta ratiocinia. 108
- Ordinationum materiæ, & formæ immutabiles institutæ sunt à Christo secundum genus, ab ipsa Ecclesia secundum speciem diuersimodè, ac mutabiliter determinantur. 387. & seq.
- Ordinationum interstitia. 131
- Ordinationes faciendæ cum consilio Cleri, & testimonio populi. 177
- Ordinati primum Clerici certæ Ecclesiæ ministerio alligabantur, à qua discedere non erat eis liberum. 113
- Ordines minores ab antiquis recensiti. 175
- Ordines octo distinctè commemorati in Concilio Romano sub Papa Syluestro. 75.76
- Orientis apud veteres triplex significatio. 56. & seqq.
- Orientis præfectus, & sub isto Orientis comes qualnam

Index Rerum.

- nam regebant prouincias . 57. & seqq.
 Orientem spectabat Sacerdos sacrificans facie ad populum versa: populus autem Occidentem spectabat orans versus altare . 251.252
 Origenes damnatur primùm à suo Episcopo Demetrio Alexandrino . Deinde in Synodo à Theophilo Alexandrino conuocata . Tertiò ab Anastasio Romano Pontifice . Quartò à Gelasio Papa in Romana Synodo . Postremò à quinta Synodo . 295.297. & seqq.
 Origenis errores præcipui recensentur . 490. & seqq.
 Origenes postquam se spontè fecit eunuchum , ordinem suscepit Sacerdotalem : ideòque à Demetrio Alexandrino priuatus est usu Sacerdotij , & à Clero exclusus . 43
 Osculum apud fideles in Ecclesijs vsitatum . 142
 Osius Cordubæ Episcopus Synodo Eliberinæ subscribit . 17. Constituitur à Syluestro Papa Legatus ad Constantinum , & in Orientem . 30. Alexandriæ Concilium in causa Arii , & Sabellij , & Meletianorum conuocat . 30. Nicæno Concilio , vt Legatus Apostolicus præstet . 31. Sardicensi quoque Synodo præsidet . 33
 Et Gangrensi . 33
 Osius Cordubensis missus Sirmium in exilium . 118
 119
 Idem formulæ hæreticorum lapsu deplorando subscribit in Sirmiensi conciliabulo . 82
 Ousia, & hypostasis . 155.156

P

- P**allij autoritas, & vsus . 473. & seqq.
 Pallium olim vestis genus ad strictioris vitæ professionem . 89 90
 Pallij descriptio ex Tertulliano . 60

Index Rerum.

- Papa Romanus olim dictus Episcopus Episcoporum . 2
10
Papæ cognitores . 34
Papæ reseruanda est ab inferioribus Episcopis , & Synodis maiorum , aut difficiliorum causarum iudicium . 167
Papa iudicari à Concilio in duobus casibus potest . 360
Papa supra omnes tenetur inuigilare sacrorum Canonum obseruationi . 467
Papæ electio non valet nisi fiat à duabus saltem Cardinalium partibus . 404
Paræci, ac Paroeci . 92
Parochiam intra propriam singuli Missam audiant . 230. & seq.
Parochis portio congrua attribuenda . 420
Pascha die Dominica celebrandum . 27
Pastophoria duo ad sanctuarium hinc inde posita . 394
Patarenorum hæreses . 406. & seqq.
Patriarchalium sedium ordo, & priuilegia . 413
Paulinus Treuirorum Episcopus sede sua deponitur ab Arianis in pseudo-synodo Mediolanensi . 117
Paulinus Treuirorum Episcopus pro fide ab Arianis mortem oppetit . 131
Paulus Alexandro Constantinopolis Episcopo, successor datur, sed ab Arianis sua sede deijcitur, & tandem exul in carcere fame frigoreque penè exanimis ab Arianis Cucusi strangulatur . 87
Paulus Antiochenus hæresiarcha . 14. Eius iudicium remissit Ethnicus Imperator Dionysio Papæ . 15
Pœnitentes publici non reconciliabantur nisi peracto tempore pœnitentiæ præfixo . 63
Pœnitentes simul, ac reconciliati fuerant, Eucharistiæ participes fiebant . 64
Pœnitentes in mortis articulo reconciliati si conualesce-

- ſcebant , interruptam pœnitentiam proſequi tene-
bantur. 64
- Pœnitentes à Clero in perpetuum arcebantur . 181.182
- Pœnitentiæ publicę fiebant etiam propter occulta de-
liſta . 62.63
- Pœnitentiæ publicę obnoxia deliſta . 64
- Pœnitentium ordines quatuor, ſilentium, audientium ,
proſtratorum, conſitentium . 61.62
- Pœnitentium priſcorum habitus . ib.
- Pelagius hæreſiarcha . 199. Accuſatus ab Erote Arela-
tenſi , & Lazaro Aquenſi Episcopus in Synodo Dio-
ſpolytana improuidè abſoluitur . ib.
- Pelagius, & Cæleſtinus damnantur à Romanis Episco-
pis Innocentio , & Zoſimo , & à quatuor Africanis
Concilijs . 200.& ſeq.
- Pelagij hæreſin damnantes Canones octo , editi qui-
dem fuerant in Conc. Mileuitano , & poſtmodum
confirmati in Conc. Africę plenario Carthagine
conuocato . 201.& ſeqq.
- Penſio clericalis aſtringit ad quotidianam Officij par-
ui B.M.V. recitationem . 463
- Percutientes Clericum , aut Monachum excommuni-
cantur ab Innocentio II. in Lateranenſi Conc. 402
- Periodutz, ſeu viſitatores . 151
- Petrus Gnaphæus , ſeu Fullo Eutychianus ſedem An-
tiochenam occupat.289. Idem hæreſin Theopaschi-
tarum induxit . 321.322
- Petrus Moggus Eutychianus Alexandrinę ſedis inua-
ſor . 288.289.321
- Philippenſis Arianorum pseudo-Synodus ſibi nomen
Synodi Sardicenſis arrogauit, & cum Donatiſtis fe-
dus iniit . 107
- Philippus I. Gallię Rex ob eumentitum cum Bertrada
pellice coniugium, à duobus Gallicanis Conc. Oſtien-
ſi, & Claromontano excommunicatus . 193.

Index Rerum .

- Philippus quoque Augustus, simili de causa in Synodo
 Diuionensi suppositus interdicto cum vniuerso re-
 gno fuit. 196
- Photinus hæreticus Sirmij Episcopus damnatur in
 tribus Synodis, Sardicensi, Mediolanensi, Sirmensi .
 123
- Photinus damnatur in Concilio generali . 160
- Phorius resumpto post Ignatij mortem Episcopatu ,
 Synodum propria authoritate conuocauit , quam
 Græci schismatici loco octauæ œcumenicæ obtru-
 dunt . 375
- Photius post Ignatij obitum recuperat Constantino-
 politanum Episcopatum , sed iterum eiicitur à Leo-
 ne Philosopho . 374-375
- Photius intruditur à Cæsare Barda in thronum Eccle-
 siæ Constantinopolitanæ. 368. Deijcitur à Basilio, à
 quo & Ignatius reuocatur . 368.369
- Picturæ lasciuæ sub excommunicationis pœna prohi-
 bitæ . 309.310
- Polychronij Sacerdotis Monothelitæ, dementiæ editum
 specimen in sexta Synodo . 426.327
- Πολις αὐρίον insigne dignitatis primatum Orientis. 164
- Populi quidem testimonium , aut etiam preces plerū-
 que adhibebantur ad minorum Sacerdotum, & cle-
 ricorum ordinationem; minimè autem suffragia ,
 præterquàm in electione Episcoporum . 136.137
- Portæ olim in Ecclesia hinc ostiarijs , hinc diaconissis
 commissæ . 247.248
- Portæ aliæ quatuor in ambone, duæ speciosæ , & duæ
 sanctæ sub hypodiaconorum cura . 249
- Pocainon Heracleæ Aegypti Episcopus pro Athanasio
 aduersus Cæsareensem Eusebium constanter loqui-
 tur . 80.81
- Prahmatica sanctio aboletur , ei que subrogatur con-
 cordatum . 469.470
- Præceptorialis præbenda in cunctis Cathedralibus
 Ec.

Index Rerum.

- Ecclesijs. 395.396.& 414
 Prædestinatio non cadit sub meritum, neque perseue-
 rantia donum. 276.& seqq.
 Prædestinatio creaturæ in æterno, & immutabili Dei
 proposito gratuito planè fundatur. ibid.
 Prædestinationorum nomen à Semipelagianis attribu-
 tum discipulis Sancti Augustini. 279
 Prædestinatur nemo ad malum. 278
 Prædicandi verbi Dei summa sollicitudo Episcopis in-
 cumbit. 471.472
 Prædicantibus Dei verbum quænam euitanda, & ca-
 uenda,& quænam sedulò seruanda. 469.470.
 Præfectorum Imperij distributiones,ac limites.97.98.
 Præpositi, & Decani, & Archipresbyteri Sacerdotio
 initiari tenentur intra annum. 400
 Præscriptio nulla valet,vbi mala fides interuenit. 420.
 421
 Primatum aliquot Orientis dinumeratio. 163.164
 Primatum priuilegia præcipua. 164.165
 Primatibus Occidentis rariùs permittebatur conse-
 cratio aliorum Episcoporum, quàm propriæ pro-
 uinciæ, idque exemplis probatur Arelatensium pri-
 marum Patrocli,& Hilarij. 165.166. Et ex litteris
 Hormisdæ Papæ ad Sallustium Hispalensem, & ad
 Remigium Remensem, & Vigiliij Papæ ad Aurelia-
 num Arelatensem, & Gregorij Magni de Virgilio
 pariter Arelatensi. 166.167
 Principibus sæcularibus authoritas abrogatur circa
 Episcoporum electionem. 377
 Prisciliani hæresis magicis præstigijs,& scædissimis libi-
 dinibus infamis. 217
 Probationes occultorum scelerum vulgares, aliquan-
 do vsu receptæ,& canonibus approbatæ,sed postmo-
 dum omninò vetitæ. 389.& seqq.
 Proculus Massiliensis indebitè Metropolin secundæ
 Narbonensis Prouinciæ occupat manifesto Taura-
 nensis

Index Rerum.

- nenſis Concilij favore. 170. 171. At Zoſimus Papa illum hac uſurpatione deturbauit. 171
- Πρόναος templi veſtibulum, in quo verſabantur ſtentes. 146. 147.
- Πρόπτυγαςμένα, ſeu præſanctificata quid ſint. 146. 147.
- Προφορά & Προσφέρειν apud Patres Græcos ſacrificium, & ſacrificare ſignificant. 120
- Πρόσκλαυσις locus ſtentium ante valuas Eccleſiæ. 247
- Πρόδειξις, menſa quæ & Diaconium ubi ſacra vaſa, & panes parabantur à Diaconis ad ſacrificium. 251. 252
- Publicæ honeſtatis impedimentum reducitur ad primum gradum. 487. Quibus circumſtantijs locum habeat, vel non. 487. 488
- Pyrri Monotheliæ relapſi ſcripta à Theodoro Romano Pontifice damnati, adhibito Chriſti de calice ſanguine. 325

Q

- Q**uadrageſimale ieiunium. 148. 149. & 273. & 274
- Quadrageſimalis ieiunij reſectio erat cœna poſt ſolis occaſum: in cæteris autem per annum ieiunijs reſectio ſumebatur poſt tertiam à meridie horam. 283. & ſeqq.
- In Quadrageſima fideles Orientales, neque ſacrificabant, neque vlla feſta celebrabant, niſi Sabbathis, & Dominicis diebus.

T

- R**ebellio ſubditorum in Regem anathemate puni-
tur. 308
- Reformatio Monafteriorum per capitula, & Viſitationes. 415
- Regaliæ ius ſupra vacantes Galliæ Eccleſias. 245. 246.
- Religioſorum noui ordines prohibentur. 415

Re-

Religiosi extra Monasteria delinquentes possunt ab Ordinarijs puniri. 483

Religiosus reclamans contra factam à se professionem quibus circumstantijs audiendus sit, vel non. 489

Rheticus Augustodunensis Episcopus. 25.29

Residentia Episcoporum, & Beneficiariorum. 482.483

Ritualium sub nomine libellorum officialium antiquus vsus, & commendatio. 305

Rodanius Tolosatum Episcopus pro fide exul, & martyr ab Arianis morte afficitur. 131

Rogationum antiquus vsus, & institutio. 274

Romanum Concilium præfide Damaso. 158

Z

S Abbathis Romana Ecclesia ieiunabat. 148

Sabbathorum ieiunium Orientis Ecclesiæ damnabant. 149

Sabellij dogma in Synodo Alexandrina damnatum. 30.155

Sabellius heresiarcha damnatur in generali synodo. 160

Sacerdotes olim per vices & sacrificabant, & de manu sacrificantis communicabant. 263

Sacerdotum confessus in imo sanctuario. 252

Sacerdotibus olim non licebat publicè in Ecclesijs benedicere. 270

Sacerdotibus in itinere occurrentibus cuiusmodi honor deferendus à laicis. 287.288

Sacramentorum materiz, & formæ immutabiles institutz sunt à Christo secundum genus, sed ab Ecclesia secundum speciem determinantur variabiliter. 384

& seq.

Sacristia olim secretariū, & pastophoriū, & *σχενοφύλακτον* dicta. Ipse verò Sacrista ædituus, & *σχενοφύλαξ*. 253

Sanctimoniales. V, Diaconissæ.

Index Rerum :

- Sanguine fideles religiosè abstinuerunt octo , vel amplius sæculis .** 88.89
- Sanguine ipso Christi de sacro calice bis conscripta hæreticorum condemnatio Pyrrhi scilicet , atque Phorij .** 325.326
- Saracenorum sub Mahumeto duce incursiones .** 409
- Sardicense Conc. Patribus Africanis ignotum .** 312
- Sardicense Concilium vnum , idemque cum Nicæno habitum .** 214
- Satisfactio pro qualitate delictorum iniungenda .** 136
- 309
- Satisfactio integra olim persoluenda erat , antequàm pœnitens ad Eucharistiæ communionem admitteretur .** 136
- Scenici,& histriones excommunicati,& infames .** 28
- Scenicis spectaculis interesse prohibentur clerici .** 151
- Schismatis ortus , & progressus ex electione Urbani VI. & Clemens VII. .** 443.& seqq.
- Secretarij diuersa significata .** 355
- Secretarium Græcè *ισπαριών* sanctissima , & intima Ecclesiæ pars , quæ & sanctuarium dicta .** 250
- Secretum Consistorij Cardinalium quisquis violat, ipso facto excommunicatur,nec potest nisi à Papa absolui .** 468
- Semiariani, qua in re ab Arianis absolutis diffidebant .** 126. & seqq.
- Seminaria Clericorum instituendorum .** 304
- Seminariorum erectio præcepta,& priuilegijs communita .** 483.484
- Semipelagianos post Augustinum refellunt scriptis eruditis Prosper, & Fulgentius .** 203.204
- Sepulturæ intra Ecclesiam solis olim martyribus destinabantur ; reliquis fidelibus sepultura dabatur in cœmeterijs .** 257.258
- Sessionis Patrum ordo quisnam in Nicæna alijsque Synodis .** 37.& seqq.
- Se-

Index Rerum.

Seuerus Eutychianus hæreticus occupata Antiochena sede , omni crudelitate grassatur in Orthodoxos .

289

Sigiberti Monachi schismatici fabula de attributa Carolo Magno , eiusque successoribus facultate Romanos Pontifices eligendi, quam Gratianus in suo decreto minùs prudenter inseruit. 433. 434

Sigismundi Imperatoris summa pietas, & diligentia, in extinguendo trium Pontificum schismate. 446

Sinistra pars in Ecclesijs honoratior , quàm dextera .

38. 39

Solea in Græcorum Ecclesijs intermedius locus inter ambonem, & sanctuarium. 249

Sors iacta super Apostolatu Matthiæ diuini consilij opus fuit. 2. & seqq.

Sortium vsus frequens & in scripturis , & in iure civili. 6

Sortium genera tria. 7

Spiritus sancti ex Patre, Filioque processio, quando, & à quibus impugnata per filij exclusionem. 451. 452

Spolij Ecclesiastici ius. 105

Stantes orabant fideles dominicis diebus. 69

Studitarum Constantinopoli Collegium. 351

Subdiaconis quatenùs prohibetur, aut permittitur sacra vasa contingere. 143

Subdiaconatus non est sacer ordo, nisi ex Ecclesiastica, eaque recentiori institutione. 174. & seqq.

Subiectionem habendam iniustis inuasoribus quamdiù illos Deus dominari permittit , demonstratur multorum sanctorum exemplis. 262

Symbolo Constantinopolitano cur addita vox (Filioque.) 167

Synodi antiquitùs ex Canonum præscripto bis in singulis Prouincijs coram Metropolitano habebantur.

54

Synodos duas Romanus Pontifex quotannis habebat ,

vnam.

Index Rerum.

vnā Prouincialem conuicinorum Episcoporum ,	
alteram totius Italiæ cum Sicilia .	13
Synodus nulla inuito, aut inconsulto Romano Episcopo conuocari legitimè potest .	105
Synodorum subordinatio , vt à minoribus ad maiores Synodos reuocari queat .	166. 167
Σύναξις vltimus pœnitentium ordo .	2488

T

T emplariorum scelera quibus extingui meruerunt indicio œcumenicæ Synodi .	437. & seq.
Terrulas quasdam Ecclesiæ potest Episc. sine aliorum consilio alienare ex causa euidentis necessitatis .	270
Theatrici , ac hiltriones excommunicatione , ac infamia notari .	27
Theodorus Mopsuestæ Episc. scriptis libris Nestorianę heresi pręlusit, ideòque damnatus in quinta œcumenica Synodo vnā cum Iba Edesiæ, & Theodosio Cyri Episcopo .	290
Theodorus Cæsareæ Cappadocum Episcopus Origenista , & Acephalorum sectarius Iustinianum vrget ad trium capitulorum damnationem ,	292
Theophilus Alexandrinus Chrysostomum damnat in Conciliabulo intra ipsius Chrysostomi diœcesin fauente Imperatrice Eudoxia conuocato .	297. 298
Theologalis prębenda .	417
Timotheus Alexandrinus ad Synodum Constantinopolitanam iam inchoatam adueniens omnia perturbat, & Greg. Nazianz. abdicari curat .	167
Timotheus Ælurus occisi à se Proterij Patriarchę Alexandrini sedem violentus inuasit .	27
Titulos superbos auersatur Ecclesia .	214
Traditiones Apostolicæ scripturis assertæ , Concilijsque, & veterum patrum testimonijs firmatæ .	98. & seqq. & 371

- Translatio Episcoporum, & Clericorum in alteram
Ecclesiam prohibita. 66 In quo tamen aliquando ex
iusta causa olim multoties dispensatum. 67. 68
Translatio minorum Ecclesiarum in matrices Eccle-
sias quando, & quomodo facienda. 436
Trinitas, & Vnitas in Deo, quomodo intelligenda.
414. 415
Treuiri sedes olim Vicarij Galliarum. 100
Trium capitulorum damnationi non acquiescentes,
alii schismatici erant, alij minimè. 299. & seq.
Tonsura initiandorum qualitates. 43
Tyri Conciliabulum aduersus Athanasium. 80. & seq.

V Alens, & Vrsatius contra datam fidem relapsi. 114

- Veſtes aliquæ ſpeciales quatenus licitæ, vel non. 89
Vicariæ, ſeu diœceſes Imperij, & Eccleſiæ. 98. &
ſeq.
Vicariorum Romani Pontificis varia discrimina. 39.
& ſeqq.
Viennensis Prouinciæ ciuitates. 28. 170. 171
Vigilius Papa obſtitit primum trium capitulorum
damnationi; deinde metuens grauiora Eccleſiæ
damna conſenſit. 93. 300
Vnctio Regum. 345. 346
Vnctio in Baptiſmo qualis apud Orientis, & qualis
apud Occidentis Eccleſias. 75. 76
Vnio beneficiorum tam parochialium, quàm ſimpli-
cium fieri ab Epifcopo ex cauſa poteſt. 479. 480
Vnio decerni poteſt beneficiorum non vacantium, ſed
executio differtur uſquedum vnum vacat. 480
Viſitatio Prælati quamvis probetur ſuſpectus, non po-
teſt recuſari, ſi intra viſitationis terminos ſe conti-
neat, nec proceſſum inuoluat. 476

Viſi-

Index Rerum.

Vifitationis Episcopalis præscriptæ regulæ .	435.436
Vitzæ, ac hiftoriæ Sanctorum ab omni falſitate expurgandæ .	344
ὁμολογητικὸς ordo pœnitentium proſtratorum .	248
Vſia, & hypoftaſis .	155

X

X Erophagia quid ſit . 148. Ab Orientalibus etiam nunc religioſè ſeruatur .	149
--	-----

Z

Z Enonis Imperatoris impium ediſum Henoticon vocatum .	319.320
---	---------

F I N I S.





